



BIBLIOTECA NAZ.

Vittorio Emanuele III

XXVIII

G

62

XVIII

62





CORNELII
JANSENII
SYSTEMA

RECEIVED
JAN 10 1900
LIBRARY

2

CORNELII
JANSENII
YPRENSIS EPISCOPI
SYSTEMA
DE GRATIA CHRISTI

Methodice, expositum, & Theologicè
confutatum

SECUNDIS CURIS
R. P. FR. FORTUNATI A BRIXIA
ORD. MIN. REF. PROV. BRIXIÆ.
Opus Posthumum.

*Ecce rescribo vobis, & licet jam non vobiscum, tamen etiam
per vos adhuc ago, quod me satis egisse credebam.*

S. Aug. de Prædest. Sanct. Lib. i. cap. i.

*Ad m. D. D. Fr. Franc. ab Olla speculat. (concl.)
J. Jansenii
S. Anthonii Carmeli*



MATRITI: Ex Typographia Ven. Mat. Mariæ a Jesu
de Agreda. Ann. MDCCLV.



REVERENDISSIMO PATRI
P. PETRO JOANNETIO DE MOLINA
MINISTRO GENERALI
TOTIUS ORDINIS MIN. S. P. N. FRANCISCI,
&c. &c.

P. F. CAROLUS A GOLLEONO
Reformata Provincia Brixia,



UOD Librum hunc posthumum
Clarissimi Patris Fortunati a
Brixia secundis curis, summa-
que diligentia elaboratum, nunc
autem me curante typis impres-
sum, Tuo maxime nomine in-
signiri R.^{me} Pater, atque pro-
regi curaverim, multiplex quidem me causa im-
pulsit. Optime noveram in primis, opus hoc, illius

hominis esse, qui, si hactenus superstes (utinam vero adhuc ille esset!), quamquam de veteris amplissimi sui Mæcenatis amissione, a quo unice semper diligi, atque foveri consueverat, quin graviter doleret minime posset, attamen opportunum nactus Tua in humanitate solatium, vix tibi quidquam arbitror præsidii, suisque rebus, exinde deesse sentiret, hancque meam, de Tui captanda tutela, sollicitudinem, nedum ea, qua ipse in Te erat observantia, probaret libentissime, verum etiam, ea, qua in me poterat, auctoritate, expresse mandaret. Id unum R.^{me} Pater, quod conjectura modo assequutus pronunciaui, tanti apud me est ponderis, ut nisi hoc grati animi officium ipsius memoriæ præstarem, fidem meo Præceptori, & amantissimo Patri fregisse, conscientia perpetuo reprehenderet me mea vehementer, ac si viventi, jubentique nequaquam obtemperassem, cui ceteroquin solemne mihi semper, ac dulce fuit ad apicem obsecundare

In hac vero mei conjecturandi ratione consensuros omnes, eo vel maxime confido, Pater R.^{me}, quod neminem ignorare posse putem, quanta Tu quoque benevolentia, quoad vixit, persequutus illum fueris, quantique feceris, quem non modo diu litterario commercio dignatus es, Tibique tandem in amplissimo munere a Secretis esse curasti, verumetiam immaturum ejusdem inexpecta-

cta-

(III)

statumque interitum adeo doluisti, ut animi Tui
notissima fortitudo omnem doloris sensum non
valuerit dissimulare. Neque id quidem immerito,
cum præsertim optime nosses, ut innocentissimis
moribus, doctrinaque non vulgari polleret, qua-
propter totius Ordinis nostri, ac Reipublicæ lit-
terariæ existimationem sibi promeruerat, quemad-
modum, cum ex litteris plurium Virorum, erudi-
tione, & dignitate Eminentissimorum, ad cum
datis, honoris laudisque plenis, colligitur; tum
vel maxime ex illa, qua nuper a Summo Optimo-
que vivente Pontifice decoratus fuerat, ad ince-
ptum Theologicum curriculum complendum hor-
tante, suamque ob id protectionem, gratiamque
pollicente. Quis propterea in hac, quam suscepi,
provincia, me damnabit audaciæ, quem ex socio
gravissimi officii, ejusdem intuitu, ac meritis, li-
cet imparem oppido viribus, successorem voluisti,
tanta profecto humanitate, comitateque dignatus,
ut nullam absque turpissima ingrati animi labe
occasionem negligere possim, qua, quantum Tibi
debeam, publico aliquo valeam monumento te-
stari?

Verum quamvis hæc Authoris, meique ra-
tio, validissima fuerit, ut librum hunc Tibi nun-
cupatum in vulgus ederem, accedit, R.^{me} Pater,
hujusmodi lucubrationes, etsi publici judicii pe-
riculo, vivente Authore, perfunctæ laudabiter
4 jam

jam sint, ac sine metu rursus possint prodire, valido nihilominus alicujus summi Ecclesiastici Viri patrocínio indigere, quo protectæ, & obloquentium cavillationes eludere, & declaratorum hostium, quorum in dies crescere videtur jam numerus, conatus, furentesque impetus valeant profertere. Incredibili propterea animi voluptate perfundor, quod recusum jam videam, faustissimis, quæ gaudens, gestiensque in fronte præfert, magni Tui nominis auspiciis impetratis. In te enim vero, & stirpis nobilissimæ prærogativam, & supremam Ordinis dignitatem, & virtutes omnes pulcherrimo ordine, ac miro prorsus modo collectas conspicio; quæ sane attendi præsertim a Scripto-ribus solent, quoties in suarum Incubrationum subsidium, decus, & ornamentum, de optimo eligendo Patrono meditantur. Re quidem vera, nonne Tu Petrus ille Joannetius, inclytæ augustæque Joanniorum stirpis felicissimum germen, quæ Orientales olim plagas, inde universam pene Europam, demum Hispaniarum Regnum, & suprema dominatione, & Romanorum armis Præfectura, & rerum præclare ubique gestarum amplitudine illustravit? Firmissima id docent monu-menta (1), nulla invidorum temporum serie inter-

(1) Apud P. Franciscum Diago prima Parte Annalium lib. 7. pag. 377. & Philippum Bergamum in supple-mento sui Chronici universalis lib. 2. pag. 236.

terrupta. Verum si proximiores percurramus æta-
 tes, nobilissimæ tuæ stirpis splendores nobis elu-
 cescunt magis magisque. Vix etenim fuit a quin-
 gentis annis in Regno Hispaniæ tam nobilis Terra
 Marique suscepta expeditio: vix ullus tam urgentis
 belli contra hostes motus exercitus, cujus Archistrā-
 tegi ex Domo Joannia, non primam semper victoriæ
 palmam retulerint: vix unquam solemni pompa ad ex-
 teros Reges, & Principes a Regibus Aragonia legatio per-
 acta fuit, quæ non ad istiusmodi munus cum digni-
 tate, & Regii nominis existimatione peragendum,
 unum ex Joannia Domo peridoneum insolito selecta
 proposuerit. Hispaniæ Monarchæ agre alios, quam
 ex generosa hac progenie Viros, tum ingenio prom-
 ptos, tum fide, & integritate notos, Regiæ domus ma-
 gni ponderis munia selegisse leguntur (2). Ita olim
 unum ex Tuo genere præstantissimum Virum An-
 tonium Joannium Marchionem de Centellas Kir-
 cherus est alloquutus. At si mihi Te alloqui mo-
 do liceret R. me Pater, asserere minime dubita-
 rem, utique Te generis priscam nobilitatem a
 vulgo quammaxime secernere, Majorum præcla-
 rissimorum famam Te plurimum commendares
 præsertim vero Michaelis Juan Ducis exercituum
 Zenonis Imperatoris, qui eo defuncto, unanimi
 Imperii consensu, totoque populo plaudente in
 Im-

(2) Athanasius Kircherus Soc. Jesu, in sui Archetypi
 politici dedicatoria.

(VI)

Imperatorem electus est, & in Templo S. Sophiae die 22. Novembris (3) anno 820. coronatus; inde Sebastiani itidem Juan, ejusque filii Petri, qui Ducale Reipublicae Venetae Solium saeculo duodecimo tenuere, & horum primus Alexandrum III. Pontificem profugum (4), Friderico Imperatore debellato, suae Sedi restituit; ac demum, ne infinitus sim, Clarissimus ille Honoratus Joannius Caroli V. Imperatoris Aulicus, & Episcopus Oxoniensis, Vir omnigenae eruditionis, cui Philippus II. Rex Catholicus Filium suum Carolum instituendum tradidit, pluribusque Epistolis (5) honorificentia, ac speciali dilectione plenis commendavit, nonne Clarissimum Joanniorum nomen (6), stirpisque tuae

(3) Ignatius eorum temporum Scriptor apud Baronium tom. 9.

(4) Sansovinus in lib. de Origine Venetorum: ex quo sumptum Epitaphium Ducis Sebastiani Ziani, sive Zuannii, citat Cl. Cornelius *Frangipane*, in sua adversus Baronium Allegatione n. 17. edit. Helmstat.

(5) Kircherus sui Archetypi lib. 2. sec. 2. cap. 4.

(6) Clarissimus Cardinalis Reginaldus Polus Honorato Joannio amico suo scribens, super ipsius ad Episcopatum promotionem, & Regii Principis institutionem, epistolam sic concludit: *Vale & in erudiendo Regio isto Regiae indolis puero, Nomen Tuum, Cognomenque Tibi propone, & sequere.* Apud Kircherum ibidem cap. 11.

Videatur quoque apud eundem lib. 2. pag. 235. Obeliscus Hieroglyphicus immortalitati, & gloriae Honorati Joannii erectus. Insigne profecto monumentum est.

(VII)

tuæ nobilitatem reddidit immortalem? At quantumcumque fuerit Majorum Tuorum splendor, quantumque modo etiam sit patriæ Tuæ Domus. (7) notissima claritas, nullus, inquam, ego dubito, quin plus per Te Joannæ Genti famæ ac decoris accesserit, quam Tibi ipsa attulerit inter homines prodeunti. Maxima quidem hæc sunt ornamenta: verum quam vel Tumet parvi haberes, vix adolescens ostendisti, Majorum Tuorum sequens vestigia (8);

ac

(7) Regia Granatensis Præfectura Joannæ Domus nobilitatem Genitoribus, Patruisque Mæcenatis per rectam lineam derivatam declaravit die 16. Julii an. 1740. idque solemniter eodem anno 28. Septembris Realis Supremus Castellæ Senatus nedum confirmavit, verum mandavit etiam, ut honores ac præminentiam, exceptionesque, in toto Hispaniarum Regno, Joannetiis de Molina nullo tempore possent denegari.

(8) Vivebat tunc Clarissimus P. Vincentius Joannetius de Molina Societatis Jesu, qui Provinciam Aragoniæ doctrina, pietate, prudentia illustravit, & rexit, ac moriens famam sanctitatis post se reliquit.

Ex Fratribus vero Mæcenatis tres in eadem Aragoniæ Provincia Societati Jesu nomen dedere, quam in Cathedris omnes illustrarunt: semel ac iterum Collegiis & Universitatibus præfecti; quorum primus totius Provinciæ regimen, maximo omnium plausu, sustinuit.

Duo alii Mæcenatis Fratres sub humili Discalceatorum habitu Deo inservire elegerunt, in eadem Provincia S. Joannis Baptistæ, in qua exemplar propositum, vitæ sanctimonia, doctrina, & integritate mirum in modum sunt imitati.

Is

(VIII)

ac junioribus Fratribus exemplar factus , superbia secularium , fastuque valere jussu , humilem satius S. Patris Francisci vitam eligere duxisti; tuis tantum , internisque decoribus sapientissime peroptans exornari , ut mundo ignotus , tutius inter Discalceatos , feliciusque latitares. Sed porro hujuscemodi novo in instituto , quisnam quæso citatissimum , felicissimumque liberalium omnium studiorum , atque humanarum divinarumque scientiarum cursum , & Tuum exinde , morum integritate , prudentia , & dexteritate mirifica , repentinum ad summa conscensum dignis prosequi verbis valeat ? Testis est mihi florentissima semper litteratis , eruditisque hominibus Urbs Valentia , quæ nondum sacro Sacerdotali charactere insignitum Philosophicas , inde Theologicas Cathedras , jussu supremi tunc temporis Ordinis nostri Moderatoris , Te occupantem conspexit : mox vero novo quodam , & eloquentissimo dicendi genere instructum , incredibili omnium plausu , & admiratione , concionantem audivit. Testis felicissima Valentina Discalceatorum Provincia , quæ
pru-

Is vero qui superstes existit , Pater Antonius , post Artium , & Theologiæ Magisterium , post totius Provinciæ regimen , adeo similis Mæcenati prudentia , fide , ac morum facilitate inventus est , ut suas ipse vices pluribus in Provinciis visitandis ei commiserit , & demum in auxilium sui ipsius assumpserit , eumque , omnium consolatione , modo habeat a Secretis.

(IX)

prudencia, & sagacitate tanti sui Alumni freta,
gravissimorum, ac difficilium negotiorum curam,
procuracionemque apud Sanctam Apostolicam Se-
dem uni Tibi committere non dubitavit, quorum
deinde expeditionem, nedum prospero, ut spera-
verat, eventu, cessisse gavisus est, verum etiam Romæ
ex insperato, Sanctorum Quadraginta Martyrum
nobile Coenobium per Te est adepta, ac tanti be-
neficii nunquam oblitura (9); quemadmodum &
universus Discalceatorum cœtus pro S. Petri Al-
can-

(9) Romæ in Conventa SS. Quadraginta, aureis
characteribus quadrato lapidi insculpta, infra veracem
Macenatis imaginem, sequens legitur inscriptio.

REVERENDISSIMO PATRI

P. Petro Joannetio de Molina

Provinciæ S. Joannis Baptistæ in Hispania Alumno
Olim

Tam Discalceatorum, quam Recollectorum
In Romana Curia Procuratori,

Nunc vero

Totius Ordinis S. P.N. Francisci Ministro Generali;

Hujusce Conventus

FUNDATORI INCLYTO, PARENTI OPTIMO,

BENEFACTORI MUNIFICENTISSIMO

Monumentum hoc, in perenne grati animi obsequium;

Patres ejusdem Conventus Posuere

Anno V.Æ.C. MDCCLIV.

cantarenfis Statua in Vaticano , Te curante ere-
 cta , nomen Tuum celebrare nullo tempore ces-
 sabit. Testis semel atque iterum Roma , summo-
 rum illud quorumcunque Virorum veluti Empo-
 rium , ubi vel excellentioribus meritis , magisque
 conspicuis virtutibus eminere aliquem , aut pau-
 lulum exurgere arduum admodum esse videtur : &
 tamen , quin Te ab omnibus discerneret , non po-
 tuit , illudque dudum antea prævideret honoris
 culmen , ad quod postea conscendisse Te in po-
 stremis Generalibus Comitibus , peculiari prorsus gra-
 tulatione , ac lætitia Ordinum omnium , Præsu-
 lum , ac Purpuratorum , ipsomet SS.^{mo} Patre Præ-
 side , & probante , gessit. Testis ejusdem Impe-
 rantis hætenus Optimi Maximi Pontificis Bene-
 dicti singularis in Te propensio , & charitas , quam
 in gratiarum concessione , ac etiam Authoritatis
 Apostolicæ , quoties oporteat , paratam adeo , ef-
 fusamque experiris. Testis Sacrarum Congrega-
 tionum diligens erga Te studium , quo fit , ut
 sanctionibus , sententiisque Tuis ab iisdem pluri-
 mum semper deferatur , idemque ferme sit , ut Emi-
 nentissimi illi , rectissimique Patres tuas fore no-
 scant , ac solemniter , unanimiterque confirmant.
 Testes omnes denique amplissimo Tuo Regimini
 subjecti , qui uno ore Tuam & in agendo pruden-
 tiam , & in præcipiendo suavitatem , & in
 cor-

corrigendo moderationem, & in audiendis om-
 nibus mansuetudinem, & in expediendis nego-
 riis celeritatem, æquitatemque deprædicantes,
 Te justitiæ vindicem, disciplinæ instauratorem,
 Pastorem vigilantissimum, ac Parentem opti-
 mum conclamant. Atqui molestus ipse fortasse
 videbor, qui de Tuis hisce laudibus diutius au-
 deam loqui, quas ceterum novi ut Tu oculere,
 atque obvelare diligentissime satagas; etsi ta-
 men ita adhuc emicat earum fulgor, ut in hac
 ipsa Regali Aula, ubi paucis abhinc annis reli-
 giosissime obversaris, nemo tandem sit, cui la-
 tere vel minimum illæ potuerint, magno pror-
 fus Tuæ existimationis incremento. Parcā ni-
 hilominus modestiæ Tuæ R.^{me} Pater, ut vis,
 pleraque, quæ restarent adhuc, obsequenti si-
 lentio obvolvam, ne Tibi, quod satis vereor,
 displiceam; ac ignosce, si parum mihi me-
 mor moderationem illam animi, qua vel tan-
 tæ dignitatis lumen offundere gaudes, hac levi
 commemoratione lædere visus sum, cum pro-
 fecto sit difficillimum, nullam omnino Tui
 laudem attingere, qui tot quotidie iustissime pro-
 mereris. Cautior igitur, ægre licet, calamum
 hîc obtundam, hoc dumtaxat enixe deprecā-
 tus, a Te quidem, ne scilicet librum hunc ut
 Tuum protegere, neque fovere ullo tempore
 de-

(XII)

dedigneris ; a Deo autem immortalī , ut Te,
Ecclesiæ , Hispaniarum Regno , Ordini nostro,
bonisque omnibus , quamdiutissime incolumem ser-
vet. Matrītī die 20. Mensis Septembris 1755.

AD

AD LECTOREM.

TAndem in lucem prodit, humanissime Lector, Jan-
senii systema a Cl. P. Fortunato secundis curis
elaboratum, cujus quidem methodum, atque ratio-
nem, qua perfectum est, non immoror hic enarrare:
ex apposita Synopsi elucescit satis superque. Quod si-
lentio hic præterire neutiquam possum id est, quod
omnibus ferme innotescit: hujusce scilicet operis Aucto-
rem, quavis tot illustrium Virorum, & Academia-
rum præconiis celebratum, nonnullorum tamen censu-
ras fuisse passum, eo quod hoc in opere elaborando,
Moliniani systematis fautorem, ac vindicem ipsi repu-
taverint. *Piatulum grande nimis!* Verum injuria pror-
sus, ut opuscula hæc in re ab ipso edita palam aper-
teque testantur. Ex iis nemo non videt, Cl. Scripto-
rem adeo a partium studio alienum fuisse, ut nun-
quam vel *Augustinianorum*, vel *Thomistarum*, vel etiam
Molinianorum systemati adhæserit. Non ex eo quidem,
quod horum systematum Auctores aliquando ipse de-
spexerit, aut minori quam par erat, veneratione pro-
sequutus sit: absit hoc a Viro tanta honestate prædito,
ac ob religiosam sui moderationem omnibus caro. Con-
tra potius, & magni fecisse semper, semperque ex ani-
mo omnes coluisse, compertum est. Alias sane ob cau-
sas id contigit, quas ipse in quodam indicat autogra-
pho, post ejus decessum una cum aliis invento, qua-
rum summam, ad dissipandam calumniam tanto Vi-
ro ab Anonimis censoribus omnino gratis impactam,
hic dare opportunum censui.

In primis itaque agebat Cl. Vir, præjudiciis omni-
bus

bus expoliatus : qui fieri potest , ut systema , qualecumque demum illud sit , hac in parte sequar , amplectarque , quando illius sectatores , mysterii altitudine pressi , semel atque iterum , ac sæpius cum Apostolo , & Augustino (1) coacti sunt exclamare : *O altitudo divitiarum ! &c.* an non satius est id ipso in limine catidide ingenueque fateri , & tempus , quod breve nobis concessum est , utilioribus in studiis impendere ?

Quid , quod trium systematum Auctores adeo digladiantur inter se se , acriterque contendunt , dum gratiam sive *sufficientem* , sive *efficacem* exponunt , hancque cum humana libertate conciliare student , ut vehemens inter ipsos pugna sit , æternumque dissidium ? Clarissimi cujusque systematis propugnatores , magna licet eruditione , maximoque ingenio valentes , postquam vitam omnem , multumque laborem in adornando proprio systemate insumpserint , diversam plane a decessorum suorum , & quandoque etiam coæqualium placitis , sententiam iniere . Re quidem vera , legantur in *Thomistarum* systemate antiquiores *Thomistæ* ; continuo vero consulantur *Natalis Alexandri* , *Massoulie* ,
Gra-

- (1) S. Augustinus Serm. 22. de Verbis Apostoli.
O altitudo divitiarum ! Petrus negat , Latro credit :
O altitudo divitiarum ! hoc nos putas perscrutari posse , quod Apostolus expavit ? quæris tu rationem , & ego expavescō altitudinem . Tu ratiocinare , & ego miror : tu disputa , ego credam . Altitudinem video , ad profundum non pervenio . Nemo ergo querat a me occultorum rationem . Paulus dicit , inscrutabilia sunt judicia ejus , & tu scrutari venisti si inscrutabilia scrutari venisti , & investigabilia vestigare venisti , crede , jam periisti .

Gravesonii, & *Serry* opera. In *Augustiniano*, perlegantur *Cardinalis Norisius*, *Bellelli*, *Crondermus*, *Dioy-fus*, *Berti*, utque ceteros taceam, D. Abbas *Milliavacca* legatur, qui ipsam *Berti*, Jansenismi infimulare neutiquam dubitavit. In *Moliniano* demum videantur *Molina*, *Vazquez*, *Petavius*, *Gonzalez*, & Ven. *Cardinalis Bellarminus*. Quot (Deus bone) dissidia! quot pugnae! quot schismata! Nihilo tamen minus in tanta opinionum contrarietate, omnes suum clamant *Augustinum*, omnes *Augustinum* sedulo legisse, ac sequi gloriantur, unum omnes ducem, ac Magistrum prædicant: quamquam utri faveat, consentiatque S. Doctor, obscurum valde (omnium pace dicam) usque modo sit, & absque dubio incertum. Quis porro cordatus vir (ita in se argumentabatur ingenuus Auctor), quis prudens Theologus, a Scholæ præjudiciis, studioque partium magna sorte liber, se se huic certamini immiscere audeat, ubi confuse, pertinaciter etiam, ac contentiosius, quam par sit, inutilis agitur pugna?

Addebat idcirco, horum systematum, in quibus enucleandis tot illustrium Scriptorum defudavit industria, nullum prorsus viro Theologo, ad tuenda Catholicæ Religionis dogmata, fore necessarium (2); cum in eorum singulis, etsi adeo inter se contraria sunt, æque firmiter propugnentur. Hinc quemadmodum *Thomistæ*, *Moliniani*, *Augustiniani*, ad tuendam Ecclesiæ doctrinam, alieno systemate nequaquam indigent, suoque

- (2) S. Cælestinus Papa in Epist. ad Episcopos Galliar. *Profundiores vero difficilioreque partes intercurrentium questionum, quas latius pertractarunt, qui Hæreticis responderunt, sicut non audemus contemnere, ita non necesse habemus adstruere.*

que quilibet, pro cuculli varietate ac pallii, ad id præstandum, contentus abunde est; ita, *quis prohibet*, inquebat ipse, *quominus meum de gratia tractatum, nulli systemati obstrictus conscribam?* Conscripsit autem clarissima methodo, ac ferme complevit, suoque tempore, Deo favente, in publicum prodibit.

Illud demum animadvertere nequaquam omisit, tria hæc systemata, ex quo primum nata sunt, maximoque animorum æstu in Scholis agitata, dissidia potius quam commoda, schismata etiam, & tragœdias in Ecclesia peperisse funestissimas. Olim siquidem inventi sunt, hodieque etiam inveniuntur non pauci, qui Scholæ suæ præjudiciis adeo sunt occupati, ut in alterius systema libere obloquantur, variisque pro arbitrio suo censuris afficiant. Quod vero pejus est, Viros ceteroquin Catholicos, ac virtute clarissimos, invidioso hæreseos nomine apud omnes traducunt, sugillantque. Hic enimvero, si ipsos audiamus, *Calvinianus* est, ille *Jansenista*, purus putusque hic *Semipelagianus*; atque hisce carbonibus famosa trium Scholarum ostia primo in limine notata conspicias. Donec itaque tam pugna conviciandi libido triumphabit in Scholis, quid pacis, quid commodi in Ecclesia Dei possumus ominari? Atque utinam ajebat (de tribus systematibus loquens, quorum *nullum Ecclesia adhuc reprobavit*) utinam nullum unquam hac de re fuisset in Scholis systema! Neque enim Catholicis reposuissent olim *Calviniani*, quod in suimet erroris subsidium continuo afferebant: *nos nil aliud dicimus, quam quidam Catholici*: non publicam lucem vidisset unquam *Bajanismus*, & *Jansenismus* rediivivi: non *Theologus Sorbonicus*, nec *Amicus Belga*: non tot *Philaethæ*, nec tanta *Anonimorum tur-*
ba,

ba, nec alia demum multa prodissent Catholicorum scripta, in quibus utique non modica eruditio, ingenique vis elucet quammaxime, at magna. ob id oritur doctrinae confusio, fœnestæ excitantur turbæ, malitorum audiuntur quærelæ, dictæ, criminationes, quodque magis dolendum, optimus illius caritatis color paulatim deperditur, quæ in unoquoque systemate Theologum apprime decet, hominemque Christianum.

Hæc ex Italico manuscripto, brevi ac rudi calamo a me excerpta, in causa fuerunt, cur Fortunatus noster, qui in hujus eruditi sæculi luce cæcus neutiquam fuit, eaque in re multum meditatus est, nunquam adduci potuit, ut systema amplecteretur. Id maxima semper libertate, ingenuoque, revera suo, animi candore, Amicis non modo, verum etiam summis Viris sententiam ejus scrutantibus repetebat, inculcabatque: *in neutris partibus sum: nullum est systema, cui acquiescere possim: & in hoc studiorum meorum modo contentus mihi videor, cum id certo sciam, systema hac in re non sequi, nihil mihi prorsus obesse.* Quare sententiam suam præclarissimis Augustini verbis (3) ita demum concludebat: *non parvus est fructus, si aliqua obscura, & incerta, quæ comprehendere non valemus, clarum saltem, certumque sit nobis, non esse querenda: & quod unusquisque vult discere, putans prodesse si sciat, discat non obesse si nesciat.* Hæc, meo quidem judicio, satis esse poterunt ad dissipandam calumniam Fortunato nostro gratis impactam, quasi vero hoc in opere Moliniani partes egerit, promoverit, defenderitque: cum potius susceptum unice ab eo fuerit atque elaboratum, ut Catholicæ Ecclesiæ dogmata contra Fan-

Senianos firmitus propugnarentur, nullusque nisi volens ab ipsis deciperetur. Idque præsertim optimum factu ea ætate reputavit, in qua Scriptores Catholici, cum hæreticorum agmine pacis veluti induciis, hostiliter pugnant inter se se, acriterque contendunt. Quis porro majoris laudis præconio celebrandus sit, non is ego sum, qui valeam sententiam pronunciare: penes optimum, ingenuumque Lectorem judicium esto. Sanctæ vero Romanæ infallibili Sedi omnia, quæ hoc in opusculo continentur, subiecta sint: ipsa corrigat, ipsa emendet, quæ fidei Regula, & Morum Magistra est.

S Y P N O S I S

S I V E

CONSPECTUS OPERIS.

P A R S P R I M A

Exponitur systema divinæ gratiæ Jansenianum.

Definitiones terminorum. pag. 1.

Principium I. fundamentale
systematis Janseniani.

*Nihil velle, nihilque agere, secundum Jansenium, modo possumus, sive boni, sive mali, nisi voluntas nostra prae-
via aliqua delectatione ad illud volendum, faciendum-
que excitetur, & moveatur.* p. 19.

Principium II. fundamentale.

*Duplex est delectatio, quæ modo ad volendum, & operan-
dum nos movet, terrena, & cœlestis. Prima excita-
tur voluntas ad volendum malum, & injustum: se-
cunda ad bonum, & justum excitatur.* p. 21.

*Utraque delectatio, secundum Jansenium, est indeliberata,
omnem præcedens liberum voluntatis consensum.* p. 23.

*Quidquid modo agimus, necessario, secundum Jansenium, ex
terrena, vel cœlesti indeliberata delectatione profici-
scitur.* p. 25.

Agimus, secundum Jansenium, moti a terrena indeliberata delectatione, quidquid a delectatione cœlesti minime excitati operamur. p. 26.

Necessitas cœlestis delectationis in voluntate, ut, quod justum est, operetur, secundum Jansenium, non oritur ex voluntatis natura, sed ex originali peccato, quo factum est, ut a carnali delectatione indefinenter, & insuperabiliter ad malum excitetur. p. 27.

Principium III. fundamentale.

In duarum oppositarum, terrena & cœlestis, delectationum conflictu, si gradibus inæquales fuerint, voluntas illi necessario obsequitur, quæ alteram inter sive superat: si vero fuerint æquales, neutri obsequitur voluntas, nihilque operatur, sed veluti in medio hæret suspensa, penitusque otiosa. p. 29.

Dicti principii pars prima.

p. 30.

Pars secunda.

p. 32.

COROLLARIA.

Duæ delectationes se habent, secundum Jansenium, instar duorum ponderum, voluntas vero instar libræ duas lances habentis &c. p. 33.

Nihil operabitur, nec operari, secundum Jansenium, poterit homo, nisi alterutra duarum delectationum, altera gradibus suis superior fuerit. p. 34.

Delectatio sive terrena, sive cœlestis, quæ animum secum trahit, victrix dicitur; victrix vero non est absolute, sed tantum relative, quatenus gradibus alteram superat. p. 35.

Una

Una eademque delectatio, potest simul esse victrix, & victa; sicuti etiam modo victrix, modo victa. Ibidem.

Necessitas, qua voluntas, secundum Jansenium, vividiori delectationi obsequitur, non est consequens, sed antecedens. P. 37.

Necessitas, qua humana voluntas secundum id operatur, quod ipsam magis delectat, non moralis est, secundum Jansenium, sed vera, realis, & physica. P. 43.

Dicta necessitas, secundum Jansenium, non est absoluta, sed relativa. P. 48.

PROPOSITIO I.

Medicinalis gratia Christi in cœlesti indeliberata delectatione justitiæ, secundum Jansenium, est posita. P. 49.

Hujusmodi gratia, de qua loquitur Jansenius, non habitualis, sed actualis est. P. 51.

PROPOSITIO II.

Gratia efficax secundum Jansenium, est cœlestis indeliberata delectatio relative superior gradibus, terrena delectatione, cui voluntas originalis peccati causa obnoxia est &c. P. 52.

PROPOSITIO III.

Gratia Christi inefficax, secundum Jansenium, est cœlestis indeliberata delectatio gradibus inferior carnali cupiditate. P. 55.

Secundum Jansenium eadem gratia potest simul esse efficax, & inefficax; & insuper modo efficax, modo inefficax. P. 56.

Gratia efficax, in systemate Janseniano, a gratia inefficaci diversa intrinsecus minime est. P. 57.

Con-

- I. *Physice impossibile est, ut justitiam diligamus, nisi cœlestis delectatio carnalem delectationem superet.* p. 60.
- II. *Sine gratia efficaci physico impossibile est, in hoc systemate, ut homo bene operetur.* Ibidem.
- Vera, realis, & physica est illa impotentia bene agendi, secundum Jansenium, cui obnoxius est homo, gratia efficaci, sive cœlesti relative victrice delectatione destitutus. p. 64.
- III. *Urgente tentatione necessario indeclinabili necessitate peccabimus, nisi cœlestis delectatio terrenam intensive superet.* Ibidem.
- IV. *Sine gratia efficaci, urgente tentatione, necessario indeclinabili necessitate peccabimus.* p. 65.
- V. *Physice impossibile est, ut is male agat, in quo cœlestis delectatio terrenam intensive superat: & viceversa.* p. 67.
- VI. *Est physice impossibile, ut is male agat, qui gratia efficaci donatus est; & viceversa.* Ibidem.
- VII. *Neccessario necessitate physica tamdiu bene aget voluntas, quamdiu delectatio cœlestis superior fuerit terrena; & vicissim tamdiu illa male operabitur &c.* p. 69.
- VIII. *Tamdiu necessario necessitate physica voluntas perseverabit in bono, quamdiu in ea erit gratia efficax; & ex adverso tamdiu necessario eadem necessitate in malo obstinata persistet, quamdiu illa gratia caruerit.* Ibidem.
- IX. *Quidquid modo agimus, necessario vel bonum est sive justum, vel malum sive injustum.* p. 71.
- X. *In omni actu suo voluntas peccat necessario, nisi cœlestis in ea delectatio terrenam superet.* p. 72.

XI. Inde in omni actu peccat necessario voluntas gratia efficaci destituta. Ibidem.

Non officit superioribus confectariis, quod docet Jansenius, videlicet peccandi necessitatem inductam originalis culpæ causa, non esse necessitatem peccandi in individuo, sed in genere. p. 76. & 85.

XII. Voluntas neque circa bonum, neque circa malum libera est libertate exercitii. p. 77.

XIII. Voluntas sub gratia efficaci non est libera, in systemate Janseniano, libertate a simplici necessitate. p. 89.

Non sibi constat Jansenius, quando videtur aliquam libertatem adstruere. p. 94.

Delectatio cælestis superior terrena, cum qua pugnat in voluntate, se tenet, secundum Jansenium, ex parte potentia sive actus primi &c. p. 98.

Solam libertatem a coactione admittit Jansenius in voluntate, sub delectatione relative victrice. p. 99.

Veram, realem, & physicam necessitatem intelligit Jansenius, cum principii loco assumit, nos secundum id necessario operari &c. p. 101.

XIV. Omnis interior gratia Christi, in systemate Janseniano, vel efficax est, vel ita inefficax, ut ad bene operandum nequaquam sufficiat. p. 108.

Ad tollendas equivocationes attente observandum, cælestem gratia delectationem dupliciter dici posse ad bene operandum sufficere, absolute nimirum, & relative. p. 110.

Duplex quoque distinguenda est gratia sufficiens, absoluta nimirum, & relativa.

XV. Sola gratia Christi efficax, secundum Jansenium, est gratia vere, proprieque sufficiens. p. 119.

Quamvis Jansenius videatur solam gratiam in sensu

Mo-

Molinistico excludere, revera tamen quamcumque gratiam sufficientem rejecit. p. 122.

Spectata notione gratiæ sufficientis, qualem Thomistæ admittunt, nullam penitus agnitam in statu naturæ lapsæ ab Jansenio fuisse gratiam sufficientem, liquido constat. p. 125.

XVI. Necessario demum admittendæ sunt, tamquam veræ, quinque famosa propositiones Jansenii ab Innocentio Decimo proscriptæ. p. 131.

QUINQUE PROPOSITIONES JANSENI.

I. Aliqua Dei præcepta hominibus justis, volentibus, & conantibus secundum præsentēs &c. sunt impossibilia &c. p. 132.

Omnino certa res est, secundum Jansenium, per solam relative victricem divinæ gratiæ delectationem divina mandata observari a nobis posse. p. 134.

Quot tantum modis possibile sit, secundum Jansenium, ut agat homo, quod justum est &c. p. 136.

Eucum faciunt Janseniani, dum ajunt, divina mandata, ab iis, qui carent cælesti delectatione relative victrice, observari quidem non posse potentia relativa, sed potentia absoluta posse. p. 139.

Impotentia implendi præcepta divina, quam etiam justis inesse, ait Jansenius, tanta est, ut neque ad orationem utiliter confugere possint. p. 143.

Ad orationem tanta cælestis gratiæ delectatio, secundum Jansenium est necessaria, ut gradibus superet terrenam, qua voluntas ab orando retrahitur. p. 144.

Ab Jansenii doctrina non recedunt, qui divina mandata observatu impossibilia dicunt, quatenus impleri ab om-

omnibus possunt per gratiam, quam Deus omnibus potest conferre, & omnes possunt recipere. p. 145.

II. Interiori gratiæ in statu naturæ lapsæ nunquam resistitur. p. 148.

Illa quoque gratia, quam Jansenius inefficacem vocat, eum semper totum obtinet effectum, ipso fatente, quem potest, & propter quem voluntati tribuitur. p. 152.

Error, in hac secunda propositione proscriptus, non in eo consistit, quod omnis interior gratia aliquem semper consequatur effectum; sed in eo quod illum omnem effectum semper obtineat, cujus producendi veram, realem, & quidem relativam potentiam voluntati communicat. p. 154.

Tuta fide, & absque Jansenismi suspicione, omnis gratia potest dici efficax, quatenus aliquem semper in nobis effectum producit, non tamen omnem, cujus relative est capax. p. 156.

Quo sensu, etiam gratia, quæ parva a Jansenio dicitur, dici possit, secundum ipsum, efficax. p. 161.

Sensu, in superiori exposito, si accipiatur gratia efficax, non omnis gratia efficax, secundum Jansenium, victrix est, bene vero omnis gratia victrix est efficax. p. 162.

III. Ad merendum, & demerendum in statu naturæ lapsæ non requiritur in homine libertas a necessitate, sed sufficit libertas a coactione. p. 165.

Hanc propositionem in Augustino Jansenii extare, demonstratur. a p. 166. usque ad 172.

IV. Semipelagianii admittebant prævenientis gratiæ interioris necessitatem ad singulos actus, etiam ad initium fidei: & in hoc erant hæretici, quod vellent, eam gratiam talem esse, cui posset humana voluntas

tas

tas resistere, vel obtemperare.

p. 173:

Omissio erroris facti, juris errorem in hac propositione damnatum, ex principiis Jansenii necessario sequi, & in ipsius Augustino contineri, ostenditur a pag. 174. usque ad 189. pluribus Scholiis, & Animadversionibus.

V. Semipelagianum est dicere, Christum pro omnibus omnino hominibus mortuum esse, aut sanguinem fudisse.

p. 190.

Quo sensu hunc errorem docuerit Jansenius, quidque necesse sit, ut error hujusmodi declinetur, ostenditur a pag. 191. usque ad 212.

OBSERVATIONES IN SYSTEMA JANSENII.

- I. Turpiter eos decipi, qui arbitrantur, quinque damnatas propositiones in Augustino Jansenii nequaquam contineri, vel non eo sensu ab Jansenio traditas, quo ab Ecclesia fuere confixæ, ostenditur. a p. 213. usque ad 229.
- II. Admitti non potest Jansenianum principium duarum delectationum indeliberatarum pro graduum superioritate invincibilium, nisi quinque admittantur Jansenii propositiones, & quidem eo sensu, quo ab illo traditæ sunt. a pag. 180. usque ad 189.
- III. Velint, nolint, quinque Jansenii propositiones debent admittere ii, qui in hoc lapsæ naturæ statu solam dari gratiam efficacem contendunt. p. 185. 186. 187.
- IV. Famosum Jansenii principium physica necessitatis operandi, secundum id quod amplius nos delectat, non satis est, ad declinandam Jansenismi notam, sive suspicionem, si explicetur per necessitatem moralem. p. 240. usque 250.

PARS

PARS SECUNDA.

Janfenii systema Theologicè confutatur quatuor
propositionibus.

PROPOSITIO I.

ADversatur Sacræ Scripturæ.

- I. *Quia docet, hominem necessario necessitate physica agere quidquid agit.* p. 251.
- II. *Quia in ipso traditur, Deum impossibilia præcipere.* p. 259.
- III. *Quia dicit, interiori gratiæ nunquam resisti.* Ibidem.
- IV. *Quia in ipso sola libertas a coactione sufficiens statuitur ad merendum, & demerendum.* p. 261.
- V. *Quia ponit, Christum pro solis prædestinatis fuisse mortuum.* p. 265.

PROPOSITIO II.

Systema Janfenii non habet fundamentum in S. Augustino.

- I. *Quia in ipso traditur, voluntatem nostram nihil modo velle sive boni, sive mali absque pravia indeliberata delectatione.* p. 268.
- II. *Quia docet, in duarum inequalium delectationum conflictu, voluntatem illi necessario obsequi, quæ alteram intensius superat.* p. 272.
- III. *Quia S. Augustinus docet, fuisse in libera Sanctorum hominum potestate cohibere illicitam delectationem.* p. 277.
- IV. *Quia S. Augustinus de deliberata delectatione intelligit.*

- telligendus est quando ait : quod amplius nos delectat, secundum id operemur necesse est. p. 279.
- V. Quia a sola voluntate repetit S. Augustinus rationem, quare duo homines equaliter animo affecti, diversimode se gerant sub eadem indeliberata delectatione carnali. p. 282.
- VI. Quia S. Augustinus de delectatione intelligendus est, quæ necessitatem infert operandi, quin libertas ladata-
tur. p. 285.
- VII. Quia S. Augustinus de deliberata delectatione potest
intelligi in toties memorato testimonio. p. 286.

PROPOSITIO III.

Jansenii systema, nequit esse Sancti Augustini, quia plura in illo traduntur, quibus S. Augustinus adversatur.

- I. Traditur, humanam voluntatem non esse liberam, libertate indifferentia. p. 287. usque 301.
- II. Quædam a Deo præcipi, quæ non solum infidelibus, verum etiam fidelibus, & justis sunt observatu quandoque impossibilia. p. 302.
- III. In statu naturæ lapsæ humanam voluntatem interiori gratiæ nunquam resistere. p. 310.
- IV. Ad merendum, & demerendum, sufficere libertatem a coactione. p. 315.
- V. Gratiæ Christi ejus esse naturæ, ut voluntas vel non possit illi obtemperare, si velit, vel si velit non possit illi resistere. p. 318.
- VI. Christum Dominum mortuum esse pro solis prædestinatis. p. 324.
- VII. Quia in Janseniano systemate efficacia gratiæ cum libero arbitrio facillime conciliatur. p. 327.

FRO-

PROPOSITIO IV.

Janſenii ſyſtema de medicinali gratia Chriſti tantum abeſt ab Auguſtini doctrina, ut imo Lutheri, Calvini, aliorumque damnatorum hominum placitis plane conſentiat.

Probatuꝛ Scripto bicolumni, in quo Janſenii aliquæ deſcribuntur Sententiæ in prima columna; in ſecunda vero placita Calvini, aliorumque exarantur, ut poſſint commode adinvicem comparari. p. 328. uſque 352.

PATRUM GRÆCORUM BREVIS VINDICIA.

Plures adducuntur textus S. Auguſtini, quibus calumnia diſſipatur, adverſus Patres Græcos a Calvino, & Janſenio prolata. p. 352. uſque 357.

ANIMADVERSIO.

Eadem via Janſenius, & Calviniſta curarunt ſe a Prædeſtinatianorum hæreſi purgare. P. 357.

FACULTAS ORDINIS.

FR. Petrus Joannetius de Molina Sacrae Theologiae Lector, Catholicae Majestatis in Regali Congressu pro Immaculata Conceptione Theologus, totius Ordinis Fratrum Minorum S. P. N. S. Francisci Minister Generalis, Commissarius Visitator Apostolicus, & Servus. Cum juxta Apostolicas, nostrique Ordinis Constitutiones, de mandato nostro opus posthumum, cui titulus est: *Jansenii Systema methodicè expositum, & Theologicè confutatum*, secundis curis P. Fr. Fortunati a Brixia, nostrae Reformatæ Provinciæ Brixiae Lectoris Theologiae, & Scriptoris Ordinis elaboratum, a duobus Theologis revisum, & approbatum fuerit, harum nostrarum tenore, facultatem impertimur P. Fr. Carolo a Golleono ejusdem Provinciæ Lectori Theologo, & Generali Ordinis Secretario, quatenus servatis de reliquo servandis ipsum typis mandare possit, & valeat. Dat. in hoc nostro S. P. N. Francisci Conventu. Matriti die vigesima quarta mensis Januarii, ann. Dñi. 1755.

Fr. Petrus Joannetius de Molina
Minister Generalis.

D. M. Rmi. in Christo Patris.

Fr. Antonius Joannetius de Molina
Secretarius Generalis Ordinis.

DE

DE mandato Rmi. Patris Petri Joannetii de Molina
 Ministri Generalis totius Ordinis S. P. N. Franciscisci opus posthumum, cui titulus est: *Fansenii Systema methodice expositum, & Theologice confutatum secundis curis P. F. Fortunati a Brixia*, serio attentoque animo legimus, testamurque nihil in eo penitus contineri, quod Catholicæ Religioni adversetur, vel sanctis moribus dissonum sit: imo maxima ipsum claritate exaratum admirati sumus, & consueti sui Authoris, Viri revera theologi, solida eruditione, argumentandi robore adeo perfectum, ut nihil in ipso, pro adzquato sui tituli complemento, desiderare reliquum videatur. Dignum propterea censemus, ut typis mandetur, si ita quoque iis videbitur ad quos pertinet &c.
 Matrili in Conventu S. P. N. Franciscisci die 20. Januarii 1755.

Fr. Josephus Torrubia.
 Arch. Gen. Ordinis.

Fr. Balthasar Leal.
 Lector Jubilatus.

CENSURA D. PETRI DE CASTRO BONONIENSIS
Collegii Majoris S. Clementis Alumni, atque illa in Universitate Sacrae Theologie Recitatoris.

DE mandato Domini Vicarii Matritensis opus R. quondam P. Fr. Fortunati a Brixia duas in partes distributum, cui titulus est: *Fansenii Systema methodice expositum, & Theologice confutatum*, attente perlegi, & in confutatione nihil Catholicæ fidei, aut bonis moribus contrarium inveni. Bono quidem Auctoris nomini, quod ei jam pridem, apud Italos præsertim, alia eruditissima opera acquisierunt, penitus respondet. Dicam etiam

quod

quod nunc impletum cerno illud Prov. (a) *Frustra autem jacitur rete ante oculos pennatorum* : Clarissimus enim Auctor è Seraphica fuit familia : pennatus igitur, qui non solum Jansenistarum retiacula declinavit ; verum etiam penna sua, veluti calculo, polluta eorum labia tetigit. Propterea, ut horum iniquitas auferatur, deberi illud publica luce donari censeo. Matriti, III. Id. Februarii 1755.

Petrus de Castro.

LICENCIA DEL ORDINARIO.

NOS el Doctor Don Juan Antonio de las Infantas, Canonigo Doctoral de la Santa Iglesia de Toledo, Primada de las Españas, y Vicario de esta Villa, y su Partido, Sedevacante &c. Por la presente, y por lo que à Nos toca, damos licencia para que se pueda imprimir, è imprima el Libro intitulado: *Jansenii Systema methodice expositum, & Theologice confutatum*, su Autor el R. P. Fr. Fortunato de Brixia, del Orden de N. P. San Francisco ; atento à que de nuestra comission ha sido reconocido, y no contiene cosa opuesta à nuestra Santa Fè, y buenas costumbres. Dada en Madrid à diez y nueve de Febrero de mil setecientos cinquenta y cinco.

Doctor Infantas.

Por su mandado.

Jose, b Daganzo.

CENa.

(a) Cap. I. v. 17.

CENSURA DOCT. D. JOSEPHI DE RADA,
Regis a Sacello Presbyteri honorarii, Sacrisque a Con-
cionibus, Parochi Palatini, Academia Hispania Sodal-
is, &c.

AB Amplissimo Castellæ Senatu jussus librum ex-
pendere, qui inscribitur *Janseii Yprensis Episcopi*
Systema de Medicinali Gratia Christi Redemptoris methodice
expositum, & Theologice confutatum secundis curis P. Fortu-
nati a Brixia; id opus, sive methodum, sive rationum mo-
menta spectes, inscriptioni suæ, quamoptime conscn-
tire profiteor. Quid enim differendi & ordine, & per-
spicuitate præclarius? in Theologo Geometram facile
agnoscas. Argumentorum, quo Janseanium is dogma
percellit, quid robore validius? quid acie, qua ejusdem
rimatur & concidit viscera, acutius, subtiliusque? Ut
Recentioris Hæreseos fontes aperit callide! Ut Janse-
nium cum aliis Sectarum architectis, præsertim Calvi-
no, egregie comparat! Quam apte sententias sententiis,
verba verbis componit! Hinc illum, audacissimum in
Ecclesiam Catholicam cætero qui grassatorem, surreptis
aliorum pravis dogmatibus, furem etiam vilissimum ex-
titisse demonstrat: adeo ut archetypi erroris ne laudem
quidem infelicissimam sibi ille arrogare possit. In sum-
ma, modo Brixiani ingenii vel Hæreticorum detegentis
latebras, vel errorum tenebras discutientis, vel Ortho-
doxæ Fidei arcana illustrantis fulgorem; modo Hæreseos
tela retundentis, impietatis arces ac propugnacula ever-
tentis impetum, ne dicam fulmen, obstupefcas. Quan-
tum vero posteriores curæ prioribus præstare solent, tan-
tum alteram hanc operis editionem superiori anteferen-
dam nemo non fateatur. Multa hic penitus introspecta,

explanata luculentius , uberius , eruditiusque pertractata hic demum , quo cumulatius Adversarium debellaret , se etiam Auctor ipse lubentissime superavit. Quæ cum ita plane sint , nihilque toto opere sive Regni legibus , sive Regiis Sanctionibus absolum occurrat , quam cætera , Viri tum in Mathematicis , tum in Phycis , aliisque disciplinis clarissimi scripta meruere lucem , ea sane librum hunc omnino dignum , typorumque æternitati tradendum existimo. Matriti die 25. Maii anno 1755.

Josephus de Rada.

LICENCIA DEL CONSEJO.

DON Joseph Antonio de Yarza , Secretario del Rey nuestro señor , su Escrivano de Camara mas antiguo , y de Gobierno del Consejo , certifico : Que por los Señores de el se ha concedido licencia à Fr. Carlos de Goleono , del Orden de San Francisco , para que por una vez pueda imprimir , y vender en papel fino el libro que dexò escrito Fr. Fortunato de Brixia , *Secretario General, que fue de la misma Orden*, intitulado : *Jansenii Systema methodice expositum, & Theologice confutatum*, con que la impresion se haga por el original , que và rubricado , y firmado al fin de mi firma; y que antes que se venda se trayga al Consejo dicho libro impreso , junto con su original , y Certificacion del Corrector de estàr conformes , para que se tassè el precio à que se ha de vender , guardando en la impresion lo dispuesto , y prevenido por las Leyes , y Pragmaticas de estos Reynos. Y para que conste lo firmè en Madrid à treinta y uno de Mayo de mil setecientos cinquenta y cinco.

Don Joseph Antonio de Yarza:

ATES-

A TESTATIO EMENDATIONUM.

Pag. II.	sollecitudinem	lege	<i>sollicitudinem.</i>
Pag. III.	laudabiter	lege	<i>laudabiliter.</i>
Pag. 14.	Definitio XIV.	lege	<i>IX. usque ad XIII.</i>
Pag. 172.	agglutinavit,	lege	<i>agglutinavit.</i>

lis paucis erroribus demptis suo concordat cum originali Liber, cujus titulus est: *Cornelii Jansenii Trens Episcopi Systema de Gratia Christi Methodice expositum, & Theologice confutatum*, secundis curis R. P. Fr. Fortunati à Brixia, Ord. Min. S. P. Francisci Reformatæ Provinciæ Brixia, opus Posthumum. Matriti die 24. Septembris ann. 1755.

Lic. Don Emmanuel Licardo
de Rivera,
Corrector Generalis.

SUMA DE LA TASSA.

TAsaron los Señores del Consejo este Libro intitulado: *Cornelii Jansenii Systema Methodice expositum, & Theologice confutatum*, su Autor el R. P. Fr. Fortunato de Brixia, de la Orden de N. P. S. Francisco à siete maravedis el pliego, el qual tiene quarenta y quatro y medio, sin principios, ni tablas, à cuyo respecto importa trescientos y once maravedis, como consta de Certificacion dada por Don Joseph Yarza, Escrivano de Camara del Consejo, su fecha en 6. de Octubre de 1755.

II. AD TIMOTHEUM

cap. 2. vers. 20.

In magna autem domo non solum sunt vasa aurea, & argentea, sed & lignea, & fictilia; & quædam quidem in honorem, quædam autem in contumeliam.

Si quis ergo emundaverit se ab istis, erit vas in honorem sanctificatum, & utile domino, ad omne opus bonum paratum.

S. Augustinus in Psalm. 58. serm. 1. n. 6.

Alligavit ergo fortem vinculis dominationis suæ, & vasa ejus arripuit, ac vasa sua fecit. Erant enim omnes iniqui vasa diaboli, qui credentes facti sunt vasa Christi.

Idem in Psalm. 62. n. 19.

Nonne erit pluvia illa testis in judicio Dei, & dicet, ego dulcis super omnes veni? . . . Numquid consilii corrigendi, & mutandæ vitæ malæ in bonam non est locus, non est tempus? Nonne si vis, hodie fit? nonne si vis, modo fit? Quid empturus es, ut facias? quæ symplasia quæsiturus es? ad quos Indos navigaturus? . . . Ecce cum loquor, muta cor; & factum est, quod tam sæpe, & tam diu clamatur, ut fiat.

PARS PRIMA.

EXPONITUR SYSTEMA DIVINÆ GRATIÆ

JANSENIANUM.



Definitionibus terminorum , quorum notio necessaria est , in hoc tradendo , explicandoque systemate initium sumo. Ut enim habet elegantissimus Cicero , *omnis , quæ ratione suscipitur de aliqua re Institutio , debet à definitione proficisci* (1) , ut intelligatur quid sit id , de quo disputatur.

DEFINITIO I.

1: Tripliciter *impossibile* dicitur , ut agens operetur ; *metaphysice* , *physice* , & *moraliter*. Dicitur *impossibile metaphysice* , si illud agere omnino repugnet ; *physice* , si operari excedat naturales ipsius agentis vires ; *moraliter* , si apprime difficile sit , ut agens ipsum operetur , adeo nimirum ut nonnisi raro admodum illa operandi difficultas ab ipso agente vincatur. Sic *metaphysice impossibile* est , ut materialis substantia cogitet ; *physice* , ut homo volet sine alis ; *moraliter* vero , ut qui pronus est ad iram atque vindictam , illatam sibi injuriam patienter ferat. Cogitare quippe repugnat materiali substantiæ. Volare si-

A

ne

(1) Lib. 1. de Officiis cap. 1.

SYSTEMATIS

ne alis, naturales hominis vires omnino superat. Tamque difficile est homini ad iram pronō illatam sibi de repente injuriam patienter ferre, ut scribendum ferme sit inter miracula, si id aliquando contingat.

DEFINITIO II.

2. Triplici quoque sensu dicitur agens *necessario* agere, scilicet primō necessario *necessitate metaphysica*; secundo necessario *necessitate physica*; tertio necessario *necessitate morali*. Necessario *necessitate metaphysica* operatur agens, si illud non operari plane repugnet. Agit vero necessario *necessitate physica*, si, salvis naturæ legibus, fieri nequaquam possit, quominus ipsum operetur. Agit demum necessario *moralī necessitate*, si, illud non agere, sit apprimè difficile. Sic Deus necessario *necessitate metaphysica* se ipsum diligit; ignis necessario *necessitate physica* vicinam sibi stuppam comburit; & qui pronus ad iram est homo, necessario *moralī necessitate* ad illatam sibi injuriam irascitur. Difficillimum quippe est, ut eam æquo ille mitique animo ferat. Salvis vero legibus naturæ fieri haud potest, ut ignis intactam relinquat stuppam sibi vicinam. Ac demum omnino repugnat, ut Deus bonitatem suam infinitam minime diligit.

DEFINITIO III.

3. Necessitas agendi duplex est, *antecedens*; & *consequens*. Prima dicitur illa, quæ antevertit determinationem causæ, efficitque, ut ipsa causa operetur. Secunda est, quæ causæ determinationem, actionemque ipsam consequitur. Sic necessario *necessitate antecedenti* corpus

grave in aere suspensum, sibi que deinde relictum, deorsum ruit. Contra vero necessario *consequenti* dumtaxat *necessitate* linguam movet, qui loquitur. Qui enim loquitur, non necessario loquitur: at si loquatur, linguam moveat necessarium est; cum sine motu linguæ loqui non possit. Corpus autem grave ita est determinatum ad descensum, ut, sublato impedimento, non descendere minime queat.

SCHOLION.

4. Utramque hanc *necessitatem* S. Anselmus ita explicat. Est, inquit, *necessitas* præcedens, *quæ causa est, ut res sit*; & est *necessitas* sequens, *quam res facit*. Præcedens, & efficiens *necessitas*, cum dicitur cælum volvi; quia *necesse est, ut volvatur*. Sequens vero, & *quæ nihil efficit, sed sit, est, cum dico, te ex necessitate loqui, quia loqueris*. Cum enim hoc dico, *significo, nihil facere posse, ut dum loqueris, non loquaris, non quod alius te cogat ad loquendum*. Nam violentia naturalis conditionis cogit cælum volvi; te vero nulla *necessitas* facit loqui. Sed ubicumque est præcedens *necessitas*, est & sequens; non autem, ubi sequens, ibi statim est præcedens. Possumus namque dicere, *necesse est cælum volvi, quia volvitur; sed non similiter est verum, idcirco te loqui, quia necesse est, ut loquaris.* (2)

- (2) Lib. 2. *Cur Deus homo* cap. 18. alias cap. 17.
Videatur idem lib. de *Concordia præscientiæ Dei cum libero arbitrio* cap. 2.

ANIMADVERSIO I.

5. *Neccssitas antecedens* dicitur *neccssitas absoluta*, & *consequentis*; hæcque semper intelligitur, cum absolute & sine addito dicimus, causam necessario agere. *Neccssitas* vero *consequens* solet ex adverso *neccssitas hypothetica*, & *consequentia* nuncupari.

ANIMADVERSIO II.

6. *Neccssitas*, tam *antecedens*, quam *consequens* potest ex æquo *neccssitas infallibilitatis* nuncupari. Ex æquo enim certo & infallibiliter futurum tum quod necessario *neccssitate consequenti*, tum quod necessario *neccssitate antecedenti* est futurum. Certe non minus infallibiliter peccaturus est Antichristus in fine Mundi, ac Sol die crastina sit oriturus, quamvis peccatum Antichristi non sit necessarium, nisi *neccssitate consequenti*, & ortus Solis sit crastina die *neccssitate antecedenti* futurus.

DEFINITIO IV.

7. *Neccssitas antecedens* operandi alia est *contrarietatis*, seu *specificationis*; alia *contradictionis*, sive *exercitii*. Prima est illa, per quam agens ad unum in *specie* actum eliciendum ita determinatum est, ut actum *contrarium* haud possit elicere. Talis est illa *neccssitas*, qua volumus esse felices. Id quippe ita necessario volumus, ut esse *miseri non solum nolumus, sed nequaquam velle possimus*.
(3) Secunda ea est, per quam agens ita est determinatum ad

{3} S. Augustinus in *Enchirid.* cap. 105;

ad operandum, ut omnibus positis, quæ necessario requiruntur, ut possit agere, ipsum non operari nequam possit. Sic necessario hac *necessitate* vicinam sibi stuppam ignis comburit. Tunc quippe ignem non agere & stuppam non comburere, *physice* impossibile est.

DEFINITIO V.

8. Dividitur etiam *necessitas antecedens in necessitatem simplicem*, & in *necessitatem coactionis*. Agens dicitur agere necessario *necessitate simplici*, quando non per externam vim, seu violentiam, sed ex ipsa sua natura, vel perinde ac veluti ex natura sua necessario operatur. Dicitur vero agere necessario *necessitate coactionis*, quando ab externa vi, contra naturalem suam inclinationem ad operandum necessario determinatur. Sic necessario *necessitate simplici* Deus seipsum diligit, ignis stuppam comburit, & grave suo genio relictum deorsum ruit. Contra vero necessario *necessitate coactionis* ambulat homo, qui nolens atque invitus ad carcerem pergit.

SCHOLION.

9. Quod necessario fit hoc secundo *neecessitatis* genere, *coactum*, atque etiam *violentum* dicitur. Proprie tamen loquendo, dicitur *violentum*, quod accidit rei, tam animatæ, quam inanimatæ contra illius naturam, ut lapidæ sursum ascendere. *Coactum* vero, quod fit à re sensu prædita contra illius appetitum rationalem, vel sensitivum, ut homini ad carcerem pergere. Omne *coactum* propterea *violentum* est; at non vicissim omne *violentum* est *coactum*.

DEFINITIO VI.

10. Agenti necessario, *necessitate* utique *antecedenti*, opponitur *liberum*. Dupliciter propterea dicitur agens *libere* operari, scilicet *libere libertate à necessitate simplici*, & *libere libertate à coactione*. Dicitur *libere* agere *libertate à simplici necessitate*, quando ita unum agit, ut etiam oppositum possit, utpote ad neutrum necessario determinatum. Cum autem dupliciter opponi queant inter se, quæ esse dicuntur in liberi agentis potestate, *contrarie* nimirum, & *contradictorie*, hinc duplex distinguitur *libertas à simplici necessitate*, altera scilicet, quæ *contrarietatis*, seu *specificationis*, altera, quæ *contradictionis*, sive *exercitii* nuncupatur.

DEFINITIO VII.

11. Agens dicitur *liberum* in operando *libertate contrarietatis*, quando circa idem objectum potest *contrarios* actus elicere, non quidem simul, sed disjuncte, ita nempe ut dum se determinavit ad unum in *specie* actum, ad actum *contrarium* sese determinare potuerit, e. c. ad actum *amoris*, dum se determinavit ad *odium*. Dicitur vero *liberum* in operando *libertate contradictionis*, quando ita agit, dum agit, ut potuerit non agere, quatenus nempe dum se determinavit ad agendum, potuerit sese ad non agendum determinare. Sic libere hoc *libertatis* genere ambulare dicitur homo, qui plane sui juris est; quia dum ambulat, potuit, si voluisset, eo tempore non ambulare.

ANIMADVERSI O L

12. Nihil proflus eorum, quæ ad *posse* requiruntur, deesse debet agenti, ut quando non agit, libere *libertate exercitii* tunc non operari dicatur. Etenim si secus, tunc minime agit, non quia id ei liberum sit, sed quia non potest.

S C H O L I O N.

13. *Libertas exercitii* vocari etiam solet *libertas Philosophica*, *libertas electionis*, atque etiam *libertas indifferentiæ*. Dicitur *libertas Philosophica*; quia eam intelligunt Philosophi, cum loquuntur de agente libero. Dicitur *libertas electionis*; quia agens hoc modo liberum potest ex pluribus sibi propositis unum præferre aliis; atque ad illud amplectendum, ceteris rejeatis, sese determinare. Etenim, ut habet Angelicus Doctor, cum electio sit acceptio unius respectu alterius, necesse est, quod electio sit respectu plurium, quæ eligi possint; & ideo in his, quæ sunt penitus determinata ad unum, electio locum non habet. (4) Dicitur denum *libertas indifferentiæ*; quia excludit in agente, quod illa libertate liberam est, determinationem ad unum cum reali impotentia ad oppositum.

ANIMADVERSI O II.

14. Duplex *indifferentia* in agente libero quam accurate distinguenda est: una scilicet, quæ *necessariam* illius

A 4

de-

(4) 1. 2. quæst. 13. art. 2.

determinationem ad unum, alia, quæ non *determinationem* dumtaxat, Iverum etiam *propensionem* omnem ipsius agentis in alterutram partem excludit, adeo nempe ut perfectum æquilibrium exprimat. Prima *indifferentia* rad *libertatem exercitii* necessaria est, imò in illa una, ut ex dictis patet, libertas ipsa consistit; secunda vero nequaquam. Hæc enim, ut recte observat Cl. Petavius, vel adimi ex toto potest, vel ab ea plus, minusve recedi, integra manente priori, quæ est libertatis essentia. Nam & naturales affectus ab ortu ipso inditi, & habitus usu, & actionum assiduitate roborati, & morbi, & perturbationes sæpe voluntatem impellunt, ac velut pondere quodam alteram in partem deprimunt. Meminerit itaque Lector, eruditus, inquit Vir ille Cl. indifferentiam aliam esse naturam & insitam, quæ electionis indifferentia nominatur, aliam accidentem, & adventitiam, quæ indifferentia propensionis, vel affectus dici poterit. Sic determinatio, sive necessitas, quæ indifferentiæ illi respondet, similiter duplex est, una est absoluta, quæ naturalem tollit indifferentiam, cuiusmodi est absoluta necessitas, tam simplex, quam violenta, tametsi hæc intimam voluntatem nunquam afficit, ac proinde nunquam libertatem eripit, sed fictione sola. Altera est, ut vulgo Scholæ nuncupant, secundum quid, ad quam vis omnis, & necessitas extrinsecus cogens, & violententer impellens referri debet, ut sunt dolores, cruciatusque corporis, metus ingruentis mali, ac proposita pericula, vehementes concupiscentie motus, & quæ passiones vocantur, & innumera id genus alia, quæ constantes animos sæpe labefaciunt; nec tamen eligendi libertatem ex toto detrahunt, neque liberum arbitrium absolute determinant. Hæc enim omnia, etsi magna vi & impetu libertatem quantunt, & in præceps abripiunt, non tamen invitam di-

movent, nec indifferentiam, hoc est utriuslibet am-
plectendi vim, ac potestatem auferunt. (5)

DEFINITIO VIII.

15. Libertas à coactione generatim sumta dicitur
illa, qua agens non per vim, seu violentiam sibi illa-
tam, adeoque contra suum appetitum rationalem, vel
sensitivum, neque per ignorantiam, sed ex ipsa impul-
sione, vel quasi impulsione sue naturæ, & cum cogni-
tione eorum, circa quæ versatur actio, detestabiliter,
& cum complacentia operatur. Ut enim habet Nemesi-
us, atque una cum Philosophis Theologi omnes faten-
tur, sponte nempe libere libertate à coactione fit, quod
neque per vim, neque per inscientiam fit. Atque id
quidem non per vim fit, cujus principium in ipsis est.
Non per ignorantiam vero, si quippiam verum singula-
rum ignoratum non fuerit, per quæ & in quibus est
actio. Utrouque igitur juncto ad alterum, definivimus
sponte factum, cujus principium in ipso est, sciente sin-
gula, in quibus est actio. (6)

ANIMADVERSI O. L.

16. Sumta hoc sensu libertate à coactione, omne;
quod ex electione fit, nempe libere libertate à necessi-
tate simplici, fit quoque libere libertate à coactione, ac
non vicissim. Certe, ut alia præteream, non coactus
sed apprimè spontaneus, nempe liber libertate à co-
actione est amor, quo Deus seipsum diligit, & à Beatis

in

(5) Lib. 5. de Opific. sex dierum cap. 11. num. 3.

(6) Lib. de Facultatibus animæ cap. 32.

in caelo diligitur; neque tamen liber à necessitate est, sed maxime necessarius. Itaque, ut loquar cum Nemesio, quidquid ex electione fit, etiam sponte fit; sed non contra est verum. Omnis enim electio sponte suscipitur; non etiam quidquid sponte suscipitur, electio est (7): quod longe antea Aristoteles quoque docuit illis verbis: electio sponte quidem nostra videtur fieri, non tamen est idem, quod illud, quod sponte fit, sed quod sponte fit, ad plura sese extendit. Est enim cum pueris, & animalibus ceteris nobis commune; electio vero non est commune (8). Hinc

COROLLARIUM. I.

17. Libertas à coactione, generatim sumpta, non opponitur necessitati naturali, sed una eademque actio potest esse absolute necessaria, simulque libera libertate à coactione. Quapropter

COROLLARIUM. II.

18. Ut actio naturae rationalis vere sit, recteque dicatur libera libertate à necessitate, satis non est ostendere, eam esse liberam libertate à coactione.

ANIMADVERSIO. II.

19. Quod libere sit libertate à coactione, spontaneum, & voluntarium dicitur. Definitur quippe spontaneum, & voluntarium, generatim sumptum, id, cujus

(7) Lib. de Facultatibus animae cap. 33.

(8) Lib. 3. Ethicae cap. 2.

principium, ut ait Aristoteles, est in agente, sciente singula, in quibus est actio (9), nempe quod fit à principio intrinseco cum cognitione finis. (10). Igitur

COROLLARIUM I.

20. *Ad spontaneum, & voluntarium, si generatim sumatur, non requiritur libertas electionis, sed ea sufficit, quæ à coactione nuncupatur; ac proinde*

COROLLARIUM II.

21. *Simplex operandi necessitas minime impedit quominus spontanea, & voluntaria, absolute loquendo, actio aliqua dici possit.*

SCHOLION.

22. *Id adeo verum est, ut voluntarium generatim sumtum in necessarium, & contingens, Theologorum omnium consensu, dividatur.*

COROLLARIUM III.

23. *Licet omne, quod ex electione fit, sit voluntarium; non tamen vicissim omne, quod voluntarie fit, ex electione efficitur. Potest enim aliquid fieri voluntarie, tametsi necessario necessitate simplici peragatur.*

SCHO-

(9) Lib. 3. *Ethicæ* cap. 1.

(10) Videatur S. Thom. 1. 2. q. 6. art. 1. & 2.

SCHOLION

24. Merito propterea optimoque jure propscripta fuit illa Baii propositio, quæ est 39. in ordine: *omne, quod voluntarie fit, etiamsi necessitate fiat, libere tamen fit*; sicuti etiam illa, nempe 66. *sola violentia repugnat libertati hominis naturali*.

COROLLARIUM IV.

25. Ut actio naturæ rationalis evincatur libera libertate electionis, sive à necessitate simpliciter demonstrare nequaquam sufficit, eam spontaneam esse, & voluntariam, nempe à voluntate procedere cum cognitione finis.

ANIMADVERSIO III.

26. Maxima attentione cavendum est, ne voluntariæ vocabulo decipiamur. Ut enim Gassendus quoque advertit, magni quidem Viri non desunt, qui existiment, voluntatem tum maxime liberam esse, cum ita ad unum est determinata, velut si id summum bonum sit, ut delectari ad aliud, hoc est, ad malum, non valeat; quippe quod dilectio, prosecutio, fructio ejusmodi boni sit summæ voluntaria, ac idcirco summe libera dicenda. Verumtamen nescio, pergit Vir doctissimus, an satis advertant, quod discrimen inter spontaneam, liberamque actionem est, dum, quia utraque voluntaria dicitur, idcirco utramque esse eandem contendunt. Videlicet actio spontanea tametsi interdum dicatur generalius; & libe-

ram

ram quoque ipsam complectatur, speciatim tamen, & quatenus distincte ab ea usurpatur, nihil aliud est, quam quædam veluti nature impulsio, quæ ideo esse citra omnem ratiocinationem potest, cum actio, quæ libera est, à prævio ratiocinio, examineve, & judicio, ac delectu pendeat. Tum paulo infra, si supponas, inquit, voluntatem ita ad bonum aliquod, summum puta, determinari, ut diverti ad aliud, quod, illo relicto, prosequatur, non possit, tunc censenda est voluntas sponte quidem ad illud ferri, quod sit ipsi maxime secundum naturam, ut prosequatur maxime id, quod bonorum est maximum (non prosequeretur autem maxime, si dimoveretur ad prosequendum minus), at non tamen libere ferri, quoniam indifferens ad illud, & ad aliud bonum non est, sive in illius potestate non est, ut, ipso relicto, feratur ad aliud. Neque obstat, ait ille, quod feratur volens; quandoquidem ista, ut sis loquar, volentia non libertatem sonat, sed libentiam, hoc est, complacentiam, seu collubescentiam, exclusionemque adeo coactionis, violentiæ, renitentia, molestia; & ex eo quod talis boni dilectio, prosequutio, fruitio voluntaria dicitur, non ideo inferendum est, esse illam summe liberam, sed solum esse summe, ut ita loquar, libitam, seu mavis, libentem, nempe quod possit libentia quidem, at non libertas tamen, seu indifferentia esse (11). Hæc ille, & optime quidem ad rem nostram. Vix quippe, sed ne vix quidem dici potest, quantum intersit hoc præsertim ævo, voluntarium, & spontaneum, sive non coactum à libero libertate electionis, indifferentia, & exercitii, sive à simplici necessitate probe distinguere.

ANI.

(11) Lib. 3. *Ethica* cap. 14

ANIMADVERGIO IV.

27 Animadvertendum postremo est, *libertatem à coactione* sumi in sequentibus, prout distinguitur à *libertate electionis*, ipsamque excludit, nimirum prout stat cum *necessitate simplici*, sive cum indeclinabili determinatione agentis ad unum; ut proinde cum dicitur, agens libere agere *libertate à coactione*, sensus sit, ipsum agere quidem ex prævio judicio rationis, delectabiliter, & cum complacentia, verum simul adeo *neccessario*, ut ipsum non operari tunc minime possit. Ita enim sumitur *libertas à coactione* ab iis omnibus, qui ajunt, in illa una positum modo esse *liberum humanæ voluntatis arbitrium*, eaque tantum nos modo, tam quod justum, quam quod injustum est, libere operari.

DEFINITIO XIV,

28. Gratia alia *actualis*, alia *habitualis* est. Prima dicitur illa, *quæ instar transeuntis qualitatis voluntatem afficit, ipsamque ad bene operandum movet, & ita operantem adjuvat, ut simul cum illa bonum operetur*. Altera vero ea vocatur, *quæ instar qualitatis permanentis animam exornat, Deoque gratam efficit*. Porro *gratia actualis* dupliciter spectari potest, nimirum primo penes *potentiam* bene operandi, quam confert voluntati; secundo penes *actum*, qui per ipsam gratiam à voluntate elicitur. Primo modo spectata gratia, *sufficiens* dicitur, vel *insufficiens*. Secundo modo considerata, *efficax*, vel *inefficax* nuncupatur.

DE-

DEFINITIO XV.

29. *Gratiam sufficientem* voco, per quam ita possibile redditur voluntati operari bonum, ut ipsi voluntati justissime imputabile ad culpam sit, si bonum non operetur. Notionem hanc *gratiæ sufficientis* à nullo Catholicorum, cujusque demum Scholæ ille fuerit, rejici posse, certissimum arbitrer. Quomodo enim *sufficiens* dici vere potest gratia, si per eam non ita possibile sit voluntati bene agere; ut eidem imputari ad culpam justissime possit, quod bene non operetur? Nonne etiam Thomistæ, doctissimo Graveysonio teste (12), palam aperteque docent, *gratiam sufficientem* conferre homini in statu naturæ lapsæ constituto veram, plenam, completam, proximam, & expeditam observandi mandata Dei potestatem? Si autem *gratia sufficientis*, etiam sensu Thomistico intellecta, confert ejusmodi potentiam voluntati, quis non videt, etiam per *gratiam* Thomistice *sufficientem* ita possibile reddi voluntati opus bonum, ut ipsius voluntatis sit culpa, si opus illud ipsa tunc non operetur? Manet igitur, *gratiam* catholice *sufficientem* eam esse, per quam ita possibile sit voluntati bene agere, ut ipsi voluntati ad culpam imputabile justissime sit, si illud non operetur.

ANIMADVERSIO I.

30. Quemadmodum dupliciter potest aliquod nobis esse

(12) Claf. 2. *Epistolarum Theologic.* Epist. 3. pag. mihi 67.

esse possibile, *physice* nimirum, & *moraliter*; ita dupliciter, nempe *physice*, & *moraliter*, potest gratia dici, & esse *sufficiens*. Erit *physice sufficiens*; si *physice possibile* per eam fuerit voluntati, ut operetur bonum. Erit vero *sufficiens moraliter*, si fuerit *moraliter possibile*, hoc est, si non tantum *absolute possibile*, verum etiam *facile* per eam fuerit voluntati, ut quod volendum, agendumque ab ea est, velit ipsa, & operetur.

ANIMADVERSIO II.

31. Si fuerit *immediate possibile*, ut per receptam gratiam agat voluntas, quod ab ea agendum est, gratia dicitur *proxime sufficiens*: dicitur vero *sufficiens* tantum *remote*, si nonnisi *mediate possibile* fuerit, ut voluntas per illam bonum operetur. *Possibile* porro *immediate* est, ut per receptam gratiam bene agat voluntas, cum alia gratia voluntas ipsa non indiget, ut sat virium habeat ad id implendum, quod eidem præcipitur. Est vero *possibile* tantum *mediate*, cum per illam gratiam non habet voluntas sat virium ad implendum præceptum, sed tantum, ut eam gratiam à Deo obtineat, per quam præceptum illud implere ipsa possit. Sic gratia orationis dicitur non *proxime*, sed tantum *remote sufficiens* ad quamcumque tentationem superandam; quia non *immediate*, sed *mediate* dumtaxat *possibile* per eam est voluntati, ut tentationem vincat, quatenus scilicet sat per eam illa habet virium, ut eam gratiam, qua tentationem superet, à Deo ipsa obtineat.

DE-

DEFINITIO XVI.

32. Contra vero *insufficientem gratiam* voco illam, per quam ita possibile non sit voluntati operari bonum, ut jure ipsi voluntati imputari ad culpam possit, quod nolit, quod volendum ab ea est, quodque ab illa est agendum, non operetur. Contraria enim contrariis rationibus sunt explicanda.

ANIMADVERSIO.

33. Si *impossibilitas bene operandi*, quam habet voluntas, obtenta gratia, fuerit vera, realis, & physica, gratia illa dicitur *physice insufficientis*. Dicitur vero *insufficientis* tantum moraliter, si illa *impossibilitas* fuerit moralis, nempe si non absolute impossibile, sed valde difficile dumtaxat fuerit voluntati, ut per illam gratiam bonum operetur. Hinc

COROLLARIUM.

34. Eadem gratia potest esse physice sufficiens, simulque insufficientis moraliter ad bonum aliquod operandum. Potest enim esse physice possibile, & simul valde difficile, ut per certam gratiam voluntas bene operetur.

DEFINITIO XVII.

35. Gratia efficax dicitur illa, per quam voluntas non solum potest, verum etiam reapse, quod volendum,
B
agen-

agendumque ab ea est bonum, vult, & operatur. Contra vero

DEFINITIO XVIII.

36. Illa gratia inefficax vocatur, per quam moveatur quidem, excitaturque voluntas ad operandum bonum; verum vel illud ne apse, non vult, vel non ita vult, ut illud ipsa operetur. Certo siquidem a nobis fieri, quod efficaciter volumus; non fieri, quod non volumus, nisi inefficaciter, neminem esse puto, quem lateat. Itaque

COROLLARIUM I.

37. Omnis gratia efficax est sufficiens; sed non vicissim omnis gratia sufficiens est efficax. Valet enim illatio, ut est, omnibus notum, ab actu ad potentiam; minime vero a potentia ad actum.

ANIMADVERSIO.

38. Mere sufficiens dicitur gratia, per quam homo potest operari bonum, sed illud non operatur.

COROLLARIUM II.

39. Inefficax potest esse gratia, quin sit sufficiens. Certum est enim, eam gratiam vere esse, recteque dici posse inefficacem, per quam nec mediate, nec immediate possibile physice sit voluntati, ut bene operetur, quamvis alioquin & ipsa sit huiusmodi, ut voluntatem ipsam ad bonum excitet. Propterea

Co-

COROLLARIUM III.

40. *Licet omnis gratia pure sufficiens sit inefficax, non ideo omnis gratia inefficax physice sufficiens tendenda est; & ideo*

COROLLARIUM IV.

41. *Ad demonstrandam existentiam gratiæ pure sufficientis minime sufficit, ut clari gratiam inefficacem ostendatur.*

PRINCIPIUM I. FUNDAMENTALE.

SYSTEMATIS

JANSENIANI.

Nihil velle, nihilque agere secundum Janfenium modo possumus sive boni, sive mali; nisi voluntas nostra prævia aliqua delectatione ad illud volendum, faciendumque excitetur & moveatur.

42. Nihil enim ille sæpius repetit, inculcatque frequentius, quam neminem amplecti aliquid, quod eum non delectat, & voluntatem ipsam, nisi aliquid occurrerit, quod delectet atque invitet animum, moveri nullo pacto posse (13). Quod enim, inquit, volumus aliquid, ex delectatione nascitur, & quod vehementius

B²

(13) Lib. 4. de Gratia Christi cap. 8.

Vide eundem ibidem cap. 7.

volumus, ex ardentiore delectatione. Tanto enim quidque vehementius volumus, quanto certius, quod bonum sit, novimus, eoque delectamur ardentius. Si autem nulla delectatione tangit animum, etiam si hoc bonum esse noverit, nulla etiam ratione hoc ipsum volet (14). Et alibi, quod voluntatem, inquit, ad velie, vel nolle provocat, & advocat, itemque potentem, & infirmam facit. ... est delectabilis quadam arriso, seu complacentia objecti, quæ motus omnes voluntatis antegreditur; & viam parat, sine qua omnino velle non potest (15). Neque dubitandum, quominus de omni prorsus humana actione, tam bona scilicet, quam mala, id ille intelligat. Ait quippe, delectationem universos humana voluntatis motus tangere (16), sive respectu cujuslibet operationis locum habere, quod voluntas sine delectatione velle, aut moveri nullo pacto possit (17), ac demum delectationem, qua ad consentiendum, faciendumque aliquid sollicitamur reperiri non tantum ad opera bona, sed etiam ad mala (18). Certo certius itaque est, nihil secundum Jansenium nos velle modo posse, nihilque modo posse agere si-ve boni, si-ve mali, nisi voluntas nostra prævia aliqua delectatione moveatur, atque ad illud volendum, agendumque exciteretur.

PRIN-

(14) Lib. 8. ejusdem cap. 3.

(15) Lib. 7. ejusdem cap. 5.

(16) Lib. 4. de Gratia Christi cap. 7.

(17) Ibidem.

(18) Ibidem cap. 11.

PRINCIPIUM II. FUNDAMENTALE.

SYSTEMATIS

JANSENIANI.

Duplex est delectatio , quæ modo ad volendum ; & operandum nos movet , terrena , & cœlestis. Prima sollicitatur voluntas nostra ad volendum , quod malum , sive injustum est. Secunda excitatur eadem ipsa ad volendum , quod est bonum , sive justum.

43. Docet enim Jansenius , *quamdiu in hac vita mortali vivimus , esse in homine luctam quandam duarum delectationum , noxiæ , & beneficæ , terrenæ , atque cœlestis , quarum utralibet vicerit , animum secum consentientem ac primum trahit* (19). Alibi quoque idipsum repetens , ait , *pugnam istam exerceri , quatenus delectationes duæ carnis , & spiritus inter se decertant , utram utra superatura , & animi consensum post se tractura sit* (20). Tum paulo post , *delectationes , inquit , carnis , & spiritus , quas Augustinus inter se pugnautes prædicat , ut animam in consensionem trahant , non sunt aliud , nisi duæ istæ concupiscentiæ , ac desideria carnis , & spiritus* (21). Illius proinde judicio , constantique sententia , *voluntas nunc recte , nunc perperam facit , prout cœli , aut ter-*

B 3

ræ

(19) Lib. 4. de Gratia Christi cap. 4.

(20) Ibidem cap. 11.

(21) Ibidem.

(22) Ibidem cap. 9.

re delectatio *consensum ejus abripuerit* (22). Terrena siquidem delectatio causa est, ipso docente, *cur ab Adami posteris justitia deferatur, ac deferendo peccetur* (23), nempe nullum peccatum fieri ait ab hominibus, quin voluntas, quamvis per seipsam ad peccandum prompta sit, quadam delectatione prius titillante & provitante provocetur, ut ita quodam quasi diaboli adjutorio impulsam ad ruinam pertrahatur (24). Hinc vicissim fit, eodem teste, ut necessaria sit contraria delectatio, nempe delectatio cœlestis, qua tamquam contraria morbo, quo (voluntas) affligitur, extorqueatur consensus ejus delectationi repugnanti, & reorqueatur sursum, ut sic blandienti delectantique spiritui affixus, & quasi suspensus ex Deo, non amplius in veterem libidinis servitutem detrahatur (25). Certe, ut idem ipse antea dixerat, cum peccatum, & recte factum omnino contraria sint, hoc ipso quod docet (Augustinus) ita peccata perpetrari, ut voluntas terrena quadam delectatione præcedente præparetur, & impellatur, Lectoribus intelligendum relinquit id, quod toties de cœlesti delectatione atque suavitate ad justitiam operandam conferente tradit, ex generaliori quadam & arcana ratione ad voluntatem tam sublimibus operibus præparandam multo magis esse necessarium, ut eo tamquam adjutorio S. Spiritus adjuta, & elevata, & concupiscentiarum suarum visco expedita, in operationes cœlo dignas prorumpere & evolare possit (26). Dux itaque secundum Jansenium sunt delectatio-

(23) Ibidem cap. 3.

(24) Ibidem.

(25) Lib. 4. de Gratia Christi cap. 9.

(26) Ibidem cap. 3.

tiones , quibus voluntas nostra ad operandum movetur , *cœlestis* nimirum , & *terrena*. Prima excitatur voluntas ad operandum , quod iustum est ; secunda ad operandum , quod est iniustum. Verum enimvero

ANIMADVERSIO I.

44. Considerandum attente est , animoque alte infigendum , utramque hanc delectationem secundum Jansenium esse *indeliberatam* , hoc est , rationis advertentiam antevertere , omnemque præcedere consensum liberum voluntatis. Inquit enim Jansenius : *Delectatio ista* , nempe *cœlestis* , quam ad omnia opera bona S. Augustinus exercenda postulat , non est aliud , quam actus quidam indeliberatus , cœlitus immissus in voluntatem , per quem ei bonum propositum vel suaviter tantum placet (qui actus subinde simplex voluntas dicitur , aut etiam complacentia , aut amor voluntatis , respondens passioni amoris sensitivi) vel etiam in bonum appetendum commovetur (27). Tum paulo post ; dicimus , inquit , delectationem istam , seu suavitatem in Augustino celebrem , esse partim primum illum , & indeliberatum affectum animæ , qui actualis complacentia est ; partim etiam , & crebro secundum , qui desiderium indeliberatum dicitur , quibus anima ita suaviter ac delectabiliter in bonum appetendum rapitur , ut voluntas ei actu libero (libertate à coactione) consentiat , ac bonum diligat , tanto vehementius , quanto fortius illis actibus rapitur (28). Demum pluribus præmissis , constare ait , delectationem illam cœlestem ,

B 4

qua

(27) Lib. 4. de Gratia Christi cap. 11.

(28) Ibidem.

qua carnis desideria spiritui rebellantia coercentur, non esse aliud, nisi amorem, vel desiderium à Spiritu Sancto inspiratum, quo mens hominis improvise, & indeliberate, ac delectabiliter tangitur, & suaviter affigitur legi Dei (29) Alibi quoque, postquam dixit, neminem posse amplecti aliquid, quod eum non delectet, addit, delectationem (qua movemur ad volendum bonum) non esse in hominis potestate; sed inspirari gratia Dei, non nutu nostro, aut operum merito comparari (30). Hactenus de delectatione cælesti. Ad terrenam vero quod spectat, ait Jansenius: Delectatio, ex qua peccata profluunt, non est illa proprie dicta delectatio, quæ est tertius actus animæ, & tamquam quies desiderii, etiam gaudium appellari solet, sed est vel ipse primus concupiscentiæ motus, quo bono terreno quasi coaptatur animus, vel desiderium indeliberatum, quo urgetur ad malum (31). Infra vero manifestum esse ait, delectationem, quæ consensum in peccata præcedit, & suggestionem sequitur, non esse aliud, nisi desiderium illicitum indeliberatum, quo animus etiam repugnans in peccatum inhiat; vel certe primum ipsum concupiscentiæ motum, tamquam amorem quemdam indeliberatum, per quem homini etiam invito peccare lubet, quamvis consensus non sequatur (32). Docet tandem universaliter alio loco, id, quod voluntatem ad velle, vel nolle provocat.....esse delectabilem quandam arrisionem, seu complacentiam objecti, quæ motus omnes voluntatis antegreditur, & viam parat, sine

(29) Lib. 4. de Gratia Christi cap. 11.

(30) Ibidem cap. 7.

(31) Ibidem.

(32) Ibidem.

sine qua omnino velle non potest (33). Dubium non est autem, quominus de motibus liberis, sive deliberatis voluntatis id Jansenius intelligat. Ergo si delectabilis illa arrisio, seu complacentia objecti, sine qua voluntas secundum Jansenium nihil omnino velle potest, motus omnes ipsius voluntatis antegreditur, *indeliberatam* ipsam esse, consecretarium est; adeoque &c.

SCHOLION.

45. Ita porro de natura delectationis, qua secundum Jansenium humana voluntas ad volendum movetur, Jansenium ipsum sentire, fatentur omnes, qui illius systema de *medicinali gratia Christi* exposuerunt. Consulat, si quis dubitet, P. Dechamps lib. 3. de *Hæresi Janseniana* disp. 3. cap. 6. n. 3. Diroyssium dissert. de *justa quinque prop. condemnatione* cap. 1. Lescium Crondermum *elucid. doctrinæ Augustin. de Gratia* lib. 1. cap. 4. 7. & 8. P. Gravesonium in suis *Epistolis Theologico-Polemicis*, Archiepiscopum Viennensem tum in suo *Jansenismo redivivo* P. 1. art. 1. tum in *Documento Pastoralis* P. 2. art. 1. §. 3. ac demum P. Berti tom. 3. de *Theolog. Disciplinis*, & P. 2. suæ *Apologiæ*.

COROLLARIUM I.

46. Hæc igitur cum ita sint perspicuum remanet, *quidquid modo agimus, necessario secundum Jansenium ex terrena, vel cælesti indeliberata delectatione proficisci*. Falsum enim esset, si secus, humanam voluntatem

(33) Lib. 7. de *Gratia Christi* cap. 5.

tatem, nisi aliquid occurrat, quod ipsam *indeliberate* delectet, moveri, utique ad operandum, nullo pacto posse. Propterea

COROLLARIUM II.

47. *Agimus moti à terrena indeliberata delectatione, quidquid à delectatione cœlesti minime excitati operamur.*

SCHOLION.

48. Oriri ex terrena *indeliberata* delectatione voluntatem nostram movente, quidquid agimus ipsi, minime moti à delectatione cœlesti, certum adeo Janse-
nio est, ut nihil magis. Ait quippe, terrenam carnalis cupiditatis delectationem ita humanæ voluntati dominari, ut quocumque illa se vertat, quidquid declinet, quoscumque vultus, ac formas induat, quantumcumque se viribus sursum tollere, quibuscumque bene vivendi stimulis incitari videatur, non possit ab illa se viscosa catena expedire, nisi prius caliginem ejus lux cœlestis (nempe cœlestis delectatio) effugaverit, & illos terrenæ cupiditatis compedes fregerit: quod, inquit ille, quamdiu non fit, in tenebris, hoc est, in peccatis jacet, tenebras diligit, in agendo, & cessando sectatur. Quidquid enim dilexerit, creaturæ limites non egreditur, & ita perpetuam terrenæ concupiscentiæ catenam trahit, cujus vinculis, & servitute detinetur (34). Etenim, ut alio habet loco, in eo sita est captivitas arbitrii, orta ex Adæ culpa, quod voluntas con-

(34) Lib. 2. de Gratia Christi cap. 3.

cupiscentia terrena visco intime penetrata, semper & in omni actu motibus ejus feratur, ac referatur; imperio ejus, & ponderi indefinenter inserviens; eodem plane modo, quo voluntas Beatorum in omnibus omnino motibus servit divine charitati (35). Contendit propterea, nisi Deus cœlesti delectatione voluntatem deliniverit, voluntatem ipsam nunquam posse præcepti justitiam, nempe quod bonum est, implere, vel velle, sed si quos actus circa præceptum exercere videatur, nonnisi in terrenarum concupiscentiarum, ac delectationum, vel proprii fastus fructum terminabuntur. Cœlestis enim illa suavitas mollit viam, ut voluntas ex carnalium rerum visco emergere possit, & se ipsam in justitiam diligendam figere. Ex quo consequenter fit, concludit Jansenius, ut si illa, nempe cœlestis delectatio, desit, voluntas velut torpens ac mortua, nihil omnino boni amplecti possit, quemadmodum etiam è contrario nihil in carnalibus diligendis prosequi potest, nisi quod eam ante delectaverit (36). Ea igitur modo est, secundum Jansenium, conditio humanæ voluntatis, ut agat mota à terrena indeliberata carnalis cupiditatis delectatione, quidquid à delectatione cœlesti minime excitata operatur.

ANIMADVERSIO II.

49. Necessitatem cœlestis delectationis in voluntate, ut quod justum est, operetur, oriri ait Jansenius non ex natura ipsius voluntatis, sed ex ejusdem culpa, quatenus nempe factum est, originalis peccati cau-

(35) Lib. 1. *de Gratia Christi* cap. 4.

(36) Lib. 4. *Ejusdem* cap. 7.

causa, ut carnalis cupiditatis delectatione indefinenter, imò & insuperabiliter, ut ipse ait, ad malum modo excitetur, & in illud trahatur. Impossibile quippe esse docet, illam esse naturam voluntatis, ut voluntas antequam in aliquem liberum erumpere possit motum, aliqua involuntaria objecti defectibilis delectatione, seu complacentia necessario provocetur, & præparetur, sic enim necesse fuisset, inquit ille, etiam ante primum peccatum huiusmodi mali complacentiam, seu delectationem, seu titillationem debuisse præcedere (37); cum tamen certum sit, eundem si audiamus, nullam huiusmodi non liberam, seu involuntariam delectationem, seu complacentiam, seu quocumque nomine motum illum indeliberatum voluntatis nomines, primum Adæ peccatum, præcessisse (38); sed, ut ipse quoque ait, delectatio prima secuta est perversam voluntatem, non voluntas delectationem (39). Sicuti ergo, inquit ille, per peccatum primi hominis in libidinum imperium voluntas præcipitata est, ex quibus fit, ut in omnibus actionibus delectatione quadam libidinosa præeunte ac titillante provocetur, cui consentiendo peccat (40). ita necessariam esse, contendit, cœlestem delectationem, qua tamquam directe contraria morbo, quo affligitur, extorqueatur consensus ejus delectationi repugnanti, & retorqueatur sursum, sive qua sublevatus animus vel fortiter velle possit, quod jam tenuiter vult, vel etiam velle, scilicet bonum, quod non vult (41). Cæ-

(37) Lib. 2. de Statu natur. lapsæ cap. 25.

(38) Ibidem.

(39) Lib. 4. de Gratia Christi cap. 9.

(40) Ibidem.

(41). *Cœlestis enim illa suavis mollis viam, ut voluntas ex carnalium rerum visco emergere possit, & se ipsam in iustitiam diligendam figere* (42), efficit nempe cœlestis delectatio, ut voluntas, quæ ante propter dominantem sibi libidinem, terrenamque delectationem, à qua consensus ejus captivus tenebatur, non poterat nisi malum agere ad quod solum libertas ejus expedita ferebatur, nunc liberata per oppositam cœli suavitatem, etiam diligere & agere possit bonum (43). Itaque secundum Jansenium necessitas delectationis cœlestis ad bene volendum & operandum, non ex natura voluntatis, sed ex ejus pœna proficitur (44).

PRINCIPIUM III. FUNDAMENTALE.

SYSTEMATIS.

JANSENIANI.

In duarum oppositarum, terrenæ scilicet, & cœlestis, delectationum conflictu, si gradibus inæquales fuerint, voluntas illi necessario obsequitur, & secundum illam necessario operatur, quæ alteram intensive superat; si vero fuerint æquales, neutri obsequitur voluntas; nihilque operatur, sed veluti in medio hæret suspenso, penitusque otiosa consistit.

Duas,

(41) Ibidem.

(42) Ibidem cap. 7.

(43) Ibidem.

(44) Ibidem cap. 9.

Ibidem in titulo.

Duas, ut patet, hoc principium habet partes, quæ cum maximi momenti sint, singulatim sunt demonstrandæ.

I.

30. Fore itaque primo secundum Janfenium, ut in duarum inæqualium delectationum confictu voluntas nostra secundum vividiorē fortioīremque necessario operetur, eique necessario obsequatur, multiplici ipsiusmet Janfenii testimonio ostenditur. Persuasum namque in primis habens ille, de *indeliberata delectatione* loqui S. Augustinum, dum scripsit: Quod amplius nos delectat, secundum id operemur necesse est (45), locum hunc vocat *clarissimum*, & *præclarissimum*, planeque dignum, qui *aureis characteribus* scribatur, quod nempe ex illo uno, ejus judicio, *plenissime* capiatur S. Augustini mens, illudque tanti Doctoris *manifestissima*, & *resolutissima* auctoritate definiatur, quod ipse *filio verborum perspicuorum* ejusdem ductus, *tamquam ab eo existimatum*, & *traditum*, ratiocinando collegerat, videlicet *nisi cælestis delectatio major fuerit, quam terrena, qua noster affectus detinetur, fieri non posse, quin propriæ voluntatis infirmitate vincamur. Major enim delectatio nunquam sane,* inquit ille, *delectatione minore superabitur, sed eam sequetur animus, quæ magis eum afficiendo suavitatem detinuerit* (46); ut proinde ad opus justitiæ, qualecumque faciendum necessarium sit, ut ex *majori justitiæ delectatione nascatur* (47). Docet secundo Janfenius,

(45) Comment. in Epist. ad Galatas n. 49.

(46) Lib. 4. de Gratia Christi cap. 6.

(47) Ibidem.

nus, juxta S. Augustini mentem constantissimam, & saepe declaratam, idcirco in ista cum temptationibus dimicatione magnam, adeoque majorem, ac victricem delectationem caelestem esse necessariam, ut delectatio terrena superetur, quia alioquin voluntas tam magnas volendi vires adhibere non potest, seu, ut Schola loquitur, tam intense ac fortiter velle non potest, quantum necesse est, ut tentatio, seu delectatio opposita superetur (48). Tertio postquam semel atque iterum dixit Jansenius, neminem animo amplecti aliquid, quod eum non delectat, & nisi delectet, voluntatem moveri nullo pacto posse, ait, oriri ex hac radice, ut in conflictu delectationum non aliud animo amplecti, nec ad aliud amandum sequendumque moveri (voluntas) possit, nisi quod vehementius delectaverit (49). Nimirum quia id quod amplius nos delectat, etiam amplius velimus ac diligamus necesse est. Tanto enim, inquit ille, quidque vehementius volumus, quanto delectamur ardentius, quod autem magis volumus ac diligimus, secundum id operemur necesse est (50). Addit porro etiam in peccatis eandem necessitatem delectationis ad volendum, ac majoris delectationis ad superandam oppositam delectationem reperiri (51). Demum, ut alia propemodum innumera id genus loca præcream, quia, inquit Jansenius, quamdiu in hac vita vivimus, terrenis delectationibus undique titillantibus ad dilectionem creaturarum à dilectione creatoris avocamur (quod proprie omnium temptationum sive blandientium,

(48) Ibidem cap. 7.

(49) Lib. 4. de Gratia Christi cap. 7.

(50) Ibidem.

(51) Ibidem.

tium, sive *scientium est munus*, hinc ille *conflatus delectationum*, qui sopiri non potest, nisi altera alteram delectando superaverit, & eo totum animi pondus vergat. Quod enim amplius delectat, secundum id operemur necesse est (52). Nihil itaque certius, nihilque solemnius Jansenio est, quam humanam voluntatem post Adæ lapsum secundum id necessario operari, illudque necessario sequi, quod ipsam amplius indeliberate delectat, adeo nimirum ut, quemadmodum ipse ait, *nunc recte, nunc perperam faciat, prout cæli, aut terra delectatio consensum ejus obriperit* (53)

I L

51. Futurum autem, Jansenii quoque judicio, ut etiosa veluti in medio suspensa, hæreat voluntas, si indeliberatæ delectationes, quibus in contrarias partes simul trahitur, fuerint vi, & *energia æquales*, hoc uno quidem, sed luculentissimo ejusdem testimonio demonstratur. Nisi enim, inquit ille, *cœlestis delectatio tanta fuerit, ut ei delectationes rerum terrenarum cesserint, vel peccabitur* (si nempe illa hisce fuerit minor, nempe remissior) *vel alternante delectationum* (utique vi æqualium) *fluctu, in medio remanebitur, nihil scilicet voluntas operabitur. Quod enim amplius nos delectat, secundum id operemur necesse est* (54). Itaque Jansenium si audiamus

Co-

(52) Ibidem cap. 9.

(53) Lib. 4. de Gratia Christi cap. 9.

(54) Ibidem cap. 10.

COROLLARIUM I.

52. *Dux delectationes, quemadmodum rem hanc egregie æque ac verissime explicat P. Simonnet, se habent instar duorum ponderum, voluntas vero instar libræ duas habentis lances, quarum uni semper inest pondus suum, nempe terrena delectatio, à qua proinde tamdiu voluntas ad res terrenas depressa insuperabiliter tenetur, quamdiu alteri lanci non advenit pondus alterum aut majus, aut saltem æquale. Si advenit æquale, libra, seu voluntas reddit æquilibrium, & in æquilibrio insuperabiliter manet, quamdiu lancibus incumbunt æqualia pondera. Si advenit majus, libra, seu voluntas in aliam partem insuperabiliter inclinatur versus spiritualia, & cœlestia. Quod si advenit minus, insufficienti, adeoque irritò conatu, tentat in suam partem inclinare libram, seu voluntatem, quæ proinde in partem adversam inclinata manet insuperabiliter versus terrena & turpia, donec minori ponderei addatur novum pondus, cujus additione potentius evadat adverso pondere (55).*

S C H O L I O N.

53. Ne cui tamen ex Janfenii fautoribus nomen P. Simonnet bilem moveat (neminem quippe congruissimum æquo mitique animo ferre illi possunt), placet auctoritate doctissimi P. Graveson id confirmare, quod modo ex illo retulimus. Ait ergo Vir revera eximius P. Graveson : *Quemadmodum si in balance duo*

C
fue-

(55) Tom. 2. *Jusfit. Theol.* tract. 6. disp. 3. art. 6.

fuerint pondera inæqualia, necesse prorsus est, eam bilancis partem deprimi, in qua majus est pondus, nec ullo pacto fieri potest, ut majus pondus à minori inclinetur, quandoquidem inter ea duo nulla est proportio, ita non abfimili ratione si indeliberata cœlestis delectatio.....fit major, ac superior terrena delectatione concupiscentiæ, tunc necesse erit juxta doctrinam Jansenii, ut voluntas hominis bene operetur. Sed si versa vice indeliberata concupiscentiæ delectatio.....superior sit, & major cœlesti delectatione, tunc juxta ejusdem Jansenii doctrinam necesse prorsus erit, ut hominis voluntas male operetur (56). Velint itaque nolint Jansenistæ, eorumque fautores, fateantur oportet, vel egregie P. Simonnet, vel perperam etiam P. Graveson, Vir scilicet è Thomistarum Schola doctissimus, memoratum Jansenii principium exemplo libræ, duas habentis lances, in quibus duo inæqualia pondera libere pendeant, exposuisse.

COROLLARIUM II.

54. Nihil itaque secundum Jansenium operabitur, neque operari potest homo sive boni, sive mali, nisi alterutra duarum illarum delectationum, quibus ejus voluntas ad operandum movetur, gradibus suis superior altera fuerit. Posita enim æqualitate graduum in delectationibus, hæreat voluntas ex Jansenii sententia necesse est, quemadmodum immota prorsus manet libra, si æqualia fuerint appensa pondera, quibus ad motum determinatur.

ANI-

(56) Class. 1. Epistolæ Theolog. Epist. 1. pag. mihi 14.

ANIMADVERSIO I.

55. Delectatio, tam cœlestis, quam terrena, quæ animum secum consentientem trahit, *viatrix* dicitur. Secundum Janseñium delectatio non est *viatrix* absolute, nempe nulla habita ratione *graduum* carnalis delectationis, cum qua pugnat, & quam vincit, sed est *viatrix* tantum *relative*, videlicet nonnisi quatenus *gradibus* suis superior est delectatione carnalis cupiditatis, qua tunc voluntas percellitur, atque ad malum sollicitatur. Inquit enim Janseñius: *Delectatio viatrix* relativa est. *Tunc enim est viatrix, quando alteram superat* (57), hoc est, quando contrariam delectationem *intensive* excedit. Addit quippe, *quod si contingat, alteram, nempe oppositam delectationem, ardentiorē esse, in solis inefficacibus desideriis hærebit animus, nec efficaciter unquam volet, quod volendum est* (58). Igitur secundum Janseñium

COROLLARIUM.

56. Una eademque delectatio potest simul esse *viatrix*, & *victrix*, sicuti etiam modo *viatrix*, modo *victrix*. Contingere enim potest, ut delectatio, quæ suam contrariam in uno *intensive* excedit, in altero ab illa *intensive* deficiat, sicuti etiam ut quæ modo *gradibus* superior fortiorque est sua opposita, fiat hac eadem *gradibus* inferior, cum scilicet haudquaquam repugnet, ut illa *intensive* augeatur, quin altera *intensive* itidem crescat.

C 2

SCHO-

(57) Lib. 8. de Gratia Christi cap. 2.

(58) Ibidem.

S C H O L I O N.

§7. Id necessario dici oportere, Janseniano duarum delectationum *relative* invincibilium admissio principio, apertissime docet Vvillielmus Vvendrokus, nempe Nicola, quem stare ad partes Jansenii, sive melius unum esse ex Jansenistarum grege, ut eum appellat Cl. P. Graveson (59), ignorat nemo. Ait enim: *Gratia* (videlicet delectatio cœlestis) *quæ nunc victrix est, dum cum levi cupiditate pugnat, aucta cupiditate, & acrius inflammata, potest etiam actu superari. Quomadmodum cupiditas, quæ victrix erat, dum cum alia minore (cœlesti delectatione) certabat, si hac invaluerit, & admotis propius incitamentis exarsit, desinit esse victrix, desinit plenam elicere voluntatem; sic item eadem illa gratia (nempe delectatio cœlestis), quæ cum minore cupiditate pugnat, victrix dicebatur, si novus ingruat cupiditatis fluctus, actu superatur. Ita fieri potest (concludit ille) ut qui levem tentationem superat, a majore superetur, etiam si eadem utrobique gratia (cœlesti scilicet delectatione) polleat (60); ac proinde ut una eademque delectatio modo victrix sit, modo victa, prout nempe gradibus suis modo superior, modo inferior est delectatione altera, cui in eadem voluntate adversatur.*

ANIMADVERSIO II.

§8. *Necessitas*, qua voluntas secundum Jansenium

vi-

(59) Class. 2. Epist. 4. pag. mihi 89.

(60) Dialog. in Epist. 18. Montaltii.

vividiori delectationi obsequitur, non est *consequens*, sed *antecedens*. Ejusmodi quippe illa est, ut ab impressione facta in voluntate, *antecedenter* ad quamcumque liberam ejusdem determinationem, ipsa prove-niat. Loquens enim Jansenius de cœlesti indeliberata *relative* victrice delectatione, qua voluntas ad bene operandum determinatur, ait, delectationem istam non expectare, ut voluntas sibi consentiat, sed effice-re, ut illa sibi obsequatur, adeo nimirum ut ei non obsequi ipsa minimè possit. *Non expectat*, inquit, illa delectatio, *ut voluntas secum influat.....sed facit secum influere voluntatem*, applicans eam ad *volendum agendumque*, quidquid per eam Deus *volendum agendumque* constituerit. Cum enim (pergit Jansenius) per terrenas cupiditates voluntas ad non volendum, imò ad repugnandum determinata sit, tollit (delectatio cœlestis gradibus superior) istam depressionem, atque determinationem in contrarium, & reflectit eam in bonum, non solum si libero arbitrio hoc videatur, & velit, sed ineffabili sua luce atque suavitate faciendo, ut sic ei videatur, & velit (61). Addit, impossibile esse, ut delectatio cœlestis *relative* victrix non determinet, imò prædeterminet voluntatem, quia facit, ut velis, & sine illa velle non possis; facit etiam, ut ardentius velis, & sine illa ardentius velle non possis, facit denique, ut necesse sit, animum istud sequi, & secundum istud operari, quod amplius delectaverit (62). Alibi quoque docet, vividio-rem delectationem extrahere voluntatem ab indifferentia agendi, eamque determinate facere agere, vel non agere,

C 3

velle,

(61) Lib. 8. de Gratia Christi cap. 3.

(62) Loco citato.

velle, vel non velle (63). Igitur vel nulla in voluntate datur *necessitas* obsequendi vividiori delectationi, qua percellitur, vel si datur, quemadmodum Jansenius contendit, aperteque docet, non *consequens* illa est, sed *antecedens*, utpote scilicet a tali impressione proveniens, quæ antevertit ipsius voluntatis consensum, & a qua voluntas ipsa ad assensum determinatur.

S C H O L I O N.

59. *Antecedentem esse necessitatem*, qua humana voluntas, Jansenii judicio, vividiori delectationi obsequitur, & secundum illam operatur; idque ideo quia illa delectatio, sive impressio, in voluntate facta, a qua *necessitas* ipsa provenit, *indeliberata* est, tradunt quamplures Viri doctissimi. In primis namque persuasum habet Cl. Diroyfius, Jansenium *de indeliberatarum delectationum vi ad determinandam voluntatem, ut sequatur propensionem ab illis sibi impressam, idem docere, quod olim docuerunt Astrologi de vi influentiarum, quod Physiognomici de temperamento corporis, quod tandem de necessitatibus, quibus voluntatem subdebant, omnes illi docuerunt, qui libertatem impugnasse accusati sunt* (64). Inter omnes siquidem convenit, eodem teste, voluntatem determinari ad electionem sui finis aliqua impressione, quæ illius determinationem antecedit (65). Certe, inquit idem Vir doctissimus, si suavitatem, & delectationem istam (indeliberatam scilicet

(63) Lib. 7. *de Gratia Christi* cap. 14.

(64) Dissert. *de justa quinque proposit. condemnat.* cap. 5. num. 1.

(65) Ibidem cap. 2. num. 5.

cet Jansenii) ponamus loco influxus astrorum, loco temperamentis, fati, aliorumque similium principiorum, quibus hæretici usi sunt ad liberum arbitrium destruendum, nulla sane reperietur differentia (quoad voluntatis determinationem attinet, & ad resistantiam, quæ ab eadem voluntate illi fieri potest in quovis statu) inter illorum doctrinam, & Jansenii dogma, quantum ad eandem determinationem, & facultatem ei resistendi in statu naturæ corruptæ (66). Jam vero certa omnibus, explorataque res est, non consequentem, sed antecedentem esse necessitatem illam, quam Astrologi, Physiognomici, Fatalistæ, ceterique demum liberi arbitrii hostes imponebant voluntati obsequendi impressioni, a qua, ut illi falso arbitrabantur, ad operandum determinabatur. Ergo antecedens quoque ex Diroyssii sententia est necessitas, qua voluntas secundum Jansenium vividiori indeliberatæ delectationi obsequitur, & secundum illam operatur. Diroyssio palam aperteque hæc super re consentiunt Lescius Crondermus, & Ab. Migliavacca. Ille siquidem præmisso, Jansenium docere, quod in statu naturæ corruptæ concupiscentia generaliter sumpta, ut est indeliberata delectatio mali hominum voluntatibus ante consensum earum dominatur, illasque ineluctabiliter determinat ad electionem mali, ac semper in ea detinet, nisi major delectatio boni itidem indeliberata, eis infundatur: hoc, inquam, præmisso, quid, ait ille, de hujusmodi sententia statuendum sit, & quantum ipsa affinitatis habeat cum erroribus illorum, qui ut liberi arbitrii destructores ab Ecclesia damnati sunt, quamvis satis clare perspicui valeat apud Diroyssum, aliis tamen judicandum relinqui-

C 4

mus

(66) Ibidem cap. 1.

mus (67). Hic vero, nempe Ab. Migliavacca, postquam dixit, *inducta semel victrice indeliberata delectatione, induci necessitatem antecedentem, qua libertas voluntati rationali, quatenus electiva est, & arbitrium vocatur, extinguitur* (68), animadvertendum esse ait, *Fansenii, ac Quesnelli errorem, quoad caput & summam rei nullatenus dissidere ab eorum perfidia, qui tamquam liberi arbitrii hostes ab Ecclesia proscripti fuere, cujuscumque sunt Gnostici, Manichæi, Priscillianista, Protestantes. Si quid interest discriminis, id unice ad illorum principiorum qualitatem, non ad efficacitatem revocatur, quod complura consinxerint diversa inter se, quibus tamen eodem modo infallibiliter determinaretur voluntas, priusquam ipsa se determinet. Fatum, astra, temperamentum, lucem, tenebras, aliaque alii excogitarunt. Fansenius demum delectationem indeliberatam in voluntate nostra victricem commentus est, cui subscripsit Quesnellus* (69). Alibi quoque, principium, inquit, Calvinianum, humanæ libertati infestum, in eo situm est, ut voluntas cum ad bonum, tum ad malum credatur ad se determinandum antecedenter compulsa bono, vel malo instinctu, quem illi Deus immiserit; quemadmodum Fansenius contendit, voluntatem invictæ ad bonum malumve determinari prævia delectatione indeliberata eidem impressa. Uterque, Calvinus scilicet, ac Fansenius, necessitatem antecedentem invenit: uterque Ecclesiæ fulmine percussus est, ut liberi arbitrii everfor, & Gnosticorum, Manicheorumque as-

(67) Elucidat. Augustin. de Divina Gratia doctrinæ lib. 2. cap. 5.

(68) Animad. in Historiam Theolog. §. 217.

(69) Ibidem §. 218.

secla (70). Hisce porro addatur primo Cl. P. Graveson. Et is enim aperte fatetur, *hoc doctrina Fansenii principium de indeliberata sive cœlesti, sive terrena delectatione, quæ relative victrix est, exterminare omnino liberum hominis arbitrium, & invehere inevitabilem necessitatem* (71), utique antecedentem; neque enim, si secus, liberum arbitrium, ut ipse ait, & omnes norunt, exterminaret. Hinc alio loco idem Vir doctissimus; *sensus, inquit, hæreticus Fansenii, sic explicantis illud S. Augustini effatum: Quod nos amplius delectat, idest, interprete Fansenio, delectatione indeliberata, & objectiva, quæque rationis advertentiam, & voluntatis consensum antevertit, secundum illud operemur necesse est, hoc est, interprete eodem Fansenio, necessitate antecedente, quæ rapit, ac secum trahit consensum voluntatis humanæ, ei adimendo veram potentiam ad oppositum, hic, inquit ille, Fansenii sensus hæreticus, & a mente S. Augustini omnino alienus, explodi debet* (72). Addatur secundo Illustrissimus Archiepiscopus Viennensis in Gallia, Auctor nempe Operis, cui titulus: *Bajanismus, & Fansenismus redivivus &c.* In altera siquidem hujus operis appendice pag. 6. scribit, Jansenistas contendere, *delectatione gradibus superiori voluntatem infallibiliter, & invincibiliter determinari ad operandum absque ullo respectu ad futuram ipsius voluntatis determinationem, ac proinde per illam imponi necessitatem non solum hypotheticam, sed absolutam, non solum consequentem, sed antecedentem.* In suo quoque documento Pastoralis, quod, ut opus illud suum

(70) Ibidem §. 133.

(71) Claf. 1. Epist. 1. pag. 14.

(72) Claf. 2. Epist. 6. pag. 130.

suum vindicaret , publici juris nuperrime fecit , cum , inquit , *necessitas ista* (obsequendi scilicet delectationi relative victrici) *ex delectatione indeliberata , & pro graduum superioritate victrici proveniat , quocumque demum nomine donetur , esse nequit aut necessitas hypothetica , aut necessitas consequens ; est enim , ut ostendimus , vere , & proprie dicta necessitas* (73) ; & infra , vidimus , inquit , *necessitatem , cui per Jansenium subest voluntas , gratia delectationem sequendi , quando ista cupiditatem gradibus superat , consequentem esse non posse ; cum enim , ait ille , ex sola graduum superioritate proveniat , nullo modo supponit liberum voluntatis consensum , quem in corde humano Dei omnipotentia operetur* (74) . Addatur postremo , ut præteream alios , utique brevitas causa , Cl. P. Berti . Ait quippe , agens hac ipsa de re : *Nec inducta à Jansenianis necessitas , dici potest necessitas consequens ; quum enim soli coactioni opponatur , ac sit ejusdem generis , ac necessitas illa , qua omnes volunt esse beatos , qua Deus seipsum diligit , & qua Sanctorum spiritus in cælis adherent summo Bono , est necessitas antecedens , & qua libertatem indifferentia omnino excludit* (75) . Manet itaque , tot doctissimorum Virorum consensu , *necessitatem* , cui secundum Jansenium subest voluntas obsequendi vividiori indeliberatæ delectationi , qua percellitur , *consequentem non esse , sed antecedentem , eamque ideo esse hujusmodi , quia indeliberata est delectatio , a qua necessitas ipsa procedit .*

ANI-

(73) P. 1. Artic. 1. §. 8. pag. 30.

(74) Ibidem §. 11. pag. 43.

(75) P. 2. *Apologia Dissert.* 4. cap. 1. §. 5. n. 7.

ANIMADVERSI O III.

60. Quemadmodum *antecedens*, non vero *consequens*, ut modo vidimus, ita *vera*, *realis*, & *physica*, non autem tantum *moralis* secundum Jansenium *necessitas* illa est, qua, ut ipse ait, humana voluntas secundum id operatur, quod ipsam, indeliberata delectatione, magis delectat. Primo etenim docet Jansenius, voluntatem à vividiori indeliberata delectatione, qua percellitur, non *moraliter*, sed *vere*, *realiter*, & *physice* ad operandum prædeterminari. Ait quippe, vividiozem delectationem efficere, ut voluntas secum influat, eam *inclinando*, *applicando*, *determinando*, & quia prævenit ipsam voluntatis determinationem, etiam prædeterminando, non solum, inquit ille, *moralis*, sed *vera*, *reali*, & *physica* determinatione. Siquidem (ita ille prosequitur) *moralis* prædeterminatio illa dicitur, quæ tantum se habet ex parte objecti, quemadmodum facit ille, qui consulit, suadet, præcipit, rogat, blanditur, sive extrinsecus, sive intrinsecus; sed hæc se habet in ipsa potentia voluntatis, quam propriæ suæ suavitatis magnitudine ad volendum applicat, & applicando determinat, utpote causans in ea hoc ipsum, ut se determinet, ideoque prædeterminat (76). Jam vero si indeliberata delectatio, quæ gradibus superior est, non *moralis*, sed *vera*, *reali*, & *physica* determinatione secundum Jansenium ita prædeterminat voluntatem ad operandum, ut necesse sit, voluntatem ipsam secundum illam delectationem, quemadmodum Jansenius ipse ait, operari, quis non videt, hinc necessario dicent-

(76) Lib. 8. de Gratia Christi cap. 3.

cendum fore , non *moralem* , sed *veram* , *realem* , & *physicam* eam quoque esse *necessitatem* , quam prædeterminans illa delectatio voluntati imponit ? Certe repugnat , mea quidem sententia , ut a causa *vere* , *realiter* , & *physice* ad operandum prædeterminante non nisi *moralis* operandi *necessitas* derivari legitime possit. Constat secundo , eos ab Jansenio irrideri , qui ajunt , tam vehementes quandoque esse motus cœlestis delectationis , ut *moraliter sit impossibile illis resistere* , nempe ut qui motibus illis percelluntur , *difficile resistere possint* , sed tamen possint sive ut *moraliter resistere non possint* , etsi *physice possint*. Egregia sane *Philosophia* , inquit ille , *præclara gratia laus* , *mira defensio humane libertatis* , *recondita utriusque conciliatio*. Tum paulo post : *Paradoxa sunt hæc* , *antiquitati* , & *Ecclesie inaudita* (77). Nihil itaque certius in doctrina Jansenii est , nihil apertius , quam humanam voluntatem *physice* non posse indeliberatæ illi delectationi resistere , qua ad volendum operandumque vehementius excitatur. Igitur necesse est , illius judicio , non *moralis* dumtaxat , sed *vera* , *reali* , & *physica necessitate* , ut secundum id operetur humana voluntas , quod indeliberate ipsam magis delectat.

S C H O L I O N.

61. Quæ modo dixi de *physica necessitate* obsequendi vividiori indeliberatæ delectationi , quam delectatio ipsa secundum Jansenium imponit voluntati , confirmatur luculentissime testimonio P. Graveson , & Archiepiscopi Viennensis , cujus superiori loco mentionem

(77) Lib. 7. de *Gratia Christi* cap. 14.

nem feci. Præmissio namque, doceri à S. Thoma, hominem in statu naturæ lapsæ nulla necessitate absoluta, & physica compelli ad peccandum, quamvis tamen quandoque contingat, hominem, nisi per gratiam liberetur, necessitate aliqua morali trahi ad peccatum, hoc est, difficile abstinere a peccato, ait Cl. P. Graveson, ab hac communi & pervulgata necessitatis moralis notione ac significatione deflectere Jansenii discipulos, qui veram, & proprie dictam necessitatem ex delectatione relative superiore profectam, cui voluntas nunquam resistit, imò neo relative resistere potest, appellant necessitatem moralem, quæ tamen juxta illorum principia est vere necessitas simplex, voluntaria, & relativa; quia, ut ipsimet docent, inquit ille, hæc necessitas inducitur ex delectatione superiori, ac relativa sive ad bonum, sive ad malum, cui voluntas in his, in quibus versatur circumstantiis, caret potentia, non quidem absoluta, sed relativa resistendi. Quo fit, ut hæc necessitas in doctrina Jansenii, ejusque discipulorum, non sit necessitas moralis, sed necessitas simplex, & voluntaria, antecedens, invincibilis, & insuperabilis, quæ citra apertam hæresim admitti non potest (78). Ita vero laudatus doctissimus Præsul: Sane dici nequit à Jansenistis, necessitatem hanc (operandi scilicet secundum indeliberatam vividiorē delectationem) esse tantum moralem. Moralis enim necessitas ex communi, inquit ille, Theologorum loquendi modo, ea est, cui resisti nonnisi difficillime potest, sed potest tamen; nequit ei semper resisti, sed aliquando resistitur. Jam vero in Jansenii systemate nunquam delectationi gradibus superiori

(78) Class. 2. Epist. 3. pag. 70.

riori resistitur, quin ne resisti quidem potest (79). Ergo necessitas hujusmodi moralis nequaquam est, sed vera, realis, & physica. Quamobrem

COROLLARIUM I.

62. *In conflictu duarum inæqualium delectationum necesse est secundum Fansenium, non consequente, sed antecedente, non morali tantum, sed vera, reali, & physica necessitate, ut ei voluntas obsequatur, & secundum illam operetur, quæ gradibus suis alteram superat; ac proinde*

COROLLARIUM II.

63. *Est physice impossibile, ut in duarum inæqualium delectationum conflictu voluntas debiliori obsequatur, vividioris relicta. Id enim physice impossibile est, cujus oppositum est physice necessarium.*

COROLLARIUM III.

64. *Voluntas sub delectatione relative victrice non est libera libertate exercitii, sive à simplici necessitate. Repugnat enim, ut patet, voluntatem sub delectatione relative victrice hoc modo esse liberam, si physice necessarium sit, ut illi delectationi voluntas ipsa obsequatur, & secundum illam operetur.*

SCHO-

(79) P. 2. Documenti Pastoralis artic. I. §. II. n. 1.

SCHOLION.

65. Ita porro Jansenium ipsum docere hoc uno illius testimonio manifeste ostenditur. Sumta namque libertate indifferentiæ, sive exercitii pro libertate agendi, & non agendi, seu faciendi, & non faciendi, sive abstinendi ab eo, quod facis, ait Jansenius, non minus carnalis concupiscentiæ titillationes, quam spirituales delectationes (utique indeliberatas, & relative victrices) capitalem, ac diametralem cum indifferentiæ libertate hostilitatem exercere (80). Certe, ut paulo antea dixerat, hæc contradictio tanta est, & tam præcisa, ut si, ait ille, perfecta cœlestis gratiæ delectatio voluntati tribuatur, indifferentiam illam Philosophicæ libertatis funditus interimat, sicut hoc in animabus sua beatitudine fruentibus manifestum est (81). Neque secus, ipso teste, de terrena quoque delectatione, quæ gradibus suis cœlestem superat, dicendum est. Ait quippe, multo magis omnem concupiscentiæ motum similiter directam habere repugnantiam cum libertate. Repugnat enim, inquit, ex diametro indifferentiæ voluntatis; cum hoc efficiat blanditiis motus sui, ut qui ad agendum, & non agendum ante motum quoquo esset indifferens, ipso motu libidinis in alteram partem, instar æquilibrii, cui pondus additur, impellatur (82). Opponet fortasse nonnemo, eam hic indifferentiæ libertatem ab Jansenio intelligi, non quæ necessitatem, sed quæ propensionem excludit, ita nempe ut illius mens.

(80) Lib. 7. de Gratia Christi cap. 14.

(81) Ibidem.

(82) Loco citato.

mens sit, fieri per delectationem *relative* victricem, ut voluntas in unam potius, quam in alteram partem propendat; minime vero, ut ad unam partem voluntas ipsa per illam delectationem *insuperabiliter* determinetur, adeo nimirum ut velle oppositum *physice* ipsa non possit. Verum contra est. Nam Jansenius hoc eodem loco eos irridet, qui *fatentur*, aliquando tam *vehementes esse divina gratia motus*, ut moraliter sit impossibile resistere, quamvis aliquid semper *indifferentiæ remanere velint*, ut videlicet difficile resistere possint, sed tamen possint, sive, ut moraliter resistere non possint, etsi physice possint (83) Tenet ergo Jansenius, non moraliter tantum, sed *physice* esse impossibile, quominus delectationi, quæ gradibus superior est, voluntas consentiat. Ergo, illius quoque iudicio, delectatio *relative* victrix non illi solum *indifferentiæ* libertati opponitur, quæ *propensioni*, sive etiam *moralis necessitati* contraria est, verum etiam illi, quæ *physicam necessitatem* excludit, ac proinde quæ *libertas exercitii*, & *electionis* communi Theologorum usu nuncupatur.

ANIMADVERSIO IV.

66. Observandum postremo est, non *absolutam*; sed *relativam* esse *necessitatem* illam, cui obnoxia est voluntas secundum Jansenium, operandi secundum vividiores delectationem, qua percellitur. Non enim illa *necessitas* inest voluntati, circumstantiis omnibus præcis, in quibus voluntas ipsa esse potest; sed non-nisi habita circumstantiarum ratione, eidem competit.

Ea-

(83) Ibidem.

Eatenus quippe secundum Janfenium voluntas subjicitur *necefsitati* obfequendi delectationi gratiæ, quatenus hæc gradibus fuis carnalem cupiditatem fuperat; adeo nimirum ut fi contingat, delectationem illam ab hac *intenfione* fuperari, non amplius voluntas ad illam fequendam teneatur. *Necefsitas* ergo, ab Janfenio inducta, non eft *absoluta*, neque *absoluta*, vere propriæque loquendo, dici poteft, fed *relativa*, ad gradus nempe delectationis indeliberatæ vel gratiæ, vel carnalis cupiditatis, qua voluntas ad operandum movetur. Id tamen non impedire, quominus illa fit *vera*, & *realis necefsitas*, nullum futurum puto, qui dubitet. Quis enim negabit *phyficam* efle *necefsitatem*; qua finiftra bilancis lanx graviore pondere onufta, defcendit, quamvis illa *necefsitas* non fit *absoluta*, ut patet, fed tantum *relativa*?

PROPOSITIO I.

Medicinalis gratia Chrifti in cœlefti indeliberata juftitiæ delectatione fecundum Janfenium pofita eft.

67. *Probatnr.* Quærens namque Janfenius, quid fit *medicinale* Chrifti *adjutorium* fecundum fubftantiam, ait, certiffimum fibi fore, ut quifquis S. Auguftini veftigiis inhærere voluerit, fateatur, illud adjutorium non efle aliud, quam *cœleftem fuavitatem*, feu *spiritalem delectationem*, qua voluntas prævenitur & *flertitur ad volendum faciendumque quidquid eam Deus velle & facere conftituerit* (84). Ex pluribus deinde, quæ ipfe refert, ejufdem S. Doctõris testimoniis facile cuique conftare contendit, nihil certius fuiſſe S.

D

Au-

(84) Lib. 4. de Gratia Chrifti cap. 1. . .)

Angustino; quam eam gratiam, per quam solam operamur, quidquid boni operamur, nomine dulcedinis, suavitatis, delectationis spiritualis, atque cœlestis in Scripturis Sacris esse significatam (85). Toto demum lib. 4. de Gratia Christi in eo ille est, ut demonstret, cœlestem indeliberatam delectationem, voluntati a Deo immissam; esse verissimum illud adjutorium, quod Christus attulit, & quo ipse in nobis operatur velle atque perficere (86), sive, ut habet alio loco, auxilium gratiæ non esse aliud, quam quo Deus dilectionem charitatis inspirat, cujus ardore mens roborata concupiscentiæ delectationes premat, & superet. (87); neque aliter per gratiam sanari ægrotam voluntatem, nisi quatenus loco delectationis libidinosa, quæ voluntatem sub se captivam ac servam tenet, Deus aliam delectationem cœlestem inserit, per quam fit, ut, rupto illo libidinis, seu concupiscentiæ vinculo, apex voluntatis ab ejus captivitate erutus, sursum caput exserat, & affigatur Deo (88). Cœlestis enim illa suavitas mollit viam, ut voluntas ex carnalium rerum visco emergere possit, & seipsam in justitiam diligendam figere (89). Itaque secundum Jansenium cœlestis indeliberata justitiæ delectatio est illa unica ægrotæ voluntatis medicina, quæ tamquam directe contraria morbo, quo affligitur, extorquetur consensus ejus delectationi repugnanti, & re-

tor-

(85) Ibidem.

(86) Ibidem cap. 8.

(87) Lib. 5. ejusdem cap. 1.

(88) Lib. 1. de Statu naturæ lapsæ cap. 3.

(89) Lib. 4. de Gratia Christi cap. 7.

torquetur sursum, ut sic blandienti delectantique spiritui affixus, & quasi suspensus ex Deo, non amplius in veterem libidinis servitutem detrahatur. (90).

ANIMADVERSIO.

68. Gratia, quam in cœlesti indeliberata justitiæ delectatione Jansenius constituit, non habitualis, sed actualis est; deque hac tantummodo ille agit, de gratia differens. Fatetur enim, de ea Christi gratia rem sibi esse per quam voluntas infirma liberatur, vegetatur, reparatur, sanatur, a creaturis ad Deum rectorquetur, rectificatur, justificatur, quæque sexcentis Augustini locis vocatur sanans, & justificans, non quod formaliter, & habitualiter talem voluntatem hominis facit, sed quia illam ad talem justitiæ, & sanitatis rectitudinem efficiendo perducit. Non enim, inquit, de habitualiter sanante & justificante gratia contra Pelagium vires humanæ voluntatis prædicantem agebatur, sed de illo principio, quo liberi arbitrii infirmitas juvabatur (91), nempe de gratia actuali. Nam, ut antea dixerat, sive nolentibus velle, sive volentibus plenius velle, sive non agentibus boni operis dilectio inspiretur, semper motio Sancti Spiritus actualis exprimitur (92). Infra quoque se demonstraturum esse ait, gratiam illam, quæ singulis tentationibus superandis, singulis præceptis faciendis, singulis motibus bonis, contra Pelagianos ex fidei catholica doctrina, & Augustini explicantis suffragio necessaria est, ac proinde

D 2

de

(90) Ibidem cap. 9.

(91) Lib. 2. de Gratia Christi cap. 16.

(92) Ibidem.

de qua ipse agit, non aliam esse, nisi actualem; qua in singulis actibus nostra infirmitas adjuvetur (93).

PROPOSITIO II.

Gratia Christi efficax nihil est aliud secundum Janse-
nium nisi cœlestis indeliberata justitiæ delectatio, quæ
gradibus suis superior sit terrena indeliberata carna-
lis cupiditatis delectatione, cui voluntas, origina-
lis peccati causa, obnoxia est, & qua ab justitiæ
amore illa retrahitur, atque in malum indefinenter
urgetur.

69. *Probat*ur. Primo siquidem docet Janse-
nius, tunc hominem a peccato liberari, & opus bonum effi-
ci, cum cœlestis illa suavitas de cœlo venerit, atque
contrariam suam (scilicet delectationem terrenæ cupi-
ditatis) superaverit (94). Certum est autem, non li-
berari hominem a peccato, neque opus bonum effici,
nisi per gratiam efficacem. Ergo secundum Janse-
nium gratia efficax est cœlestis indeliberata delectatio, gradi-
bus suis superior carnali cupiditate.

Secundo ait Janse-
nius, ad judicium Dei pertinere;
quod non adsit illa gratia, qua omnis voluntas, ac
dolor temporalis impediens superetur, nimirum gratia
efficax, & illam gratiam non esse aliam, nisi magnam
delectationem cœlestem, cui cedant cuncta repugnantia
(95), nempe cœlestem delectationem adeo vividam,
quæ terrenam oppositam delectationem intensius supe-
ret. Ut enim ille ipse deinde tradit, major delectatio
nun-

(93) Ibidem cap. 17.

(94) Lib. 4. de Gratia Christi cap. 4.

(95) Ibidem cap. 5.

nunquam delectatione minore superabitur ; sed eam sequetur animus , quæ magis eum afficiendo suavitæ detinuerit. (96)

Tertio : præmissis veluti jam plane certo inconcussoque principio , secundum id nos necessario operari , quod magis nos indeliberate delectat , cum igitur , inquit Jansenius , ad opus justitiæ qualecumque faciendum necessarium sit , ut ex majore justitiæ delectatione nascatur , hinc fit , ut istam Christi gratiam (scilicet efficacem) Augustinus epitheto ad hoc ipsum exprimendum propriissimo atque efficaci ornare soleat. Nam plerumque vocat eam delectationem victricem , vel illo ipso , vel alio æquipollenti vocabulo (97) ; additque Jansenius , inde quoque proficisci , quod quando animus ista cæli suavitæ destituitur , non possit aliud , quam rerum terrenarum delectationes appetere , & sequi , quæ propter eandem causam quoque tunc victrices , aut vincentes (nempe efficaces) ab eo nuncupari solent (98).

Docet quarto , juxta S. Augustini mentem constantissimam , & sæpe declaratam idcirco in ista cum tentationibus dimicatione magnam , adeoque majorem , ac victricem delectationem cœlestem esse necessariam , ut delectatio terrena superetur ; quia alioquin voluntas tam magnas volendi vires adhibere non potest , seu , ut Schola loquitur , tam intense ac fortiter velle non potest , quantum necesse est , ut tentatio , seu delectatio opposita superetur (99)

D 3

Quin-

(96) Lib. 4. de Gratia Christi cap. 6.

(97) Ibidem.

(98) Ibidem.

(99) Lib. 4. de Gratia Christi cap. 7.

Quinto : *Cum nulla*, inquit ille, *sit gratia operandi præter istam suavitatem Dei*, nisi ista tanta fuerit, ut ei delectationes rerum terrenarum cessarent, vel peccabitur, vel, alternante delectationum fluctu, in medio remanebitur. Si autem ista superaverit, jam sine dubio bene voluntas operabitur (100). Ergo secundum Jansenium cœlestis delectatio gratiæ tunc est efficax, cum terrenam oppositam delectationem intensive superat.

Postremo ait Jansenius : *Delectatio victrix*, quæ Augustino est efficax adiutorium, relativa est. Tunc enim est victrix, adeoque efficax, quando alteram, nempe terrenam, superat (101). Nihil itaque certius in doctrina Jansenii, quam efficacem Christi gratiam in cœlesti indeliberata delectatione, quæ terrenam gradibus suis superet, essentialiter consistere. Itaque

COROLLARIUM.

70. Ex superioritate graduum relative ad carnalem cupiditatem, cui voluntas obnoxia est, efficacia divina gratiæ in systemate Janseniano unice derivatur. Etenim nonnisi propter superioritatem graduum relative ad carnalem cupiditatem habet secundum Jansenium cœlestis indeliberata gratiæ delectatio, ut certo & infallibiliter secum consentientem trahat voluntatem, nempe ut carnalem cupiditatem, qua voluntas ipsa ad malum sollicitatur, vincat ac superet; ac proinde ut sit efficax.

SCHO-

(100) Ibidem cap. 10.

(101) Lib. 8. *Ejusdem* cap. 2.

S C H O L I O N.

71. Hanc esse Jansenii judicio, naturam gratiæ effi-
caciis, confirmat ceteros inter doctissimus P. Grave-
son. Ait enim, Jansenium docere pluribus in locis
naturam, & efficaciam gratiæ in statu naturæ lapsæ
sitam esse in cœlesti indeliberata delectatione relative
ad gradus concupiscentiæ, quæ cœlestis indeliberata de-
lectatio, dum superior est gradibus concupiscentiæ,
tunc per se, & ab intrinseco est efficax (102) atque
hinc efficaciam gratiæ secundum Jansenium necessario
pendere ex minori concupiscentiæ resistentia, itaut si
terrena delectatio concupiscentiæ major ac fortior sit
cœlesti delectatione gratiæ, maneat omnino depressa,
fracta, & inutilis ipsius gratiæ virtus (103). Addit
quoque idem Vir Cl. inter Jansenii discipulos nè
unum quidem esse, qui vim gratiæ efficacis non repe-
tat ex indeliberata cœlesti delectatione relative victri-
ci, & superiori opposita concupiscentiæ terrena de-
lectatione (104)

PROPOSITIO III.

Gratia Christi inefficax secundum Jansenium est celestis indeliberata delectatio gradibus inferior carnali cupiditate qua tunc voluntas sollicitatur.

72. *Probatur.* Cum enim, inquit Jansenius, *nulla sit gratia operandi præter istam suavitatem Dei, nisi*

(102) Claf. 2. Epist. 2. pag. 47.

(103) Ibidem pag. 50.

(104) Ibidem Epist. 6, pag. 123.

ista tanta fuerit, ut ei delectationes rerum terrenarum cesserint, vel peccabitur, vel alternante delectationum fluctu in medio remanebitur; sin autem ista superaverit, jam sine dubio bene voluntas operabitur: Quod enim amplius nos delectat, secundum id operemur necesse est. Sed utrumlibet fiat, non erit sufficiens gratia, sed vel efficax (si nempe cœlestis ipsa delectatio superior fuerit carnali cupiditate), vel ita inefficax (si nimirum fuerit carnali cupiditate inferior) ex qua operatione quidem sequi possit, nisi ejus inefficacia per aliam suppleatur (105). Alibi quoque docet, si contingat, delectationem carnalis cupiditatis ardentiorē esse cœlesti delectatione gratiæ, fore, ut in solis inefficacibus desideriis hæreat animus, nec efficaciter unquam velit, quod volendum est (106). Inefficax itaque gratia secundum Jansenium est cœlestis indeliberata delectatio, quæ gradibus suis inferior sit delectatione itidem indeliberata carnalis cupiditatis. Hinc

COROLLARIUM I.

73. *Secundum Jansenium eadem gratia potest simul esse efficax, & inefficax, sicuti etiam modo efficax, modo inefficax. Eadem siquidem delectatio gratiæ potest in uno excedere gradibus suis carnalem cupiditatem, simulque in alio ab ea deficere. Contingere quoque potest in eodem homine, ut eadem ipsa delectatio gratiæ major modo sit carnali cupiditate, modo minor, cum scilicet fieri queat, ut carnalis cupiditas intensiusve augeatur; atque hinc ut quæ antea de-*

(105) Lib. 4. de Gratia Christi cap. 10.

(106) Lib. 8. ejusdem cap. 2.

debiliior erat delectatione gratiæ, vividior illa evadat, ipsamque superet. Propterea

COROLLARIUM II.

74. Gratia efficax in systemate Janseniano a gratia inefficaci intrinsecus, seu quoad suam entitatem diversa non est. Neque enim differre possunt hoc modo, si eadem gratia potest esse modo efficax, modo inefficax, & quæ in uno efficax est, simul in altero eadem ipsa inefficax esse possit.

SCHOLION I.

75. Utrumque hoc necessario futurum, posita Janseniana gratiæ efficacis, & inefficacis notione palam aperteque docet sub Vvendrokii nomine unus in illorum grege Nicolius. Ait enim: Gratia, quæ nunc victrix est (adeoque efficax) dum cum levi cupiditate pugnat, aucta cupiditate, & acrius inflammata, potest etiam actu superari. Et quemadmodum cupiditas, quæ victrix erat, dum cum alia minore certabat, si hæc invaluerit, & admotis propius incitamentis exarserit. desinit esse victrix, desinit plenam elicere voluntatem; sic item eadem illa gratia, quæ cum minore cupiditate pugnans, victrix dicebatur, si novus ingruat cupiditatis fluctus, actu superatur. Ita fieri potest, ut qui levem tentationem superat, a majore superetur, etiamsi eadem utrobique gratia polleat (107) Itaque, ut egregie observat doctissimus P. Graveson, in systemate Jansenii de delectatione superiori,

mult.

(107) Dialog. in Epist. 18. Mentaliji.

nulla datur gratia ex se, seu ex natura, & virtute intrinseca victrix, & efficax, sed vis, & efficacia gratiæ juxta Jansenium non tam ex interna ipsius virtute pendet, quam ex minori opposita concupiscentiæ resistantia. Inde est (prosequitur Cl. Auctor) quod in hoc Jansenii, & Jansenistarum systemate eadem gratiæ entitas, citra ullum novum ex parte Dei auxilium, in uno & eodem homine varie disposito sit modo victrix, modo non victrix (nempe modo efficax, modo inefficax) prout major, vel minor fuerit opposita concupiscentiæ actualis resistantia (108).

SCHOLION II,

76. Aliquam gratiam inefficacem etiam ab Jansenio fuisse modo admittam, videtur a nemine in dubium verti posse. Considerandum est enim, inquit ille, multiplices esse divinæ gratiæ effectus, quemadmodum & voluntatis. Est enim velle perfectum, quod Augustinus posse vocat; est & imperfectum, quod velleitatem appellare solent, & hoc ipsum diversos gradus habet, donec ad ipsam primam tenuissimamque boni complacentiam veniatur. Hæc est ergo primus ille cælestis istius roris effectus, quem ut minimum in omnibus operatur, quibus eam infundit Deus. Nam quemadmodum inundatio divinæ gratiæ (nempe gratia efficax) totam hominis voluntatem secum instar impetuosæ cuiusdam torrentis rapit sic, ut omnia humani cordis retinacula, quibus terrenis rebus irretitur velut violenta quadam tempestate dirumpit; ita lenis ille, velut aquæ tenuis, afflatus (scilicet gratia inefficax) complat-

cen-

(108) Class. 2. Epist. 6. pag. 134.

centiam quamdam voluntatis tenuissimam rei tam pulcræ, quæ simul obicitur contemplanda, contemperatam suaviter impetrat, & celerrime quasi furtim post se rapit. Hæc igitur gratia (inefficax scilicet) quamvis nullo modo sufficiat, ut homo Dei mandatum operetur, ut Deum super omnia diligat, ut speret, ut oret, ut credat, ad hoc tamen facit aliquid, ut istarum, vel alterius cujusdam non voluntates, sed velleitates, vel complacentias excitet, quas, nisi divinitus infundantur, obtinere humana potestate nemo potest. Non enim quævis gratia ad quosvis effectus inferendos sufficit, ut quidam imaginati sunt, sed potestates operationum difficultati attemperandæ sunt. . . . Sic videmus plurimos, qui necdum ab immunditiis carnis se continere possunt, vehementer tamen (per gratiam inefficacem) optare continentiam: cujusmodi vota divinæ gratiæ (utique inefficacis) sunt munera, & majoris gratiæ (nempe efficacis) provocativa, quamvis nullo modo veræ perfectæque continentiæ comparanda sint (109).

ANIMADVERSIO.

77. Gratia efficax, nempe cœlestis delectatio, quæ gradibus suis major sit terrena cupiditatis delectatione, cum qua in voluntate pugnat, magna dici solet a Jansenianis; parva autem ex adverso gratia inefficax, cœlestis nempe delectatio, quæ a delectatione terrenæ cupiditatis intensius deficit.

CON-

(109) Lib. 2. de Gratia Christi cap. 27.

CONSECTARIA

SYSTEMATIS JANSENIANI.

COROLLARIUM I.

78. *Physice impossibile est, ut diligamus justitiam, quodque justum est, operemur, nisi tanta in nobis fuerit cœlestis delectatio gratiæ, quæ delectationem carnalis cupiditatis, quæ tunc voluntas urgetur, atque ad operandum malum sollicitatur, intensive superet.* Si enim tanta in nobis non fuerit cœlestis delectatio gratiæ, ut gradibus suis superior ipsa sit carnali cupiditate, quæ voluntas secundum Jansenium indefinenter deorsum premitur, fieri, eodem Jansenio teste, *physice* non potest, ut illi delectationi voluntas ipsa consentiat. Impossibile quippe est, ut obsequatur delectationi debiliori, fortiore relicta. Voluntas autem nequit, ejusdem Jansenii judicio, justitiam diligere, neque agere, quod justum est, nisi consentiat cœlesti delectationi gratiæ, & secundum illam operetur. Ergo, nisi ejusmodi delectatio superior *intensive* fuerit carnali cupiditate, est *physice impossibile*, ut diligamus justitiam, & quod justum est, operemur; atque hinc.

COROLLARIUM II.

79. Cum *gratia efficax* non distinguatur in hoc systemate a cœlesti delectatione, quæ gradibus suis superior sit carnali cupiditate, *physice impossibile est sine*
gratia

gratia efficaci secundum Jansenium, ut voluntas nostra quidquam boni operetur.

S C H O L I O N I.

80. *Impossibile est, inquit Jansenius, ut voluntas justitiam diligat, nisi ante ab illo delectabili affectu peccati, quo mens impeditur, & deorsum premittitur, liberetur (110). Tunc autem, eodem docente, homo a peccato liberatur, & opus bonum efficitur, cum cœlestis illa suavitas de cœlo venerit, atque adversariam suam (carnalem scilicet cupiditatem) superaverit (111), nempe cum illa fuerit tanta, ut gradibus suis carnalem ipsam cupiditatem excesserit; etenim, ut ille ipse docet, nisi cœlestis delectatio major fuerit, quam terrena, qua noster affectus detinetur, fieri non potest, quin propria voluntatis infirmitate vincamur. Major enim delectatio numquam sane delectatione minore superabitur (112). Alibi quoque docet, ante gratiam victricem cupiditatum, videlicet ante delectationem cœlestem relative victricem, nullam superesse in voluntate libertatem ad bonum, nullam potestatem, ut resistat concupiscentiarum carnalium desideriis, sed illis pleno jure dominantibus miserabili servitute subjacere captivum (113): quod infra quoque confirmat, dicens, toto tempore, quo nondum est homo per gratiam (scilicet per delectationem*

cœ-

(110) Lib. 7. de Gratia Christi cap. 5.

(111) Lib. 4. ejusdem cap. 4.

(112) Ibidem cap. 6.

(113) Lib. 3. de Statu Naturæ lapsæ cap. 6.

cœlestem relative victricem) a concupiscentiarum suarum dominatione liberatus. nullo modo arbitrium, seu voluntatem esse liberam, ut operetur bonum, sed sublata funditus boni faciendi, seu legis faciende libertate, sub concupiscentiæ servitute esse captivam (114); atque hinc pugnare quidem, sed vinci, scientem, renitentemque pondere cupiditatis trahi, peccati desideriiis vehementioribus rapi, consuetudine superari, volendo surgere, affligi gravius, peccare vehementius, instar præcipitati sine difficultate venire in profundum, etsi nolit, atque oderit (115). Ac demum alio loco, cum, inquit, potestas illa proxima benevolendi hoc ipso amissa sit, quod illud voluntas imperium ac nutus, quo seipsam solebat voluntas (cum gratia sine qua non) ad bonum, prout ei videtur, flectere, & non flectere, per introductæ concupiscentiæ delectationem captivum sit, & miserabili servitute depressum, ita ut nihil ei libeat, nisi terrenis delectationibus titillantibus consentire, non aliter quoque redditur, nisi ex illa captivitate per victricis delectationis cœlestis infusionem sibi consensum vindicantis, eruatur, qua sicut hoc ipso bona voluntas, ita etiam potestas bene agendi redditur (116). Et infra, hæc, inquit, firmitas, ardorque voluntatis male, vehementi delectatione concupiscentiarum adjuncta, & incitata, parit bene faciendi impotentiam, quam sola voluntas (nempe voluntas destituta delectatione cœlesti relative victrice) superare non potest, idque idcirco quia fortiter, stabiliterque non vult:

(114) Ibidem.

(115) Ibidem.

(116) Lib. 8. de Gratia Christi cap. 20.

vult : cum qua tamen quia manet facultas illa liberi arbitrii interna , & flexibilis benefaciendi , mala voluntas propter causam jam dictam rea est , quamvis nulla ei detur gratia , & habet quamdam ad contraria indifferentiam , quamdiu in hac vita vivitur , ratione cujus si Spiritus Sanctus aspiraverit bonam voluntatem , seu velle quod petulanter amissum est , iterum suscipere potest (117). Impossibilitas ergo operandi bonum , quam habet voluntas , destituta ea delectatione gratiæ , quæ sit superior carnali cupiditate , nempe destituta gratia efficaci , non solum sequitur ex principiis , quibus in suo systemate stabiliendo Jansenius innititur , verum etiam clare ab eo asseritur , aperteque sustinetur.

S C H O L I O N II.

81. Fieri porro nullatenus posse Jansenium si audiamus , ut homo destitutus gratia efficaci , nempe delectatione cœlesti , quæ gradibus suis superior sit terrena , bonum velit , illudque operetur , testatur etiam Cl. P. Graveson. Ait enim , Jansenium docere , hominem sine gratia per se efficaci , cujus naturam , seu essentiam reponit in cœlesti indeliberata delectatione gradibus terrene cupiditatis superiori , non habere potentiam bene agendi ; ipsumque asserere , solam gratiam per se efficacem , seu solam illam indeliberatam cœlestem delectationem relative victricem impertiri homini & posse agere (scilicet bene) & velle agere (118). Et alio loco , docet itidem Jansenius , inquit

(117) Ibidem.

(118) Class. 1. Epist. 5. pag. 89.

quit ille ; quod terrena concupiscentiæ delectatio , quando relative victrix est , & major ac superior opposita gratiæ delectatione cœlesti , parit bene faciendi impotentiam , quam voluntas superare non potest (119).

ANIMADVERSI O.

82. Dubitandum non est autem , quominus vera, realis , & physica secundum Jansenium sit illa bene agendi impotentia , cui homo obnoxius est , gratia efficaci , sive cœlesti relative victrice delectatione destitutus. Ut enim præteream , ex illius principiiis ad evidentiam consequi , physice esse impossibile , ut in duarum inæqualium delectationum conflictu voluntas nostra debiliore , vividiorē relicta , obsequatur , & secundum illam operetur , habemus ex ipsomet Jansenio , nisi medicinali gratia , & adjutorio vires pristinae (voluntatis) restaurentur (quod certe non fit , illo docente , nisi per delectationem cœlestem relative victricem) tam esse impossibile voluntati , ut bene velit , & operetur , quam homini cæco , ut videat , vel surdo , ut audiat , vel tibiis fracto , ut recte gradiatur (120). Certum est autem , hæc omnia esse physice impossibilia. Ergo &c.

COROLLARIUM III.

83. Urgente tentatione , necessario indeclinabili necessitate peccabimus , nisi tanta in nobis tunc fuerit cœlestis delectatio gratiæ , quæ terrenam delectationem ,
qua

(119) Class. 2. Epist. 6. pag. 132.

(120) Lib. 2. de Gratia Christi cap. 1.

qua voluntas ad malum in tentatione sollicitatur, intensive superet. Nisi enim delectatio cœlestis superior tunc fuerit terrena, huic voluntas nostra tunc necessario indeclinabili necessitate consentiet. Itaque

COROLLARIUM IV.

84. Cum *gratia efficax* secundum Jansenium sit delectatio cœlestis relative victrix, *sine gratia efficaci* necessario indeclinabili necessitate, urgente tentatione peccabimus.

SCHOLION I.

85. Docet Jansenius, tantopere esse necessariam delectationis divinæ gratiam, quando cum terrenarum rerum tentationibus, ac delectationibus dimicamus, ut nisi major fuerit, quam terrena, qua noster affectus detinetur, fieri non possit quin propriæ voluntatis infirmitate vincamur (121). Et alio loco, dico, inquit, idcirco in ista cum tentationibus dimicatione magnam, adeoque majorem, ac victricem delectationem cœlestem esse necessariam, ut delectatio terrena superetur; quia alioquin voluntas tam magnas volendi vires adhibere non potest, seu ut Schola loquitur, tam intense, ac fortiter velle non potest, quantum necesse est, ut tentatio, seu delectatio opposita superetur. (122). Alibi quoque ait, vigente delectatione carnali, impossibile esse, ut virtutis, ac honestatis consideratio prævaleat, nisi quemadmodum Augustinus loquitur,

E

tan-

(121) Lib. 4. de Gratia Christi cap. 6.

(122) Ibidem cap. 7.

quit ille; quod terrena concupiscentiæ delectatio, quando relative victrix est, & major ac superior opposita gratiæ delectatione cœlesti, parit bene faciendi impotentiam, quam voluntas superare non potest (119).

ANIMADVERSIO.

82. Dubitandum non est autem, quominus *vera; realis*, & *physica* secundum Jansenium sit illa bene agendi impotentia, cui homo obnoxius est, gratia efficaci, sive cœlesti relative victrice delectatione destitutus. Ut enim præteream, ex illius principiis ad evidentiam consequi, physice esse impossibile, ut in duarum inæqualium delectationum conflictu voluntas nostra debiliore, vividiorē relicta, obsequatur, & secundum illam operetur, habemus ex ipsomet Jansenio, nisi medicinali gratia, & adjutorio vires pristinae (voluntatis) restaurentur (quod certe non fit, illo docente, nisi per delectationem cœlestem relative victricem) tam esse impossibile voluntati, ut bene velit, & operetur, quam homini ceco, ut videat, vel surdo, ut audiat, vel tibiis fracto, ut recte gradiatur (120). Certum est autem, hæc omnia esse physice impossibilia. Ergo &c.

COROLLARIUM III.

83. Urgente tentatione, necessario indeclinabili necessitate peccabimus, nisi tanta in nobis tunc fuerit cœlestis delectatio gratiæ, quæ terrenam delectationem,
qua

(119) Class. 2. Epist. 6. pag. 132.

(120) Lib. 2. de Gratia Christi cap. 1.

qua voluntas ad malum in tentatione sollicitatur, intensive superet. Nisi enim delectatio cœlestis superior tunc fuerit terrena, huic voluntas nostra tunc necessario indeclinabili necessitate consentiet. Itaque

COROLLARIUM IV.

84. Cum gratia efficax secundum Jansenium sit delectatio cœlestis relative victrix, sine gratia efficaci necessario indeclinabili necessitate, urgente tentatione peccabimus.

SCHOLION I.

85. Docet Jansenius, tantopere esse necessariam delectationis divinæ gratiam, quando cum terrenarum rerum tentationibus, ac delectationibus dimicamus, ut nisi major fuerit, quam terrena, qua noster affectus detinetur, fieri non possit quin propriæ voluntatis infirmitate vincamur (121). Et alio loco, dico, inquit, idcirco in ista cum tentationibus dimicatione magnam, adeoque majorem, ac victricem delectationem cœlestem esse necessariam, ut delectatio terrena superetur; quia alioquin voluntas tam magnas volendi vires adhibere non potest, seu ut Schola loquitur, tam intense, ac fortiter velle non potest, quantum necesse est, ut tentatio, seu delectatio opposita superetur (122). Alibi quoque ait, vigente delectatione carnali, impossibile esse, ut virtutis, ac honestatis consideratio prævaleat, nisi quemadmodum Augustinus loquitur,

E

tan-

(121) Lib. 4. de Gratia Christi cap. 6.

(122) Ibidem cap. 7.

tantum delectent , ut ipsa teneant animum in tentationibus , ne in peccati consensum ruat (123). Quemadmodum enim , ait ille , voluntas sine praeunte delectatione velle , vel consentire nequit , ita neque pravam delectationem sine aliqua maiore , & meliore (nempe caelesti) comperere (124). Est igitur doctrina Jansenii , nos necessario , tentatione urgente , peccaturos , nisi delectatio caelestis superior in nobis tunc fuerit delectatione terrena.

SCHOLION II.

86. Ita porro Jansenium docuisse , affirmat etiam Cl. P. Graveson , scribens , *S. Thomam praefocasse in antecessum errorem Jansenii asserentis , carnalem concupiscentiae delectationem , quando fortior , vehementior , & superior est caelesti delectatione gratiae , inevitabilem imponere necessitatem peccandi , ita ut homo a peccato abstinere non possit. (125). Acriter quippe , eodem teste , pertendit Jansenius , hominis in statu naturae lapsae voluntatem vehementissima impetitam tentatione , & caelesti perfusam gratiae delectatione , quae minor , & inferior est terrena concupiscentiae delectatione , esse quidem liberam a coactione , & violentia , sed non esse liberam a necessitate peccandi , idest , attempta carnali concupiscentiae delectatione , quae major , vehementior , & superior sit caelesti gratiae delectatione , voluntatem hominis non posse a peccato abstinere , sed*

(123) Ibidem cap. 9.

(124) Lib. 7. de Gratia Christi cap. 3.

(125) Claf. 2. Epist. 3. pag. 72.

necessário in peccatum prorumpere debere (126).

COROLLARIUM V.

87. *Physice impossibile est, ut is male agat, in quo cœlestis delectatio terrenam intensive superat; & viciissim, ut is bene operetur, in quo delectatio terrena cœlesti intensive prævalet.* Est enim physice impossibile, ut ille terrenæ, hic vero cœlesti delectationi consentiat. Quamobrem

COROLLARIUM VI.

88. *Est physice impossibile, ut is male agat, qui gratia efficaci donatus est; & ex adverso, ut is agat bene, qui illa gratia est destitutus.* Efficax enim gratia non distinguitur secundum Jansenium a delectatione cœlesti relative victrice.

SCHOLION I.

89. *Impossibile est, inquit Jansenius, ut voluntas justitiam diligat (nempe ut bene operetur) nisi ante ab illo delectabili affectu peccati, quo mens impeditur, & deorsum premitur (scilicet a terrena carnalis cupiditatis delectatione) liberetur, vel ut creaturam perverse diligat (nimirum ut male agat) nisi a dilectione justitiæ (videlicet a cœlesti delectatione gratiæ) sursum animum retorquente se liberet* (127). Statuit proinde, justitiæ, vel peccati delectationem (utique

E 2

re-

(126) Ibidem.

(127) Lib. 7. de Gratia Christi cap. 5.

relative victricem) esse illud vinculum, quo liberum arbitrium in iustitia, vel peccato ita firmiter ligatur, & retinetur, ut quamdiu isto stabiliter possidetur, & constringitur, actus oppositus sit extra ejus potestatem; ita videlicet ut arbitrium non liberatum eum velle non possit. (128).

SCHOLION II.

190. Affirmat doctissimus P. Graveson, Jansenium docere, sub gratia per se efficaci, hoc est, sub motione victricis delectationis cælestis non stare potestatem ad oppositum, seu potentiam proximam, & expeditam peccandi; quia nimirum necesse est, illo docente, inferiorem concupiscentiæ delectationem cedere superiori cælesti delectationi gratiæ; similiter eundem ipsum negare, in homine, in quo actu dominatur, seu superior est terrena concupiscentiæ delectatio, perstare potestatem expeditam ad oppositum, seu bene agendi; quia scilicet, ut ipse contendit, inferior cælestis delectatio gratiæ necessario cedere debet superiori victrici terrena delectationi concupiscentiæ; & impossibile est, ut minor, & inferior delectatio vincat majorem, ac superiorem. (129).

COROLLARIUM VII.

91. Necesario necessitate physica tamdiu bene aget voluntas, quamdiu delectatio cælestis superior in illa fuerit terrena; & vicissim tamdiu illa male operabitur,

(128) Ibidem.

(129) Class. 2. Epist. 2. pag. 48.

tur, *quamdiu terrena delectatio cœlesti in ipsa prevaleverit*. Tamdiu enim necessario *necessitate physica* humana voluntas consentiet delectationi cœlesti, quamdiu hæc superior fuerit terrena; tamdiu vero terrena ex adverso obsequetur, quamdiu hæc *intensive* illam exceſſerit, quod nempe sit *physice* necessarium, ut secundum illam sive *cœlestem*, sive *terrenam* delectationem, quæ gradibus superior est, voluntas operetur. Hinc

COROLLARIUM VIII.

92. *Tamdiu necessario necessitate physica voluntas perseverabit in bono, quamdiu in ea erit gratia efficax; & ex adverso tamdiu necessario eadem necessitate in malo obstinata persistet, quamdiu illa gratia ipsa caruerit*. Est enim *gratia efficax* delectatio cœlestis terrenam intensive superans.

SCHOLIUM.

93. Ita Janſenium tenuisse, adeo perspicuum est, ut evidentius constare non possit. Ait enim, *justitiæ, vel peccati delectationem esse illud vinculum, quo liberum arbitrium in justitiâ, vel peccato ita firmiter ligatur, & retinetur, ut quamdiu isto stabiliter possidetur, & constringitur, actus oppositus sit extra ejus potestatem, ita videlicet ut arbitrium non liberatum eum velle non possit* (130). Hinc causam ipse desumit, quamobrem Angeli, & Beati in cœlo Deum ita immobiliter diligant, ut ipsum non amare nequeant,

E 3

mul-

(130) Lib. 7. de Gratia Christi cap. 5.

multoque minus odio habere ; sicuti etiam ex adverso cur dæmones , atque damnati in inferno immobiliter adeo Deum ipsum odio habeant , ut secus facere ipsi nullatenus possint. Loquens enim ille de Angelis, & Beatis in cælo existentibus , quia , inquit , nihil aliud ibi delectare voluntatem poterit , nihil aliud etiam (scilicet præter Deum) amari poterit voluntate ; & è contrario quia ibi sempiterna erit de Deo delectatio , sempiternus erit etiam amor , atque laudatio , (131), nempe quia nulla ibi erit peccandi delectatio , & delectatio non peccandi , seu bene agendi erit indeclinabilis , ideo Angeli , & Beati peccare non poterunt (132). Patet igitur (ita ille rem claudit) cur jam absorpta omni carnali delectatione , ac dominante sola suavitate spiritus , ardentissime voluntas Deum in cælo diligat , atque ita immobiliter diligat , ut peccare non possit ; quia nempe solus eam delectat Deus , imò nihil aliud delectare potest ; nam quemadmodum hic ante gratiam istius cælestis delectationis non poterat quidquam agere boni , dominante ei sola delectatione creaturæ , ita post eam absorptam , extinctamque penitus , nihil potest agere mali , dominante ei sola delectatione Creatoris (133). Haud dissimili porro ratione de dæmonibus , damnatisque ratiocinatur : ait nempe ; ex perpetuitate voluntatis perpetuam peccandi voluntatem in dæmonibus nasci , videlicet dæmones duplici capite , ex defectu scilicet cælestis delectationis non peccandi , & assidua peccandi delectatione , etiam perpetua peccandi , seu in peccato , quo ceciderunt , persistendi voluntate detineri (134) : Tam-

(131) Lib. 4. de Gratia Christi cap. 8.

(132) Ibidem.

(133) Ibidem cap. 9.

(134). Tandiu ergo secundum Janfenium in bono, vel in malo perfeverabit humana voluntas, quamdiu vel cœlestis, vel terrena delectatio in ea prævaluerit.

COROLLARIUM IX.

94. *Quidquid modo agimus, necessario vel bonum est sive justum, vel malum, sive injustum.* Janfeniani siquidem systematis admissis principiis, quidquid modo lapsus homo operatur, vel a cœlesti, vel a terrena relative victrice delectatione necessario proficiscitur. Bonum est autem, sive justum, quidquid a delectatione cœlestis gratiæ; malum vero, sive injustum, quidquid a terrena carnalis cupiditatis delectatione ortum suum ducit. Ergo &c.

S C H O L I O N.

95. Quod ita aperte quoque Janfenius docuerit, nemo prorsus dubitare vel levissime potest. *Quamdiu enim, inquit ille, in hac vita post acceptam gratiam voluntas nostra militat Deo, alternante creaturæ, & Creatoris delectatione, nunc recte, nunc perperam facit, prout cœli, aut terræ delectatio consensum ejus arripuerit* (135); atque hinc, ut habet alio loco, voluntas nostra *nunc semper in omni humano motu suo, vel peccato, male agendo, servit, vel benefaciendo, justitiæ.* Nullum quippe, ait, indifferentem actum in

E 4

in-

(134) Lib. 4. de Gratia Christi cap. 8.

(135) Ibidem cap. 9.

individuo dari, tamquam rem exploratam in ista divisione (S. Augustinus) agnoscit (136).

COROLLARIUM X.

96. *In omni actu suo voluntas nostra necessario indeclinabili necessitate peccat, nisi tanta in ea fuerit cœlestis delectatio gratiæ, quæ terrenam carnalis cupiditatis delectationem intensive excedat. Nisi enim cœlestis delectatio gratiæ superior fuerit carnali cupiditate, certum est fore, positis Jansenii principiis, ut voluntas nostra in omnibus suis actibus obsequatur delectationi carnalis cupiditatis, & secundum illam operetur. Neque enim operari ipsa aliquid potest, nisi alterutra duarum illarum delectationum suam contrariam superet; & ideo si quando operatur, delectatio cœlestis non superat terrenam, consequens necessario est, illam ab hac superari. Necessario autem indeclinabili necessitate voluntas obsequitur delectationi vividiori, & secundum illam operatur. Ergo necessario indeclinabili necessitate voluntas in omni sua actione terrenæ delectationi consentit, nisi delectatio cœlestis superior fuerit. Peccat autem voluntas, obsequendo delectationi carnalis cupiditatis. Ergo &c. Hinc*

COROLLARIUM XI.

97. *Janseniano admissio systemate, detur quoque necesse est, humanam voluntatem, gratia efficaci destitutam, necessario indeclinabili necessitate in omni sua actione peccare. Voluntas enim destituta gratia effi-*

(136) Lib. 7. de Gratia Christi cap. 5.

efficaci , caret hoc ipso secundum Janſenium delectatione cœleſti , quæ ſit ſuperior carnali cupiditate.

S C H O L I O N I.

98. Horrendam hanc conſequutionem Janſeniani ſyſtematis ab ipſomet etiam illius auctore admitti, palamque doceri , non uno ejusdem teſtimonio oſtenditur. Poſtquam enim dixit Janſenius , *ad opus juſti- tiæ qualecumque faciendum neceſſarium eſſe* , ut ex ma- jore juſti- tiæ delectatione naſcatur , ſubjicit ſtatim fore, ut quando animus iſta cœli ſuavitate deſtituitur , non poſſit aliud , quam rerum terrenarum delectationes ap- petere , & ſequi (137). Porro , ipſo docente , pondus concupiſcentiæ , quo animus poſſeſſus eſt , detorquet eum ab amore juſti- tiæ , & rectitudinis , quæ in opere, ut bonum ſit , neceſſario ſpectari debet , & affigit alicui creaturæ , cujus vel conſequendæ cupiditate flagrat, vel amittendæ timore cruciatur (138). Hinc , quan- diu voluntas noſtra per relative victricem delectatio- nem non liberatur , tamdiu , inquit ille , in tenebris, hoc eſt , in peccatis jacet , tenebras diligit , tenebras in agendo , & ceſſando ſectatur. Quidquid enim dilē- xerit , creaturæ limites non egreditur , & ita perpe- tuam terrenæ concupiſcentiæ catenam trahit , cujus vinculis , & ſervitute detinetur (139). Certe , ut ipſe quoque docet , hæc ſcilicet concupiſcentia , ita volun- tati dominatur , ut quocumque voluntas ipſa ſe ver- tat , quidquid arripiat , quidquid declinet , quoscum- que

(137) Lib. 4. de Gratia Chriſti cap. 6.

(138) Lib. 1. ejusdem cap. 4.

(139) Lib. 2. ejusdem cap. 3.

que vulnus, ac formas induat, quantumcumque se viribus sursum tollere, quibuscumque bene vivendi stimulis incitari videatur, non possit ab illa se viscosa catena expedire, nisi prius caliginem ejus lux cœlestis (nempe cœlestis relative victrix delectatio gratiæ) effugaverit, & illos terrenæ cupiditatis compedes fregerit (140): quod infra quoque confirmans, ait; creaturæ concupiscentiam in peccatoribus ante gratiam omnibus actionibus dominari, adeo nimirum ut eorum voluntatem *ad malum* indeclinabiliter, & insuperabiliter *semper inclinet* (141). Jansenium ergo si audiamus, in omni nostra actione nos peccemus, necesse est, nisi tantum cœlestis delectationis in nobis fuerit, quæ delectationem carnalis cupiditatis *intensius* superet.

S C H O L I O N II.

99. Apertius porro id adhuc nobis fiet; si quæ de infidelibus illæ ipse tradit, considerare velimus. Eos siquidem omnes in omni sua actione necessario peccare, idcirco quia delectatione cœlesti relative victrice destituti sint, extra omnem prorsus dubitationis aleam positum esse putat. Ait quippe *nullum omnino bonum moraliter opus, hoc est, nullum opus, quod non sit peccatum, ab infidelibus posse fieri; sed quidquid faciant, quoquomodo se vertant, quamcumque rectam meditentur operationem, totum in eis perversi amoris cupiditate contaminatum esse, & ex vulnere in vulnus surgere, nempe ex peccato in peccatum labi; eam-*
que

(140) Lib. 2. *de Gratia Christi* cap. 3.

(141) *Ibidem*.

que hujusce rei primam esse causam, quia Dei, & justitiæ dilectione infideles omnino destituti sunt, quæ, ut paulo antea dixerat, in omni opere etiam moraliter bono dominari debet, atque ita dominari, ut nisi adsit, nonnisi peccatum futurum sit opus, quod ex alia quacumque dilectione nascitur (142). Ratum proinde fixumque illi est, ante fidem in hominibus infidelibus nullum omnino esse posse opus non solum supernaturaliter, sed vel moraliter bonum, sed omnia esse veri nominis peccata (143). Indubitatum quoque existimat alio loco, nullum opus bonum, ne quidem moraliter, ab humano arbitrio posse fieri nisi per gratiam, non quamlibet, sed fidei, liberetur, ut proinde ante fidem non sit ei liberum a peccato, dum hic, & nunc agitur, abstinere; sed quocumque sese verterit, quadam humanis viribus insolubili peccandi necessitate teneatur. (144). Contendit demum, in homine, originalis peccati causa, periisse libertatem ad bonum, non solum ut non possit ante gratiam totam justitiæ moralis legem implere, sed nec unum quidem opus ejus. Periisse libertatem abstinendi a peccato, ut nec in ullo quidem opere peccati culpam possit effugere. Inductam esse necessitatem peccandi non tantum in aliquibus actibus, quasi tantummodo non possit homo ante gratiam sine omni omnino peccato vivere, eo quod necessario aliquando cadat; sed sensus est, inductam esse necessitatem peccandi in omnibus actibus; eo quod omnis ejus actus, antequam credat, peccatum sit, sive pec-

(142) Lib. 3. de Gratia Christi cap. 11.

(143) Ibidem.

(144) Lib. 3. de Statu naturæ lapsæ cap. 14.

peccati tentationem fugere sive amplecti videatur (145). Nihil itaque certius, nihilque evidentius est, quam Jansenium docuisse, hominem tam fidelem, quam infidelem in omni sua actione necessario indeclinabili necessitate peccare, nisi tanta delectatio gratiæ in ipso fuerit, quæ terrenam carnalis cupiditatis delectationem, qua lapsus homo indefinenter ad malum sollicitatur, gradibus suis excedat. Universaliter quippe affirmat, cum, qui per originalis peccati plagam illa generali, & humanis viribus indelebili creaturæ cupiditate possessus est, necessario peccare aliquo cupiditatis actu, nisi illa inspirata cœlitus Creatoris charitate (nempe cœlesti indeliberata delectatione gratiæ) superetur (146).

ANIMADVERSIO.

100. Attente porro hic observetur velim, huic nostræ assertioni nullatenus officere, quod alibi Jansenius ipse docet, videlicet necessitatem peccandi inductam, originalis culpæ causa, non esse necessitatem peccandi in individuo, nempe hoc potius quam aliud peccatum comittendi; sed esse dumtaxat necessitatem peccandi in genere, talem scilicet, ut, quemadmodum ipse ait, quoquo versus se verterit (homo lapsus) in genere necesse sit, illum male agere, sicut tamen ut in singulari nullum peccatum perpetret, quin ab eo possit abstinere, sed ab illo abstinendo in aliud incidat, quod similiter aliud faciendo, cavere potuisset (147).
Id,

(145) Lib. 3, de Statu Naturæ lapsæ cap. 14.

(146) Lib. 4. ejusdem cap. 19.

(147) Ibidem.

Id , inquam , ne levissimè quidem , ut patebit consideranti , mihi officit. Sive enim ad peccandum *in individuo* , sive ad peccandum dumtaxat *in genere* necessario determinatus ille sit , qui caret delectatione cœlesti *relative* victrice , stat ex æquo , illum in omni sua actione necessario peccare ; cum scilicet necesse sit secundum Jansenium , ut in omni sua actione vividiori terrenæ delectationi ipse consentiat. Certe velit , nolit Jansenius , alterutrum fateatur necesse est , nempe voluntatem nostram aut nihil agere posse , sed plane otiosam posse consistere , tametsi altera duarum delectationum alteri prævaleat ; aut , si quid agere voluntas ipsa tunc debeat , necessarium non esse , ut secundum illam delectationem , quæ gradibus superior est , ipsa operetur : quorum certe neutrum admittere ille potest , quin sibimetipso apertissime contradicat , nempe quin falsum sit , necessarium esse in hoc statu , ut secundum id voluntas nostra operetur , quod indeliberate ipsam magis delectat. Verum vel nullam esse necessitatem peccandi , uti revera nulla est ; vel , positis Jansenii principiis , ipsam esse ad peccatum non tantum *in genere* , sed etiam *in individuo* , infra opportunius demonstrabitur.

COROLLARIUM XII.

101. *Voluntas neque circa bonum , neque circa malum libera est libertate exercitii ; sed necessario inclinabili necessitate agit ipsa , quidquid modo agit sive boni , sive mali. Certum enim est , positis Jansenii principiis , nihil nos agere boni , nisi quatenus cœlesti , nihil vero mali , nisi quatenus terrenæ delectationi vo-*
lun-

luntas nostra consentit. Certum est autem, voluntatem nostram, iisdem principiis positis, non consentire in operando delectationi *cælesti*, nisi hæc *terrenam* excedat, neque *terrena* ipsam obsequi, nisi *cælestem* superet. Ergo nihil boni agere potest voluntas, nisi *delectatio cælestis* validior sit *terrena*; neque aliquid mali potest illa operari, nisi *delectatio terrena* gradibus suis superior sit *cælesti*. Non libere autem *libertate exercitii*, sed necessario *physica*, adeoque *indeclinabili necessitate* voluntas nostra secundum Jansenium vividiori delectationi consentit. Ergo non libere *libertate exercitii*, sed necessario, *necessitate indeclinabili*, tam quod bonum, sive iustum, quam quod malum, sive iniustum est, voluntas nostra in hoc lapsæ corruptæque naturæ statu operatur.

SCHOLION I.

102. Ita porro etiam Jansenium ipsum docuisse, ambiget nemo, cui certo constiterit, eatenus, illius iudicio, voluntatem nostram tam in bono, quam in malo esse liberam, quatenus nihil prorsus sive boni, sive mali ipsa operatur coacta, & invita: libertas quippe a coactione non *necessitati*, sed *exercitii* dumtaxat *libertati* adversa est. Jam vero voluntatem nostram eatenus tam in bono, quam in malo, docente Jansenio, esse liberam, quatenus non cogitur, neque trahitur invita, ex hoc uno illius testimonio patet luculentissime. Ait enim (falso tamen) S. Bernardum *proximissime, & constantissime docuisse, voluntatem semper esse liberam tam in bono, quam in malo, tam*
sub

sub gratia, quam sub peccato, quia expers est violentiæ, cogentisque necessitatis (148).

S C H O L I O N II.

103. Verum enimvero apertius adhuc id fiet, si consideretur, quamnam libertatem ad *liberum arbitrium* in hoc lapsæ naturæ statu Jansenius ipse satis esse contendat. Si namque ad *liberum arbitrium* neget Jansenius requiri *libertatem exercitii*, sive a *simplici necessitate*, sed eam sufficere modo ad ipsum velit, quæ dicitur a *coactione*, profecto non dubito fore, ut quisque videat, mecumque fateatur, non aliam libertatem admissam ab Jansenio fuisse in voluntate circa bonum, & malum, nisi quæ *coactionem*, seu *violentiam* excludit; atque hinc nihil ipsam modo agere *libere libertate exercitii*, sed necessario, *vera, reali, & physica*, adeoque *indeclinabili necessitate*, quidquid modo agit sive boni, sive mali, operari. In primis ergo eos omnes ille palam irridet, turpiterque errare ait, qui imaginantur, illum tantummodo a *ctum esse in nostra potestate*, hoc est, in libero nostræ voluntatis arbitrio, & illius tantum nos esse dominos, quem pro libitu nostro, positis omnibus ad agendum necessariis, possumus facere & non facere (149). Duplicem deinde distinguens *necessitatem*; alteram scilicet, quæ operatur effectum suum, etsi nolis, seu quantumvis renitaris, alteram, qua simpliciter necesse est, aliquid fieri sine renisu voluntatis, docet, necessitatem illam primam capitaliter repugnare libertati, eamque
fun-

(148) Lib. 8. de Gratia Christi cap. 13.

(149) Lib. 6. ejusdem cap. 4.

funditus perimere ; non autem illam , quæ est simul voluntaria , quæ scilicet necesse est , aliquid fieri , non repugnante , sed immutabiliter volente voluntate (150). Pluribus quoque præmissis ejusdem furfuris , aperte consentaneum esse , ait , omnem omnino voluntatem , quantumcunque ad unum determinatam , nulla tali necessitate , quæ dicitur necesse esse , ut velit , desinere esse liberam , quia non desinit esse voluntas , quæ non esset , si nollémus. Sicut enim , inquit , omnis voluntas necessario est voluntas , ita juxta hoc principium etiam liberi arbitrii. Neque enim quemquam eo absurditatis erupturum arbitratur , ut qui ad unum volendum determinatus est , non velle susciperet ; cum ardentè , tenaciter , constanter velle , & ita velle aliquid , ut contrarium ejus velle non possit , sit maxime velle , & idcirco maxime in potestate , & maxime liberum (151). Docet , ex libertate beatorum tam hominum , quam Angelorum invicte demonstrari , simplicem necessitatem , sublata omni omniq̃o indifferentia & contrarietatis , & contradictionis non officere libertatis arbitrio (152). Ait consequenter , dum Augustinus docet , liberum arbitrium Beatorum ita liberum esse , ut peccare non possit , nullo modo istud velle , quod Scholastici imaginantur , de indifferentia ad hoc , vel illud bonum ; sed quod liberum arbitrium erit liberissimum in illo ipso affectu & voluntate non peccandi , hoc est , in illa stabili , perpetua , & immutabili voluntate non desicendi ex amore Dei (153). Ait , paradoxum in Augustini

do

(150) Ibidem cap. 6.

(151) Ibidem.

(152) Ibidem cap. 8.

(153) Ibidem.

doctrina inauditum esse, quod actus aliquis voluntatis propterea liber sit, quia ab illo desistere voluntas, & non agere potest (154). Ait, S. Augustinum nullam simplicis necessitatis determinationem, sed tantummodo illam primam instar ponderis prementem cogentemque libertati voluntatis metuere (155). Ait, S. Joannem Chrysostomum non aliter probare, Paulum libero arbitrio sine necessitate esse conversum, nisi quia voluntas ejus affuit, quia volens fecit, quia non invitus, non necessitate coactus; atque hæc omnia esse indicia, quod nullum vereatur liberæ voluntati, nisi ex necessitate coactionis præjudicium (156). Ait, non requiri aliud secundum S. Prosperum ad libertatem, nisi ut voluntas rem placitam sponte velit, aut appetat, nulla cujusquam indifferentiæ habita ratione (157). Ait, secundum Bedam a libertate arbitrii solam necessitatem violentiæ, quæ scilicet, velimus, nolimus, operatur effectum suum excludi (158). Ait, libertatem a qua dicitur liberum arbitrium, non aliam esse, quam libertatem a coactione (159). Ait, nullam immutabilitatis, inevitabilitatis, vel quocunque voces nomine, sed solam coactionis necessitatem libertati arbitrii repugnare (160), eamque solam illi esse inimicam (161). Ait nemum S. Augustinum sentire, & constanter docere, li-

F

ber-

(154) Ibidem.

(155) Ibidem cap. 10.

(156) Ibidem cap. 12.

(157) Ibidem cap. 13.

(158) Ibidem cap. 14.

(159) Ibidem cap. 21.

(160) Ibidem cap. 38.

(161) Ibidem.

bertati arbitrii *solam necessitatem confectionis*, seu *quæ etsi nolumus, efficit id, quod potest, esse contrariam, omnemque actum voluntarium, seu spontaneum hoc ipso esse liberum* (162) addens, profecto non minus falso, quam temere, *quicumque aliam libertatem arbitrii (qualis præsertim post Magistri sententiarum tempora sub nomine libertatis defendi capit) in Augustini scriptis quærit, oleum, & operam perdere; nec unquam fore, ut exitum ex labyrintho inextricabili plurium difficultatum inveniat* (163). Imo hisce non contentus, *fidenter dico, inquit, quicumque doctrinam istam ab se traditam erroris insimulare ausus fuerit, non Augustinum, non Bernardum, sed Philosophiam fortassis Aristotelis ducem ac patronam habiturus est, & in ista catholica doctrine culmina, & columnina (ut nihil de cæteris loquar) necesse est, ut anathema primum dicat* (164).

SCHOLION III.

104. Hisce porro, si ea etiam, quæ de necessitate peccandi ille ipse tradit, adjiciantur, certissimum plane fiet, ut spero, quod rei nostræ caput est, humanam scilicet voluntatem *necessario, non libere*, tam quod justum, quam quod injustum est, secundum Jansenium operari. Palam ergo docet Jansenius, aperteque contendit, *S. Augustinum sapissime constantissimeque docere, jam post lapsum ante adventum gratiæ (nempe ante cœlestem delectationem relative victricem) ita peccatum a voluntate committi,*
ut

(162) Lib. 7. ejusdem cap. 3.

(163) Ibidem cap. 4.

(164) Lib. 6. de Gratia Christi cap. 38.

*ut ab eo abstinere non sit amplius liberum, ita videlicet ut abstinendo non peccat. Nam, inquit, si ab uno peccato abstinendo, necessario perpetrat aliud, non est satis illa libertas, ut per eam dicatur liberum esse a peccato abstinere. Hoc enim postulat (prosequitur ille) talem libertatem voluntatis, ut peccatum, de quo agitur, sine novi peccati perpetratione possit omittere, si-
ve simpliciter abstinendo, hoc est, non agendo, si-
ve aliam actionem agendo non malam (165). Ait, eundem ipsum docere, a peccatis illis, quæ sunt etiam pæna peccati (cujusmodi nempe, ipsius Jansenii scilicet judicio, ea sunt omnia, quæ modo à nobis fiunt) non esse jam liberum abstinere; hujusque causam esse, quia voluntas nihil ad resistendum valet sub dominante cupiditate (166). Vult enim, per solam gratiam (scilicet per cœlestem relative victricem delectationem) nos a peccandi necessitate liberari, hacque non liberante, necessitatem illam partes suas agere, & ita premere eos, quos sibi subjectos tenet, ut eis a peccando. abstinere non sit liberum, & quamvis supplicio legis territi abstinere subinde velint, abstinere tamen non possint (167). Unde alio loco idipsum confirmans, scribit, eum, qui per originalis peccati plagam illa generali, & humanis viribus indelebili creaturæ cupiditate possessus est, necessario peccare aliquo cupiditatis actu, nisi illa inspirata cœlitus Creatoris charitate (nempe cœlesti delectatione) superetur (168). Hæc porro cum ita sint, haud mirandum profecto, si scri-*

(165) Lib. 3. de Statu naturæ lapsæ cap. 9.

(166) Ibidem cap. 10.

(167) Ibidem cap. 12.

(168) Lib. 4. ejusdem cap. 19.

bere veritus ille non fuerit, in percipienda S. Augusti-
ni mente eos omnes falli, qui cum audiunt, omne
peccatum voluntate, & libera voluntate, seu libertate;
non necessitate committi, itemque debere esse volunta-
rium, non necessarium, & esse debere liberum ab eo
abstinere, putant, illis phrasibus suas cogitationes de
illa exercitii, seu contradictionis libertate stabiliri,
qua quis peccatum hic, & nunc possit facere, & vi-
tare, committere, & ab eo, saltem aliud perpetrando,
abstinere; rejicique necessitatem illam, qua quis
ad peccatum istud singulare hic, & nunc perpetrando
determinatur (169). Ratum quoque habet alio lo-
co, S. Augustinum semper agnovisse, actum esse libe-
rum ea libertate, quæ ad peccandum sufficit, quamvis
identidem, & constanter neget, esse liberum ea liber-
tate ad faciendum bonum, & malum, quam Scholasti-
ci postulant (170), nempe libertate a physica neces-
sitate. Concludit propterea, tunc arbitrium ad peccan-
dum esse maxime liberum, quando peccata cum qua-
dam suavitate, seu delectatione perpetrantur (171).
Nihil itaque certius in Jansenii doctrina est, quam
humanam voluntatem post Adæ culpam non libere li-
bertate exercitii, sed necessario indeclinabili neces-
sitate operari malum; eamque ob id tantum dicili-
beram, quia non cogitur, sed ex prævia cognitione,
& delectabiliter, sive cum complacentia illud opera-
tur. Jam vero, quis non videt, necessario quoque di-
cendum fore à Jansenio, voluntatem ipsam etiam cir-
ca bonum nonnisi hac libertate esse liberam? Profecto
ille

(169) Lib. 4. de Statu Naturæ lapsæ cap. 21.

(170) Lib. 3. de Gratia Christi cap. 15.

(171) Lib. 7. ejusdem cap. 7.

ille ipse palam aperteque asserit, *tunc arbitrium dici liberum in bono, quando delectabiliter, & lubenter opus bonum facit* (172)¹, quemadmodum paulo antea illud tunc maxime liberum ad peccandum dixerat, quando cum quadam suavitate, seu delectatione peccata perpetrantur. Stat ergo secundum Janse-
nium in nobis modo esse libertatem circa bonum, & malum, nisi quæ a *coactione* dicitur; & ideo cum hæc *simplici necessitati* non repugnet, sed potius cum illa maxime cohæreat, stat, voluntatem nostram in hoc lapsæ naturæ statu nihil sive boni, sive mali libere agere *libertate exercitii*, sed *necessario indeclinabili necessitate* utrumque operari.

ANIMADVERSIO.

105. Vel fucum facit, vel sibi non constat Janse-
nius, dum fatetur, necesse quidem esse, ut homo post
Adæ culpam male agat in genere, *sic tamen ut in sin-
gulari nullum peccatum perpetret, quin ab eo possit
abstinere, sed ab illo abstinendo in aliud incidat, quod
similiter aliud faciendo cavere potuisset* (173). Hæc;
inquam, docens Jansenius, vel fucum facit, vel sibi
certe non consentit. Certum enim est, illius positis
principiis, eandem prorsus utriusque delectationis, si
relative victrix fuerit, ad inflectendam voluntatem
esse vim & efficaciam. Utraque siquidem ex æquo,
hoc ipso quod sit gradibus superior, necessario volun-
tatem ad *operandum* determinat, cum nempe, illo do-
cente, universaliter necesse sit, voluntatem nostram il-

F 3

lud

(172) Ibidem.

(173) Lib. 4. de *Stata Natura lapsæ* cap. 19.

lud sequi , & secundum illud operari , quod ipsam magis delectat. Jam vero certum est , eundem si audiamus , cœlestem *relative* victricem delectationem gratiæ non generalem tantum bene agendi necessitatem inducere , sed singularem , & quæ *necessitas exercitii* nuncupatur , sic nempe , quemadmodum egregie habet Cl. P. Dechamps , ut qui *victrici delectatione ad amorem castitatis exempli causa inflammatur* , non generali tantum bene agendi necessitate constrictus sit , sed ad castitatem *actu amandam* impellatur *necessario* (174). Affirmat quippe Janfenius , medicinalem Christi gratiam esse , qua donatur a Deo non solum volendi agendique facultas , sed ipsum velle , & agere , seu ipsa voluntas , & actio ; & sic donatur , ut sine tali adiutorio nihil bene velimus , & agamus , hoc est , ut hoc adiutorium sit singulis omnino operibus necessarium , illud videlicet , quod in singulis operibus , ut fufissime probatum est , imploratur (175). Perspicuum præterea esse ait , neminem posse velle quidquam , aut facere , hoc est , neque credere , neque sperare , neque diligere , neque sobrie , juste , pie , continenter vivere , neque tentationem impugnantem superare , vel aliud quidquam bonum facere , nisi hic , & nunc voluntas ejus (per cœlestem scilicet relative victricem delectationem gratiæ) ad hoc determinetur. Quamdiu enim , inquit , non determinatur hic , & nunc , tamdiu non vult , & consequenter tamdiu non credit , non sperat , non diligit. Quisquis ergo petit à Deo , ut aliquid velit , ut credat , ut diligat , ut aliud quidquam boni operetur , hoc ipso directe petit , ut ad illa voluntas ejus hic , & nunc deter-

(174) Lib. 2. de Hæresi Janfen. Disp. 4. cap. 4. n. 6.

(175) Lib. 2. de Gratia Christi cap. 21.

terminetur. Ipsa igitur determinatio voluntatis etiam hic, & nunc ad volendum, & operandum, est proprie dictum divine gratiæ donum, utpote non solum sine qua non fiat, sed qua fiat, ut voluntas determinetur (176). Vult ergo Janfenius, humanam voluntatem determinari a cœlesti relative victrice delectatione non solum ad bene operandum in genere, verum etiam ad opus bonum in individuo peragendum, e. c. ad amorem honestatis, dum, tentatione urgente, voluntas ipsa ad turpia sollicitatur. Ergo fateatur haud dissimili ratione ille ipse necesse est, a delectatione terrena itidem relative victrice voluntatem determinari non tantum ad malum in genere, sed etiam in individuo, ita nimirum ut, quemadmodum habet laudatus P. De-champs, singularis illa delectatio mala, eaque victrix, qua quis hic, & nunc ad vindictæ desiderium incitatur (idem de aliis esto iudicium) voluntatem necessario applicet ad vindictæ amorem necessario exercendum. Nam, ut præmonui, eandem gratiæ victrici, & dominanti concupiscentiæ vim tribuit ad voluntatem, quocumque incubuerit, necessario inclinandam (177). Docet enim universaliter Janfenius, ut est jam visum, voluntatem in hoc lapsæ naturæ statu ei necessario obsequi, & secundum illud necessario operari, quod ipsam magis indeliberate delectat. Hinc doctissimus P. Gravelon, hoc, inquit, præcipuum, ac velut unicum totius doctrinæ Janfenii fundamentum, in hoc situm, quod sicut homo in statu naturæ lapsæ motus cœlesti delectatione, gradibus cupiditatis superiori, ac relative victrici, necessitatur ad hoc, vel illud bo-

F 4

num.

(176) Ibidem cap. 22.

(177) Lib. 2. de Hæresi Janfen. Disp. 4. cap. 4. n. 7.

num in particulari agendum, ita ut sub imperio cœlestis illius delectationis non retineat potentiam proximam, expeditam, & relativam ad actum oppositum, ita asserit Jansenius, hominem in statu naturæ lapsæ motum terrena delectatione, quæ superior sit delectatione cœlesti, necessitari ad hoc, vel illud peccatum in particulari committendum, ita ut dominante terrena illa delectatione, homo in statu naturæ lapsæ non habeat potentiam proximam, expeditam, & relativam ad actum oppositum.....Igitur juxta doctrinam Jansenii homo in statu naturæ lapsæ necessitatur ad peccandum non solum in genere, seu necessitate specificationis, sed etiam necessitate exercitii, hoc est, necessitatur in particulari ad hoc videlicet peccatum perpetrandum (178).

S C H O L I O N I V.

106. Ceterum necessario futurum in systemate Janseniano, ut voluntas nostra non libere libertate exercitii, sed necessario indeclinabili necessitate, tam quod justum, quam quod injustum est, modo operetur, disertissime itidem affirmat laudatus P. Graveson. Ajunt enim Jansenius, & Jansenistæ, inquit ille, liberum hominis arbitrium ante Adami peccatum fuisse constitutum in equilibrio, quod nulla omnino præveniens delectatio vel cœlestis, vel terrena in alteram partem flecteret; sed ipse, adhuc in statu innocentia positus, proprio nutu, ut libuisset, inclinaret, atque ita hominem innocentem perfecte fuisse liberum libertate indifferentiæ; at per peccatum Adami sublato illo equilibrio, &

ab-

(178) Class. I. Epist. 6. pag. 28.

abolita funditus hac indifferentia, hominem ita esse delectationis vel cælestis, vel terrene mancipium, ut necessario eat, quo trahit illa delectatio. Enimvero indeliberata cælestis delectatio, si sit relative victrix, & fortior, ac superior opposita concupiscentiæ terrena delectatione, necessario hominem trahit ad pios actus. Sin vero indeliberata concupiscentiæ terrena delectatio sit relative victrix, & major, ac superior opposita cælesti delectatione, tunc homo æstro quodam sensibilis, ac majoris hujus delectationis ad flagitia rapitur, sicque in conflictu duarum illarum delectationum, quarum una gradibus alia præponderat, eaque fortior ac superior est, oportet, ut minor delectatio necessario cedat majori (179). Hinc etiam Illustrissimus Viennensis Archiepiscopus, præmisso, voluntatem numquam posse, auctore Jansenio, suum denegare consensum illi e duabus delectationibus, quæ actu prædominatur, itaque, inquit; sub imperio gratiæ (nempe delectationis cælestis relative victricis) semper bene, ac invincibiliter, & necessario bene; e contra vero sub cupiditatis imperio semper male, ac insuperabiliter, & necessario male operabitur voluntas (180).

COROLLARIUM XIII.

107. *Voluntas sub gratia efficaci non est libera libertate exercitii, sive a simplici necessitate. Efficax enim gratia non distinguitur in hoc systemate a cælesti indeliberata delectatione relative victrice, nempe superante gradibus suis carnalem cupiditatem, cui*

tunc

(179) Class. 2. Epist. 6. pag. 122.

(180) P. I. *Jansenismi redivivi* art. I. n. 14.

tunc voluntas obnoxia est. Voluntas autem sub delegatione relative victrice non est libera libertate exercitii, sive a simplici necessitate. Ergo &c.

SCHOLION I.

108. Docet Jansenius, gratiam, quæ facit facere, nempe gratiam efficacem, directe repugnare libertati, si libertas in indifferentia agendi, & non agendi sita est, videlicet ut dixerat initio capitis, si non sit alia libertas vera voluntatis, quam agendi, & non agendi, seu faciendi, & abstinendi ab eo quod facit (181). Alibi quoque palam aperteque contendit, S. Augustinum nec unquam vel semel, nec ex professo tradere, nec per transennam insinuare, salvam eatenus manere sub gratia libertatem voluntatis, quatenus actum volendi sic exerit, ut eum possit suspendendo continere (182), nempe, ut ipse ait paulo antea, quatenus sub ejus efficacia determinante voluntatem, ut velit, & agat, simul potestas maneat, ut non velit, & non agat (183), sive ut arbitrium voluntatis ea ratione liberum sub gratia esse censeat, quia semper per gratiam ita vult, & agit, ut simul possit nec velle, nec agere (184). Propterea ex omnibus operibus, quæ adversus Pelagianos S. Augustinus composuit, demonstrandum ab se esse ait, irrito tamen conatu, numquam Augustinum respondendo Pelagianis, de violata per gratiam libertate conquerentibus, istum conciliandi modum

26-1

(181) Lib. 7. de Gratia Christi cap. 14.

(182) Lib. 8. de Gratia Christi cap. 3.

(183) Ibidem.

(184) Ibidem.

tetigisse, quod voluntas ita per gratiam velit, ut possit non velle (185).

S C H O L I O N II.

109. Quod si, seposito partium studio, attente considerare velimus, quonam sensu dumtaxat secundum Jansenium voluntas nostra sub gratia efficaci sit libera, fateamur profecto vel inviti necesse est, nihil constare apertius, quam voluntatem ipsam sub gratia efficaci, illius judicio, non esse liberam libertate exercitii, sed necessario indeclinabili necessitate, quidquid sub illa agit, ipsam operari. Manifeste siquidem ille docet, & inculcat sæpissime, voluntatem ideo sub gratia efficaci esse liberam, quia per eam non cogitur, adeo nimirum ut in hoc unico, quemadmodum ipse ait, posita sit concordia gratiæ, & liberæ voluntatis, quod arbitrium non instar trunci vacet, aut cogatur invitum, idque in Augustino tam esse perspicuum, & toties repetitum, ut profecto, inquit ille, necesse sit, vel cæcum esse, qui non viderit, aut contentiosissimum, qui negaverit (186). Ratum itaque fixumque habet, non aliam esse concordiam gratiæ, & liberi arbitrii, nisi quia quantumcumque gratia voluntatem efficaciter trahat, semper motus ejus manet voluntarius; & expers violentiæ, cogentisque necessitatis, & proinde liber (187), nempe gratiam qualemcumque, quæ etiam immutabiliter velle facit bonum, liberum relinquere voluntatis arbitrium, quia libere nulla necessitate co-

etio-

(185) Ibidem.

(186) Ibidem cap. 8.

(187) Ibidem cap. 13.

Etionis, ferri facit in bonum (188), sive quia quantumcunque fortiter opcretur, non cogit voluntatem, nec extorquet consensum, sed efficit, ut ipsa voluntas ultrones, & sponte velit, atque consentiat (189). Ait proinde, gratiam quantumcunque efficacem, etiam talem, qualis in cælo cum summa delectatione dabitur, nullo modo tollere libertatem, quia non tollit voluntatem, hoc ipso videlicet, quo eam non cogit, aut invitam rapit (190). Hinc nullam necessitatem libertati voluntatis formidandam esse contendit, nisi coactionis, seu illam, quæ operatur effectum, etsi nolimus; hoc est, invita, & renitente voluntate (191). Addit autem, nimia profecto confidentia, ut modeste loquar, inter veteres Patres ne unum quidem inveniri posse, qui aliter gratiæ influxum cum libertate conciliarit, quam Augustinus, Prosper, & Fulgentius fecit, hoc est, quia non sola gratia facit opus, renitente, invita, coacta voluntate, nec arbitrium instar trunci agitur, aut vi necessitatis cogitur; sed gratia facit, ut etiam liberum arbitrium aliquid agat, & voluntario motu (scilicet non coacte, sed volens, ac lubens) feratur in bonum (192); atque rationem hanc conciliandi efficaciam gratiæ cum arbitrii libertate ait in *Augustini scriptis* ita perspicuam esse totiesque frequentatam, ac tantum silentium illius indifferentiæ contradictionis, tamquam libertati necessariæ, de qua nunc vehemens disceptatio est, ut ad salvandam arbitrii libertatem sub

gra-

(188) Lib. 8, de Gratia Christi cap. 13.

(189) Ibidem.

(190) Ibidem cap. 15.

(191) Ibidem cap. 14.

(192) Ibidem cap. 12.

gratia nunquam eam vel semel adhibuerit in universis suis adversus Pelagianos lucubrationibus, ut merito suspicari aliquis posset, istam libertatis rationem, de qua tantopere contenditur, esse meræ Philosophiæ factum, & a nullis antiquis gratiæ defensoribus, Augustino, Prospero, Fulgentio, sub nomine libertatis arbitrii propugnatam, requisitam, agnitam fuisse (193). Nam, inquit, Augustino, discipulis, & posteris ejus definitio ista liberi arbitrii, qua nunc Scholastici quidam id esse volunt, quod positis omnibus ad agendum requisitis potest agere, & non agere, ita videlicet ut, sicut ipsi intelligunt, tam agere, quam non agere, cum omnibus ad agendum prærequisitis, pro mero beneplacito voluntatis conjungi, disjungique possit, ad multa sæcula fuit ignotissima, sicut etiamnum ab omnibus, qui gratiam physice determinantem liberum arbitrium tuentur, velut Christi gratia capitaliter inimica reprobatur (194). Hinc demum factum esse putat Jansenius, cur Augustinus, Prosper, Fulgentius, & omnes illi antiqui toties inculcent contra Pelagianos, qui liberi arbitrii interitum ex gratia sequi conclamabant, quod gratia non cogat voluntatem, non invitam trahat, non inferat vim, aut violentiam; nempe quia juxta principia eorum, inquit ipse, nulla gratiæ efficacia, nulla necessitas actibus voluntatis liberis formidanda est, sed sola vis, coactio, & necessitas violentiæ (195). Jam vero si voluntas sub gratia efficaci non alia ratione secundum Jansenium est libera, nisi quia non cogitur, neque ad volendum bonum, quod

(193) Ibidem cap. 9.

(194) Ibidem cap. 19.

(195) Ibidem.

quod per eam vult, trahitur reluctans & invita, ipsa profecto meridiana luce, nisi vehementer mea me opinio fallat, clarius est, voluntatem ipsam sub *gratia efficaci* non esse liberam, Jansenii judicio, *libertate exercitij*, sive, ut vocant, a *simplici necessitate*, sed ea duntaxat, quæ a *coactione* nuncupatur.

ANIMADVERSIO I.

110. Res cum ita sit, sibi metipsum profecto non constat Jansenius, dum alibi scribit, *liberum arbitrium, quantumcunque* vehementi, atque efficaci *gratie* delectatione *preventum ac determinatum ad faciendum bonum, adhuc tamen posse bonum non tantum non facere, sed etiam malum* (196). Si namque liberum arbitrium, determinatum a *gratia efficaci* ad faciendum bonum, potest bonum ipsum non facere, cur, quæso, eos palam aperteque irridet alio loco, qui docent, *arbitrium voluntatis ea ratione esse liberum sub gratia, quia semper per gratiam ita vult, & agit, ut simul possit nec velle, nec agere* (197)? Cur contendit, S. Augustinum nunquam vel semel, nec ex professo tradidisse, nec per transennam insinuassee, *salvæ eatenus manere sub gratia libertatem voluntatis, quatenus actum volendi sic exerit, ut eum possit suspendendo continere, sive quatenus sub ejus efficacia determinante voluntatem, ut velit, & agat, simul potestas maneat, ut non velit, & non agat* (198)? Hæc namque si ex animo vera esse putat, quomodo deinde

(196) Lib. 8. de *Gratia Christi* cap. 20.

(197) Ibidem cap. 5.

(198) Ibidem.

de potest simul esse verum, illius quoque judicio, liberum arbitrium, *efficaci gratiæ delectatione* præventum & determinatum, *posse bonum non facere*? Mea quippe sententia, ejusmodi certe hæc sunt, ut Dælio narratore indigeant. Præterea si liberum arbitrium, *efficaci gratiæ delectatione* præventum & determinatum, *potest*, ut ipse ait, *bonum non tantum non facere, sed etiam malum*, quomodo stat, quod alibi ipse tradit, videlicet *justitiæ*, vel *peccati delectationem esse illud vinculum*, quo liberum arbitrium in *justitiâ*, vel *peccato* ita firmiter ligatur, & retinetur, ut quamdiu isto stabiliter possidetur, & constringitur, *actus oppositus sit extra ejus potestatem*, ita nempe ut arbitrium non liberatum eum velle non possit (199)? Si namque hæc minime pugnant inter sese, quænam, quæso, inter se pugnant? Ac demum, cum *gratia efficax* secundum Jansenium sit delectatio cœlestis superior gradibus suis carnali cupiditate, quomodo stare potest, liberum arbitrium sub *gratia efficaci posse bonum non tantum non facere, sed etiam malum*, simulque necessarium esse *vera, reali, & physica necessitate*, ut voluntas secundum id operetur, quod ipsam magis delectat? Etenim si voluntas sub *gratia efficaci*, nempe sub delectatione cœlesti relative victrice *potest bonum non facere*; ergo potest non consentire vividiori delectationi, qua percellitur: & si potest illi non consentire; ergo necessarium non est, ut secundum illam operetur. Similiter, si sub illa delectatione gratiæ potest voluntas *facere malum*: ergo potest obsequi delectationi debñiori, terrenæ scilicet, vividioræ, nempe cœlesti relicta; & si hoc, quomodo stabit, *ut in conspectu de-*
le-

(199) Lib. 7. de *Gratia Christi* cap. 5.

lectationum non aliud animo amplecti, nec ad aliud amandum, sequendumque moveri (voluntas) possit, nisi quod vehementius, ut ipse ait, *delectaverit* (200)? Scio equidem, ne quid dissimulem, ipsum docere, liberum arbitrium, efficaci gratiæ delectatione præventum atque determinatum, posse bonum non tantum non facere, sed etiam malum, non quidem, in sensu composito, sed in sensu diviso; nimirum quia, ut ipse ait, eodem tempore, quo voluntatis arbitrium sub gratiæ delectatione efficaciter eam movente positum est, imo quo etiam actum voluntatis bonum facit, est in eadem voluntate potestas illud non faciendi, imo peccandi, non quod cessatio ab actu, quem tunc elicit, aut actuale peccatum cum gratiæ delectantis influxu consistere possit (quod sensus compositus postularet) sed quia cessandi, & peccandi potestas cum eadem gratiæ simul in eodem voluntatis arbitrio conjungi potest (201). Hæc, inquam, scio a Jansenio tradi. At, quomodo cum alia ejusdem doctrina, cum ea scilicet, quam modo ex ipso præmisimus, componi queant prorsus ignoro. Haud nempe intelligo, quomodo vera simul esse possint hæc duo, videlicet eodem tempore, quo voluntatis arbitrium sub gratiæ delectatione efficaciter eam movente positum est, imo quo etiam actum bonum facit, esse in eadem voluntate potestatem illud non faciendi, imo peccandi, simulque justitiæ, vel peccati delectationem esse illud vinculum, quo liberum arbitrium in justitia, vel peccato ita firmiter ligatur, & retinetur, ut quamdiu isto stabiliter possidetur, &

con-

(200) Lib. 4. de Gratia Christi cap. 7.

(201) Lib. 8. ejusdem cap. 20.

constringitur, actus oppositus sit extra ejus potestatem (202), sicuti etiam animo comprehendere haud valeo, quomodo si verum est, cessandi, scilicet ab actu bono, & peccandi potestatem cum eadem gratia simul in eodem voluntatis arbitrio conjungi posse, quod hic ille docet, simul verum esse possit, quod alibi ipsemet tradit, videlicet eos omnes risu dignos esse, qui ajunt, stare arbitrii libertatem cum gratia efficaci, quatenus sub ejus efficacia determinante voluntatem, ut velit, & agat, simul potestas maneat, ut non velit, & non agat, sive quia semper per gratiam (efficacem) ita vult, & agit, ut simul possit nec velle, nec agere (203). Hæc enim si non pugnant inter se, quæ pugnent, profecto haud video. Quod si dicat Jansenius, non alio sensu ab se intelligi, voluntatem sub efficaci gratiæ delectatione posse non tantum bonum non facere, sed etiam malum, sive peccandi potestatem cum gratia efficaci in eodem voluntatis arbitrio simul conjungi posse, nisi quatenus voluntas ipsa, dum sub victrice gratiæ delectatione est, potest propter suam naturalem flexibilitatem sub illa non esse, & esse sub mala. Id, inquam, ille si dicat, æquo ferat animo, si ipse quoque dixerim, eum fucum facere, incautosque decipere doctrina hac sua perquam turpissime. Qui namque ajunt, necessario futurum ex illius principiis, ut voluntas sub delectatione relative victrice non possit non agere id, ad quod agendum ab illa determinatur, nequaquam contendunt, voluntatem ipsam non posse sub illa delectatione non esse, eaque non posse privari; sed tantum physicam poten-

G

(202) Lib. 7. de Gratia Christi cap. 5.

(203) Lib. 8. ejusdem cap. 5.

tiam non operandi minime posse in voluntate simul cum illa delectatione componi. Etenim si necesse est *vera, reali, & physica necessitate* secundum Jansenium, ut voluntas vividiori delectationi consentiat, repugnat profectio, inquit illi, & recte quidem, ut *veram, realem, & physicam potentiam* non operandi, seu non consentiendi illi delectationi, dum sub ea est, voluntas ipsa retineat.

ANIMADVERSIO II.

III. Hic proinde cum doctissimo P. Graveson attente observetur velim, gratiam efficacem, nempe delectationem cœlestem, quæ gradibus suis superior sit carnali cupiditate, cum qua in voluntate pugnat, se tenere secundum Jansenium ex parte *potentiæ*, sive *actus primi*, non vero tantum ex parte *actus secundi*, hoc est, gratiam illam non applicare dumtaxat voluntatem ad actum, sed *veram, & realem potentiam* per quam elicere actum ipsum possit, ipsi voluntati tribuere. Alterum principium, quod doctrinæ Jansenii, ejusque discipulorum instar est *proræ ac puppis*, inquit Vir ille Cl., in hoc potissimum sistit; quod doceant, gratiam per se efficacem (quam, ut mox diximus, in cœlesti indeliberata delectatione, & gradibus terrena cupiditatis superiore constituunt) se tenere ex parte *potentiæ*, ita ut gratia per se efficax, seu indeliberata cœlestis delectatio gradibus cupiditatis superior non supponat in voluntate hominis veram, plenam, completam, & proximam potestatem agendi; sed ejusmodi potentiam voluntati conferri ab ipsa gratia per se efficaci, dum illam per indeliberatam cœlestem dele-

stationem gradibus cupiditatis superiorem determinat ad bene agendum (204). Et sane cum aperte doceat Jansenius, nisi medicinali gratia, & adjutorio (nempe delectatione cœlesti relative victrice) vires pristinae voluntatis restaurentur, tam esse impossibile voluntati, ut bene velit, & operetur, quam homini ceco, ut videat, vel surdo, ut audiat, vel tibiis fracto, ut recte gradiat (205), sicuti cæcus caret potentia videndi, surdus potentia audiendi, & tibiis fractus potentia recte gradiendi, ita potentia bene operandi is careat, illius judicio, necesse est, qui delectatione cœlesti relative victrice, nempe gratia efficaci, est destitutus; & ideo fateatur, oportet, potentiam hanc ab efficaci ipsa gratia voluntati conferri. Accedit, ab eo etiam palam doceri, ideo necessariam esse victricem cœlestem delectationem, ut delectatio terrena superetur, ac proinde ut voluntas bene agat, quia alioquin, inquit ipse, voluntas tam magnas volendi vires adhibere non potest, sive tam intense, ac fortiter velle, quantum necesse est, ut tentatio, seu delectatio opposita superetur (206). Igitur ex Jansenio voluntas obtinet vires hujusmodi, adsoque potentiam bene agendi a gratia efficaci.

ANIMA DIVERSIO. III.

112. Sicuti unam tantum libertatem a coactione in voluntate admittit Jansenius, dum sub cœlesti relative victrice delectatione est; ita nonnisi libertatem hujusmodi ille quoque in ipsa voluntate agnoscit, dum

G 2

sup

(204) Class. 1. Epist. 1. pag. 8.

(205) Lib. 2. de Gratia Christi cap. 1. §. 1.

(206) Lib. 4. cap. 7.

sub terrena itidem *relative* victrice delectatione existit, & secundum illam operatur. Docet enim universaliter, non minus carnalis concupiscentia titillationes, quam gratia spiritalis delectationes capitalem, ac diametralem cum indifferentia libertate hostilitatem exercere (207), sumta libertate indifferentiae non pro illo perfecto æquilibrio, in quo erat humana voluntas ante Adami lapsum, sed pro ea facultate, quam Jansenius ipse vocat *potentiam agendi, & non agendi, seu faciendi, & abstinendi ab eo*, quod facit (208), ac proinde pro ea libertate, quæ *libertas exercitii* vulgo jam nuncupatur. Hac itaque libertate circa malum, perinde ac circa bonum, ut vidimus, voluntati denegata, contendit Jansenius, tunc *arbitrium ad peccandum esse maxime liberum*, quando peccata cum quadam suavitate, seu delectatione perpetrantur (209), nempe quando libere fiunt libertate a coactione. Vult proinde, non aliter liberum arbitrium in peccato querendum esse, nisi quia vi delectationis, non alius quisquam cogens; sed ipse homo delinitus, propria voluntate peccatum facit (210); atque hinc universaliter voluntatem esse semper liberam tam in bono, quam in malo, tam sub gratia, quam sub peccato, quia exers est violentiæ cogentisque necessitatis (211).

ANAT

(207) Lib. 7. ejusdem cap. 14.

(208) Ibidem.

(209) Lib. 7. de Gratia Christi cap. 7.

(210) Lib. 8. ejusdem cap. 2.

(211) Ibidem cap. 13.

ANIMADVERSIO. IV.

113. Hæc cum ita sint, luculentissime profecto, penitusque ad evidentiam, quantum mea opinio est, confirmatum manet, quod alibi demonstravimus, nempe *veram, realem, & physicam necessitatem* ab Janzenio intelligi, cum principii loco assumit, nos *secundum id necessario operari, quod voluntatem nostram fortius vividiusque, indeliberata utique delectatione delectat*. Si namque secundum Janse-
 nium, ut est modo visum, humana voluntas sub *relative* victrice tam *gratia*, quam *carnalis cupiditatis* indeliberata delectatione non est libera *libertate exercitii*, sive *a necessitate physica*, sed tantum *libertate a coactione*, persuasum profecto ille habuit, voluntatem ipsam necessario *necessitate physica* ab illa delectatione ad operandum determinari. Ecceur enim Janse-
 nius non aliam, nisi *a coactione*, voluntati, dum sub *relative* victrice delectatione est, libertatem concessit, si *physice necessarium* minime censuit, ut secundum vividio-
 rem delectationem voluntas ipsa operaretur? Fortene ignoravit, *moralem* operandi *necessitatem* non adversari *libertati a necessitate physica*, sed cum illa jungi amico fide-
 re, simulque componi? Dicendum itaque, non aliam ob causam Janse-
 nium in eo fuisse totum, ut suade-
 ret, solam *coactionis* necessitatem libero arbitrio ad-
 versari, nisi quia pro certo habuit, eam modo esse
 seu naturam, seu conditionem humanæ voluntatis, ut
physice necessarium sit, secundum id eam operari, quod
 ipsam amplius indeliberate delectat.

S C H O L I O N III.

114. Tametsi porro satis ex dictis constare cuique posse putem, non solum necessario consequi ex Jansenii principiis, verum etiam palam ab illo doceri, inculcarique sæpissime, humanam voluntatem sub *gratia*, illius sensu *efficaci*, imo universaliter sub *delectatione relative* victrice, non esse liberam *libertate exercitii*, sive, ut ajunt, *a simplici necessitate*, sed tantum *libertate a coactione*: opportunum tamen censeo, nonnullorum quoque Theologorum auctoritate id confirmare, ut nempe videant omnes, me non eum esse unum, qui Jansenium ita docuisse dixerim. Omnium itaque primus sit doctissimus P. Dechamps; ille scilicet, ut eum vocat P. Graveson (212), *locupletissimus testis, & probatissima fidei Scriptor*, quem, tamquam Jansenistarum malleum (parcant partiarj) merito sane optimoque jure omnes suspiciunt. Querens igitur laudatus Vir Cl., quo ex capite Jansenius repetat ineluctabilem illam medicinalis gratia vim, quæ agendi necessitatem imponit? respondet: ex ratione delectationis victricis: quod, inquit, ut perspicue exponatur, sciendum est, medicinalem gratiam ex ejus mente esse delectationem cælestem, seu ineliberatum motum complacentiæ, aut desiderij cælitus immissi. Nec illud obiter, & paucis docet, sed integro fere libro probat (213). Docet Jansenius (pergit ille) voluntatem nostram ita esse comparatam, ut ineluctabili necessitate eo inclinet, quo antegressa delectatio major, seu

(212) Claf. 2. Epist. 4. pag. 95.

(213) Lib. 3. de Hæresi Jansen. Disp. 3. cap. 6. n. 2.

ardentior complacentiæ, aut desiderii motus indeliberatus eam pellicit, ita ut si vel levis objecti alicujus delectatio amorque indeliberatus voluntatem demulceat, nec alia delectatione contraria oppugnetur, necessario consensum exprimat; si vero contrariæ delectationes duæ inter se configant, illa quoque pari necessitate animum trahat, quæ magis delectaverit; quia necesse est, inquit (Jansenius), ut id voluntas velit, quod eam magis delectat. Hinc est, quod docet, voluntatem, absente delectatione cœlesti, titillantis concupiscentiæ motibus indeliberatis necessario consentire. Hinc quod asserit, Beatos idcirco præcise Deum amare necessario, quia, extincta concupiscentia, sola in eis delectatio cœlestis dominatur. Hinc denique, quod acriter defendit, voluntatem, contrariis gratiæ, & concupiscentiæ delectationibus distractam, illi obsequi necessario, quæ alteram suavitate vincit. Habes (ita rem claudit Cl. Auctor) explicata paucis Janseniani dogmatis adyta, & arcanam radicem vis illius insuperabilis, quam ad voluntatis consensum necessario exprimendum medicinali gratiæ (utique efficaci) Jansenius attribuit (214). Persuasum itaque habuit Cl. P. Dechamps, voluntatem nostram, stando Jansenii principiis, sub gratia efficaci non esse liberam libertate exercitii, sive a simplici necessitate. Idipsum quoque censuit Lescius Crondermus. Ait enim Jansenium docere, quod quamvis Adam gratiam Dei, licet magnam, & validam sola sua voluntate ante peccatum impugnare, & abjicere potuerit; homo tamen post lapsum libero suo arbitrio Christi gratiam expellere non possit. Nam, inquit, talis secundum

G 4

(214) Ibidem cap. 9.

dum ipsum ea est, ut faciat voluntatem invictæ, & indeclinabiliter bonum velle, & operari (215). Sed clarius doctissimus P. Graveson. Affirmat quippe, primum doctrinæ Fansenii; ejusque discipulorum principium in hoc situm esse, quod velint, gratiam in statu naturæ lapsæ, quando superior est gradibus cupiditatis, tunc esse per se, & ab intrinseco efficacem; eamque necessario per indeliberatam cœlestem delectationem victricem determinare voluntatem humanam ad bonum; sed vice versa, quando terrena concupiscentia, seu cupiditas dominatur, & superior est gradibus cœlestis delectationis, tunc voluntatem hominis per victricem carnalis concupiscentiæ delectationem necessario determinari ad malum, ita ut in homine sub motione gratiæ per se efficaci, seu sub motione indeliberatæ cœlestis delectationis victricis, & gradibus cupiditatis superioris vera sit, non quidem absoluta, sed relativa impotentia ad male agendum, & similiter in homine sub concupiscentia dominante, & gradibus cœlestis delectationis superiore, sit vera impotentia non quidem absoluta, sed relativa eliciendi bonum; sicque humana voluntas per illas delectationes indeliberatas, cœlestem videlicet, & terrenam, alternatim rapiatur necessario ad bonum, vel ad malum. Ex quo doctrinæ Fansenii, ejusque discipulorum principio nemo est, qui statim non intelligat, manifesto sequi, voluntatem hominis in statu naturæ lapsæ habere dumtaxat potentiam, & indifferentiam passivam recipiendi alternatim indeliberatas illas delectationes, cœlestem videlicet, & terrenam, sed carere vera potentia activa agendi, vel non agendi, in qua tamen potentia, & indifferentia sitam esse essentiam,

(215) Lib. 1. cap. 7. n. 3.

Et germanam libertatis humanæ rationem ; docent omnes Theologi (216). Alibi quoque idem Vir doctissimus, docet, inquit, Jansenius pluribus in locis, naturam, Et efficaciam gratiæ in statu naturæ lapsæ sitam esse in cœlesti indeliberata delectatione relativa ad gradus concupiscentiæ : quæ cœlestis indeliberata delectatio, dum superior est gradibus concupiscentiæ, tunc per se, Et ab intrinseco est efficax, Et voluntatem hominis necessitatio, citra tamen coactionem, Et violentiam, determinat ad bonum ; sed versa vice ; quando in homine terrena dominatur concupiscentia, Et superior est gradibus cœlestis delectationis, tunc voluntas hominis per victricem carnalis concupiscentiæ delectationem necessario, absque tamen coactione, Et violentia ; determinatur ad malum (217). Tenet ergo etiam Cl. P. Graveson, humanam voluntatem sub relative victrice tant gratiæ, quam carnalis cupiditatis delectatione non esse liberam secundum Jansenium libertate a necessitate simplici, sed tantum libertate a coactione. Neque secus hac ipsa super re sentit Cl. P. Berti. Ex pluribus enim Jansenii testimoniis invictè & ipse probat eum, Jansenium scilicet, sub delectatione victrici (utique tam gratiæ ; quam carnalis cupiditatis) solam libertatem spontaneitatis, ac lubentix agnovisse ; libertati coactionem solam, non vero necessitatem opposuisse ; libertatem indifferentiæ tamquam paradoxum, Et tamquam Pelagianum commentum rejecisse ; nullam denique ab ipso libertatem admitti sub gratia, sanctam delectationem inspirante, præter libertatem illam, qua

(216) Class. 1. Epist. 1. pag. 8.

(217) Class. 2. Epist. 2. pag. 47.

qua voluntas fertur in finem, qua homo appetit beatitudinem, qua Deus permanet bonus, qua Beatorum spiritus maxima jucunditate ac voluptate adhærent summo bono clare viso, qua Christus Patrem diligebat, qua (verbo dicam) volentes agimus, non coacti. Hanc esse hæresim Jansenianam circa libertatem sub gratia, dixi, inquit, ubicunque hac de re institui sermonem (218). Addit etiam, Jansenianam hæresim in iis præsertim, quæ ad gratiam, & libertatem attinet, a Calviniana parum, aut nihil differre (219). Neminem certe nescire puto, non aliam libertatem sub gratia admissam fuisse à Calvino in voluntate, nisi libertatem a coactione. Quid enim, inquit Calvinus, sibi vult Augustinus, cum de libertate voluntatis loquitur? Nempe quod toties repetit, non cogi homines invites Dei gratia, sed voluntarios agi, ut sponte pareant, ac sequantur (220). Neque secus, perinde ac Jansenius, loquitur ille ipse, agens de libertate, qua homo carnali concupiscentiæ consentit, & peccat. Ait quippe: Hac distinctionis summa observetur, hominem, ut vitiatus est ex lapsu, volentem quidem peccare, non invitum, nec coactum, affectione animi propensissima, non violenta coactione propria libidinis motu, non extranea coactione (221). Ita denique sensisse Jansenium, fatetur disertissime P. Ab. Migliavacca. Vocabulo enim, inquit, gratia per sese efficacis multo commodius abuti potuissent hæretici illi, qui voluntatem hominum ad motus & actiones suas compelli effutiebant impetu quarundam insu-

(218) P. 2. *Apologia Dissert.* 4. cap. 1. §. 3. n. 2.

(219) Ibidem num. 5.

(220) In Concil. Trident. sess. 6. cap. 6. (Hæc.) (21.)

(221) Lib. 2. *Instit.* cap. 3. n. 51. (Hæc.) (21.)

perabiliū impressionū, cujusmodi a fato, sideribus, natura, instinctu, aut delectationibus indeliberatis Jansenii profluunt. Quam enimvero validior, & efficacior causa, inquit ille, excogitari potest ea, qua semper & infallibiliter, ac certissime suum parit effectum, omnemque obicem ac repugnantiam prorumpit, ut commentī sunt Gnostici, Genethliaci, Manichæi, Astrologi, Priscillianistæ, fati vindices, Calviniani, Jansenianistæ. Quamobrem (ut veteres priorum seculorum hæreticos prætereamus) Protestantes Gomaristæ, sive Contraremonstrantes prædestinatiana dogmata recoquētes, prætendunt, quod homines post Adæ lapsum, invictō quo recens præmuntur instinctu determinentur ad observationem divinæ Legis; sibi que laudi vertunt præcipue, quod patrociniū suscipiant gratiæ efficacis, quam vocant cor, & basim religionis (ut ipsi buccinant) reformatæ. Hinc ex Calvinistarum grege Melchior Leydecker in Hist. Jansenismi Lib. 1. de Jansenismi dogmatibus cap. 10. refert, quod in Synodo Dordracena, facta thematum remonstrantium condemnatione, posita est in arce gratiæ efficacia, quæ reformationis cor, & fundamentum est. Nihil minus sibi volunt Janseniani, qui efficacem gratiam in indeliberata delectatione victrice constituunt, eique illam, in præsentī corruptæ naturæ statu, ad voluntatem determinandam, vim, & facultatem talem adjudicant, qualem instinctui Protestantes, & fato, sideribus, aliisque determinationibus arbitrii libertati infestis priores hæretici tribuebant (222). Nisi ergo velimus, tot tamque præclaros Viros Ixionem pro Junone hac in re acceperisse, fateamur profecto vel inviti oportet, humanam voluntatem necessārio indeclinabili

(222) Animad. in Historiam Theolog. §. 139.

bili necessitate secundum Jansenium determinari ad operandum bonum a *gratia efficaci*, prout *gratia efficax* ab illo sumitur, adeo nimirum ut voluntas sub *gratia efficaci*, & universaliter sub indeliberata *relative* victrice tam *gratie*, quam *carnalis cupiditatis* delectatione, non sit libera ad operandum libertate a *necessitate simplici*, sed tantum libertate a coactione.

COROLLARIUM XIV.

115 *Omnis interior gratia Christi vel efficax est, vel ita inefficax, ut ad bene operandum nequaquam sufficiat.* Cœlestis enim indeliberata delectatio, in qua secundum Jansenium consistit *gratia Christi*, vel major est, seu vividior delectatione carnalis cupiditatis, qua voluntas ad malum sollicitatur, vel est illa minor, sive debilior, vel illi æqualis. Si major: jam ipsa, ut patet, *efficax* gratia est. Si minor, aut æqualis: cum fieri nequeat, ut voluntas illi obsequatur, & secundum illam, ac propterea quod justum est, operetur, restat profecto, ipsam ad bene operandum nequaquam sufficere. Neque enim illa gratia ad bene operandum satis est, per quam bonum operari a voluntate non potest. Omnis itaque gratia Christi, positis Jansenii principiis, vel *efficax* est, vel adeo *inefficax*, ut ad bene operandum nequaquam sufficiat.

SCHOLION I.

116. Quod si quis hac super re audire Jansenium velit, ne levissime quidem ipsum dubitaturum spero, quominus, omnem interiorem Christi gratiam vel *effi-*

cacem esse, vel minime sufficientem, palam ille, aperteque docuerit. En Janfenii verba: Cum, inquit, nulla fit gratia operandi præter istam suavitatem Dei, nisi illa tanta fuerit, ut ei delectationes rerum terrenarum cefferint, vel peccabitur, vel, alternante delectationum fluctu, in medio remanebitur, sin autem ista superaverit, jam sine dubio bene voluntas operabitur. Quod enim amplius delectat, secundum id operemur, necesse est. Sed utrumlibet fiat, non erit sufficiens gratia, sed vel efficax, vel ita inefficax, ex qua operatio nequidem possit sequi, nisi ejus inefficacia per aliam suppleatur (223). Quis porro Janfenistarum inefficacem eam gratiam vere sufficientem dicet, quæ adeo inefficax est, ut ipsomet docente Janfenio, nisi per aliam gratiam suppleatur illius inefficacia, operatio sequi ex illa nullatenus possit? Accedit, eundem ipsum Janfenium alio loco manifeste docere, gratiam illam, qua multi, ut ipse ait, mente collustrantur, quæque cœlestis rei quasdam non voluntates, sed velleitates, vel complacentias in illis excitat, adeoque gratiam inefficacem, nullo modo sufficere, ut homo Dei mandatum operetur; ut Deum super omnia diligat, ut speret, ut oret, ut credat (224), ac proinde ut operetur bonum. Ergo omnis Christi gratia secundum Janfenium vel inefficax, vel ita inefficax, ut ad bene operandum haudquaquam sufficiat.

ANIMADVERSIO I.

117. Verum ne æquivocationibus, quibus frequen-

(223) Lib. 4. de Gratia Christi cap. 10.

(224) Lib. 2. ejusdem cap. 27.

tissime, ut fucum faciant incautis, Jansenistæ utuntur, decipiamur, observandum attento animo est; cœlestem gratiæ delectationem dupliciter dici posse ad bene operandum sufficere, *absolute* nimirum, & *relative*. Dicitur *sufficere absolute*, cum spectatur virtus gratiæ in se, nempe sine ulla relatione ad gradus carnalis cupiditatis, quæ necessario vinci debet, ut voluntas bene operetur. Dicitur vero *sufficere relative*, cum sufficit ad bene operandum in iis ipsis circumstantiis, in quibus tunc voluntas versatur, videlicet spectatis gradibus illius carnalis cupiditatis, quibus tunc premitur voluntas, atque ab operando bono, quod tunc operari debet, ipsa retrahitur. Hinc, positis Jansenii principiis, ut delectatio gratiæ sit *relative sufficiens*, debet gradibus suis carnalem eam cupiditatem excedere, cui tunc voluntas obnoxia est; minime vero ut sit *sufficiens absolute*. Præcisione siquidem facta carnalis cupiditatis, quævis, utut exigua, gratiæ delectatio potentem reddit voluntatem, ut patet, ad bene operandum; at dicendum contra, si carnalis cupiditatis, qua voluntas urgetur, ratio habeatur. Cum enim humana voluntas in hoc lapsæ corruptæque naturæ statu non possit secundum Jansenium operari bonum, nisi consentiat cœlesti delectationi, qua sola ad bene operandum movetur, neque huic consentire possit, nisi illa superior fuerit carnali cupiditate, manifeste sequitur, voluntatem in hoc systemate operari bonum non posse, nisi tanta in ipsa fuerit cœlestis delectatio gratiæ, quæ carnalem ipsam cupiditatem excedat; atque hinc cœlestem gratiæ delectationem esse non posse *relative sufficientem* ad bene operandum, nisi gradibus suis carnalem cupiditatem superaverit. Apparet propterea, cœ-

... ..

lestem eam delectationem , quæ ab Janzenio *inefficax gratia* dicitur , esse quidem *sufficientem absolute* ; at vero talem non esse *relative* ; ac proinde vere proprieque *sufficientem* nec esse , nec dici posse. Quomodo enim delectatio illa vere proprieque *sufficiens* dici potest , si est *physice impossibile* , ut illi consentiat voluntas , quodque propterea justum est , per ipsam operetur? Quis vere sufficiens ad morbum pellendum vocabit illud pharmacum , quo *physice impossibile* est ut morbus ille pellatur? Id sane dicere neque Jansenius ipse ausus est ; imo tantum abest , ut id Jansenius dixerit , quin potius paradoxum sibi esse pronunciaverit , quod *charitas* (nempe cœlestis delectatio gratiæ) *quantumvis minima* , sufficiat ad *quamcunque tentationem superandam* , vel *quæcunque præcepta sine transgressionem facienda* (225) , quamvis certe non ignoraverit , illam esse plusquam *sufficientem* , si ponatur voluntatem nulla mala cupiditate premi , nullaque diaboli suggestionem ad malum sollicitari. Itaque concedat ille quoque necesse est , vere proprieque *sufficientem* non esse eam gratiam , quæ est tantum *absolute sufficiens* ; atque hinc vere *sufficientem* non esse gratiam illam , quam ipse ejusque partiarum *inefficacem* appellant.

ANIMADVERSIO II.

118. Porro sicuti duplex *gratia sufficiens* , ut est modo observatum , ita duplex *potentia* bene operandi , quæ per *gratiam sufficientem* confertur voluntati , quam accurate itidem distinguenda est , animoque alte intelligenda , *absoluta* nimirum , & *relativa*. Prima est , per quam

(225) Lib. 3. de Gratia Christi cap. 15.

quam voluntas dicitur bene posse agere, præcisè circumstantiis, in quibus tunc ipsa versatur, videlicet nulla habita ratione carnalis cupiditatis, qua in malum tunc ipsa urgetur. Altera vero est, per quam voluntas bene operari posse dicitur, etiam relatione facta ad gradus concupiscentiæ carnalis, quibus illa tunc sollicitatur ad malum, atque a bono operando retrahitur. Liquido proinde apparet, ad conferendam voluntati *potentiam absolutam* bene operandi sufficere quæcumque gratiam; tanta vero requiri ad conferendam eidem *potentiam* bene operandi *relativam*, quæ delectatione sua delectationem carnalis cupiditatis, qua voluntas ipsa tunc premitur, *intense* excedat. Nisi enim celestis delectatio gratiæ major fuerit terrena cupiditate, *qua affectus noster detinetur*, fieri non potest, inquit Janlenius ipse, *quin propria voluntatis infirmitate vincamur* (226); imo, eodem docente, tam est possibile, ut tunc bene operemur, *quam homini cæco, ut videat, surdo, ut audiat, vel tibiis fracto, ut recte gradiatur* (227). Sicuti ergo gratia nonnisi *absolute sufficiens* vere *sufficiens* non est, sed *physice insufficiens*; ita *potentia absoluta* bene operandi, quæ ex illa gratia provenit, non est vera *potentia*, sed potius *realis*, & *physica impotentia*, adeo nimirum ut qui non potest operari bonum, nisi *gratia absoluta*, bene agere, vere propriè loquendo, ipse non possit. Nemo certe dicet, ut spero, pondus *unius* libræ uni lanci appensum posse bilancem deprimere, dum alteri lanci pondus *trium* librarum appensum est, ex hoc quod illa ab eo deprimeretur, si gravius pondus haud esset;

(226) Lib. 4. de Gratia Christi cap. 6.

(227) Lib. 2. ejusdem cap. 1.

esset ex altera lance suspensum. Pondus quippe unius libræ id præstare potest *potentia absoluta*, ut est perspicuum, etsi non possit *potentia relativa*, quemadmodum unus gradus delectationis cœlestis potest quidem determinare voluntatem ad bene operandum, *potentia absoluta*, nempe si in ipsa voluntate non sint tres gradus delectationis terrenæ; minimè vero *potentia relativa*, videlicet vividior illa terrena delectatione in voluntate admissa. Cum ergo *inefficax* Jansenii *gratia*, utpote *intensivè* debilior carnali cupiditate, non conferat voluntati, positis illius principiis, nisi *potentiam absolutam* bene operandi, perspicuum manet, quod rei nostræ caput est, humanam nempe voluntatem vere per illam gratiam non posse bonum operari; atque hinc gratiam illam ad bene operandum haudquaquam sufficere.

S C H O L I O N II.

119. Ceterum hæc distinctio duplicis *potentie* attente consideretur oportet. In ea enim, observante Tournely, & Gravesonio confirmante, totius Janseniani systematis medulla, & ultimæ veluti fibræ reconduuntur. Hæc fecundissima radix fallaciarum, & equivocationum omnium est, quibus catholicorum argumenta declinare, ac Ecclesiæ censuris subducere se verbis in speciem catholicis Janseniani conati sunt. Nullo scilicet graviore momento Catholici Jansenianos fatigarunt, quam quod in eorum systemate homo iustus sola gratia parva (nempe delectatione cœlesti, quæ inferior sit terrena) instructus, & absente efficaci, veram, & expeditam non habeat ad superandam tentationem, præceptumque servandum potentiam,

eo nempe quod in ipso tunc supponatur actualis concupiscentia dominari, ac major esse gratia; adeoque impossibile sit, ut parva illa gratia superiorem vincat cupiditatis hujus delectationem. Huic eludendo catholicorum argumento opportuna maxime visa est equivocatio vocis potentiae, cujus involucro recti Jansenii defensores, audacter ac jactantius asserunt, agnoscere se, ac profiteri, in eo justo sufficientissimam esse, expeditissimamque ad superandam tentationem, & mandatum observandum facultatem, seu potentiam. Verum (pergit Vir Cl., & recte quidem atque verissime) pace dixerim, completissima haec est eorum fraus, atque fallacia. Perfectissimam enim, ac completissimam intelligunt potentiam absolute, ac praecisae circumstantiis, non vero relative ad illas (228). Ita Tournely. Ita vero doctissimus P. Graveson. Non negant Jansenius ejusque discipuli, inquit ille, gratiam parvam, sive Jansenistice sufficientem, dare homini potentiam absolutam ad oppositum, seu potentiam abstractam a circumstantiis, & dispositionibus subjecti, seu a cupiditatis gradibus, qui sunt in subjecto; sed negant Jansenius, ejusque discipuli gratiam parvam, seu Jansenistice sufficientem dare homini potentiam relativam ad oppositum, seu ad circumstantias, dispositiones, & cupiditatis gradus, qui sunt in subjecto, subindeque asserunt, hominem, qui caret gratia relative victrice, & habet dumtaxat gratiam parvam, seu Jansenistice sufficientem, esse in impossibilitate relativa vincendi omnes cupiditatis gradus, qui sunt in subjecto, seu superandi oppositam concupiscentiae ardentiorum, superiorem, ac relative victricem delectationem. In hac impossibili-

ta-

(228) Praelect. de Gratia Christi q. 3. ubi de Jansenio,

tate relativâ totius *Janseniani systematis* quasi medulla, & ultimæ veluti fibræ ac radices reconducuntur, subindeque si deinceps velis cum *Jansenii* discipulis miscere colloquium, vel cum illis aliquam instituere concertationem, debes præ oculis semper habere capitalem istum *Jansenii*, ejusque discipulorum de impossibilitate relativâ errorem, quem hætenus confutavi, & quem si ignoras, vix certo ac securo pede cum istis *Jansenii* discipulis congregari posses, in mediis densisque tenebris veluti palpando ambulares, & Anabatarum more, clausis pugnares oculis, quia relicto illo principali *Jansenistarum* de impossibilitate relativâ errore, aerem verberares, ac vagam cum illis haberes disputationem, quam ipsi solitis suis artibus, argutiis, & æquivocationibus obscurarent, implicarent, & tandem mediis e retibus elaberentur (229). Hæc Cl. P. Graveſon.

S C H O L I O N III.

120. Verum ne pigeat, eundem Virum doctissimum, capitalem hunc *Jansenistarum* errorem confutantem, audire. Ita ergo, & quidem invictè, ille demonstrat, inefficacem *Jansenii gratiam*, cœlestem scilicet delectationem, quæ inferior sit carnali cupiditate, cum qua in voluntate pugnat, vere non esse, neque dici posse gratiam sufficientem, prout sufficiens gratia a Catholicis sumitur. Gratia vere sufficiens juxta Ecclesiæ doctrinam ea est, inquit P. Graveſon, quæ ita complet potentiam bene agendi, & oppositam superandi concupiscentiam, ut nihil ei ex parte potentix desit. Atqui gratia *Jansenistice* sufficiens (nempe delectatio cœlestis

H 2

mi-2

(229) Class. 2. Epist. 5. pag. 126.

minor terrena) non ita complet potentiam bene agendi, & superandi omnes oppositæ concupiscentiæ gradus, qui sunt in subiecto. Ergo gratia Fansenistice sufficiens non est vere sufficiens, sed plane insufficiens. Prob. min. propositio: Gratia Fansenistice sufficiens non dat homini potentiam relativam superandi omnes concupiscentiæ gradus, qui sunt in subiecto. Ergo gratia Fansenistice sufficiens non ita complet potentiam superandi omnes concupiscentiæ gradus, qui sunt in subiecto, ut nihil ei omnino desit. Prob. ant. primo, quia docent discipuli Fansenii, solam gratiam relative victricem, & cælesti delectatione superiorem opposita concupiscentiæ delectatione, dare potentiam relativam superandi omnes concupiscentiæ gradus, qui sunt in subiecto. Igitur gratia Fansenistice sufficiens, quæ non est relative victrix, & cujus cælestis delectatio debilior, & inferior est opposita concupiscentiæ terrena delectatione, non dat potentiam relativam superandi omnes oppositæ concupiscentiæ gradus, seu vincendi ardentiorum, & superiorem concupiscentiæ delectationem. Gratia itaque Fansenistice sufficiens non dat potentiam relativam ad presentes concupiscentiæ gradus, qui sunt in subiecto; subindeque relinquit hominem in impotentia relativa vincendi ac debellandi oppositam concupiscentiæ excandescentiorem, & superiorem delectationem. Præterea (prosequitur ille) impossibile est impossibilitate relativa, ut minor & inferior delectatio vincat majorem, & superiorem oppositam delectationem. Atqui gratia Fansenistice sufficiens nihil aliud est, quam indeliberata cælestis delectatio, quæ minor & inferior est opposita concupiscentiæ terrena delectatione. Ergo impossibile est impossibilitate relativa, ut gratia Fansenistice sufficiens vincat ar-

den

dentiorē , & superiorem oppositam concupiscentiæ terrenam delectationem; sed potius ei necessario cedere debet, proindeque hominem relinquit in relativa impossibilitate superandi oppositam concupiscentiæ superiorem , ac relative victricem delectationem (230). Porro adeo persuasum habet Cl. Auctor , cœlestem delectationem , quæ sit inferior carnali cupiditate , non esse gratiam vere sufficientem , ut argumentum hoc suum peremptorium vocet , dicatque, illud evertere omnino systema de delectatione relative victrici , quod , inquit , obstinatis animis propugnant Jansenii discipuli (231). Hinc paulo antea factus aperte est, se abhorrere a gratia illa , quam Jansenius appellat parvam , quamque ejus discipuli nuncupant sufficientem , eamque ajunt sitam esse in cœlesti indeliberata delectatione , quæ minor , debilior , & inferior est opposita concupiscentiæ delectatione. Ab hac , inquit, gratia Jansenistice sufficienti , quam universa Schola Thomistica damnat , vehementer ipse abhorreo , meque prorsus alienum esse sanctissime juro (232) , confidenter præterea affirmare non dubitans , nullum unquam sive ex antiquis , sive ex Recentioribus Thomistis a Jansenii discipulis in medium productum iri , qui docuerit, aut dixerit gratiam sufficientem , in sensu Thomistico intellectam , esse indeliberatam cœlestem delectationem minorem , ac debiliorem terrena concupiscentiæ delectatione , cui necessario propter defectum virium cedat oportet. Ludant , inquit , quantum voluerint Jansenii discipuli , & in omne latus sese versantes , misere se torqueant , atque assidua lectione cum antiquorum,

H3

tum

(230) Loco citato pag. 115.

(231) Ibidem.

(232) Ibidem pag. 114.

tum Recentiorum Thomistarum opera volvant, nullum mehercule ex his offendent, qui in hac notione gratiæ sufficientis, Jansenistice intellectæ, consentiat, & concessas manus præbeat (233). Et sane, cum, teste eodem Viro doctissimo, dicant Thomistæ, gratiam, quam admittunt Thomistice sufficientem, dare voluntati humanæ absolutam, veram, completam, proximam, & expeditam potentiam bene agendi, & superandi non tantum aliquos cupiditatis gradus, sed omnes cupiditatis gradus, qui in subiecto reperiuntur, itaut voluntati humanæ semel instructæ gratia Thomistice sufficienti, nihil plane desit ex parte potentix bene agendi, & superandi omnes cupiditatis gradus, qui in subiecto occurrunt (234): cum, inquam, ita explicent Thomistæ, tanto Viro teste, gratiam, quam ipsi sufficientem vocant, fateantur profecto illi omnes, velint, nolint, necesse est, parvam Jansenii gratiam, nempe delectationem cœlestem, quæ gradibus suis inferior sit terrena, esse non posse Thomistice sufficientem, utpote quæ non tribuit voluntati veram, completam, & expeditam potentiam bene operandi, ipso met Jansenio fatente, ut est alibi visum, esse physice impossibile, ut voluntas consentiat delectationi debiliiori, & secundum illam operetur, vividiorē neglecta. Igitur etiam Thomistæ fateantur oportet, omnem gratiam secundum Jansenium, ejusque positis principiis, aut esse efficacem, aut ita inefficacem, ut ad bene operandum nequaquam sufficiat.

Co-

(233) Class. 2. Epist. 4. pag. 85.

(234) Ibidem Epist. 5. pag. 114.

COROLLARIUM XV.

121. *Sola gratia Christi efficax est gratia vere proprieque sufficiens, ut proinde secundum Jansenium nulla omnino sit gratia vere sufficiens distincta ab efficaci.* Cum enim, positis Jansenii principiis, *physice impossibile* sit, ut per delectationem cœlestem, quæ gradibus inferior sit terrena, voluntas bene operetur, manifeste sequitur, nonnisi per delectationem cœlestem, quæ terrenam *intensive* superet, id reddi voluntati *physice possibile*; ac proinde hanc solam delectationem vere esse, recteque dici posse *sufficientem* voluntati, ut, quod justum est, valeat operari. Cœlestis autem delectatio, quæ gradibus suis terrenam superat, secundum Jansenium est *gratia efficax*. Ergo in illius systemate sola gratia *efficax* est gratia *vere sufficiens*, adeo nimirum ut, illius admisis principis, nulla penitus admitti possit gratia vere proprieque *sufficiens*, quæ ab *efficaci* distinguatur.

SCHOLION I.

122. *Quicunque*, inquit Jansenius, *animadvertit omnia, quæ de adjutorio gratiæ medicinalis ex Augustino diximus, de gratia quadam potentissima, quam efficacem recentiores suo sensu vocant, esse intelligenda, consequenter hoc etiam animadvertere debet, non aliam Christi gratiam medicinalem in scriptis ejus reperiri; proinde fatendum sibi esse, quod, aliam nobis procudendo, novum gratiæ genus Christianis afferat, quod nec Augustinus, nec ullus latinorum Patrum, qui de gratiæ adjutorio cum Pelagianis ex professo decertarunt,*

nec Ecclesia in Conciliis generalibus, vel provincialibus ab Apostolica Sede probatis agnovit unquam, nec agnoscere potuit, nisi principia, quibus ipsa per antiquos Patres medicinalem Christi gratiam defendit, funditus evertantur (235). Tenet ergo Jansenius, nullam ab Augustino agnitam fuisse gratiam sufficientem distinctam ab efficaci. Hæc tamen dixisse minime ille contentus, ex professo demonstrandum assumit, nullum dari post lapsum auxilium sufficiens, quin simul sit efficax (236), iterum affirmans, atque contendens, in Augustini principiis id exploratum esse (237), pluresque etiam ex recentioribus idipsum tradidisse. (238). Assertit quoque, gratiam sufficientem ad præcepta facienda, cavendaque peccata, veram, & magnam, & gratuitam gratiam esse, quam spirat Spiritus, ubi vult, & hanc sufficientem gratiam non esse aliam, nec, ut ipsi videtur, aliam dici posse, quam illam, quæ voluntatem facit facere, & in ea operatur reipsa velle, & perficere (239), nempe gratiam efficacem. Unde concludit, quamcunque gratiam potentialem homini sive iusto, sive iniusto, sive Judeo., sive Pagano adesse statuamus, nisi ipsam donaverit voluntatem, & actionem, hoc est, ipsum velle, & operari (nempe nisi fuerit efficax) non esse sufficientem gratiam voluntatis, & actionis, addens, non sufficere voluntati gratiam, qua profit ei lex, ac doctrina, si velit; sed agnoscendam esse illam.

(235) Lib. 2. de Gratia Christi cap. 27.

(236) Lib. 3. ejusdem cap. 1.

(237) Ibidem.

(238) Ibidem.

(239) Ibidem cap. 5.

lam gratiam, quæ reipsa faciat prodesse doctrinam
(240).

S C H O L I O N I I.

123. Verum enimvero nullam ab Janzenio admiffam fuisse *gratiam sufficientem* distinctam ab *efficaci*, ex iis etiam invictè confirmari potest, quæ de *sufficienti ipsa gratia* ille tradit. Sumta liquidem *gratia sufficienti* pro tali adjutorio, præter quod, ut ipse ait, nihil aliud ex parte Dei per modum principii necessarium est, ut homo velit & operetur, ac proinde pro auxilio, quod nobis dat posse, si volumus; contendit Jansenius, ejuscemodi sufficientem gratiam ab *Augustino destructam esse funditusque eversam*: esse gratiam *sane voluntatis*, seu *primi hominis*, non *agrotæ*: esse *Pelagianicum adjutorium*, non *Christi Salvatoris*: esse illud ipsum adjutorium, propter quod *Massilienses tamquam hæretici proscripti sunt*: esse adjutorium, quod repugnat precibus, quas vel Deus Ecclesiæ suæ tradidit, & inspiravit, vel ipsa sibi a Spiritu Sancto erudita formavit (241): esse adjutorium prorsus inutile lapsorum reparationi, vel operationibus, etiamsi ad sexcentos sufficientiæ gradus augeatur (242): illud minime posse a nobis aileri, nisi majori hallucinatione, quam Pelagiani, sublato originali peccato, natura vires illas esse fateamur (243): ac demum contendere ille non veretur, non esse *nivem calori dissimiliorem, quam*
suf-

(240) Ibidem.

(241) Ibidem cap. 1.

(242) Ibidem cap. 2.

(243) Ibidem.

sufficientem illam gratiam vera gratia, quam Augustinus tradidit, ut alterutrum profecto necessarium sit, vel quod eam nunquam post lapsum hominis agnoverit, vel quod eam a medicinalis adjutorii limitibus, quod crucem suam Salvator dedit, excluderet (244).

ANIMADVERSIO I.

124. Licet autem Jansenius, rejiciendo sufficiens illud adjutorium, praeferat quod nihil aliud ex parte Dei per modum principii necessarium est, ut homo velit, & operetur, videatur, prima facie, nonnisi gratiam sufficientem in sensu Moliniano ab eo fuisse negatam; penitus tamen inspecta re, omnibusque consideratis, quae ipse deinde docet, fatendum necessario est, gratiam sufficientem etiam in sensu Thomistico ipsum rejecisse. Inquit enim: Quod si vero sic accipitur (adjutorium illud) ut sufficiens dicatur, sicut a quibusdam (nempe a Thomistis) dicitur, quod satis est, ut homo dicatur posse operari, quamvis aliud adhuc sit necessarium, ut de facto operetur, de hujusmodi sufficienti gratia non est hic (ait Jansenius) nostra controversia. Talem enim sufficientem gratiam fortasse non difficulter S. Augustinus admitteret, quamvis esse veram illam Christi gratiam, de qua quaestio est (quam nempe Christus nobis meruit, attulitque morte sua) pernegaret (245). Ita Jansenius. Jam vero, inquit insignis Thomista P. Serry, hocce est gratiam (sufficientem) Thomistarum admittere; cum dubitet, an eam admissurus esset Augustinus, audacterque pronunciet,

(244) Lib. 3. de Gratia Christi cap. 1.

(245) Ibidem.

ciet, Doctorem sanctissimum eam pro vera Christi gratia nullatenus habiturum? Sed quid tandem (pergit ille)? Molinianam quidem sufficientem gratiam eo loci potissimum Jansenius impetivit, de Thomistica controversiam eo loci non esse declaravit: sit. ita. At subinde, longiusque progressus, istam quoque oppugnandam aggressus est, velut singulare, & inauditum gratiae monstrum, idque magno cum stomacho (246). En Jansenii verba: Quid homini misero, inquit, perniciosius, quam illa gratia abundare, qua nemo unquam, fatentibus etiam Scholasticis, nisi majorem damnationem affectus est? Hoc ipso quippe unusquisque damnabilior est, quo magis sufficienti gratia abundavit. Nemo enim unquam sufficienti gratia usus est, aut utitur, aut utetur in æternum, qui mitius profecto puniretur, si tali auxilio caruisset, quo Deus neminem vel damnandorum, vel salvandorum usurum esse præscivit (247). Jam vero (prosequitur ille sequenti capite) quid monstruosius proferri potest, quam quoddam distinctum a ceteris adjutorii genus, quod nunquam ab initio lapsus humani usque ad judicii diem, ullum in humana voluntate effectum habuit, aut habiturum est? Defendit quidem aliquando S. Augustinus illud adjutorium partim in Angelis, & hominibus primis ante peccatum, partim in lapsorum quoque hominum posteritate, quando eam tali gratia adjutam, saltem credere posse cum Semipelagianis errando, opinatus est: sed nunquam eo absurditatis venit, ut illud vel semper effectū suo carere, propter quem datur, vel id auxilium, quod reipsa influeret

(246) Tom. 1. Prælect. Theolog. Disp. 4. de variis naturæ humanæ statibus Prælect. 2.

(247) Lib. 3. de Gratia Christi cap. 2.

cum voluntate, ab eo, quod non influeret, ita separandum esse decreverit, ut illud efficax, hoc sufficiens vocaretur. Nimis enim perspicuum est, illam non esse adiutorii talis, sed voluntatis differentiam, quæ eodem adiutorio, sufficientem potestatem tribuente, vel non utebatur, vel utebatur, prout voluntati tribueretur. Itaque illud a recentioribus prolaturum gratiæ sufficientis genus, quo adjuvante nullum unquam opus factum est, aut fiet unquam, si est verum distinctumque a gratiæ efficaci membrum, videtur monstrum quoddam singulare gratiæ, solummodo peccatis faciendis, majorique damnationi accersendæ serviens; ideoque lapsis hominibus citra Dei invidiam damnandis excogitatum: quod cum altissima perspicacia sua videret Augustinus, simul atque ab illo suo errore respiscere cœpit, silentio istud (nempe auxilium etiam Thomistice sufficiens) in omnibus operibus suis præterit, sciens, læsum hominis peccatoris arbitrium non solum eo uti pervicaciter nolle, sed aegritudine concupiscentiali deprimente, non posse; cui propterea solum Salvatoris medicinale adiutorium (scilicet auxilium efficax) utile est, & evadendis peccati laqueis necessarium (248). Hæc porro cum ita sint, quid ergo Fansenium absolvemus, inquit Cl. P. Serry, si quod capite 1. non attigit, capite 3. perfecit? Per gradus procedebat Vir acutus; & ex unius impugnatione gratiæ (nempe ex impugnatione gratiæ Molinistice sufficientis) ad alterius confutationem (nimirum ad confutationem gratiæ sufficientis sensu Thomistico) properabat (249).

ANI

(248) Lib. 3. de Gratia Christi cap. 3.

(249) Loco citato.

ANIMADVERSIO II.

125. Quod si notionem *gratiæ sufficientis*, qualem Thomistæ admittunt, propugnantque, spectemus, ne levissime quidem dubitandum nobis est, nullam penitus agnitam in statu naturæ lapsæ ab Jansenio fuisse *gratiam sufficientem* diversam ab *efficaci*. Citra dubium est enim, *gratiam* Thomistice *sufficientem* tribuere voluntati *veram, realem, completam, & expeditam*, non *absolute* tantum, sed etiam *relative, potentiam* bene operandi, adeo nimirum ut posita in voluntate illa gratia, nihil omnino requiratur aliud, per quod voluntas ipsa in ratione potentia compleatur. *Gratia sufficiens in sensu Thomistico ea est*, inquit Cl. P. Graveson, *quæ dat hominis voluntati non solum absolute, sed etiam relative, seu comparate ad omnes difficultates, seu concupiscentiæ gradus, qui in ea esse possunt; veram, completam, proximam, & expeditam potentiam prorumpendi omnes obistentes difficultates, & singulos oppositos cupiditatis gradus superandi, ita ut ex parte potentia nihil plane desit* (250); atque hanc esse ait *germanam gratiæ sufficientis in sensu Thomistico intellectæ notionem, quæ toti probatur Scholæ Thomistica* (251), & in *cujus defensionem universa illa Scholæ conspirat* (252). Certe etiam Cl. P. Serry manifeste docet, *potentiam in ratione potentia eo auxilio sufficienti (scilicet sensu Thomistico) expeditam esse, atque completam, nec ultra gratiam efficacem desiderari, ut in*

125

(250) *Class. 2. Epist. 3. pag. 58.*

(251) *Ibidem pag. 62.*

(252) *Ibidem pag. 63.*

ratione potentiae compleatur, sed solum ut actui applicetur (253). Si ergo constiterit, *gratiam* hoc sensu *sufficientem* ab Jansenio non admitti, neque admitti posse, nisi sui systematis principia prorsus evertat, constabit profecto, nullam penitus in illius systemate dari *gratiam sufficientem*, neque Thomistico sensu intellectam, quæ reapse sit distincta ab *efficaci*. Jam vero rem ita esse, hoc brevi, sed plane invicto argumento ostenditur. Siquæ in systemate Janseniano daretur, vel dari posset *gratia sufficiens* distincta ab *efficaci*, ea profecto non esset alia, nisi coelestis delectatio inferior gradibus suis carnali cupiditate. Hæc autem non potest esse, neque dici potest *gratia sufficiens* sensu Thomistico. Etenim, ut egregie habet laudatus P. Graveson, illa *gratia parva*, sive inferior delectatio, si spectetur relative, seu comparate ad majorem, & ardentiorē actualem concupiscentiæ delectationem, non dat plenam, completam, proximam, & expeditam potestatem vincendi superiorem concupiscentiæ delectationem, subindeque hac parva Jansenii *gratia* dici non potest sufficiens in sensu Thomistico; cum certum sit, gratiam sufficientem in sensu Thomistico dare veram, proximam, & expeditam potentiam, qua potest homo hic, & nunc resistere cuilibet tentationi, vincere superiorem concupiscentiæ delectationem, declinare peccatum, & divinam Legem adimplere (254). Ergo nulla in Janseniano systemate datur, vel dari potest *gratia* Thomistice *sufficiens* distincta ab *efficaci*. Præterea, ut alibi etiam est observatum, cum aperte dicat Jansenius, gratiam illam, quam ipse vocat *inefficacem*, nullo modo sufficere, ut homo

Dei

(253) Loco citato.

(254) Class. 2. Epist. 3. pag. 58.

Dei mādātum operetur, ut Deum super omnia diligāt, ut speret, ut oret, ut credat (255), palmari proculdubio contradīctiōe nutaret, si vellet, gratiam illam conferre voluntati *veram, proximam, completam*, atque non tantum *absolute*, verum etiam *relative expeditam potentiam* bene operandi; ac proinde si contenderet, gratiam illam esse Thomistice *sufficientem*. Certum itaque perspicuumque est, solam *gratiam efficacem*, Jansenium si audiamus, esse vere proprięque *sufficientem*, adeo nimirum ut in illius systemate nulla omnino detur gratia *Molinistice*, vel *Thomistice* sufficiens distincta ab *efficaci*. Ceterum quantum a *gratia sufficienti* Thomistico etiam sensu intellecta, abhorreant Jansenistę (quamvis, ut imperitis fucum faciant, invidiamque ipsi declinent, eam quandoque admittere videantur) non est cur ego dicam, ex iis enim elogiis apparet luculentissime, quibus aliqui ex illorum principibus veriti nequaquam sunt ipsam exorare.

S C H O L I O N III.

126. Adeo certum postremo est, nullam omnino *gratiam sufficientem* distinctam ab *efficaci* admissam, agnitamque in hoc lapsę naturę statu ab Jansenio fuisse, ut plerique Viri doctissimi, videlicet, ut alios præteream, P. Graveson, P. Serry, & P. Berti, inter præcipua Jansenii dogmata, ejusdemque systematis principia id unum recenscant. *Tertium doctrinæ Jansenii, ejusque discipulorum principium*, inquit Cl. P. Graveson, *speciat notionem, & essentiam gratiæ sufficientis.*
Nam

(255), Lib. 2. de *Gratia Christi* cap. 27.

Nam gratia sufficiens in statu naturæ lapsæ, Jansenistice intellecta, tantum abest, ut homini completam tribuat non peccandi potentiam, ut potius ipsam præceptorum observandorum impossibilitatem compatiatur (256). Alibi vero, negant, inquit, Jansenius, ejusque discipuli, gratiam illam, quam non victricem appellant, posse dici sufficientem comparate ad effectum principalem, plenum, ac perfectum, nimirum comparate ad actualem peccatoris conversionem, & actualem observantiam mandatorum Dei, quia, inquiunt, hæc gratia non victrix dare nequit homini potentiam veram, proximam, expeditam, & relativam producendi principalem, plenum, ac perfectum effectum, seu actualem operandi conversionem, vel actu observandi præcepta Dei. Sola quippe gratia victrix, ajunt Jansenius, ejusque discipuli, dat homini veram, proximam, expeditam, & relativam potentiam producendi effectum principalem, plenum, ac perfectum, seu actualem producendi conversionem, & actu observandi mandata Dei. Ex quo infert Vir ille doctissimus, quod rei nostræ caput est, videlicet: I. Jansenium, ejusque discipulos nullam in statu naturæ lapsæ admittere gratiam, nisi efficacem. II. eos nullam agnoscere gratiam vere sufficientem a gratia efficaci distinctam (257). Id porro adeo solemne est Viro illi eximio, ut, illius judicio, quinam stent ad Jansenii partes, ex ipso uno detegantur. Scribit enim: Cum Jansenii discipuli urgentur a Thomistis, ut clare & remota omni verborum ambiguitate exponant, quid sibi velint, quidve intelligant per gratiam illam sufficientem, quam se in sta-

11

(256) Class. 1. Epist. 1. pag. 9.

(257) Class. 2. Epist. 4. pag. 93.

in natura lapsæ admittere, & homini iusto, instante præcepto, non deesse profitentur? Confestim, inquit, respondent isti Jansenii discipuli, se per gratiam suam sufficientem nihil aliud intelligere, quam delectationem quamdam cœlestem, concupiscentiæ delectatione terrena minorem, quæ necessario fortiori, & exandescentiori concupiscentiæ delectationi cedere debet; quippe quam, ob defectum virium, vincere ac superare non potest. In qua gratiæ suæ sufficientis interpretatione palam sese produnt discipulos Jansenii, qui, sicut jam sæpius diximus, quemadmodum gratiæ efficacis naturam in statu naturæ lapsæ constituit in cœlesti indeliberata delectatione relative victrice, & superiore terrena indeliberata concupiscentiæ delectatione, ita gratiam inefficacem, quam parvam vocat, & quam nunc quidam ejus discipuli, ad fucum faciendum, appellant sufficientem, constituit idem Jansenius in cœlesti indeliberata delectatione, quæ terrena indeliberata concupiscentiæ delectatione minor, inferior, & debilior est, cuique necessario, ob virium defectum, cedere debet (258).

Haecenus P. Graveson. Ita vero P. Serry, perinde sane, atque ille, in Thomistica Schola celebratissimus. Alterum, inquit, Jansenianæ doctrinæ principium istud est, nimirum in statu naturæ lapsæ auxilium omne ex sese, & ab intrinseco esse efficax, nullum sufficiens omnino dari, quod item simul efficax non sit. Id videri potest lib. 3. de Gratia Christi cap. 4. ubi tametsi prima fronte gratiam sufficientem Moliniano dumtaxat sensu expositam impugnare videatur, quæ videlicet ex liberi arbitrii assensu, vel dissensu efficax, vel inefficax fiat; subinde tamen, ultra quam par erat progressus, suffi-

I

ciens

(258) Ibidem pag. 85.

cicens omne auxilium oppugnavit, præter quod alterum efficax postulatur (259). Demum Cl. P. Berti, manifestum esse, ait, alterum Janseniana heresis caput in eo positum, quod Jansenius negat dari gratiam sufficientem distinctam ab ea, quæ est efficax, & conjuncta cum actu; imo gratiam illam inutilem, monstruosam, a Semipelagianis confictam, atque Augustino, aliisque Patribus ignotam ausus est appellare Jansenius. Etenim lib. 3. de Gratia Christi cap. 1. inquit: sufficientem illam gratiam, quam Scholastici multi in Theologiam velut adjutorium Salvatoris intulerunt, ab Augustino destructam, funditusque everfam esse, libens fateor. Et quamvis eo loci (pergit Cl. Auctor) videatur loqui dumtaxat de gratia Molinistice sufficiente, de ea scilicet, quæ posita nihil aliud requiritur ex parte Dei per modum principii, ut homo actu velit, & operetur, quam utique gratiam sufficientem nequeunt admittere quotquot ad actu operandum necessarium ulterius putant auxilium efficax; & quamvis affirmet dogmatista, se controversiam non agere de illa gratia sufficiente, ut a quibusdam dicitur, præter quam adhuc necessarium est aliud adjutorium, ut homo de facto operetur, qualis est in hoc statu adjutorium sine quo non, & gratia sufficiens sensu Thomistico; nihilominus hanc ipsam gratiam in hoc infirmitatis statu penitus e medio tollit (260). Porro excludi a Jansenio quamcunque sufficientem gratiam ab efficaci distinctam, demonstrant, ait laudatus P. Berti, innumeris Jansenii testimoniis productis, Antijanseniani omnes Theologi, quibus adde librum

(259) Tom. 1. Prælect. Theolog. Disp. 4. de variis humane nature statibus Prælect. 2.

(260) P. 2. Apologiæ Dissert. 4. cap. 1. §. 3. n. 3.

brum inscriptum: Triumphus catholicæ veritatis, editum Parisiis an. 1651. necnon Memorias Historico-Dogmaticas tom. 2. ad an. 1653, p. 303, & seq., ubi narratur, & evincitur, gratiam omnem sufficientem, quæ non sit efficax, a Jansenianis derideri, & explodi (261). Nisi ergo velimus, Viros adeo doctos, atque in hac materia apprime versatos errasse perquam turpissime, demus oportet, admitti non posse Jansenii systema, quin cum illo vel inviti dicamus, solam gratiam efficacem vere esse, recteque dici posse sufficientem, ita nempe ut nulla sit gratia vere proprieque sufficiens, quæ ab efficaci distinguatur.

COROLLARIUM XVI.

127. *Necessario demum admittende sunt, tamquam veræ, quinque famose Jansenii propositiones, quas Summus Pontifex Innocentius X. stigmate censorio confixerat.* Tanta siquidem evidentia ex præmissis ipsius Jansenii principiis illæ fluunt, tantaque necessitate cum ipsis connexæ sunt, ut eas negare, illis principiis concessis, perinde omnino sit, ac admissa causa necessaria, negare effectum. Quoniam autem maximi id momenti est, operæ pretium censeo, singulas ipsas propositiones distincte expendere, easque ad examen tam juris, quam facti, accuratius quoad fieri a me potest, revocare. Sit ergo propositio

I 2

I.

-(261) Ibidem.

I.

Aliqua Dei praecepta hominibus justis, volentibus, & conantibus secundum praesentes, quas habent vires, sunt impossibilia: deest quoque illis gratia, qua possibilia fiant.

128. Hujusce primæ in Janzenio proscriptæ propositionis sensus est, justos, qui divina mandata transgrediuntur, ea tunc observare non posse, propterea quia illa gratia tunc ipsis desit, sine qua *physice impossibile* nobis est, ut divina praecepta adimpleantur. Porro tam impium dogma fluere necessario ex praemissis Jansenii principiis, ita ostenditur. Certum est, eos omnes, qui divinum mandatum non implent, ideo, stando Jansenii principiis, illud non implere, quia in-deliberatæ delectationi carnalis cupiditatis, qua una ab illo implendo retrahuntur, ipsi consentiunt. Id unum quippe, Janzenium si audiamus, causa est, cur injuste operemur. Certum est autem, justos illos ideo obsequi terrenæ delectationi, dum urget praeceptum, quia illa tunc superior est gradibus suis cœlesti delectatione gratiæ. Si namque contrariæ illæ delectationes essent æquales, nihil ipsi tunc agerent; & si delectatio cœlestis terrenam tunc excederet, illi, non huic obsequerentur; atque hinc non transgrederentur divinum mandatum, sed illud, ut patet, implerent. Igitur justī, qui divina mandata non exequuntur, carent, quando exequi illa debent, tanta cœlesti delectatione gratiæ, quæ terrenam carnalis cupiditatis delectationem *intensive* excedat. Jam vero si hoc, est illis *physice impossibile*, ut mandata ipsa adimpleant. *Physice impossibile* est enim, ut tunc consentiant delectationi cœlesti, sine qua

præ-

præceptum, ut patet, impleri non potest. Ergo iustis, qui divina mandata transgrediuntur, *physice impossibile est*, ut illa adimpleant. Quod autem ea illis tunc desit gratia, qua divina mandata tunc ipsis observatu possibilia fiant, patet. Deest quippe illis cœlestis ea delectatio, quæ gradibus suis superior sit carnali cupiditate, per quam ab observantia divinorum mandatorum ita retrahuntur, ut, si delectatione cœlesti major ipsa fuerit, mandata, ut modo visum demonstratumque est, observari non possint.

SCHOLION I.

129. Hæc prima propositio adeo manifeste a Janzenio traditur, ut stupendum sit, non defuisse, qui id non solum in dubium vertere, verum etiam palam aperteque negare ausus fuerit. Ait enim Janfenius. I. *esse quædam homini præcepta secundum statum, & vires, in quibus constitutus est, impossibilia.* II. *non adesse semper gratiam, qua possimus, hoc est, qua illa eadem præcepta implere sufficiamus.* III. *hanc impotentiam reperiri non solum in excœcatis, & obduratis, & infidelibus..... sed etiam in fidelibus, & iustis, qui & fidem Christi, & charitatem justitiæ susceperunt.* IV. *hanc impossibilitatem fidelibus accidere, non tantum quando nolunt præcepta facere, sed etiam quando volunt.* V. *nihil esse in S. Augustini doctrina certius ac fundatius, quam esse præcepta quædam, quæ hominibus non tantum infidelibus, excœcatis, & obduratis, sed fidelibus quoque & iustis, volentibus, conantibus secundum præsentem, quas habent vires, sunt impossibilia: deesse quoque gratiam, qua fiant possibilia; idque*

Sancti Petri exemplo, aliisque multis quotidie manifestum esse, contendit, qui, inquit ipse, tentantur, ultra quam possint sustinere (262). Cum igitur, ut videre quisque potest, hæc sint genuina Jansenii verba, æquo animo ferant illius partiarum, si dixerò, me haud posse animo complecti, qua demum fronte inficiari ipsi audeant, primam hanc ejusdem propositionem, atro carbone ab Ecclesia justissime notatam, in illius *Augustino* reperiri.

ANIMADVERSIO I.

130. Omnino certa secundum Jansenium res est, per solam *relative* victricem divinæ gratiæ delectationem divina mandata observari a nobis posse; ac proinde illa si desit, iis, quibus deest, mandata ipsa esse observatu impossibilia; atque hinc, cum victrix illa delectatio iis reapse desit, ut vidimus, qui divina mandata transgrediuntur, ab hisce etiam, etsi fideles, & justi fuerint, illa observari non posse. Enimvero, postquam dixit Jansenius, S. Petri exemplo manifestum esse, quamplures tentari ultra quam sustinere ipsi possint, statim subjungit, *nec illam implendi talia præcepta difficultatem inde proficisci, quod actus implendi debeat esse supernaturalis, vel meritorius, vel aliquid simile, (quæ Augustino, inquit ipse, nunquam in mentem venerunt) sed ex eo quod vires voluntatis infirmæ sint, propter concupiscentiam a volendo bono retrahentem, cujus renisu sit, ut vires voluntatis distrahantur, atque ita homo non plane velit, non integre velit, non tota voluntate velit. Talem autem voluntatem non esse idoneam, ut superet alteram vetustate roboratam; quia* per.

(262) Lib. 3. de Gratia Christi cap. 13.

per illam nondum potest homo tantum velle ; quantum sufficit , ut volendo faciat ; poterit autem , cum habuerit magnam , & robustam (263) , videlicet cum tanta in eo fuerit cœlestis delectatio gratiæ , quæ terrenam carnalis cupiditatis delectationem , quæ , ut ille dixerat , a volendo bono retrahitur , gradibus suis superaverit . Nihil itaque certius apud Janſenium est , quam impossibilitatem observandi divina præcepta , quam ipso docente , fideles etiam , & iusti quandoque in seipsis experiuntur , ex cœlestis delectationis relative victricis defectu provenire . Docet proinde alio loco , gratiam inefficacem , eam scilicet cœlestem delectationem , quæ gradibus suis terrena inferior est , nullo modo sufficere , ut homo Dei mandatum operetur . (264) . Docet , gratiam medicinalem , quæ post humane nature lapsum ad bene vivendum (adeoque ad implenda divina mandata) sufficit..... esse talem , quæ quando datur , ipsum velle , & operari tribuit , non amplius quasi nutum voluntatis expectando , sed ipsum invictè largiendo (265) ; ac propterea esse gratiam efficacem , cœlestem scilicet delectationem relative victricem . Etenim , ut ille ipse alibi aperte dixerat , gratia sufficiens ad præcepta facienda , cavendaque peccata , vera , & magna , & gratuita gratia est , quam spirat Spiritus , ubi vult ; & hæc sufficiens gratia , juxta doctrinam ejus (nempe S. Augustini) solidissimam , non est alia , nec , ut videtur , sine errore alia dici potest , quam illa , quæ voluntatem facit facere , & in ea operatur reipsa velle , & operari (266) .

I 4

Cum

(263) Lib. 3. de Gratia Christi cap. 13.

(264) Lib. 2. ejusdem cap. 27.

(265) Lib. 3. ejusdem cap. 19.

(266) Ibidem cap. 5.

Cum ergo hæc sit *gratia efficax*, ac proinde secundum Janfenium delectatio cœlestis gradibus suis superior carnali cupiditate, concedat ille necesse est, per solam delectationem cœlestem *relative* victricem divina mandata esse nobis observatu possibilia; atque hinc ab iis, qui illa gratia destituti sunt, quique proinde mandata ipsa transgrediuntur, observari non posse. Hinc est, ab eo diserte doceri, tunc subtrahi gratiam, quæ ad implenda divina mandata satis est, quæque idcirco illa nobis observatu possibilia reddit, cum Deus non præbet homini, ut animus legis impletionem delectetur, sed finit eum carnalibus delectationibus secundum terrenarum rerum cupiditates rapi (267), videlicet cum Deus tantum cœlestis delectationis nobis non infundit, quantum necessario requiritur, ut, dum urget præceptum, magis illius impletionem, quam ejusdem transgressionem indeliberate delectemur. Hinc etiam est, eodem quoque docente, non aliter esse verum, quod Deus non jubeat impossibilia, nisi quia quacunque jubet, hominis voluntate per omnipotentem (adeoque relative victricem) gratiam adjuta, fieri possunt (268). Nihil itaque certius in Janfenii doctrina, quam divina mandata ab iis, qui illa transgrediuntur, ac proinde qui *gratia efficaci*, adeoque cœlesti *relative* victrice delectatione destituti sunt, observari non posse. Verum enimvero

ANIMADVERSIO II.

131. Apertius id nobis adhuc fiet; si considerabimus, quot tantum modis possibile sit secundum Janfenium

(267) Lib. 3. de Gratia Christi cap. 5.

(268) Ibidem cap. 13.

nium , ut agat homo , quod justum est , quodque Deus jubet , ille adimpleat. Ait ergo ille , id fieri posse. I. remotissime per solam liberi arbitrii flexibilem facultatem ad bonum , & malum. II. paulo propinquius per fidem , quamvis delectatione Dei , & actuali Dei adjutorio , internisque viribus voluntatis careamus. III. multo plenius propinquiusque per charitatem , per quam homo justificatur , scilicet per charitatem habitualement. IV. completissime , inquit ille , dicimur posse , quando S. Spiritus inspiratione sic voluntas preparatur , ut non nude possit , sed etiam velit (269) videlicet quando tanta nobis infunditur actualis gratiæ delectatio , quæ delectationem carnalis concupiscentiæ gradibus suis vincat ac superet. Etenim , ut ipsemet docet , tali gratia non solum posse , sed etiam ipsum agere adjuvatur. Dat enim , inquit , non solum posse , si velis , sed & velle , quod potes. Hoc posse nunquam habetur , nisi quando reipsa quoque agitur ; & est proprius effectus non fidei , aut charitatis , seu bonæ voluntatis habitualis , sed illius gratiæ actualis , quam Christus attulit hominibus infirmis per crucem suam (270). Jam vero posse primo , secundo , & tertio modo non esse verum posse , minime , ut spero , nisi velit sibi-metipso palam contradicere , inficiabitur Jansenius. Certe de posse primo modo ait ipse , potestatem istam sine gratia Dei efficere nihil posse (271). Fatetur quoque , fidem non operari observationem mandatorum , nisi per dilectionem (272) , & dilectionem , sive charitatem

(269) Lib. 3. de Gratia Christi cap. 15.

(270) Ibidem.

(271) Ibidem.

(272) Ibidem.

tem habitualem, quantumcunque magna ipsa fuerit, post lapsum primi hominis in actum exire non posse (273) sine illa gratia actuali, quæ dat non solum posse, si velis, sed & velle, quod potes (274), nempe sine delectatione cœlesti, quæ gradibus suis superior sit carnali cupiditate. Nisi enim, inquit, mirabili & inusitata gratia (scilicet delectatione cœlesti relative) fomes extinguatur (qui non est aliud, quam generale quoddam pondus ad creata diligenda) semper animum languentem deorsum premit, semper visibilibus objectis, undequaque intus, & foris sese offerentibus proritur, nisi Spiritus Sancti munere (nempe cœlesti relative victrice delectatione) motus ejus vel præveniantur orituri, vel comprimantur exorti (275). Vigente quippe delectatione carnali, impossibile est, ipso docente, ut virtutis ac honestatis consideratio prævaleat (276); & nisi cœlestis divinæ gratiæ delectatio major fuerit, quam terrena, qua, ut ipse quoque ait, noster affectus detinetur, fieri non potest, quin propriæ voluntatis infirmitate vincamur (277) imo, eodem Jansenio fatente, tam est possibile voluntati, cœlesti relative victrice delectatione destitutæ, ut bene velit, divinaque mandata adimpleat, quam homini cæco, ut videat, vel surdo, ut audiat, vel tibiis fracto, ut recte gradiatur (278), ac demum adeo imperfectos ipse etiam vocat tres priores possibilitatis modos, ut, illis præsentibus, si postremus

(273) Lib. 3. de Gratia Christi cap. 25.

(274) Ibidem.

(275) Ibidem.

(276) Lib. 4. ejusdem cap. 9.

(277) Ibidem cap. 6.

(278) Lib. 2. de Gratia Christi cap. 1.

mus, qui per *actualem gratiam* datur; non affuerit, non magis, inquit, *hic*, & nunc, & absolute fieri posse preceptum dici possit, quam sine alis volare posse diceretur (279). Itaque, ipsomet fatente Jansenio, nisi quarto modo divina mandata observatu possibilia nobis sint; ac proinde nisi, cum impleri debent, tantum in nobis fuerit *cœlestis delectationis*, quæ terrenam *intensive* superet, illa sunt nobis observatu *physice* impossibilia.

ANIMADVERSIO III.

132. Fucum faciunt Janseniani, dum ajunt, divina mandata ab iis, qui illa transgrediuntur, quique idcirco carent delectatione cœlesti *relative* victrice, observari quidem non posse *potentia relativa*, sed posse *potentia absoluta*. Cum enim *absoluta* hæc *potentia* ex parva Jansenii gratia, nempe ex cœlesti delectatione, quæ minor, sive debilior sit carnali cupiditate, ipsis fatentibus, proveniat, *vera potentia* non est, sed, quemadmodum tum ratione, tum auctoritate alibi demonstravimus, est *vera, realis, & physica impotentia*. Et sane, cum impleri a nobis posse divina mandata *potentia absoluta*, perinde omnino sit secundum illius *potentia* fautores, ac ea impleri posse per talem gratiam, quæ delectatione sua minor sit delectatione carnalis cupiditatis, qua voluntas ab illorum observantia retrahitur, dicere profecto illi haud possunt, Dei præcepta per illam gratiam vere nobis reddi observatu possibilia, adeo nempe ut ipsorum transgressio jure nobis imputari ad culpam possit, nisi velint ab suo

Ma-

(279) Lib. 3. *ejusdem* cap. 15.

Magistro Jansenio recedere, eaque ipsi affirmare; quæ ille constanter negat. Fortene ignorant, illum docere, *nisi delectatio cœlestis major fuerit, quam terrena, fieri non posse, quin propria voluntatis infirmitate vincamur* (280): *vigente delectatione carnali, impossibile esse, ut virtutis, ac honestatis consideratio prævaleat.* (281): *pravam delectationem sine aliqua majore delectatione, & meliore nos non posse compescere* (282): *gratiam inefficacem, nempe cœlestem delectationem inferiorem terrena, nullo modo sufficere, ut homo Dei mandatum operetur* (283): tamque esse impossibile voluntati, ut sine delectatione cœlesti *relative* victrice bene velit, & operetur, *quam homini ceco, ut videat, vel surdo, ut audiat, vel tibiis fracto, ut recte gradiatur* (284): ac demum *necessarium esse, & quidem vera, reali, & physica necessitate, ut secundum id operemur, quod amplius nos delectat* (285)? Fortene, inquam, illi ignorant, hæc Jansenium docuisse? Si autem id non ignorant, ut non ignorant certe, qua deinde fronte contendere queant, divina mandata per delectationem cœlestem, quæ sit debilior terrena, nobis vere esse observatu possibilia, atque ad nobis juste imputandam illorum transgressionem, satis esse, ut *potentia absoluta* observari illa a nobis possint, etsi non possint *potentia relativa*? Apparet igitur, quanta attentione nobis opus sit, ne cum agitur de prima, ab

Ec-

(280) Lib. 4. *de Gratia Christi* cap. 6.

(281) Ibidem cap. 9.

(282) Lib. 7. *ejusdem* cap. 3.(283) Lib. 2. *ejusdem* cap. 27.

(284) Ibidem cap. 1.

(285) Lib. 4. *ejusdem* cap. 6.

Ecclesia optimo jure proscripta, Jansenii propositione, ab illius partiaris, ut facile est, decipiamur.

S C H O L I O N I I.

133. Ita porro respondere Jansenianos, cum ab illis quæritur, quomodo divina mandata iis observatu possibilia sint, qui carent *gratia efficaci*, sive delectatione cœlesti *relative* victrice (cujusmodi posito illorum systemate, eorumque Magistro fatente, ii sunt omnes qui mandata ipsa transgrediuntur) palam affirmat Cl. P. Graveson, ut alios præteream, explicatque disertissime. *Jansenii discipuli*, inquit ille, *si compellantur a Thomistis ut exponant, quam sit illa observandi præcepta, & vincendi tentationes potentia, quam voluntati creatæ dat gratia sufficiens* (nempe delectatio cœlestis minor terrena), *quam admittunt in statu naturæ lapsæ? incunctanter Jansenii discipuli respondebunt, potentiam illam adimplendi præcepta, & superandi tentationes, quam sua gratia sufficiens in statu naturæ lapsæ impertitur voluntati creatæ, esse dumtaxat potentiam absolutam, & abstractam a dispositionibus, quæ sunt in subiecto, seu esse potentiam, quæ præcepta Dei reddit possibilia absolute, præcisè actualis, & ardentioris oppositæ terrenæ concupiscentiæ delectationis gradibus ac circumstantiis, quæ sunt in subiecto; sed non esse potentiam relativam ad oppositam terrenæ concupiscentiæ delectationem. Volunt itaque Jansenii discipuli (prosequitur ille) gratiam illam parvam, quam in statu naturæ lapsæ a gratia per se efficaci distinctam admittunt, quamque sufficientem appellant, volunt, inquit, hanc gratiam parvam conferre voluntati creatæ poten-*
tiâ

tiam observandi mandata, & vincendi tentationes absolutam tantum, & abstractam a circumstantiis, dispositionibus, & gradibus opposita superioris terrene concupiscentiae delectationis; sed præfracte negant, gratiam illam parvam, quam in statu naturæ lapsæ agnoscunt, quamque vocitant gratiam sufficientem, dare voluntati creata potentiam relativam ad præsentis subiecti dispositiones, hoc est, veram, & expeditam potentiam vincendi oppositam superiorem terrene concupiscentiae delectationem. In conflictu enim delectationis cælestis inferioris cum opposita terrena concupiscentiae delectatione superiori, impedita est hic, & nunc, & quasi vinculo constricta manet illa observandi mandata, & vincendi tentationes potentia absoluta, quam voluntati creata in statu naturæ lapsæ dat gratia illa parva, quam Fansenii discipuli sufficientem appellant; quia nullo pacto fieri potest, ut minor delectatio vincat majorem, sicut impossibile est, ut pondus gravius a leviori trahatur (286). Alibi quoque, loquens de hac prima Jansenii propositione, non negant quidem, inquit, Fansenius, & Fanseniste, gratiam parvam, quam habent aliqui justi, destituti gratia efficaci, dare potentiam absolutam superandi concupiscentiam (si enim minor esset opposita concupiscentia, ab illa parva gratia vinceretur), sed negant Fansenius, & Fanseniste, parvam illam gratiam, quæ inest aliquibus justis, gratia efficaci destitutis, dare illis potentiam relativam ad oppositos concupiscentia gradus, per quam aliqui justis, absente gratia efficaci, possunt superare majorem, & superiorem oppositam concupiscentiae delectationem; quia, inquit Fansenius, & Fansenista, cum illa gratia parva

1.(286) Class. 2. Epist. 4. pag. 86.

nihil aliud sit, quam indeliberata cœlestis delectatio, quæ minor, & debilior, & inferior est opposita concupiscentiæ terrena delectatione, impossibile prorsus est, ut parva illa gratia vincat oppositam majorem concupiscentiæ delectationem. Minor enim delectatio non potest vincere oppositam majorem delectationem, sed ei necessario cedere debet. Ex quo doctrina Jansenii, & Jansenistarum principio evidenter sequitur, aliquibus justis (qui habent dumtaxat gratiam illam parvam, & carent gratia efficaci, seu relative victrici) præcepta esse impossibilia: deesse quoque illis gratiam, qua possibilia fiant (287).

ANIMADVERSIO IV.

134. Impotentia implendi præcepta divina, quam justis etiam, piisque hominibus, dum illa transgrediuntur, inesse ait Jansenius, tanta, ipsomet docente, est, ut neque ad orationem, per quam a Deo gratiam illam postulent, quæ ad præcepta ipsa observanda sufficiat, confugere possint. Postquam enim scripserat, sufficientem gratiam ad faciendum, quod Deus jubet tunc hominibus a Deo subtrahi, cum Deus non præbet homini, ut animus legis impletionem delectetur, sed finit eum carnalibus delectationibus secundum terrenarum rerum cupiditates rapi, nemo, inquit, opponat, orari saltem posse, ut ista delectatio, quæ sufficiat implenda legi divinitus tribuatur; dico enim, respondet ille, non solum Judæis, sed & Christianis, non solum carnalibus, sed & spiritualibus gratiam talem sufficientem ad faciendum, quod jubetur, frequenter subtrahi, atque ita subtra-

(287) Class. 2. Epist. 6. pag. 123.

subtrahi, ut nec pro tali gratia adipiscenda, deprecandi similis sufficiens gratia habeatur (288). Ait proinde alio loco, istam gratiam orandi, seu postulandi vires voluntatis, Deum, cui voluerit, & quantum voluerit, largiri (289), neque exiguam esse quorundam hallucinationem, qua putant, semper adesse homini gratiam, ut petat, ac tam ardentem petat, ut infallibiliter impetret id, quod petit (290). Itaque (concludit Jansenius) cum plurimi vel non petant gratiam illam, qua possint, ac sufficiant praecepta facere, vel non ita petant, ut ad impetrandum necessarium est, nec omnibus gratiam vel ferventer petendi, vel omnino petendi Deus largiatur, apertissimum est, fidelibus multis deesse illam sufficientem gratiam (291), eam scilicet, qua divina mandata implere possint.

ANIMADVERSIO V.

135. At hic unum est, mea quidem sententia, attente considerandum, videlicet etiam ad orationem, qua divinum auxilium imploretur, tantam coelestis gratiae delectationem, secundum Jansenium, necessario requiri, ut gradibus suis carnalem eam cupiditatis delectationem, qua voluntas tunc ab orando retrahitur, ipsa superet. Respondens quippe Jansenius objicienti, orari saltem posse, ut delectatio, qua sufficiat implende legi, divinitus tribuatur, ait, etiam ad orandum quamaxime delectatio necessaria est, qua non magis, quam

(288) Lib. 3. de Gratia Christi cap. 5.

(289) Ibidem cap. 13.

(290) Ibidem.

(291) Ibidem.

quam cetera, nostræ potestatis non est, sed a Deo per gratiam donari debet (292). Alibi quoque docet, istam gratiam orandi, seu postulandi vires voluntatis, Deum cui voluerit, & quantum voluerit, largiri; Spiritus enim, inquit, qui ubi vult, spirat, sicuti spiritum gratiæ, ita precum effundit, ubi vult. Qua de causa nec orare delectat, aut lubet, nisi Deus, ut lubeat, inspiraverit; & quando jam lubet, non tanto semper ardore lubet, quanto necessarium est, ut sic petamus; ac tantum petamus, quomodo, & quantum res tanta petenda est (293). Sane, cum oratio sit opus bonum, vel etiam ad orandum cœlestis delectatio gratiæ relative victrix necessaria est, vel ad nullum opus bonum relative victrix gratiæ delectatio necessario requiritur: quæ cum ita sint, apertum manet, eos qui non orant, cum orare debent, ideo non orare, stando Jansenii principiis, quia carent tanta delectatione gratiæ, quæ carnalem cupiditatem, qua retrahuntur ab oratione, & ad malum sollicitantur, intensius superet; atque hinc ideo illos non orare, non quia nolunt, sed quia orare non possunt.

ANIMADVERSIO VI.

136. Observatum pariter non minori attentione hic velim, eos quoque ab Jansenii doctrina non recedere, qui ajunt, divina mandata ideo nemini esse observatu impossibilia, quia impleri ab omnibus possunt per gratiam, quam Deus conferre potest omnibus, quamque omnes possunt ab illo recipere. Hoc enim

K

scilicet

(292) Lib. 3. de Gratia Christi cap. 5.

(293) Ibidem cap. 13.

sensu Deum non jubere impossibilia , neque Jansenius inficiatus est , disertissimis verbis ipse quoque affirmans , *non aliter verum esse , quod Deus non jubeat impossibilia , nisi quia quaecunque jubet , hominis voluntate , per omnipotentem gratiam Dei adjuta , fieri possunt* (294).

SCHOLION III.

237. Quod modo diximus de impletionem divinarum præceptorum , etiam de peccatoris conversione ad Deum velim intelligatur : arbitror nempe , ut peccator vere dici queat ad Deum posse converti , haudquam sufficere , ut habere , seu obtinere ipse possit gratiam , qua converti ad Deum possit , eodem plane sensu , quo homo dicitur *posse manducare panem , etiam cum panem non habet , neque etiam quidquam , unde sibi panem comparet , & quo dicitur etiam , hominem illum posse videre , qui non habet lucem , sed in tenebrosam carcerem injectus est , quamvis sine luce visurus sit unquam , imo ne videre unquam possit*. Si namque , Deum *posse* nobis dare gratiam , nosque *posse* gratiam recipere , qua implere divina mandata , atque ad Deum converti valeamus , plane sufficeret , ut vere dici posset , Deum non jubere impossibilia , nosque posse ad Deum converti , etiamsi , dum urget præceptum , gratiam illam minime haberemus ; haud sane video , quamobrem dici recte non posset , sicuti certe non potest , Deum non jubere impossibilia , si , quin illis sanitatem restitueret , præciperet cæco , ut videret , surdo , ut audiret , tibiisque fracto , ut recte graderetur ? Non.

(294) Lib. 3. *de Gratia Christi* cap. 13.

Nonne enim illis Deus donare sanitatem *potest*, ipsique *possunt* sanitatem recipere? Similiter quis negabit, homini, quamdiu alis caret *physice impossibile* esse, ut volet, sicuti etiam ut ille diu vivat, qui panem non habet, neque etiam quidquam, unde sibi panem comparet, quamvis & Deus dare *possit*, & ipsi *possint* alas, atque panem a Deo recipere? Posse igitur hoc sensu minime sufficit, ne Jansenio impie docenti, *Deum impossibilia precipere*, consentiamus.

ANIMADVERSIO VII.

138. Ex ea demum gratia, quam *parvam* vocat Jansenius, illa velleitas, conatusque ille derivandus est, quo, ut ipse ait, homines iusti ea Dei præcepta implere volunt, atque nituntur, quæ, eodem docente, sunt ipsis observatu impossibilia. Parva enim illa gratia *quamvis*, inquit Jansenius, *nullo modo sufficiat*, ut homo Dei mandatum operetur, ut Deum super omnia diligat, ut speret, ut oret, ut credat; ad hoc tamen facit aliquid vel *istarum*, vel *alterius cujusdam* non voluntates, sed velleitates, vel complacentias excitet, quas, nisi divinitus infundantur, *obtinere humana potestate nemo potest* (295). Hinc causam explicans, cur divina mandata observari quandoque non possint, ait, id non ex eo oriri, quod *actus implendi debeat esse supernaturalis*, vel *meritorius*, vel aliquid simile, sed ex eo quod vires voluntatis infirmæ sunt propter concupiscentiam a volendo bono retrahentem, cujus renisus, inquit ille, ut vires voluntatis *distrahantur*, atque ita homo non plane velit, non integre velit,

K 2

non

(295) Lib. 2. de Gratia Christi cap. 27.

non tota voluntate velit. Addit vero, talem voluntatem non esse idoneam, ut superet alteram ventustate roboratam; quia per illam nondum potest homo tantum velle, quantum sufficit, ut volendo faciat. Poterit autem, inquit, cum habuerit magnam, & robustam (296), nempe cum tanta cœlestis delectatio gratiæ in ipso fuerit, quæ terrenam carnalis cupiditatis delectationem intensius superaverit. Ideo enim, inquit alio loco, in ista cum tentationibus dimicatione magna, adeoque major, ac victrix delectatio cœlestis necessaria est; quia alioquin voluntas tam magnas volendi vires adhibere non potest, seu, ut Schola loquitur, tam intense ac fortiter velle non potest, quantum necesse est, ut tentatio seu delectatio opposita superetur (297).

II.

Interiori gratiæ in statu natura lapsæ nunquam resistitur.

139. Videlicet nulla secundum Janfenium in hoc lapsæ corruptæque naturæ statu datur interior gratia Christi, quæ culpa nostræ voluntatis, totum id non obtineat, quod, habita ratione circumstantiarum, in quibus tribuitur, obtinere a nobis potest, & propter quod obtinendum nobis a Deo confertur. Neque enim vere propriæque loquendo, dici potest, voluntatem nostram divinæ gratiæ resistere, si illi obsequi nequit, idque minime facit, quod per eam facere ipsa non potest. *Resistere gratiæ, propriè & strictè loquendo, inquit*

(296) Lib. 3. ejusdem cap. 13.

(297) Lib. 4. de Gratia Christi cap. 7.

quit Cl. P. Graveson , *est eam frustrare ; seu privare eo effectu , quem habere potest in his circumstantiis , in quibus datur* (298). Re quidem vera resistere gratiæ est impedire , ne gratia operetur. Quomodo autem dici potest , voluntatem impedire , ne gratia *operetur illud , quod ab ipsa gratia actu* produci non potest? Itaque ut dici queat , quod voluntas gratiæ resistat , duo requiruntur. Primo : quod gratia privetur eo effectu , ad quem ipsa excitat voluntatem. Secundo : quod gratia det voluntati potentiam operandi illum effectum. Si enim voluntas non potest operari effectum , ad quem excitatur a gratia , nulla est , vel esse potest ex ejus parte resistentia. Hoc igitur præmissis certo inconcussoque principio , futurum necessario ostenditur secundum Jansenium , ut in hoc lapsæ naturæ statu voluntas nostra nunquam interiori gratiæ resistat. Cœlestis namque delectatio , in quo medicinalis Christi gratia , illo docente , posita est , vel gradibus suis superat delectationem illam carnalis cupiditatis , qua tunc voluntas premitur , vel ab illa *intensius* deficit. Si superat : tantum abest , voluntatem nostram illi gratiæ resistere , ut ne resistere quidem possit ; cum *physice* necessarium sit , ut secundum illam voluntas ipsa operetur. Si vero *intensius* deficit : cum sit *physice* impossibile , ut voluntas per eam vincat carnalem cupiditatem , atque adeo ut bonum illud opus agat , ad quod volendum , agendumque ab ipsa gratia excitatur , ei profecto gratiæ , ut patet ex modo dictis , voluntas non resistit ; & ideo nulli gratiæ ipsa modo resistit.

SCHOLION I.

140. Quod ita porro Jansenius senserit, adeo in aperto est, ut Cl. P. Serry otiosi hominis fore putet, ea in re demonstranda diutius immorari (299). Nonne enim docet Jansenius, tale esse adjutorium infirmæ captivæque voluntatis, quod invictissime facit, ut voluntas velit, & a voluntate non deferatur (300), sive ejus illud esse naturæ, ut simul ac datur, ipsum velle voluntati detur, & si non detur, nunquam velit, quia sine illo nunc propter infirmitatem velle non potest (301)? Nonne vult ille ipse, nullam omnino medicinalem Christi gratiam effectu suo carere, sed omnem efficere, ut voluntas velit, & operetur (302), seu semper effectum suum inferre voluntati, cui eam Deus sua benignitate largitur (303), adeo nimirum ut nulla effectu operis, ad quem efficiendum voluntati datur, ulla voluntatis pervicacia frustretur? Frangit enim, inquit, ante omnia ipsam illam voluntatis pervicaciam, per quam effectus ejus impediretur, atque ita quandocunque largitur gratiam suam, simul dat incrementum Deus (304). Contendit propterea, apud Augustinum gratiam, & opus bonum ita reciprocari, ut quemadmodum ex gratia data mox effectum operis consecutum inferre solet, ita

(299) Tom. 1. *Prælect. Theol.* Disp. 4. de Natura re-
parata *Prælect.* 4.

(300) Lib. 2. de *Gratia Christi* cap. 4.

(301) *Ibidem.*

(302) *Ibidem* cap. 25.

(303) *Ibidem.*

(304) Lib. 3. ejusdem cap. 4.

ita vice versa ex defectu operis gratiam non esse datam (305), nempe hoc ipso quod data est homini gratia, mox effectum sequi, & ex adverso hoc ipso quod effectum homo destituitur, nullam ei gratiam collatam esse, sed solo Pelagiana gratia adiutorio, hoc est, lege doctrinaque ad operationis præcepta iustitiam niti (306). Hinc dicere non est veritus, nullam aliam actualem Christi gratiam S. Augustinum agnovisse, nec agnoscere potuisse, nisi regulas omnes fundamentales, quibus innixus naturam gratiæ medicinalis tradidit, & explicuit, vellet interimere (307), & quicumque aliam gratiam nobis procuderit, talem scilicet, quæ ob voluntatis renisum frustrari effectum suo possit, novum gratiæ genus Christianis afferre, quod nec Augustinus, nec ullus latinorum Patrum, qui de gratiæ adiutorio cum Pelagianis ex professo decertarunt, nec Ecclesia in Conciliis generalibus, vel provincialibus ab Apostolica Sede approbatis, agnovit unquam, nec agnoscere potuit, nisi principia, quibus ipsa per antiquos Patres medicinalem Christi gratiam defendit, funditus evertantur (308). Ac demum, ne longior sim in re notissima, scribit ille alio loco, in universis operibus S. Augustini non esse vestigium, quod Christi gratia cuiquam sit incongrua; ita nempe ut effectum suo careat; sed omnis, inquit ipse, operatur ac perficit effectum suum, quatenus nempe omnis delectat voluntatem, & om-

K 4

nis

(305) Lib. 2. ejusdem cap. 25.

(306) Lib. 2. de Gratia Christi cap. 25.

(307) Ibidem cap. 27.

(308) Ibidem.

nis hoc ipso ad operandum effectum illum, ad quem datur, trahit (309).

ANIMADVERSIO I.

141. Verum ne quis hæc considerans putet, Jan-
senium sibi contradicere, dum *inefficacem* & ipse *gra-
tiam* admittit, observandum est, etiam illam gratiam,
quam Jansenius *inefficacem* vocat, eum totum effectum,
quem potest, & propter quem voluntati tribuitur, ab
ipsa voluntate ex Jansenii quoque sententia obtinere; &
ideo neque huic gratiæ, vere & proprie loquendo, ut
monuimus, a voluntate resisti. Sibi namque obijciens
Jansenius, quomodo nulla Christi gratia effectum careat,
cum jam constet, multos divinitus mente collustrari,
imò vero & in ipsa voluntate motibus divina gratiæ
percelli, qui tamen ab ejus interna suasionem, & in-
clinationem dissentiant; respondet, multiplices esse divi-
na gratiæ effectus, quemadmodum & voluntatis. Est
enim, inquit, velle perfectum, quod Augustinus posse
vocat; est & imperfectum, quod velleitatem appellare
solent. Hæc ergo primus est cælestis istius rosis effectus;
quem ut minimum in omnibus operatur, quibus eum
infundit Deus. Nam quemadmodum inundatio divine
gratiæ totam hominis voluntatem secum instar impetuosæ
cujusdam torrentis rapit, sic ut omnia humani cordis
retinacula, quibus terrenis rebus irretitur, velut vio-
lenta quadam tempestate, disrumpit; ita lenis ille ve-
lut auræ tenuis afflatus complacentiam quamdam vo-
luntatis tenuissimam, rei tam pulchræ, quæ simul obijci-
tur contemplanda, contemperatam suaviter impetrat, &
celere.

(309) Lib. 10. ejusdem cap. 7.

velerrime quasi furtim post se rapit. Hac igitur gratia quamvis nullo modo sufficiat, ut homo Dei madatum operetur, ut Deum super omnia diligat, ut speret, ut oret, ut credat; adhuc tamen facit aliquid, ut istarum, vel alterius cujusdam cœlestis rei liberas quasdam non voluntates, sed velleitates, vel complacentias excitet, quas, nisi divinitus infundantur, obtinere humana potestate nemo potest (310). Sic videmus, inquit paulo infra, plurimos, qui necdum ab immunditia carnis se continere possunt (quia nempe destituti delectatione gratiæ relative victrice) vehementer tamen (per gratiam inefficacem, quam habent) optare continentiam: cujusmodi vota divinæ gratiæ (scilicet inefficacis) sunt munera (311). Tamen ergo etiam secundum Jansenium detur gratia inefficax, adhuc tamen manet, quod rei nostræ caput est, omnem scilicet gratiam in eo, cui datur, semper, ut ipse ait, operari effectum, ob quem datur (312); ac proinde quem ipsa potest in nobis operari, videlicet vel perfectum velle, vel imperfectum: primum, si gradibus suis superior illa fuerit carnali cupiditate; alterum, si fuerit carnali cupiditate inferior. Non enim, inquit ipse, quævis gratia ad quosvis effectus inferendos sufficit, ut quidam imaginati sunt, sed potestates operationum difficultati sunt attemperandæ (313), ita nimirum ut quo major fuerit delectatio carnalis cupiditatis, qua voluntas ab operando bono retrahitur, eo vividior debeat esse cœlestis delectatio gratiæ, ut illa vincatur; ac propterea; ut quod justum est, voluntas operetur. Necesse quippe est,

(310) Lib. 2. de Gratia Christi cap. 27.

(311) Ibidem.

(312) Ibidem.

(313) Ibidem.

est, itando illius principiis, ut secundum id voluntas operetur, quod ipsam magis delectat.

ANIMADVERSI O II.

142. Verum pro pleniori reſ huiusce intelligentia considerandum attente est, animoque alte inſigendum, errorem, in hac ſecunda Janſenii propoſitione ab Eccleſia proſcriptum, minime in eo eſſe poſitum, quod omnis interior Chriſti gratia aliquem ſemper in nobis effectum producat, quem impedire voluntas noſtra non poſſit; ſed in eo, quod omnis gratia eum ſemper totum effectum obtineat, cujus producendi *veram*, & *realem*, & quidem *relativam* potentiam voluntati communicat. Ut enim egregie habet *Janſeniſmi redivivi*. Illuſtriſſimus Auctoꝛ, *certiſſimum eſt*, 'Deum, quando per gratiam ſuam mentem illuminat, vel accendit voluntatem, producere ſemper in mente quandam illuſtationem; & in voluntate piam quandam motionem, ſaltem *indeliberatam*. Illuminationem enim *aſſivam* ex parte Dei neceſſario ſequitur in intellectu hominis illuminatione *paſſiva*, & motionem *aſſivam* ſequitur in voluntate *paſſiva* motio, ſaltem *indeliberata* (314). Qui ergo ajunt, ex omni gratia, quæ mentem noſtram interius afficit, ſemper ſequi actum aliquem voluntatis, etiam deliberatum, ac proinde ipſam gratiam nunquam proſus omni privari effectū, ſed aliquem ſemper a nobis conſequi, non idcirco tamquam Janſenii partiarii traducendi ſunt, veluti ac errorem in ſecunda illius propoſitione damnatum ipſi quoque propugnent. Id quippe docere illi poſſunt ſine ulla proſus Jan-

(314) P. 1. Artic. 3. n. 2.

Janſeniſimi ſuſpicionem modo fateantur, inquit laudatus Cl. Præſul, interiorem gratiam, etſi ſemper in voluntate aliquem producat effectum, non tamen ſemper producere omnem illum effectum, cujus producendi veram confert potentiam. Ad hoc enim, ut dici poſſit, quod interiori gratiæ aliquando reſiſtitur, ſatis eſt, quod reniſu voluntatis gratia aliquando privetur eo effectû, quem producere potuiſſet, & ad quem producendum conferebat veram potentiam; non autem neceſſe eſt, quod aliquando nullum omnino producat effectum, etiam deliberatum. Itaque (concludit ille) etſi gratia ſemper producat aliquem effectum, ſi tamen reniſu voluntatis totum illum non producat effectum, cujus producendi veram voluntati confert potentiam, tunc vere & proprie ei reſiſtitur, & conſequenter immunes ſunt ab errore ſecundæ propoſitionis Theologi illi, qui docent, gratiam ſemper operari aliquem effectum, etiam deliberatum (315). Porro, etſi etiam ſecundum Janſenium omnis gratia non ſemper effectum illum obtineat, ad quem producendum movet voluntatem, non idcirco tamen dici poteſt, ſtando illius principiis, aliquam dari gratiam, quæ, culpa voluntatis, eo effectû privetur, cujus producendi veram, & realem, ſive relativam, potentiam ipſi voluntati communicat. Ejusmodi namque non eſſe delectationem cœleſtem, quæ ſuperior ſit carnali cupiditate, nullus erit, qui dubitet. Neceſſe ſiquidem eſt, vera, reali, & phyſica neceſſitate, ut illi delectationi voluntas conſentiat; ac proinde ut id ipſa agat, ad quod faciendum ab illa excitatur. At nemo quoque inficiabitur, huiusmodi non eſſe delectationem illam gratiæ, quæ a delectatione carnalis cupiditatis intenſive de-

(315). Loco citato.

deficiat. Cum enim *physice* sit impossibile secundum Jansenium, ut illi cœlesti delectationi voluntas obsequatur, ac propterea ut id ipsa efficiat, ad quod movetur, caret quidem hæc gratia eo effectu, ad quem movet voluntatem; sed non eo caret effectu, ad quem producendum *relativam potentiam* ipsi voluntati communicat; unde ipsa etiam, perinde ac delectatio *relative* victrix, eum semper totum effectum a voluntate consequitur, cujus *relative* capax est, sive quem producere ipsa potest; & ideo nulli gratiæ secundum Jansenium a voluntate resistitur, quamvis etiam secundum ipsum non omnis gratia eum semper obtineat effectum, ad quem movet excitatque voluntatem.

ANIMADVERSTO III.

143. Observandum consequenter est; omnem gratiam tuta fide, & absque ulla prorsus Jansenismi suspicionem dici posse *efficacem*, sumta *gratia efficaci* pro illa quæ semper quidem aliquem in nobis effectum producit, non tamen omnem, cujus *relative* capax est, sive cujus producendi *relativam potentiam* nobis communicat. Si namque non est contra fidem, neque favet Jansenismo, ut modo vidimus, quod omnis gratia aliquem semper effectum in nobis producat, dummodo dicatur, non producere semper eum totum, quem *relative* potest producere; contra fidem non est profecto, neque Jansenismo favet, quod omnis gratia hoc sensu dicatur *efficax*. Non enim hinc sequitur, ejusmodi esse omnem interiorem Christi gratiam, ut voluntas nostra, quemadmodum falso docet Jansenius, nunquam ei resistat.

SCHO.

S C H O L I O N II.

144. Omnem Christi gratiam posse hoc sensu dici *efficacem*, dummodo tamen pro comperto habeatur, non eum semper totum effectum, cujus producendi *relativam potentiam* voluntati ipsa confert, ab illa produci, docent Theologi præstantissimi. Observandum est, inquit Em. Card. de Lauræa, *quod cum Deus ex sua benignitate prævenit aliquem, sive infidelem, excitando, illuminando, & inspirando, ut veniat ad fidem; sive fidelem lapsum, ut veniat ad pœnitentiam; sive fidelem justum, ut faciat opera præcepti, aut consilii, duo in his excitationibus sunt consideranda. Unum est ipsa passiva excitatio, illuminatio, & inspiratio, quas Deus solus causat in nobis sine nobis, quæ recipiuntur in intellectu, & voluntate, & isti effectus semper a solo Deo efficiuntur, & sic semper gratia excitans quoad hos effectus illuminandi, & inspirandi est efficax. Alterum autem, quod considerandum venit, est ipsum opus; de quo fit excitatio, seu illuminatio, & inspiratio, ut in propositis exemplis pro infideli fides, pro baptizato peccatore pœnitentia; pro fidei justo observantia præcepti, vel consilii, vel operum supererogationis. Ista autem, inquit, appello opera principalia, quia ad hæc ordinantur excitationes (316). Scribit quoque Cl. P. Graveson, palamque affirmat, Thomistas gratia sufficienti (ei nempe, cui voluntas nostra dicitur resistere) duos assignare effectus, primum videlicet, & secundarium. Primarius effectus, ad quem gratia sufficiens ex voluntate Dei consequenti ordinatur, consistit.*

(316) Opusc. 3. cap. 4. n. 84.

sistit in piis cogitationibus, inspirationibus, & illustrationibus in intellectu, in piis etiam motionibus, & affectionibus in voluntate, aliisque bonis, sed debilibus, & imperfectis actibus, seu deliberatis, seu indeliberatis. Porro hunc effectum primum, ad quem ex voluntate Dei consequenti ordinatur, semper producit gratia sufficiens, & in hoc sensu dicitur efficax, quia voluntas Dei consequens semper impletur. Secundarius effectus gratie sufficientis, ad quem ordinatur ex voluntate Dei antecedenti, sistit in actuali, & perfecta operatione, seu ex. g. in actuali conversione peccatoris. Hunc autem effectum secundarium gratia sufficiens nunquam, inquit ille, producit, nisi praesto adsit gratia per se efficax, quae suapte vi facit, ut voluntas in actuale, & perfectam prorumpat operationem. Hinc Thomista docent (ita ille paulo post) gratiam sufficientem respectu primarii effectus, quem semper producit, esse efficacem: sed respectu alterius effectus secundarii esse tantum sufficientem..... Dat tamen homini gratia sufficiens respectu illius ulterioris, & secundarii effectus, quem se sola nunquam producit, veram, proximam, & expeditam, hunc secundum, & principalem effectum producendi, potentiam, ita ut homini, habenti gratiam sufficientem in sensu Thomistico intellectam, nihil omnino desit ex parte potentiae operandi (317). Nisi ergo velimus, quod absit omnino, hosce Viros praestantissimos, aliosque etiam, quos compendii gratia silentio praetereo, cum Jansenio sentire, nempe errorem illum propugnare, quem Ecclesia in secunda illius propositione atro carbone notavit, fateamur necesse est, Jansenismum non redolere, quod om-

(317) Class. 2. Epist. 3. pag. 62. & seq. . . .

omnis interior Christi gratia , quantumvis exigua , aliquem semper effectum , etiam *deliberatum* , in nobis producat ; ac proinde quod omnis gratia interior hoc sensu sit *efficax* , dummodo ratum fixumque maneat , effectum hunc , quem scilicet illa semper in nobis producit , non semper esse eum totum , propter quem a Deo nobis illa confertur , cujusque producendi *veram* , & *realem* , & quidem non *absolutam* duntaxat , sed *relativam potentiam* , gratia ipsa nobis communicat. Stat quippe hoc ipso , quod fidei dogma est , quodque Jansenius negat , non omnem scilicet interiorem Christi gratiam ejus esse naturæ , ut ei nunquam voluntas nostra resistat.

S C H O L I O N III.

145. Eam porro ob causam , positis Jansenii principiis , dici non posse , nos resistere gratiæ , quam ille *parvam* appellat , propterea quia *relativam potentiam* producendi eum plenum effectum , ad quem excitat voluntatem , ipsa nobis minime conferat , disertissime docet laudatus P. Graveson , & Cl. P. Berti aperte confirmat. Ait enim ille : *Gratiæ , quam parvam appellat Jansenius , non resistitur quantum ad effectum imperfectum , quia juxta Jansenium hunc effectum semper producit , & eo nunquam frustratur. Quantum vero ad effectum plenum , & perfectum , ad quem illa parva gratia Janseniana absolute tendit & ordinatur , non potest in Jansenii systemate dici , quod ei resistatur , quia hunc effectum plenum , atque perfectum gratia illa parva , relative ad majorem & superiorem concupiscentiæ oppositam delectationem , consequi*

& producere non potest in doctrina Jansenii (318);
 etenim, ut antea dixerat idem Vir Cl., proprie &
 stricte loquendo, resistere gratia est eam frustrare, seu
 privare eo effectu, quam habere potest in iis circum-
 stantiis, in quibus datur. Cum igitur Jansenius, &
 Jansenistæ pertendant, hanc gratiam parvam, seu Jan-
 senistice sufficientem non posse relative obtinere effe-
 ctum ulteriorem, seu plenum ac perfectum, ad quem
 absolute ex se tendit, plane ex intimis eorum doctri-
 næ principiis sequitur, hominem non resistere huic gra-
 tiæ parvæ, seu Jansenistice sufficienti, etiam quoad effe-
 ctum ulteriorem, plenum, & perfectum, ad quem præ-
 dicta gratia Jansenistice sufficiens ex se absolute ten-
 dit, & quem, propter oppositam ardentiorē concupis-
 centiam, cui necessario cedere debet, nullo pacto in his
 circumstantiis, in quibus datur, obtinere potest; quia
 est ligata & irretita a majori & fortiori opposita con-
 cupiscentiæ terrena delectatione (319). Ita vero Cl. P.
 Berti: Quamquam, inquit, posteriores Janseniani ja-
 ctent se, dum ajunt nunquam interiori gratiæ resisti,
 & ex gratia consequi necessitate bonum opus, sermo-
 nem instituere de gratia dumtaxat efficaci, & de ne-
 cessitate sequenti, non rejecta gratia ad sensum Tho-
 mistarum sufficiente, nec libertate indifferentiæ in actu
 primo: manifestum est tamen, hac inania esse subter-
 fugia, & Janseniano systemati repugnare. Quum enim
 in hoc systemate, seclusa delectatione victrici, neces-
 sum sit, ut voluntas in parvis desideriiis, & conatibus
 hæreat, consequenter gratia, quæ non inspirat delecta-
 tionem victricem venientis concupiscentiæ, conferre non
 po-

(318) Class. 2. Epist. 5. pag. 124.

(319) Ibid. Epist. 4. pag. 94.

potest veram recte agendi potestatem; siquidem ubi est necessitas obtemperandi motibus concupiscentiæ, nequit esse libera potestas ad obediendum Deo nondum conferenti gratiam necessariam ad motus illos concupiscentiæ frenandos. Illa quippe necessitas, & libertas consistere simul nequeunt. Nec inducta a Jansenianis necessitas dici potest necessitas consequens; quum enim soli coactioni opponatur, ac sit ejusdem generis, ac necessitas illa, qua omnes volunt esse beati, qua Deus se ipsum diligit, & qua Sanctorum spiritus in cælis adherent summo bono, ut diximus §. 2. n. 2. est necessitas antecedens, & quæ libertatem indifferentiæ omnino excludit (320). Vides ergo horum quoque doctissimorum Virorum judicio confirmatum, adeo interiori gratiæ secundum Jansenium nunquam modo resisti, non quia aliquem semper effectum, quem impedire voluntas nostra non possit, illa in nobis operetur; sed quia omnem effectum, quem relative potest, ipsa semper in nobis producat.

ANIMADVERSIO IV.

146. Demum licet non omnis gratia interior Christi, Jansenium quoque si audiamus, sit *efficax*, sumpta gratia *efficaci* pro ea, per quam voluntas reapse vult, quod volendum est, nempe conversionem sui ad Deum, quodque agere debet, divinorum scilicet mandatorum impletionem, ipsa operatur; verumtamen sumpta gratia *efficaci* pro illa, quæ effectum eum totum, cujus *relative* est capax, producit, omnis gratia, etiam quam ille *parvam* vocat, secundum Janse-

L

nium

(320) *Apologiæ Dissert. 4. cap. 1. §. 5. n. 7.*

nium est *efficax*; quatenus nempe nulla, illius iudicio, ut vidimus, *effectu suo caret, sed omnis efficit, ut voluntas velit, & aliquid operetur.* (321), id nempe totum, quod, habita ratione circumstantiarum, in quibus est voluntas, operari ipsa potest. Propterea

ANIMADVERSIO V.

147. Hoc posteriori sensu si accipiatur *gratia efficax*, non omnis *gratia efficax* secundum Jansenium *victrix* est, bene vero omnis *gratia victrix* est *efficax*. Non omnis *gratia efficax* est *victrix*, quia licet omnis *gratia efficax*, hoc ipso quod est *efficax*, cum semper totum, quem *relative* potest, ex sententia Jansenii, effectum obtineat; non omnis tamen hujuscemodi *gratia* domat ac vincit, quemadmodum necesse est, ut *victrix* jure dicatur, carnalem illam cupiditatem, cum qua in voluntate pugnat; sed ea dumtaxat, quæ ita est *efficax*, ut carnalem ipsam cupiditatem gradibus suis simul superet. At vero omnis *gratia victrix* est simul *efficax*; quia si est *victrix*, superat carnalem cupiditatem, qua voluntas ab operando bono retrahitur; & si carnalem illam cupiditatem superat, sine dubio bonum ipsum voluntas operabitur; cum *physice* necessarium sit secundum Jansenium, ut illi delectationi gratiæ voluntas consentiat. Itaque secundum Jansenium, ut recte habet Cl. Tournely, *gratia semper est efficax, licet non semper victrix. Semper est efficax; quia semper aliquid producit* (id nempe totum, cujus relative capax est). *Non semper est victrix; quia non semper superat oppositam concupiscentiam, nec plenum ac perfectum opus producit.*

(321) Lib. 2. de Gratia Christi cap. 25.

cit, & consequenter nunquam ei resistitur; non quantum ad effectum plenum, si fuerit victrix; non etiam quantum ad effectum imperfectum, si victrix non fuerit, quia eo nunquam frustratur (322).

S C H O L I O N IV.

148. Sicuti prolixius, ita etiam clarius explicat doctissimus P. Graveson id, quod ex Cl. Tournely modo observandum exhibui. *Jansenius*, ejusque discipuli, inquit ille, duplicem in statu naturæ lapsæ admittunt gratiam, unam videlicet, quam victricem nuncupant: alteram, quam non victricem appellant; utramque tamen gratiam volunt esse efficacem, seu producere omnem effectum, cujus relative capax est, & propter quem a Deo datur, habita ratione circumstantiarum subiecti. Gratia enim victrix, quam *Jansenius*, ejusque discipuli constituunt in cœlesti indeliberata delectatione relative victrice, & superiore concupiscentiæ terrena delectatione, ac necessitante: hac, inquam, *Jansenii* ejusque discipulorum gratia relative victrix, & superior concupiscentiæ delectatione, semper efficax est, & producit plenum, ac perfectum effectum, ad quem a Deo datur, nimirum actualem, & perfectam conversionem peccatoris, vel actualem observantiam mandatorum Dei. Gratia vero, quam *Jansenius*, ejusque discipuli vocant non victricem, quamque constitutam esse volunt in cœlesti indeliberata delectatione, quæ minor ac debilior est terrena concupiscentiæ delectatione relative victrice, hac inquam gratia non victrix, juxta *Jan-*

L 2

se-

(322) Prælect. Theol. de Gratia Christi q. 3. ad 2. prop. *Jansenii*.

senium, ejusque discipulos, est itidem efficax, & producit in voluntate creata effectum imperfectum & debilem, ad quem a Deo datur, videlicet actus imperfectos velleitatis, & pia desideria. Ceterum (prosequitur Cl. Auctor) negant Jansenius, ejusque discipuli gratiam illam, quam non victricem appellant, posse dici sufficientem comparate ad effectum principalem, plenum, ac perfectum, nimirum comparate ad actua- lem peccatoris conversionem, & actua-lem observan- tiam mandatorum Dei; quia, inquit, hæc gratia non victrix dare nequit homini potentiam veram, pro- ximam, expeditam, & relativam producendi principa- lem, plenum, ac perfectum effectum, seu actua-lem operandi conversionem, vel actu observandi præcepta Dei. Sola quippe gratia victrix, ajunt Jansenius, ejus- que discipuli, dat homini veram, proximam, expedi- tam, & relativam potentiam producendi effectum prin- cipalem, plenum, ac perfectum, seu actua-lem produ- cendi conversionem, & actu observandi mandata Dei. Ex quo sequitur primo, Jansenium, ejusque discipulos nullam in statu naturæ lapsæ admittere gratiam, nisi efficacem. Secundo, eos nullam agnoscere gratiam ve- re sufficientem, a gratia efficaci victrici distinctam, quæ det homini veram, completam, proximam, ex- peditam, & relativam potentiam producendi actum plenum, ac perfectum, seu actua-lem conversionem, vel observantiam mandatorum Dei. Sequitur tertio, gratiæ interiori in statu naturæ lapsæ nunquam resisti. In sententia enim Jansenii, ejusque discipulorum, sicut mox observavi, quælibet gratia in statu naturæ lapsæ eum semper obtinet effectum, cujus, relative ad op- positam concupiscentiæ terrenam delectationem, capax est.

est, & ad quem, habita ratione hujus delectationis superioris, producendum a Deo datur, *sive plenum, ac perfectum, si terrena concupiscentiæ delectatio inferior fuerit, & gratiæ delectatio cœlestis superior, imperfectum vero, ac debilem, si concupiscentiæ delectatio superior extiterit, gratiæ vero delectatio inferior; adeoque in doctrina Jansenii, ejusque discipulorum gratiæ interiori in statu naturæ lapsæ nunquam resistitur: quod in secunda Jansenii propositione ab Ecclesia catholica fuit damnatum* (323).

III.

Ad merendum, & demerendum in statu naturæ lapsæ non requiritur in homine libertas a necessitate, sed sufficit libertas a coactione.

149. Sensus hujus tertiæ propositionis est, ut actiones nostræ in hoc lapsæ corruptæque naturæ statu dignæ sint præmio, vel pœna, minimè requiri, ne a nobis fiant necessario *indeclinabili necessitate*; sed plane sufficere, ne fiant necessario *necessitate coactionis*, hoc est, coacta, invita, ac repugnante voluntate. Rem porro ita esse, positis Jansenii principiis, hac una, brevi quidem, sed plane invicta ratione ostenditur. Certum est, illis principiis admissis, nos non libere *libertate a necessitate simplici*, sed necessario *vera, reali, & physica*, adeoque *indeclinabili necessitate*, in hoc lapsæ naturæ statu tam quod justum, quam quod injustum est, operari. Alterutrum ergo fateamur oportet, videlicet aut nos non mereri, cum bene, neque demereri, cum male agimus; aut in iis nos mereri,

L 3

&c

(323) Class. 2. Epist. 4. pag. 93.

& demereri, quæ necessario *indeclinabili necessitate* operamur. Negandum non est autem, nos mereri, cum bene, demereri, cum male agimus. Ergo dicamus necesse est, in iis modo mereri nos, & demereri, quæ necessario *indeclinabili necessitate* operamur; atque hinc ad merendum, & demerendum in hoc lapsæ naturæ statu non requiri libertatem *a necessitate simplici*, sed eam sufficere, quæ dicitur *a coactione*, nempe libertatem illam, quam secundum Jansenium habemus sub delectatione tam cœlesti, quam terrena *relative victrice*, adeoque per quam non coacti, non inviti, sed delectabiliter, & cum complacentia, tametsi necessario *insuperabili necessitate*, id quod agimus, operamur.

SCHOLION I.

150. Quod de libertate sufficiente ad meritum, & demeritum in hoc lapsæ naturæ statu ita senserit Jansenius, adeo certum est, tamque perspicuum, ut plane hospes in illius *Augustino* sit oportet, qui hac de re vel levissime dubitaverit. Eos siquidem omnes in percipienda genuina Augustini mente falli in primis ait Jansenius, qui cum audiunt omne peccatum voluntate, seu libertate, non necessitate committi, itemque debere esse voluntarium, non necessarium, & esse debere liberum ab eo abstinere, putant, illis phrasibus suas cogitationes de illa exercitii, seu contradictionis libertate stabiliri, qua quis peccatum hic, & nunc possit facere, & vitare, committere, & ab eo, saltem aliud perpetrando, abstinere (324). Ait secundo, S. Augustinum semper agnovisse, actum esse liberum libertate, qua

(324) Lib. 4. de Statu Naturæ lapsæ cap. 21.

que ad peccatum sufficit, quamvis identidem & constanter neget, esse liberum ea libertate ad faciendum bonum, & malum, quam Scholastici postulant (325), nempe ea libertate, quæ non solum violentiam, sed etiam necessitatem excludit. Persuasum ergo fuit Jansenio, non requiri libertatem a necessitate, ut actus aliquis imputari nobis ad culpam possit. Imo tantum abest, libertatem hanc, Jansenii judicio, necessariam esse ad actum, ut sit liber, ea utique libertate, quæ ad meritum, demeritumque requiritur, ut paradoxum in Augustini doctrina inauditum appellare non vereatur, quod actus aliquis voluntatis propterea liber sit, quia ab illo desistere voluntas, & non agere potest; addens etiam, se miraculi loco habiturum, si in Augustini doctrina ostendi posset, voluntatem, quæ potentissime, & immobiliter, & perpetuo justitiam diligit, & operatur, non esse in ista volitione, & operatione liberam (326). Dubitandum itaque non est, quominus secundum Jansenium ad merendum, & demerendum in hoc lapsæ naturæ statu libertas a necessitate minime requiratur. Quod autem, ipsum quoque si audiamus, sufficiat ad meritum, & demeritum in eodem statu libertas a coactione, sufficiat nempe, ut actus fiat non solum cum rationis advertentia, & circumstantiarum cognitione, verum etiam non coacta & invita voluntate, sed delectabiliter, & cum complacentia, tametsi deinde adeo necessario fiat, ut vitari non possit, ita quoque ex illius verbis ostenditur. Ait enim: cum vera causa, cur arbitrium ad appetendum aliquid moveatur, sit delectatio, qua intrinsecus in ipsa voluntate

L 4

mul:

(325) Lib. 3. de Gratia Christi cap. 15.

(326) Lib. 6. ejusdem cap. 8.

mulcetur, hinc est, quod consequenter Augustinus tradit, tam in appetendo, quam in omittendo peccato, voluntatem delectatione liberam fieri (327); & ex hoc generali principio ulterius Augustinus, inquit ille, sæpe docet, idcirco voluntatis consensum ad peccandum tribui, vel non tribui, quia voluntas delectatione peccati mollitur, aut destituitur, aliaque fortiore possidetur (328). Conquerentibus itidem Pelagianis, quod libertas arbitrii ad peccandum ab S. Augustino tolleretur, scribit Jansenius; illum non aliud ad hæc respondisse, nisi hominem non cogi (ad peccandum), sed libenter cum delectatione, & ideo propria, & libera voluntate peccare (329), neque aliter liberum arbitrium in peccato querendum esse, nisi quia vi delectationis, non alius quispiam cogens hominem, sed ipse homo delinitus propria voluntate peccatum facit (330). Docet propterea, voluntatem semper esse liberam tam in bono, quam in malo, tam sub gratia, quam sub peccato, quia expers est violentiæ, cogentisque necessitatis (331); atque hinc, opus esse laude, vel vituperio dignum, meritorium, vel demeritorium ex hoc, quod sit voluntarium, spontaneum, non coactum, tametsi determinatum ad unum (332); nempe ex hoc, quod sit liberum libertate a coactione, quamvis non sit liberum libertate a necessitate.

SCHO-

(327) Lib. 7. de Gratia Christi cap. 34.

(328) Ibidem.

(329) Lib. 8. ejusdem cap. 9.

(330) Ibidem.

(331) Ibidem cap. 13.

(332) Lib. 6. ejusdem cap. 24.

SCHOLION II.

151. Ita porro de libertate, quæ in hoc statu ad merendum, & demerendum sufficit, Janſenium tenuiſſe, clarius adhuc fiet, ſi conſideremus, qualis, illius judicio, ea ſit libertas, quæ *arbitrii* dicitur. Cum enim, fatentibus Theologis omnibus, ad merendum, & demerendum neceſſe ſit, ut homo libere *libertate arbitrii* operetur, reliquum proſecto eſt, ſolam *libertatem a coactione* ſecundum Janſenium ad merendum, & demerendum ſufficere, ſi *arbitrii libertas* in una *libertate a coactione* ab illo ſtatuatur. Jam vero in ea una libertate *liberum arbitrium* ab illo conſtitui, tot tamque perſpicuis ejusdem teſtimoniis alibi demonſtravimus, ut id iterum oſtendere, perinde ſit proſecto, ac manifeſte abuti velle otio & literis. Quia tamen res iſta maximi, ut omnes norunt, momenti eſt, liceat ad pleniorẽ ejusdem demonſtrationem duo ipſius Janſenii teſtimonia ſatis conſpicua, meoque judicio plane decretoria, hoc etiam loco ſubjicere. Itaque, ait ille; *memoria repetendum eſt id, quod tam prolixè ex Auguſtino, Bernardo, ceteriſque tum Patribus, tum Scholaſticis aſſeruimus, libertatem arbitrii generalem & naturalem non eſſe aliam, niſi a neceſſitate, quam eos ſolam coactionem intellexiſſe demonſtravimus. Ex quo ſit, ut apud eos liber actus (utique arbitrii libertate) ſit idem, qui non coactus, qui non ſit nobis nolentibus, ſeu invitis, & qui hoc ipſo eſt in noſtra poteſtate. Hoc autem non eſt aliud, quam actus voluntarius, ſeu ſpontaneus, prout voluntas, voluntarium, & ſpontaneum, juxta Damasceni doctrinam ſupra traditam;*

motum rationalem cum rationis advertentia, & circumstantiarum cognitione designat, nec oriri potest in homine, renitente voluntate (333). Alibi quoque, postquam dixerat, nullam immutabilitatis, inevitabilitatis, vel quocunque voces nomine, sed solam coactionis necessitatem libertati voluntatis repugnare (334), aperte fatetur, haecenus declarasse, generalem libertatis rationem, a qua, inquit ipse, dictum est liberum arbitrium, commune bonis, & malis, in eo sitam esse, quod immune sit a necessitate coactionis (335). Velint ergo, nolint Jansenii partiarum, fateantur oportet, vel minime sufficere secundum Jansenium ad merendum, & demerendum in hoc lapsæ naturæ statu, ut libere libertate arbitrii homo operetur; vel satis esse, illius sententia, ad meritum, & demeritum, ut homo agat libere libertate a coactione; & ideo, ut verissime habet Cl. P. Serry, nihil Jansenio ea in parte (quæ nempe ad tertiam illius propositionem spectat) a Summis Pontificibus afflictum esse, eumque ita plane sensitse, adeo certum est, ut otiosi esset hominis in re compertissima diutius immorari (336).

S C H O L I O N III.

152. Quod demum eam ob causam necesse sit secundum Jansenium, ut ad merendum, & demerendum in hoc statu corruptæ naturæ sola libertas a
coa-

- (333) Lib. 7. de Gratia Christi cap. 5.
- (334) Lib. 6. ejusdem cap. 38.
- (335) Lib. 7. ejusdem initio cap. 1.
- (336) Tom. 1. Prælect. Theol. Disp. 4. de Natura re-
parata Prælect. 5.

coactione sufficiat, quia non libere, sed necessario in declinabili necessitate, stando illius principiis, agimus ipsi, quidquid modo agimus, sive boni, sive mali, docent plerique, etiam extra Molinæ, & Suarezii Scholam, Theologi præstantissimi. Primus sit Cl. Dieroylius. *Sensus*, inquit, *Fansenii quoad tertiam propositionem est, quod quamvis voluntas in statu naturæ corruptæ sit necessario determinata ad omnes suas actiones ab indeliberatis illis, quas de quocunque objecto sentit, delectationibus, non secus ac ab influentiis determinatur; non tamen desinit esse libera, nec consequenter desinit mereri; quia non cessat agere cum cognitione, & delectatione; & quia unusquisque meretur in statu viatorum omnibus actionibus, quæ a libero arbitrio procedunt* (337). Ita quoque doctissimus P. Graveson. Et ipse siquidem ait, hanc tertiam Jansenii propositionem necessario fluere ex hoc, quod ille velit, voluntatem nostram ab indeliberata relative victricis delectatione necessario, etsi non coacte, ad operandum determinari, ad bonum scilicet, adeoque ad merendum, si cælestis; contra vero ad malum, ac proinde ad demerendum, si terrena delectatio ipsa fuerit. Etenim, inquit ille, cum Jansenius sapius asserat, libertatem in uno dumtaxat voluntario deliberato consistere, nec aliud essentialiter postulare, nosque id magis velle, quod magis nos delectat, demulcet, ac rapit, tametsi necessario; hinc infert Jansenius, superiorem, & relative victricem gratiæ delectationem causam esse nostræ libertatis, idest a coactione; quia facit, ut velimus, quamvis hæc superior, & victrix gratiæ delectatio nobis necessitatem bene agendi, non quidem per-

(337) Dissert. de Jussa condemnatione &c. cap. I. n. 13.

petuam, immutabilem, & involuntariam, sed transitoriam, mutabilem, & voluntariam, imponat. Idem docet Fansenius de superiori, ac relative victrice concupiscentiæ delectatione, quam itidem dicit esse causam, cur libere (idest libertate a coactione) peccemus, tametsi hæc concupiscentiæ major delectatio nobis imponat simplicem, voluntariam, mutabilem, transitoriam, & relativam peccandi necessitatem (338). Sed clarius P. Serry ex eadem inclita Thomistarum Schola. Si quis porro, inquit, scire velit, quorsum novum istud paradoxum Fansenius cuderit, stare scilicet meritum, ac demeritum cum necessitate agendi, modo nulla coactio superveniat, dicam breviter, & Fanseniana hæreseos radicem aperiā. Gratiam scilicet efficacem Fansenius propugnavit, quæ necessitatem inferat voluntati, quæque activam indifferentiam amoveat. Quia vero opponi illico poterat, hominem istiusmodi gratia efficaci motum nullum jam meritum habiturum, quippe qui necessitate bonum ageret, hoc incommodum ut effugeret, novum istud doctrinæ monstrum efformare coactus est, scilicet stare meritum posse cum agendi necessitate, modo nulla coactio super accederet, hincque mala malis agglutinavit. Quare lib. 8. cap. 5. contendit, nullum in Augustini monumentis apparere vestigium, ex quo colligi possit, gratiam cum libero arbitrio conciliasse, ex quo homo divina gratia motus possit agere, & non agere (quod ad indifferentiam, & immunitatem a necessitate pertinet); sed quia homo divina gratia motus vult reipsa, quod vult; nec instar trunci a Deo agitur, sed sponte movetur, semota licet indifferentia (quod ad immunitatem a coactione pertinere certum est.

(338) Class. 2. Epist. 6. pag. 125.

est. Si vero quærat ab eo, cur Beati nil novi Deum diligendo mereantur, si sola ad meritum sufficit immunitas coactionis, qualicunque necessitati conjuncta? Respondit, id accidere non defectu sufficientis ad meritum libertatis; sed ob id unum, quod in termino, ac extra viæ statum constituti jam sint (339).

I V.

Semipelagiani admittebant prævenientis gratiæ interioris necessitatem ad singulos actus, etiam ad initium fidei: & in hoc erant hæretici, quod vellent; eam gratiam talem esse, cui posset humana voluntas resistere, vel obtemperare.

153. Hæc quarta in Jansenio damnata propositio duos errores complectitur, quorum alter *juris*; facti alter nuncupatur. Error *facti* est, Semipelagianos admisisse necessitatem prævenientis interioris gratiæ ad singulos actus, ne ipso quidem excepto fidei initio. Error vero *juris* in eo consistit, quod velit Jansenius, ideo illos peccasse contra fidem, eamque ob causam fuisse tamquam hæreticos ab Ecclesia proscriptos; quod gratiam illam ejus naturæ esse dicerent, cui & obtemperare, si vellet, humana voluntas posset, & cui, si vellet, posset ipsa resistere. Omissio ergo erroris *facti*, demonstrandum modo est, errorem *juris* necessario sequi ex positis ab Jansenio principiis, ex illis nempe necessario futurum, ut nulla sit interior gratia Christi, cui voluntas nostra vel obsequi non possit, si velit, vel non possit, si velit illi resistere: uno verbo necessario futurum ut nulla sit gra-

(339) Tom. 1. *Prælect. Theolog. Disp. 4. de natura reparata* Prælect. 5.

gratia Christi interior, quæ, renisus, seu culpa voluntatis, effectu illo frustretur, cujus producendi *relativam potentiam* ipsi voluntati illa communicat. Itaque cœlestis delectatio, in qua interior Christi gratia secundum Jansenium posita est, vel superior est gradibus suis carnali cupiditate, qua tunc voluntas premitur, vel est gradibus inferior. Si superior, ei certe voluntas secundum Jansenium non potest resistere; cum, illo docente, necessarium sit, iniimpedibili necessitate, ut illi voluntas obsequatur, & secundum illam operetur. Si inferior, nequit voluntas ei obtemperare, nempe facere opus illud, ad quod faciendum ab illa excitatur; cum, Jansenium ipsum si audiamus, sit *physice* impossibile, ut voluntas, relicta delectatione vividior, debiliori consentiat. Omnis ergo interior Christi gratia hujusmodi est secundum Jansenium, ut voluntas vel nequeat illi obtemperare, vel nequeat ipsi resistere.

ANIMADVERSIO I.

154. Cœlesti delectationi gratiæ, quæ gradibus suis sit inferior carnali cupiditate non solum secundum Jansenium obtemperare nequit voluntas, sed, si proprie loqui velimus, neque illi resistere. Etenim, ut est alibi visum, resistere gratiæ est impedire, ne effectum illum ipsa obtineat, cujus producendi *relativam potentiam* voluntati nostræ communicat. Stando autem Jansenii principiis, omnis gratia, quantumcunque exigua, eum semper totum effectum, cujus producendi *relative* capax est, a voluntate consequitur. Ergo voluntas nostra neque illi delectationi gratiæ, quæ a car-

na-

nali cupiditate *intensive* deficit, vere proprieque loquendo, resistit.

S C H O L I O N I.

155. Hanc propositionem quoad utramque partem ab Jansenio doceri, clarum adeo perspicuumque est, ut nonnisi a protervo in dubium verti possit. Itaque, inquit Jansenius, *Massiliensium opinionibus, & Augustini doctrina quam diligentissime ponderata, certum esse, & indubitatum esse debere sentio, quod Massilienses præter prædicationem, atque naturam, veram etiam & internam, & ætalem gratiam ad ipsam etiam fidem, quam humanæ libertati, & voluntatis adscribunt viribus, necessariam esse fateantur* (340). Et alio loco: *ex qua sane, ait ille, principiorum Augustini ac doctrinæ consonantia perspicuum esse puto, semper eum & bonæ voluntatis nutum, & in bona voluntate perseverantiam adjutorio divinæ gratiæ tribuisse, non modo quando senex cum Pelagiana peste confligit, sed etiam quando Presbyter, & cathecumenus in eodem quo Massilienses errore versabatur. Absit enim, ut unquam tantus Doctor lapsum hominem tot tantisque infirmitatibus circumdatum, tot vulneribus mortuum, stante homine, ipsisque Angelis integerrime sanitatem fruentibus, fortiolem esse deliraverit, ut quod istos sine divino adjutorio nullo modo efficere potuisse profiteretur, hoc suis solius viribus illum præstare posse judicaverit. Omnino semper ad omnem omnino bonam voluntatem, qua Deo creditur, Deus rogatur, sanitas petitur, gratiam Dei, & adjutorium fassus est,*
non

(340) Lib. 8. de hæresi Pelagiana cap. 6.

non modo Adamo , & Angelis , sed maxime infirmis hominibus esse necessarium. Sed , ut supra diximus , & sapius repetendum est , aliud sanorum , aliud aegrotorum adjutorium est. Illud sine quo non creditur , aut rogatur Deus ; hoc est quo creditur , & rogatur Deus , quia ipsam credendi rogandique voluntatem inspirat ac donat. In hoc ergo (concludit Jansenius) proprie Massiliensium , & Augustini error situs fuit , quod Angelorum sanctorum , & stantis hominis adjutorium , in quo intelligendo , & admittendo nulla penitus ipsis difficultas fuit , etiam lapsis hominibus hactenus sufficere voluerint , ut quia non penitus esset depravata , vel extincta natura , cum illo eodem auxilio perdurante , quo antea in Adamo cuncta poterant , possent etiam nunc lapsi , fracti , & aegri saltem credere , & a sua infirmitate velle sanari. Nec opus esse , ut per illam aliam gratiam aegrotis propriam , quam Christus attulit , ipsa credendi voluntas donaretur , seu , ut etiam dicunt , donaretur , ut velit , rejectis ab illo dono aliis pariter reis. Talem enim gratiam volunt non ad initium bonæ voluntatis , seu ad credendum , sed tantum ad operandum esse necessariam ; quia aliquid integritatis in natura remanserit , propter quam cum illo Adami , & Angelorum adjutorio , si vellet , crederet , non autem si vellet , posset operari (341). Verissime ergo dixi , nonnisi a protervo negari posse , traditum fuisse a Jansenio errorem facti , quem Ecclesia in quarta illius propositione atro carbone notavit , videlicet Semipelagianos admisisse prævenientis gratiæ interioris necessitatem ad singulos actus , etiam ad initium fidei. Quod vero attinet ad errorem juris in eadem propositione

(341) Lib. 8. de hæresi Pelagiana. §. 2. 2. 2. 2. 2.

sitione ab Ecclesia damnatum, arbitror, non minori evidētia constare, illum quoque ab Janzenio fuisse traditum, nempe ipsum docuisse, *Semipelagianos in eo fuisse hereticos, quod vellent, eam gratiam, quam scilicet ipsi quoque admittēbant tamquam necessariam etiam ad initium fidei, talem esse, cui posset humana voluntas resistere, vel obtemperare, nimirum cui & obtemperare, si vellet, humana voluntas posset, & cui, si vellet, posset ipsa resistere.* En Janseii verba: *In hoc proprie Massiliensium error situs est, quod aliquid primæ libertatis reliquum putant, quo sicut Adam, si voluisset, poterat perseveranter operari bonum, ita lapsus homo saltem credere posset, si vellet; neutrum tamen absque interioris gratiæ adiutorio, cujus usus, vel abusus relictus esset in uniuscujusque arbitrio, & potestate* (342). Nihil itaque certius, nihilque apertius est, quam errorem tam juris, quam facti, in hac quarta propositione censorio stigmate ab Ecclesia confixum, Janseium docuisse.

§ CHOLION II.

156 Si differentia illa consideretur, quam statuit Janseius inter gratiam, quæ Adamo innocenti collata a Deo fuerat, & eam, quam nobis Christus meruit, facile quisquam videbit, quantum ille ab ea gratia fuerit alienus, cui obtemperare humana voluntas possit, si velit, & cui, si velit, possit ipsa resistere. Ait enim Janseius, *integræ naturæ gratiam, quantum ad operandi modum, talem fuisse, ut ejus usus in sua cuicque voluntate relinqueretur, hoc est, ut ea uti velle, aut*

M

not-

(342) Ibi cap. 6.

nolle, cum ea credere, vel non credere, operari, vel non operari, perseverare, vel non perseverare uniuscujusque relinqueretur arbitrio. Non enim illa gratia (pergit Jansenius) dabat homini velle, vel agere, sed erat talis, sine qua non posset quicquam velle, vel agere. Nunc autem, perdita illa felicissima integritate naturæ, homini variis libidinibus captivo, & sui ipsius, aliarumque creaturarum amoribus excæcato, talis gratia datur, quæ paulatim ipsius arbitrium sanando liberet, ipsum velle, & agere, & perseverare largiendo. Est enim gratia non tantum sine qua non potest actio fieri, sed qua potentissime fit, quæ nisi detur, nunquam poterit quicquam boni salutaris velle, vel agere; quia rerum creaturarum libidinosis delectationibus prægravatus, non potest ullo modo captivam voluntatem in sincerissimam increata lucis puritatem attollere, etiamsi primi hominis gratia non tantum affulgens, ac parata semper assisteret, sed etiam longe cumulatus auctiusque conferretur. Est enim ista gratia illius naturæ, ut homini libero, non captivo serviat; sano, non agroto opituletur; integro, non læso, vulneratoque conveniat: ex quo fit, ut neque captivum liberet, neque agrotum sanet, neque membra fracta consolidet; sed ejus usus integritatem, sanitatem, libertatemque supponat. Est enim instar baculi, instar cibi, instar lucis, quæ nihil prorsus adjuvant, ut vel vinculis compeditus ambulet, vel fastidiosus & agrotus comedat, vel cæcus, aut oculis læsus videat, nisi ante compedes frangantur, fastidium detergatur, pupilla sanetur. Hoc autem non est aut scipionis, aut alimenti, aut lucis, sed collyrii, aut medicinæ, cujus ope paulatim integritas, sanitas, libertasque restituitur, quibus redditis, jam illis adju-

toris

toris nititur, si voluerit; quia uti, vel non uti in arbitrio sanati hominis constitutum est. Non enim ita adjuvant, ut usum ipsius voluntatis inferant, sed impulsus potius ipsius voluntatis expectant (343). Alibi etiam, in eo positum esse, ait, utriusque gratiae discrimen, quod gratia sanæ voluntatis in ejus libero arbitrio relinqueretur, ut eam, si vellet, defereret, aut, si vellet, uteretur; gratia vero lapsæ, ægrotaque voluntatis nullo modo in ipsius relinquatur arbitrio, ut eam deferat, aut arripiat, si voluerit (344). Hinc docet, nullum adjutorium gratiæ, cujus usus ita ponitur in arbitrio voluntatis, ut illo utatur, aut non utatur, ut illud amplectatur, aut deferat, ut illi consentiat, aut non consentiat..... ad medicinale adjutorium Christi posse aliquo modo pertinere (345); addens insuper, per prædicationem talis gratiæ, quæ nos operari faciat, si velimus, nihil aliud agi, nisi ut Christi gratia medicinalis tollatur funditus, & gratia sanæ voluntatis, hoc est, Adami, & Angelorum, substituat, in locum ejus (346); & quicumque alia divina gratiæ adjutoria infirmis hominibus afferre nititur, quæ deferant, si velint, cum quibus tamen sufficientibus operentur, si velint, non aliud imprudenter facere; nisi ut originalis peccati virus evacuet, illas liberi arbitrii vires esse, Christum frustra venisse, & gratis mortuum esse, persuadeat (347): quæ cum ita sint, quis negabit, persuasum fuisse Jansenio, eam non esse

M 2

gra-

(343) Loco citato.

(344) Lib. 2. de Gratia Christi cap. 4.

(345) Ibidem cap. 5.

(346) Ibidem cap. 24.

(347) Ibidem cap. 27.

gratiam Christi, cui liberum sit voluntati obtemperare, vel resistere; atque hinc ejus illam esse naturæ, ut ei non obedire voluntas nostra non possit?

ANIMADVERSIO II.

157. Si nulla sit secundum Jansenium interior gratia Christi, cui humana voluntas obtemperare possit, si velit, & cui, si velit, possit ipsa resistere; neque ullus, ipsum quoque si audiamus, de natura illius gratiæ ita sentire queat, nisi in uno eodemque prorsus cum Semipelagianis luto hæreat: reliquum profecto est, Jansenii judicio nullam esse interiorem Christi gratiam, sub qua voluntas nostra sit libera *libertate exercitii*, sive *a simplici necessitate*; atque insuper ad partes stare Semipelagianorum, quisquis voluntatem sub interiori gratia, hoc libertatis genere, liberam esse dixerit. Libera non est enim voluntas *libertate a necessitate* sub gratia, nisi quia sub illa, & cum illa bene operatur, si vult, & si vult, minime operatur, adeo nimirum, ut perinde omnino sit, voluntatem hoc modo sub gratia esse liberam, ac ipsam obtemperare posse gratiæ, si vult, & si vult, posse illi resistere. Verum enimvero

ANIMADVERSIO III.

158. Velim hic attente consideretur, ad tuendam libertatem humanæ voluntatis positæ sub gratia minime sufficere, ut voluntas ipsa dicatur consentire, & dissentire posse divini gratiæ, si vult, sed dicendum præterea, voluntatem, dum sub gratia est, id velle
pos-

posse. Si namque dicatur, voluntatem posse quidem consentire, & dissentire gratiæ, si velit, sed id velle non posse; negandum absolute est, ipsam tunc vere posse divinæ gratiæ consentire, eique vere posse resistere, alioquin dicere quoque liceret, ut egregie observat Cl. P. Dachamps, *Deo liberum esse, atque in ejus potestate situm mentiri, peccare, amare injustitiam, odisse seipsum, quia tam vere dici potest: Deus mentiretur, peccaret, amaret injustitiam, odisset seipsum, si vellet, quam vere dicitur: Beati cessarent ab amore beatifico, si vellet; homo dissentiretur gratiæ necessitatem inferenti, si vellet; Pater, & Filius suspenderent productionem Spiritus Sancti, si vellet* (348). Similiter, eodem teste, dicere quoque possemus, *liberum esse homini amare malum, quia amaret, si vellet; vel odisse bonum, quatenus bonum, quia odisset, si vellet; item liberum esse infanti rationis usu carenti peccare, quia peccaret, si vellet; imo, quod absurdius est, liberum esse lapidi peccare, quia peccaret, si vellet* (349). Cum ergo nihil sit magis a veritate alienum, quam liberum esse Deo peccare, Beatis cessare ab amore beatifico, homini dissentiri gratiæ necessitatem inferenti, Patri, & Filio suspendere productionem Spiritus Sancti &c., quia, tametsi fieri possent hæc omnia, si vellet, id tamen velle ipsi non possunt; restat profecto, voluntatem quoque nostram, ut sub motione divinæ gratiæ vere libera sit *arbitrii libertate*, debere ita posse motioni divinæ gratiæ consentire, si vult, eique, si vult, ita posse resistere, ut, dum sub illa motione est, utrumque velle ipsa possit. Certe, inquit

M 3

lau-

(348) Lib. 3. *de hæresi Jansen.* Disp. 2. cap. 7. n. 2.

(349) Ibidem.

laudatus Vir Cl. , *juxta communem loquendi consuetudinem , a doctis pariter , & indoctis usurpatam , quando dicimus de aliquo : potest hoc , si velit , eo ipso affirmamus , aut saltem supponimus , posse illum id velle. Nam si non potest velle , falso dicitur : potest , si velit ; sed dici absolute debet : non potest. Ita absolute dici debet : Deus peccare non potest , mentiri non potest , seipsum odisse non potest ; quia licet hæc omnia faceret , si vellet , velle tamen absolute non potest (350).*

ANIMADVERSIO IV.

159. Fatetur Jansenius (351) , Scholasticos recte sentire , dum ajunt , significari humani arbitrii libertatem sub gratia , quando audiunt , doceri ab Tridentina Synodo , *voluntatem posse dissentire , si velit* , & ab Augustino , *hominem Deo vocanti consentire posse , si velit*. Verum aut admittit Jansenius , voluntatem nostram ita posse Deo vocanti , adeoque interiori illius gratiæ , consentire , si vult , eique , si vult , posse resistere , ut utrumque velle ipsa possit ; aut id ille non admittit. Si non admittit , fucum ille facit profecto , affirmans , humani arbitrii libertatem memoratis Tridentini Concilii , & S. Augustini verbis significari ; cum , ut est modo visum , si voluntas velle nequeat Deo vocanti consentire , eique resistere , nonnisi perperam , & ad fallendos incautos dici queat , voluntatem posse Deo vocanti consentire , *si vult* , eique , *si vult* , reluctari ipsam posse. Si autem admittit Jansenius , voluntatem ita posse consentire , & non consentire Deo

vo-

(350) Lib. 3. *de heresi Jansenian.* Disp. 2. cap. 7. n. 4.

(351) Lib. 6. *de Gratia Christi* cap. 35.

vocanti, si vult, ut simul id ipsa velle queat, sibi certe ipse non constat, dum *paradoxum in Augustini doctrina inauditum* sibi esse ait, quod *actus aliquis voluntatis propterea liber sit, quia ab illo desistere voluntas, & non agere potest* (352), sicuti etiam dum scripsit, in nullis Augustini libris vel semel inveniri posse unum textum, vel vestigium opinionis istius, quod idcirco voluntas sub gratia, quæ facit eam facere, maneat libera, quia cessare potest (353); ac denum, ut innumera propemodum id genus alia præteream, dum dixit, *operationem divine gratiæ ex diametro repugnare arbitrii libertati*, si aliud non sit hæc libertas, nisi *potentia agendi, & non agendi, seu faciendi, & abstinendi ab eo, quod facit* (354). Etenim si voluntas, dum per gratiam a Deo vocatur, potest illi non consentire: ergo potest ab eo actu, quo illi consentit, desistere, potest ab illo cessare, potest ipsum non elicere, retinetque proinde sub gratia potentiam agendi, & non agendi, seu faciendi, & abstinendi ab eo, quod facit.

ANIMADVERSIO V.

160. Si verum est secundum Jansenium, voluntatem posse non consentire Deo vocanti, si velit, verum quoque erit, illius judicio, interiori gratiæ voluntatem ipsam, si velit, posse resistere. Non consentire enim Deo vocanti, & interiori illius gratiæ reluctari, idem mihi omnino est, omnibusque perinde esse puto. Sibi ergo non consentit Jansenius, affirmans uno

M 4

lo-

(352) Lib. 6. de Gratia Christi cap. 8.

(353) Ibidem.

(354) Lib. 7. ejusdem cap. 14.

loco, voluntatem posse consentire Deo vocanti, si vult, & si vult, posse illi non consentire, simulque alio loco negans, ad medicinale Christi adjutorium gratiam illam pertinere, *cujus usus ita ponitur in arbitrio voluntatis, ut illa utatur, aut non utatur, ut illam amplectatur, aut deserat, ut illi consentiat, aut non consentiat, si voluerit* (355).

S C H O L I O N III.

161. Quamvis quaestio, num. Semipelagiani admiserint interioris gratiae necessitatem ad singulos actus, etiam ad initium fidei, sit facti, non autem, juris, & Ecclesiasticae definitiones, ut ait doctissimus P. Serry, de factis historicis esse non possint, quae ex Scripturis, aliisque fidei regulis. eliquari nequeunt, sed aliis documentis, quae nihil cum fide commune habent (356), verumtamen, ut egregie habet Jansenismi redivivi Illustrissimus Auctor, *quaestio hac, an scilicet Semipelagiani necessitatem interioris gratiae simpliciter etiam ad fidei initium admiserint, ita ad factum pertinet, ut in quarta Jansenii propositione ad Jus etiam pertinere videatur. Nam, inquit ille, & recte quidem, si Jansenianus quis contendat, quod talis gratiae necessitas revera a Semipelagianis admissa fuerit, sequi videtur, eos in hoc esse haereticos, quod admiserint talem gratiam, cui posset humana voluntas resistere, vel obtemperare* (357). atque ejuscemodi gratiam, a nobis ne-

(355) Lib. 2. de Gratia Christi cap. 5.

(356) Tom. 1. Praelect. Theol. Disp. 4. de Natura preparata Praelect. 7. pag. 458.

(357) P. 1. Artic. 5. n. 2.

gati debere , penitusque explodi ; nè contra catholicam fidem cum Semipelagianis ipsi quoque sentiamus : quod sane quam absurdum , falsumque sit , neminem futurum arbitror , qui etiam me tacente non videat. Id porro optime novit , atque ingenue falsus est etiam Cl. P. Gonetus. Postquam enim dixit , se in ea quoque olim fuisse opinione , quod Semipelagiani interioris gratiæ necessitatem etiam ad fidei initium admiserint , *re tamen* , inquit , *attentius , & maturius considerata* , dico breviter , Semipelagianos omnes gratiæ interioris prævenientis necessitatem ad initium fidei negasse ; tum productis rationibus , propter quas ita sentiat , subjicit , *ex illis intelligi , jure meritoque damnatam esse ut falsam ab Innocentio X. hanc propositionem Jansenii* : Semipelagiani admittebant gratiæ interioris prævenientis necessitatem ad singulos actus , etiam ad initium fidei. *Licet enim* (inquit ipse) *hæc propositio sit questio facti , quæ proprie fidem non spectet ; quia tamen altera , quæ est Juris , nempe ista* : Et in hoc erant hæretici , quod vellent , eam gratiam talem esse , cui potest humana voluntas resistere ; vel obtemperare ; *cum ista connexa est , eamque necessario præsupponit* , potuit , ac debuit Pontifex eam , ut falsam , prescribere , ut subinde alteram , ut hæreticam , damnaverit (358). Apparet propterea , quid dicendum sit de Patribus Francisco Macedo , Contensonio , & Malsoulié , qui laudato P. Serry , quemadmodum ipse fateatur (359) auctores fuisse , ut Pontificiam damnationem non.

(358) Tom. 6. *Clyp. Theol. Thom.* in. Append. ad *Traët. de Gratia* cap. 2. §. 2. n. 10. pag. 221, edit. Lugdun. 1681.

(359) Loco citato.

non in primam hujusce quartæ Jansenianæ propositionis partem, sed in alteram dumtaxat incidisse contenderet. *Temeritatis* notam effugere eos non posse, affirmat Cl. P. Natalis ab Alexandro. Ait enim, *Jansenium Typensem Episcopum falso scripsisse lib. 8. de Hæres. Pelag., Semipelagianos ad initium fidei, orationem, desideria, similesque actus bonos, quos in hominis potestate remansisse sentiebant, veræ, internæ, actualisque gratiæ adiutorium statuuisse necessarium. Sed de isto Semipelagianæ hæreseos capite in Dissertationibus uberius, inquit, agam contra Jansenium, Franciscum Macedo Minorem, Gonetum nostrum (falso tamen, quia sententiam hanc & ipse tandem proscripsit) & alios, qui, nulla habita ratione propositionis quartæ in Constit. Innocentii X. damnata, temere asserunt, Semipelagianos gratiam aliquam internam ad initium fidei admisisse (360).*

SCHOLION IV.

162. At longe magis falsum id esse arbitror, quod addit laudatus P. Serry, nempe Semipelagianos non alia de causa fuisse damnatos, nisi quod gratiam illam (quam scilicet, ut ipse falso contendit, ad fidei initium necessariam admittebant) libero arbitrio subderent, atque ita uno eodemque cum illis luto herere Molinianos, qui gratiam illam suam libero arbitrio subditam, ait ipse, fabulantur (361). Scire quippe vellem ab illo Viro doctissimo, num admittere gratiam, cui humana voluntas obtemperare possit, & resistere,

idem

(360) In *Hist. Eccl.* ad Sæc. 5. cap. 3. art. 8.

(361) Loco citato pag. 449.

idem sit omnino, ac admittere gratiam versatilem Molinistarum, an non. Si namque est idem: ergo sicuti tuta fide negari potest versatilis Molinistarum gratia, ita etiam illa rejici, salva fide, poterit, cui voluntas obtemperare queat, & resistere: quod certe nullus catholicorum dicet. Si autem non est idem: ergo fallitur Cl. P. Serry, contendens, Semipelagianos eam ob causam *ab Ecclesia uti minus catholicos habitos fuisse, imo potius uti vera Christi gratia hostes a Sacris Conciliis anathemate percussos* (362), quod vellent gratiam ab se admissam, *liberi arbitrii nutui subesse, suamque a libero arbitrio determinationem emendicare* (363); cum damnata Jansenii propositio Semipelagianos ceu hæreticos idcirco traducat, quod gratiam admiserint, cui humana voluntas obtemperare posset, vel resistere. Præterea si causa, propter quam Semipelagianii damnati fuerunt tamquam hæretici, ea vere esset, quam affert Cl. P. Serry, Molinæ doctrina de modo, quo gratia *efficax* sit, vel tantum *sufficiens*, jamdiu fuisset tamquam hæretica in Semipelagianis ab Ecclesia proscripta. Hoc autem, fatente doctissimo P. Gravelon ex eadem inclyta Thomistarum Schola, omnino falsum est. Quo enim *in sensu*, inquit ille, *explicanda sit gratia sufficientia*, an Thomistico, an Moliniano, an Suareziano, fateor lubens, id nec dum ab Ecclesia fuisse definitum; sed esse litem, quæ adhuc sub judice pendet, quamque Ecclesia Theologorum disputationibus ventilandam permittit (364). Unde etiam apparet, laudatum P. Serry falso quoque dixisse, *Thomistas, ut nihil, ea*
sal-

(362) Ibidem.

(363) Ibidem pag. 453.

(364) Class. 2. Epist. 5. pag. 109.

saltem in parte, in qua nempe agitur de natura gratiæ sufficientis, & efficacis, Semipelagianos inter, ac Molinianos discriminis esse demonstrent, id præsertim statuendum sibi sumere, Semipelagianos gratiæ interioris prævenientis necessitatem ad initium bonorum operum, ac ipsius etiam fidei propugnare; nec alia idcirco de causa fuisse damnatos, nisi quod gratiam illam libero arbitrio subderent; atque ita uno eodemque cum illis luto hæerere Molinianos, qui gratiam illam suam libero arbitrio subditam fabulantur (365). Contrarium namque palam aperteque tradit, ut modo vidimus, insignis Thomista P. Graveson, affirmans nempe, necdum definitum fuisse ab Ecclesia, quoniam sensu explicanda sit gratiæ sufficientia, sed litem esse, quæ adhuc sub iudice pendet, quamque Ecclesia Theologorum disputationibus ventilandam permittit. Certum potestremo est, Summum Pontificem Benedictum XIV. in celebri sua encyclica, ad Supremum Hispaniarum Inquisitorem nuper data, manifeste declarasse, Ecclesiam nullum ex propositis modis conciliandi libertatem humanam cum divina omnipotentia, ac proinde explicandi sufficientiam, & efficaciam gratiæ, quam tradunt Thomistæ, Augustiniani, & Molinistæ, usque adhuc reprobasse; sed Molinianos in tuitione Moliniani systematis libere prosequi posse, quamvis, inquit Pontifex Sapientissimus, perinde ac si essent veri Semipelagiani, ab aliquibus proscribantur. Ergo falsum est, tanti Pontificis oraculo, Semipelagianos inter, ac Molinianos hac super re nihil esse discriminis; falsum, eos omnes in eodem hæerere luto; falsum, Semipelagianos eam ob causam ceu hæreticos fuisse ab Ecclesia damnatos, quod

(365) Loco citato pag. 449.

gratiam liberi arbitrii nutui subditam, qualem Molinistæ propugnant, admitterent; alioquin permetteret modo Ecclesia, quod olim tamquam hæreticum atro carbone notaverat, graviterque errasset Benedictus XIV., Ecclesiam usque adhuc non idreprobasse, declarans, quod solemmniter jam in Semipelagianis stigmatibus censorio confixerat. Audiendus non est igitur P. Serry, dum pro certo statuendum scripsit, Semipelagianos gratiæ interioris, & prævenientis necessitatem ad initium salutis, & fidei concessisse; sed eo se recepisse, ut velent, gratiam illam, cujus opem ad ipsa bonorum operum exordia requirebant, liberi arbitrii nutui subesse, suamque a libero arbitrio determinationem emendicare, sic ut nihil plane, eo saltem in capite, Semipelagianos inter, ac Molinianos discriminis inveniri a quoquam possit (366).

SCHOLION V.

163. Negare gratiam, cui possit humana voluntas resistere ac reluctari, non tantum sapit hæresim, quemadmodum ait laudatus P. Serry (367), sed hæreticum est. De hac enim quarta Jansenii propositione loquens Summus Pontifex Innocentius X., hanc, inquit, falsam, & hæreticam (quatenus scilicet negat gratiam, cui humana voluntas resistere possit) declaramus, & uti talem damnamus. Quantum autem intersit inter censuram, qua aliqua propositio damnatur ut hæretica, & illam, qua propositio aliqua ut sapiens hæresim proscritur, non est sane, cur ipse dicam. Falsum quoque arbi-

(366) Loco citato pag. 453.

(367) Ibidem *Prælect.* 7. pag. 459.

arbitror, quod negare gratiam, cui possit humana voluntas resistere, ac reluctari, ideo hæresim sapiat, quia, ut ait laudatus Vir Cl., *dentur auxilia pure sufficientia, quibus identidem reluctatur humanum arbitrium.* (368). Hac quippe ratione significari videtur, nonnisi gratiæ sufficienti voluntatem humanam reluctari posse; cum tamen dogma sit fidei, omni interiori gratiæ, etiam efficacissimæ, ipsam posse resistere. Nihil itaque magis falsum est, quam Semipelagianos admisisse interioris gratiæ necessitatem etiam ad initium fidei. Nihil magis falsum, quam eorum hæresim in eo sitam esse, quod vellent, illam gratiam ejus esse naturæ, cui humana voluntas & obtemperare posset, si vellet, & cui, si vellet, posset ipsa resistere.

V.

Semipelagianum est dicere, Christum pro omnibus omnino hominibus mortuum esse, aut sanguinem fuisse.

164. Hæc postrema Jansenii propositio duos itidem errores complectitur. Primus est, eos omnes in Semipelagianismi luto versari, qui ajunt, Christum Dominum pro omnibus omnino hominibus, nempe etiam pro reprobis, mortuum esse, suumque sanguinem fuisse. Alter vero, pro solis prædestinatis ipsum esse mortuum, ita nempe ut illis dumtaxat æternam vitam obtentu possibilem morte sua reddiderit. Colligitur autem hic duplex error ex censura, qua postremam hanc Jansenii propositionem perstrinxit Summus Pontifex Innocentius X. Eam quippe sumtam, quatenus

Semi-

(368) Loco citato.

Semipelagianismi notam inurit sententiæ, asserenti Christum mortuum esse pro omnibus, *falsam* vocat, *temerariam*, & *scandalosam*. Eo vero sensu intellectam, ut nonnisi pro prædestinatorum salute Christus Dominus mortuus esse dicatur, eam declarat *impiam*, *blasphemam*, *contumeliosam*, *divinæ pietati derogantem*, & *hæreticam*, atque ut talem ipsam damnat. Primo itaque neglecto, demonstrandum est, secundum errorem fluere necessario ex principio duarum delectationum pro graduum superioritate invincibilium. Certum est igitur, Christum Dominum pro illis dumtaxat esse mortuum, quibus æternam salutem reddidit sua passione atque morte obtentu possibilem. Illo autem principio posito, solis prædestinatis Christus reddidit æternam salutem obtentu possibilem. Illis quippe dumtaxat finaliter obtinuit *auxilium sufficiens*; cum ipsis tantum consequutus fuerit *auxilium efficax*, quod unum, principio illo admisso, *sufficiens auxilium* est. Ergo, admisso illo principio, Christus Dominus mortuus est pro solis prædestinatis.

S C H O L I O N.

165. Nemini dubium esse potest, quominus sentierit Jansenius, & tantum pro prædestinatis mortuum esse Christum, & in eodem cum Semipelagianis luto hædere eos, qui pro omnibus omnino hominibus illum mortuum esse, suumque sanguinem fudisse, arbitrantur. Ad primum namque errorem quod spectat, *omnibus illis*, inquit Jansenius, *pro quibus* (Christus) *sanguinem fudit*, & *quatenus pro eis fudit*, *etiam sufficiens auxilium donat*, *quo non solum possint*, *sed etiam*

re ipsa velint, & faciant id, quod ab eis volendum, & faciendum esse decrevit. Nam per illa occultissime iusta, & iustissime occulta consilia sua quibusdam hominibus dare prædestinavit fidem, charitatem, & in ea perseverantiam usque in finem, quos absolute prædestinatos, electos, & salvandos dicimus; aliis charitatem sine perseverantia; aliis fidem sine charitate. Pro primi generis hominibus, tamquam veris ovibus suis, vero populo suo, tamquam absolute salvando, semetipsum dedit, ac tradidit; pro istorum peccatis omnino delendis, & æterna oblivione sepeliendis propitiatio est; pro istis in æternum vivificandis mortuus est; pro istis ab omni malo liberandis rogavit Patrem suum, non pro ceteris, qui a fide, & charitate deficientes, in iniquitate moriuntur..... Cum enim (prosequitur ille) non possit esse inanis oblatio mortis, & propitiationis, & orationis Christi..... fieri quoque non potest, ut pro quo sanguinem fuderit Christus, & mortuus fuerit, & rogaverit Patrem suum eam ob causam, ut sanguis suus propitiatio peccatorum ejus fieret, non assequatur istius mortis, & propitiationis, & deprecationis effectum (369). Infert propterea, non perire eum, qui sanguine Christi redemptus est; non perire, pro quo Christus mortuus est; non rogare pro Mundo Christum, qui ad damnationem prædestinatus est; & ideo quisquis perit, sive aliquando justus fuerit, sive non justus, non esse pro illo mortuum Christum (370). Addit porro, nullo modo S. Augustini principiis consentaneum esse, ut Christus Dominus vel pro infidelium in infidelitate morientium, vel pro justorum non perseverantium æterna

(369) Lib. 3. de Gratia Christi cap. 21. *ibidem*

(370) Ibidem.

*salute mortuus esse, sanguinem fudisse, semetipsum redemptionem dedisse, Patrem orasse sentiat. Scivit enim, inquit Jansenius, quo quisque jam ab aeterno prædestinatus erat; scivit, hoc decretum neque ullius pretii oblatione mutandum esse, nec seipsum velle mutare. Pro quo factum est (concludit ille), ut juxta sanctissimum Doctorem non magis Patrem pro aeterna liberatione ipsorum, quam pro diaboli deprecatus fuerit; atque hinc, sicuti non voluit (S. Augustinus) voluntatem Dei ad salutem omnium omnino hominum extendi, sed illorum dumtaxat, qui ex omni genere, & lingua, ex omni hominum genere prædestinati sunt; ita nec voluit, effectus istius voluntatis, hoc est mortem, sanguinem, redemptionem, propitiationem, orationem Christi ad omnes homines dilatari; sed ad solos illos, qui prædestinati sunt, quatenus pro aeterna, & totali eorum salute offeruntur. (371). Jansenium itaque docuisse, Christum Dominum pro solis prædestinatis mortuum esse, & sanguinem fudisse, adeo manifestum est, ut nihil apertius ab illo dici, tradique potuerit. Quod vero ad alterum spectat, Jansenium scilicet docuisse, in eodem cum Semipelagianis errore versari, quisquis tenet, non pro solis prædestinatis, sed pro omnibus omnino hominibus Christum mortuum esse, suumque sanguinem fudisse, ex hisce illius verbis id non minori evidentia ostenditur. Cum enim, inquit ille, *Masilienses divine benevolentiae propositum erga quosdam subvertere, ac penitus ex hominum animis tollere conarentur, tamquam Gentilium fatum, libertatis excidium, necessitatis azylum, desperationis, ignaviaeque barathrum,**

N

præ-

(371) Loco citato.

præcepti, exhortationis, correctionis, orationis interitum, denique tamquam quo dua partes, due massa, dua natura, insania plusquam manichæa, inducerentur, tamquam fortissimam basim errori suo collocarunt ista Scripturæ loca, quibus Deus dicitur, omnes velle, salvos fieri, atque esse redemptor omnium. Nam inde fabricarunt primo adversus illud peculiare, & rigidum propositum Dei quandam generalem, & indifferentem erga universos voluntatem; deinde ex illa generali voluntate salutis omnium vocationem quoque generalem, sufficientemque omnibus gratiam derivarunt, quam, qui vellet, arriperet, aut abjiceret, atque operationem ejus, consentiendo, aut dissentiendo, fructuosam, aut cassam redderet pro suæ libera arbitrio voluntatis (372). Tum in fine capitis: Illa, inquit, extensio tam vaga modernorum Scriptorum (quod nempe non pro solis prædestinatis, sed pro omnibus hominibus Christus mortuus fuerit) non ex alio capite, quam ex ista generali, & indifferenti voluntate Dei erga salutem omnium, & ex illa sufficientis gratiæ omnibus conferenda præparatione fluxit: quorum utrumque Augustinus, Prosper, Fulgentius, & antiqua Ecclesia velut machinam a Semipelagianis introductam repudiavit (373). Nihil itaque certius est, quam utrumque errorem, quem in hac quinta propositione atro carbone notavit Summus Pontifex Innocentius X., traditum fuisse a Jansenio, ab eoque propugnatum.

ANI-

(372) Ibidem.

(373) Ibidem.

ANIMADVERSIO I.

166. Ut falsum sit , Christum Dominum mortuum esse , quemadmodum contendit Jansenius , pro solis prædestinatis , minime requiritur , ut pro quolibet reprobo in particulari , nullo prorsus excepto , mortuus ille fuerit , sed sufficit , ipsum pro aliquo reprobo ita sanguinem suum fudisse , ut auxilium gratiæ , ad salutem consequendam vere *sufficiens* , illi ex animo præparaverit , & reapse contulerit. Propterea ex hujusce quintæ Jansenianæ propositionis damnatione nihil jure inferri potest , quod iis quæstionibus , quæ de infantibus decedentibus sine baptismo , de infidelibus , & obduratis agitari , salva fide , in Scholis catholicis solet , vel minimum officiat. *Hoc sensu examinata propositione* , quod nempe secundum Jansenium Christus Dominus pro salute dumtaxat prædestinatorum mortuus fuerit , adeo nimirum ut illis dumtaxat *auxilia* vere *sufficientia* præparaverit , & ex animo contulerit , *intactæ relinquantur* inquit doctissimus Haller , *difficultates , quæ occurrunt aut circa infantes sine baptismo decedentes , aut infideles , aut obduratos. Nam qui dicit* , Christum non pro solis prædestinatis esse mortuum , *non dicit consequenter* , pro quolibet reprobo in particulari mortuum esse , *sed sufficit* , quod pro aliquibus saltem reprobis *mortuus sit* (374) , ita nempe , ut hisce etiam contulerit auxilia , quibus æternam salutem vera , & reali potentia , scilicet non *absoluta* dumtaxat , sed etiam *relativa* , consequi possent.

N 2

ANI-

(374) Diar. pag. 285.

ANIMADVERSI O II.

167. Eo sensu non contendit Jansenius, Christum Dominum mortuum esse pro solis prædestinatis, ut velit, eos, qui prædestinati non sunt, nihil prorsus merito illius passionis atque mortis recipere. Postquam dixit, Christum pro prædestinatis, *tamquam veris ovibus suis, vero populo suo, semetipsum dedisse, ac tradidisse; pro istorum omnium peccatis omnibus omnino delendis, & æterna oblivione sepeliendis propitiationem esse; pro istis in æternum vivificandis mortuum esse, pro istis ab omni malo liberandis rogasse Patrem suum,* statim subjicit Jansenius, pro iis, qui a fide, & charitate deficientes in iniquitate moriuntur, in tantum mortuum esse, in tantum esse propitiationem peccatorum, & in tantum rogasse Patrem, in quantum temporalibus quibusdam divinae gratiæ effectibus exornandi sunt; ita nempe ut effectum non assequantur alium, nisi temporalis fidei, aut charitatis, sive perseverantiæ, unde concludit, eatenus, & non aliter pro illis Christum mortuum esse, & sanguinem fudisse, & propitiationem peccatorum esse, & rogasse Patrem suum; ut videlicet illos temporales effectus propitiationis, hoc est mortis, & sanguinis, & orationis consequantur (375). Hinc, ut in suo Jansenismo redivivo egregie observat Illustrissimus Archiepiscopus Viennensis, ab hæresi Janseniana non recedunt ii, qui quamvis negent, Christum pro salute dumtaxat prædestinatorum mortuum, nihil aliud præterea volunt, quam quod Christus mortuus sit ad nonnullas etiam gratias temporales re-

pro-

(375) Lib. 3. de Gratia Christi cap. 21.

probis promerendas (376). Siquidem id quoque ab Jan-
senio manifeste doceri, manifestum est. Alibi quoque,
scilicet in suo Documento Pastoralis, idem doctis-
simus Præsul, *Summus*, inquit, *Pontifex desinens*, *Chri-*
stum mortuum esse etiam pro salute aliorum, quam
predestinatorum, non tantum desinivit, eum mortuum
esse ad obtinendas etiam reprobis non perseverantibus
gratias aliquas fugaces, ac fluxas v. g. gratiam fidei
iis, qui Christianismum amplexi sunt, gratiam sanctifi-
cantem iis, qui donum justificationis acceperunt, licet
essent ex numero reproborum; neque enim poterat contra
Fansenium desinire, quod ab ipso Fansenio non negaba-
tur. Novator autem iste docet aperte, Christum mor-
tuum esse ad obtinendas aliquas ejusmodi gratias etiam
reprobis, qui aliquot in hac vita recipiunt. Utque pos-
sit aliunde vere dici, Christum pro eorum salute esse
mortuum, requiritur, ut dictum est, eum voluisse sue
redemptionis pretium pro eorum salute offerre; requiri-
tur, ut iis gratias obtinuerit, quibus vere pervenire
ad salutem possent; requiritur denique, ut salus illis
vere possibilis reddita fuerit. Qua enim dici ratione
posset, Christum pro reproborum salute mortuum esse,
si salutem eis reddere possibilem noluit in fortioris cu-
piditatis circumstantiis, in quibus ipsi inveniuntur (377)?
Hinc

ANIMADVERSIO III.

168 Ad declinandum errorem, in hac postrema
Jansenii propositione ab Ecclesia damnatum, minime

N 3

suf-

(376) P. 1. Artic. 6. n. 5.

(377) P. 2. Art. 2. §. 5. n. 2.

sufficit (idque attente observetur velim) si dicatur, etiam reprobis eam gratiam, merito passionis Christi, a Deo conferri, quam Jansenius, ejusque partiarum parvam appellant, quæ nempe posita est in cœlesti indeliberata delectatione, inferiore gradibus suis carnali cupiditate. Id, inquam, ad Jansenianum hunc errorem declinandum minime satis est. Etenim, ut est alibi visum, cum parva illa Jansenii gratia non conferat voluntati *veram potentiam* bene operandi, sed potius in *vera, reali, & physica* bene operandi *impotentia* voluntatem ipsa relinquat, dici certe non potest, Christum Dominum, si nonnisi gratiam illam merito mortis suæ reprobis obtinuerit, illis reddidisse æternam vitam obtentu possibilem. Dicunt Jansenii discipuli, inquit Cl. P. Graveson, Christum per mortem suam non promeruisse quidem reprobis gratias relative victrices, quæ superant omnem concupiscentiæ delectationem (has quippe gratias Christus per mortem suam solis, ajunt, promeruit, preparavit, & largitur predestinatis, qui salutem æternam infallibiliter consequuntur). promeritum tamen esse Christum per mortem suam reprobis gratias illas, quas Jansenius appellat parvas, & quæ dici possunt, ut ajunt Janseniani, gratiæ sufficientes in sensu Thomistico; quia istæ gratiæ parvæ dant *veram potentiam* vincendi oppositam concupiscentiam, quamvis illam non vincant. Hoc est alterum Jansenii discipulorum effugium (prosequitur Vir ille doctissimus) ex quo facile exturbari possunt pluribus momentis, quæ in meis superioribus epistolis late, inquit ille, exposui, & quæ hic indicare abunde sufficiet. Ostendi enim primo, nullas a Jansenio admitti in statu naturæ lapsæ gratias vere sufficientes a gratiis efficacibus distinctas, quæ
dent.

dent completam, proximam, & expeditam agendi potentiam..... Secundo demonstravi, gratias illas, quas Jansenius appellat parvas, non esse vere sufficientes..... Cum igitur gratiæ illæ, quas Jansenius appellat parvas, quasque reprobis a Deo, ait, tantum concedi, non sint vere sufficientes in sensu Thomistico, sequitur I. Jansenii discipulos falli, & fallere velle, dum dicunt, se quidem non admittere auxilia sufficientia dari reprobis in sensu Semipelagiano, vel Pelagiano, vel Moliniano intellecta; sed non negare, Deum largiri reprobis auxilia sufficientia, quibus salutem æternam consequi possint, modo auxilia sufficientia in sensu Thomistico accipiantur. Hoc enim oppido falsum esse, sat copiose, inquit, probavi in meis superioribus epistolis, in quibus luculentissime ostendi, Jansenium, ipsiusque discipulos, juxta intima suæ doctrinæ principia, nullum in statu nature lapsæ agnoscere auxilium, quod sit vere sufficiens in sensu Thomistico. Sequitur II. juxta Jansenii, ejusque discipulorum doctrinam, Christum, qui confert dumtaxat reprobis gratias illas, quas parvas vocant, quasque, ut dixi, non sunt vere sufficientes, non preparasse reprobis per mortem suam auxilia vere sufficientia, quibus salutem æternam consequi possint, proindeque Christum pro æterna reproborum salute non mortuum esse, nec pretium sanguinis sui Patri suo sincera voluntate obtulisse, ut illis prodesset ad salutem æternam (378).

ANIMADVERSIO IV.

169. Si illa propositio: *Christus Dominus pro salute dumtaxat prædestinatorum mortuus est*, ita intelligatur, ut ly *dumtaxat* afficere ponatur *salutem*, non autem *prædestinatos*, adeo nimirum ut sit sensus, Christum *pro sola salute* prædestinatorum esse mortuum, propositionem illam etiam Janseniani, tamquam falsam, rejiciunt. Et illi namque fatentur cum Jansenio, ut supra vidimus, non eo sensu Christum Dominum *pro salute dumtaxat* prædestinatorum esse mortuum, ut iis, qui prædestinati non sunt, nullam prorsus temporalem gratiam morte sua, ille meruerit; cum certum sit, illorum quoque judicio, quamplures temporales gratias etiam reprobis plurimis per Christi mortem fuisse collatas, & etiam modo conferri. Itaque, ut recte habet Jansenismi redivivi Cl. Auctor, *Summus Pontifex* quintam propositionem damnando in sensu Jansenii, definiit, *prædestinatos non esse solos, pro quorum salute Christus mortuus est*: definiit, eum mortuum esse etiam *pro salute reproborum*, saltem nonnullorum: definiit, eum non solum mortuum esse, *pro gratiis quibusdam temporalibus*; sed etiam *pro salute reprobis salutem nonnullis obtinenda* (379).

ANIMADVERSIO V.

170. Nunquam quoque negavit Jansenius, neque modo inficiantur illius partiarum, Christum mortuum esse pro omnibus quantum ad *sufficientiam pretii*. Et
ipse

(379) P. 1. Art. 6. n. 6.

ipse namque apertissime fatetur, *pretium illud infinitum esse sufficiens ad redemptionem omnium omnino infidelium*, imo etiam demonum, omniumque damnatorum (380); addens praterca, hoc sensu nonnisi perperam dici posse, Christum pro omnibus esse mortuum, alioquin, inquit ipse, *etiam pro demonibus se dedisse redemptionem dici posset*, quibus redimendis siue dubio pretium sanguinis ejus est sufficiens (381). Non ergo in eo positus est error in hac quinta Jansenii propositione ab Ecclesia proscripta, quod Jansenius noluerit, pretium sanguinis Christi esse *sufficiens absolute*, & in seipso ad omnium etiam infidelium redemptionem; sed in eo, quod ille noluerit, Christum Dominum eo animo, eaque voluntate, & intentione subiisse mortem, suumque sanguinem fudisse, ut iis etiam, qui prædestinati non sunt, gratias *vere sufficientes* ad æternam salutem consequendam obtineret. *Verus Jansenii sensus*, in hac propositione damnatus, in hoc positus est, inquit Cl. P. Graveson, quod velit Jansenius, Christum non esse mortuum pro omnibus quantum ad intentionem offerentis, & quantum ad applicationem sui sanguinis per preparationem mediarum, seu auxiliorum vere sufficientium, quæ omnibus hominibus vel conferat, vel saltem offerat, quæque dent veram, proximam, completam, & expeditam potentiam vincendi cupiditatem, & æternam salutem consequendi (382). Profecto, ipsomet fatente Jansenio, phrasis, qua quis dicitur, se pro aliquo redemptionem

(380) Lib. 6. de Gratia Christi cap. 21.

(381) Ibidem.

(382) Class. 2. Epist. 7. pag. 132.

nem dare; præferre videtur, redemptionem ex redimentis animo in usum, ac liberationem captivorum offerri, ac dirigi (383); ut proinde, eodem ipso testante, Christum esse passum, crucifixum, mortuum, se redemptionem dedisse, vel propitiationem esse pro omnibus, plus aliquid dicat, quam nude pretium sufficiens obtulisse, quod iis applicari nolit. Illud enim indicat, inquit ipse, intentionem morientis, pretium pro illis oblatum esse, ut ejus oblatione placatus Pater, eos reipsa de servitute liberaret, non sub ista conditione si ipsi velint, qui nisi Deo donante velle non possunt, sed ut velint, & credant, potenter in eorum voluntatibus operando (384). Quis igitur, hæc considerans, inficiabitur, Jansenium docuisse, Christum Dominum mortuum esse pro solis prædestinatis eo sensu, quo Ecclesia quintam hanc propositionem anathemate confixit? Quis dubitabit de Jansenii mente, postquam ipsum scribentem legerit, Christum nullo modo pro illis infidelibus, qui per quatuor annorum millia ante adventum Salvatoris in carne, in infidelitate sua mortui atque damnati sunt, vel aliis similiter post ejus adventum in sua infidelitate perseverantibus passum esse (385)? Vanum est enim, addit ipse ad plenioris mentis suæ declarationem, pro talibus salvandis seria voluntate pati ac mori: vanum pro talibus a perditione decreta liberandis offerre Patri vota, preces, mortem, & sanguinem suum. Mortis enim, & sanguinis oblatio est quoddam efficacissimum

26-

(383) Lib. 3. de Gratia Christi cap. 21.

(384) Ibidem.

(385) Loco citato.

(386) Ibidem.

rogandi genus (386) ; ut proinde *prosit illi necessaria Christi sanguis*, & mors, pro quo sanguinem illum fuderit, & mortuus fuerit (387), neque fieri ullo modo possit, ut Christus pro aliquo mortuus sit, ut vivat, quin ille vitam assequatur (388).

ANIMADVERSIO VI.

171. Aperte negat Jansenius, Christum Dominum mortuum esse *sufficienter* pro omnibus eo sensu, quo loquuntur Theologi catholici, hoc est, eo sensu, ut *auxilia vere sufficientia* ad salutem æternam consequendam, sua passione atque morte singulis meruerit, ex animo præparaverit, ipsisque obtulerit. Docet enim, *argumentum illud, quo Christus pro omnibus passus, & mortuus, vel redemptionem se pro omnibus dedisse dicitur, nihil omnino pro auxilio sufficienti omnibus, nemine excepto, suppeditando facere. Nec enim, inquit, juxta doctrinam Antiquorum, pro omnibus omnino Christus passus, aut mortuus est, aut pro omnibus omnino tam generaliter sanguinem fudit; cum hoc potius tamquam errorem a fide catholica abhorrentem doceant esse respuendum. Omnibus vero illis (prosequitur Jansenius), pro quibus sanguinem fudit, & quatenus pro eis fudit, etiam sufficiens auxilium donat, quo non solum possint, sed etiam reipsa velint, & faciant id, quod ab eis volendum, & faciendum esse decrevit* (389). Hinc consequenter ad argumentum ex illo Apostoli: *Qui dedit semetipsum redemptionem pro omnibus*, quod ini-

(387) Ibidem.

(388) Ibidem.

(389) Ibidem.

initio capitis sibi proposuerat; genuinus; variasque respondendum censet, Christum dici se dedisse redemptionem pro omnibus, hoc est, inquit ipse, pro universa sua Ecclesia toto Orbe dispersa, & consequenter pro omnibus hominum generibus, Regibus, privatis, nobilibus, ignobilibus &c. itemque pro omnibus, hoc est, pro hominibus omnium nationum, linguarum, & gentium, Judeis videlicet, ac Gentilibus, ex quibus congregatur universus populus Dei (390). Addit quoque, non aliter Augustini iudicio Christum se redemptionem pro omnibus dedisse, seu propitiationem esse pro peccatis totius Mundi, nisi quia pro peccatis omnium fidelium, ex quibus una catholica constituitur Ecclesia, redemptio atque propitiatio est; contendens, nec in universis Augustini operibus locum esse, ubi doceat, Christum pro peccatis infidelium in infidelitate permanentium esse propitiationem, vel pro illis se dedisse redemptionem, (391); idque etiam adeo in ipsis doctrina verum esse, ait, ut passim omnes locutiones Sacrarum Litterarum, quæ quamdam universitatem effectuum passionis, aut mortis, aut redemptionis, aut divinæ gratiæ insinuant, ad solos prædestinatos revocet, ac restringat, nempe quia ipsorum liberationem ex massa perditionis, & salutem absolute voluit, reliquorum (scilicet non prædestinatorum) eatenus dumtaxat, quatenus aliquo temporali sanctificationis gustu nonnihil ex ista salute, & liberatione participant (392).

ANTI-

(390) Loco citato.

(391) Ibidem.

(392) Ibidem.

ANIMADVERSIO VII.

172. Sicuti porro contendit Jansenius, Christum Dominum non pro omnibus, sed pro solis prædestinatis mortuum esse, suumque sanguinem fudisse; ita consequenter docet, Deum non omnes, sed eos tantum, qui prædestinati ab ipso fuere, velle salvos fieri, ipsisque dumtaxat per Christi mortem præparasse, & reapse conferre auxilia, quæ ad æternam consequendam salutem vere sufficient. Docet enim, non posse statui, quod Recentiores, inquit ipse, plerumque solent, voluntatem quamdam generalem, qua Deus velit, omnes homines, in damnatione primi peccati positos, salvos fieri, ex qua voluntate non solum generalia redemptionis remedia, sed etiam sufficientia adjutoria omnibus etiam reprobis præparaverit. Sicut enim (pergit ille) talia sufficientia adjutoria non dantur omnibus, imò nulla omnino post lapsum sunt, ita nec voluntas illa generalis, ex qua promanare dicuntur (393). Affirmat præterea, talem voluntatem generalem fuisse Massiliensium basim, ex qua ipsi media omnibus hominibus sufficientia largiti sunt, & consequentissime nullam prædestinationem electorum, nisi in prævisione futurorum, fabricarunt (394). Et infra, quod, inquit Jansenius, Scholastici plerique putant, Deum post hominum lapsum habere adhuc voluntatem salvandi omnes omnino, nemine excepto, & ex illa voluntate omnibus etiam reprobis sufficientem non solum redemptionem, sed etiam gra-

(393) Lib. 10. de Gratia Christi cap. 24

(394) Ibidem.

gratiam præparasse, ab Augustini doctrina prorsus dissentaneum est (395). Nomine porro sufficientis auxilii, quod negat Jansenius præparatum a Deo fuisse per mortem Christi etiam reprobis, ab eo intelligi gratiam non Moliniano dumtaxat, verum etiam Thomistico sensu sufficientem, nemini dubium esse potest; cum, ut constat ex alibi traditis, certissime constet, Jansenium non aliam in hoc lapsæ naturæ statu agnovisse gratiam, nisi efficacem, nempe talem, ut, quemadmodum ipse ait, non solum sine illa volentes, & operantes esse non possint, verum etiam ut per illam nonnisi volentes, & operantes sint (396). Quamobrem cum certum sit, prædestinatis dumtaxat, non autem reprobis efficacem gratiam a Deo conferri, certum est etiam, Deum illis tantummodo, non autem istis reddere voluisse secundum Jansenium æternam salutem obtentu possibilem; atque hinc Deum, hujusce Novatoris judicio, nolle salutem omnium, sed eorum dumtaxat, qui sunt prædestinati.

ANIMADVERSIO VIII.

173. Observandum postremo est, non negari quidem a Jansenio, Deum voluntate antecedenti velle omnium prorsus hominum salutem, ipsisque omnibus auxilia ad salutem consequendam sufficientia præparasse; verum antecedentem illam voluntatem ad solum innocentis naturæ statum ipse restringit, ita nempe ut in statu naturæ corruptæ nonnisi voluntatem consequentem ipse admittat. Vult nempe Jansenius, voluntatem, quam

(395) Ibidem. cap. 3.

(396) Lib. 3. de Gratia Christi cap. 19.

quam ipse vocat antecedentem, salvandi omnes, in Deo non fuisse, nisi antecederet ad primum Adæ peccatum; post vero, illam non esse in Deo, nullamque gratiam ex ea in homines derivari, quemadmodum in demones nullæ ex illa gratiæ proveniunt. In hoc consistit error in quinta Janseii propositione ab Ecclesia proscriptus, quod velit Jansenius, inquit Cl. P. Gravelson, voluntatem Dei antecedentem de salute omnium hominum pertinere dumtaxat ad statum naturæ innocentis; voluntatem vero Dei consequentem, quæ spectat tantummodo salutem electorum, ac prædestinatorum pertinere solum ad præsentem statum naturæ lapsæ. Ex quo capitali suæ doctrinæ principio Jansenius infert primo, voluntatem Dei antecedentem de salute omnium hominum non esse in statu naturæ lapsæ veram, ac sinceram voluntatem, qua Deus velit salutem omnium hominum, sed esse tantum simplicem velleitatem..... Infert secundo Jansenius, Deum pro omnibus reprobis in statu naturæ lapsæ nec præparasse, nec ipsis per voluntatem antecedentem conferre voluisse gratias vere sufficientes, quæ eis dent veram, proximam, completam, expeditam, & relativam potentiam vincendi ardentiorē, ac superiorem concupiscentiam, atque æternam salutem consequendi. Tertio infert Jansenius, Deum velle tantum salutem electorum, ac prædestinatorum in statu naturæ lapsæ; iisque solis per voluntatem consequentem præparare, ac conferre auxilia vere sufficientia, quæ illis dent proximam, completam, expeditam, & relativam potentiam vincendi omnes concupiscentiæ gradus, & consequendi salutem æternam (397). Ne quis tamen opponat, P. Gravelson pessime interpret-

(397) Class. 2. Epist. 7. pag. 139.

pretatum fuisse Jansenium, ejusque doctrinam de voluntate Dei erga omnium salutem inique traducere, Jansenium ipsum loquentem audire ne pigeat. Præmissa itaque distinctione duplicis voluntatis in Deo, *antede-*
dentis scilicet, & *consequentis*, tradita ab Damasceno, sed quam ille perperam explicat, *significat*, inquit, *Damascenus*, *voluntatem* (antecedentem), *quam Deus ex se concepit*, quando humanum genus instituit, *quæque omnia peccata hominis antecessit, fuisse bonitatis, ut homo gratiæ, salutis, felicitatisque particeps fieret*..... *Voluntatem autem consequentem esse justitiæ, qua peccatores diversis suppliciis plecti vult, ac jubet. Sed talis antedecens voluntas, quamdiu res sine accessoriis circumstantiis consideratur, aliquid ad causandam gratiam sufficientem, aliaque media necessaria procurandæ salutis facit, utpote ex qua gratia primorum hominum sufficiens fluxit. Sed postquam peccata jam ab hominibus inducuntur considerantur, antedecens voluntas in sola præcisione mentis, adeoque nuda quadam velleitate, nihil omnino gratiæ causante, consistere potest. Quod ex eo manifestissime patet, quia talem antedecentem voluntatem etiam erga damnatas creaturas, sive hominum, sive Angelorum Deus habet: qua non obstante, sicut potest consequente voluntate justitiæ, Angelos omni gratia sufficiente, & salute spoliare, excæcare, obdurare, damnare; ita non obstante eadem antedecente voluntate, quibusdam hominibus originali labe, damnatis, consequente voluntate justitiæ, gratiam sufficientem fidem, justitiam, salutem, felicitatemque negare potest, eosque nolle salvos fieri. Sic enim & Fudex, præcisione intellectus, & inde subnascente quadam velleitate, quæ nihil operatur, vult hominem esse sal-*

.....

um ; quem tamen propter homicidium omnibus assequende salutis remediis , ipsaque vita privat..... Nihil omnino igitur doctrina Damasceni de antecedente salutis omnium voluntate Recentioribus prodest , ut que optime tum negande salutis , & gratiæ sufficientis voluntate consistit ; nisi forte & Angelis , & hominibus damnatis , antecedente voluntate salutis , gratiam sufficientem , aliaque redemptionis instrumenta suppeditari , & erogari putent (398). Nihil itaque clarius , nihil apertius dici ab Janzenio potuit ad declarandam sententiam suam de voluntate Dei erga omnium salutem , videlicet fuisse quidem in Deo ante prævisionem peccati voluntatem salvandi omnes , ipsisque omnibus largiendi sufficientia auxilia , quibus consequi salutem possent ; at post peccatum nullam prorsus in illo esse ejusmodi voluntatem , nisi erga prædestinatos , quemadmodum nulla est erga dæmones , eosque homines , qui æternis pœnis jam sunt addicti. Necesse est igitur , ut Janseuius , ejusque partiarrii , si constare sibi velint , vel inviti fateantur , quemadmodum egregie habet laudatus P. Graveson , *Christum non habuisse post lapsum Adami veram , & sinceram voluntatem antecedentem salvandi reprobos , nec pro illis mortuum esse , nec sanguinis sui pretium Patri suo obtulisse , ut illis ad æternam salutem prodesset , ac denique eis præparasse auxilia vere sufficientia , quibus salutem æternam consequi possent* (399).

O

ANI-

(398) Lib. 3. de Gratia Christi cap. 20.

(399) Class. 2. Epist. 8. pag. 165.

ANIMADVERSIO IX.

174. Neque demum sufficit ad declinandum Jansenii errorem, in hac quinta Jansenii propositione atro carbone ab Ecclesia notatum, si dicatur, Deum etiam in hoc lapsæ naturæ statu velle *voluntate antecedenti* salutem omnium, quia tali voluntate vult etiam post lapsum, *quidquid in se bonum, rectumque est*, cujusmodi profecto est omnium salus secundum se præcise considerata. Id, inquam, non sufficit. Quandoquidem, ut recte observat Jansenismi redivivi doctissimus Auctor, *neque Jansenius hanc antecedentem Dei voluntatem in hoc sensu acceptam unquam negavit, nec negare potuit. Quis enim dubitavit unquam*, inquit Illustrissimus ille Præsul, *Deum velle, voluntate saltem sterili & otiosa, quidquid in se bonum est, & rectum, si illud non velit voluntate vera, & activa* (400)? Dicere quoque non sufficit ad hunc Jansenii errorem declinandum, quod Deus velit *voluntate antecedenti* omnium salutem, vel quia, accommodata, ut ajunt, distributione, velit salutem eorum *omnium*, qui revera salvantur; vel quia velit salutem aliquorum de *omni genere* hominum, nempe Judæorum, Gentilium, Regum, Principum, Nobilium, Ignobilium, Servorum, Liberorum; vel quia demum velit, ut sancti homines optent salutem *omnium*, & pro illa Deum ipsum deprecantur. Hoc enim sensu Deum velle omnes salvos fieri, neque Jansenius inficiatus est, imò docuit apertissime. Explicans enim illa Apostoli verba: *Deus omnes homines vult salvos fieri, & ad agnitionem veritatis venire*, negat in

(400) P. 1. artic. 6. n. 14.

primis, verba illa ita intelligi posse, ut dicatur, Deum velle salutem omnium, quantum in se est, aut se etiam ipsi velint; contendens, expositionem hanc neque veris defensoribus gratiæ unquam placuisse, sed graviter improbatam esse; neque verbis Apostolicis congruere, sed ab errantibus introductam, & pertinaciter defensam fuisse. Hac igitur expositione reiecta, tres ipse affert, quas veras, & antiquioribus probatas appellat. Prima est, ut Deus dicatur omnes homines velle salvos fieri, accommodata scilicet distributione, omnes, qui videlicet salvantur, seu, quod idem est, quia nemo sit salvus, nisi quem Deus voluerit salvum fieri. Secunda: intelligendam esse distributionem non pro singulis generum, hoc est, pro omnino singularibus hominibus, sed pro generibus singulorum, hoc est, pro omni genere hominum, pro Judeis, & Gentilibus, Servis, & Liberis, Principibus, & Privatis, Doctis, & Indoctis, Adultis, & Parvulis, Viris, ac Mulieribus &c. quia, inquit Jansenius, ex omni hominum genere aliqui prædestinati sunt, & salvi fiunt. Tertia est, ut Deus dicatur omnes homines velle salvos fieri, quia facit, ut sancti homines salutem omnium velint, & optent, & orando desiderent, non tantum voluntate signi, præcipiendo, ut omnium salutem velint, sed etiam eis hanc ipsam voluntatem, hoc desiderium, hanc sollicitudinem inspirando (401). Non ergo a Jansenio recedunt, qui aliqua ex hisce rationibus explicare nituntur laudatum Apostoli dictum, atque ostendere, quomodo illud verum sit, quamvis Deus voluntate, non consequenti, absoluta, & efficaci, sed

(401) Lib. 3. de Gratia Christi cap. 20.

antecedenti non omnium, sed aliquorum dumtaxat, prædestinatorum scilicet, salutem velit. Nititur quidem Jansenius, expositiones illas auctoritate S. Augustini confirmare. Sed perperam. In iis quippe locis, quæ Jansenius sibi favere putat, explicat S. Augustinus, quomodo stet, Deum velle omnes salvos fieri, quemadmodum ait Apostolus, quamvis *voluntate consequenti, absoluta, & efficaci*, prædestinatorum dumtaxat salutem velit. Verum fuse hac de re suo loco. Summis tantum labiis id modo attigisse, breviterque indicasse sufficiat. Interim, ut egregie monet doctissimus P. Dominicus Soto, *hoc sit nobis constitutissimum, quod (Deus) voluntate antecedenti vult totum Mundum servatum iri, atque adeo universis paratus est auxiliis gratiæ, communibus saltem, succurrere, sive, ut dixerat paulo antea, quod Deus vult omnes homines, & eorum quemcumque, quantum ad se attinet, salvos fieri, si modo ipsi voluerint, neque obstinaverint corda sua* (402).

OBSER-

(402) Exposit. in cap. 9. Epist. ad Romanos.

OBSERVATIONES

in hætenus expōitum

JANSENI SYSTEMA.

OBSERVATIO I.

175. Maxime dignum consideratione est ; non de-
fuisse olim , neque modo deesse , qui arbitraretur , &
etiamnum pertinaciter contendat , *quinque* famosas Jan-
senii *propositiones* , quas in hoc postremo Janseniani sy-
stematis consecratio explicavimus , vel non esse in falso
illius Novatoris Augustino , vel non eo sensu in illo
ab Jansenio fuisse traditas , quo eas deinde stigmate
censoerio Ecclesia confixerat. Ex iis enim , quæ dictæ
sunt hætenus , fuseque explicata , clare adeo nitideque
apparet , & illas omnes haberi in memorato Jansenii
Opere , & eo ipso sensu , quo eas ille docuerat , ab
Ecclesia fuisse proscriptas , ut nonnisi a protervo negari
utrumque possit. Certe nonnisi a protervo negari po-
test , eas omnes esse in illius Augustino. Id enim ma-
nifeste ostendunt Jansenii verba , quæ ex memorato
ipsius Opere fideliter excerpta , singulis ipsis proposi-
tionibus subjecimus. Negari itidem nequit , quominus
sensus , in quo illæ ab Ecclesia damnatæ sunt , sit ille
ipse , quo Jansenius eas docuerat. Certum est enim ,
Jansenium eo sensu propositiones illas suas docuisse ,
qui oritur ex principio , cui uni totum ipsius systema
innixum est , quodque *clarissimum* , & *præclarissimum* ,

*aureis*que characteribus dignum ipse appellat (403), scilicet principio duarum delectationum pro graduum superioritate invincibilium. Etenim si secus, sibi sane perpetuo non stetit Janfenius, sed plane incohærentia tradidisset. Eo autem sensu *quinque* illæ propositiones ab Ecclesia damnatæ sunt, atroque carbone notatæ, qui ex memorato duarum delectationum *relative* invincibilium famoso principio eruitur. Hoc siquidem sensu intellectæ inconcussis catholicæ fidei dogmatibus, ut patet, adversantur. Ergo eo sensu proscriptæ sunt, quo illas Janfenius docuerat.

SCHOLION I.

176. *Quinque famosas Janfenii propositiones & esse ipsa in falso illius Augustino, & in eo contineri eo ipso sensu, quo damnatæ deinde fuerant, nemo Catholicorum sine gravissima temeritatis nota, ne dicam sine crimine violatæ fidei, revocare in dubium potest. Apertissime namque a Summis Pontificibus declaratum utrumque est. Ita enim in primis Alexander VII. in sua Bulla, quæ incipit: Ad sanctam B. Petri Sedem, data anno 1656. Pontificatus sui anno 2. Cum, sicut accepimus (inquit ille) nonnulli iniquitatis filii prædictas quinque propositiones vel in libro prædicto ejusdem Cornelii Janfenii non reperiri, sed fictæ, & pro arbitrio compositas esse, vel non in sensu ab eodem intento damnatas fuisse, asserere, magno cum Christi fidelium scandalo, non reformident, Nos, qui omnia, quæ hac in re gesta sunt, sufficienter, & attente perspeximus, quinque illas propositiones ex libro præmemorato*

(403) Lib. 4. de Gratia Christi cap. 6.

morati Cornelii Jansenii Episcopi Ypensis, cui titulus est: Augustinus, excerptas, ac in sensu ab eodem Cornelio Jansenio intento damnatas fuisse declaramus, & definimus, ac uti tales..... iterum damnamus. Idem Summus Pontifex in formulario, quod ab omnibus subscribi districtè jussit, præcipit, ut omnes jurent, se sincero animo rejicere, ac damnare quinque propositiones ex Cornelii Jansenii libro, cui nomen Augustinus, excerptas, & in sensu ab eodem Auctore intento, prout illas..... Sedes Apostolica damnavit. Summus quoque Pontifex Clemens XI. in sua Bulla: Vineam Domini Sabaoth, data anno 1705. Pontificatus sui anno 5. non solum confirmat Constitutiones Innocentii X., & Alexandri VII. contra Jansenium editas, verum etiam damnat eos, qui temere ajunt, Innocentium XII., dum prædictas quinque propositiones ex memorato libro Jansenii excerptas in sensu obvio, quem ipsamet propositionum verba exhibent, ac præ se ferunt, damnatas esse pronuntiavit; non de ipsomet obvio sensu, quem in Jansenii libro habent, quive ab eodem Jansenio intentus, atque ab Innocentio X., & Alexandro VII. damnatus fuit, sed de alio quopiam diverso sensu cogitasse. Illos etiam stigmate censorio configit, qui docere non verentur, ad obedientiam præfatis Apostolicis Constitutionibus (quibus nempe quinque Jansenii propositiones damnatæ sunt) debitam non requiri, ut quis prædicti Janseniani libri sensum in antedictis quinque propositionibus damnatum, interius ut hæreticum damnet; sed satis esse, si ea de re, obsequiosum, ut ipsi vocant, silentium teneatur. Declarat insuper, damnatum in quinque præfatis propositionibus Janseniani libri sensum, quem illarum verba præ se ferunt, ab

omnibus Christi fidelibus, ut hæreticum, non ore solum, sed & corde rejici ac damnari debere; nec alia mente, animo, aut credulitate supradictæ formulæ (Alexandri VII.) subscribi licite posse, itaut qui secus, aut contra, quoad hæc omnia, & singula, senserint, tenuerint, prædicaverint, verbo, vel scripto docuerint, aut asseruerint, tamquam præfatarum Apostolicarum Constitutionum transgressores, omnibus & singulis illarum censuris, & pœnis subiaceant. Etsi porro ad eorum coercendam temeritatem, qui negare audent, memoratas quinque propositiones reperiri in Augustino Jansenii, vel eo sensu damnatas esse, quo in illo libro continentur, hæc, quæ modo retulimus, Pontificia oracula abunde sufficiant, luculentissimo tamen plurimorum Galliæ Episcoporum testimonio id etiam invicte confirmare ne pigeat. Ita ergo illi, numero 36. cum Card. Mazarino, ad alios Galliæ Episcopos: Sper nobis erat, homines eos, qui se Cornelii Jansenii Episcopi Tpyensis amatores, sectatoresque profitentur, post ejus ab Innocentio X. anathematizatas, & damnatas quinque opiniones, desituros tandem ab omni motu; atque, cum suo ille decreto imperasset ventis, futuram in Ecclesia tranquillitatem magnam. Sed contra plane, quam expectatum a nobis fuerat, accidit; mirarique satis non possumus, post æquissimam sanctissimamque Constitutionem illam, qua Beatissimus Pater Innocentius X. prædictas quinque propositiones damnavit, & iis quidem verbis, quibus nihil dici potest expressius, nihil clarius, homines illos affirmare; imo & persuadere aliis velle res duas, vanas omnino, & inanes: alteram, quinque illas propositiones non esse Jansenii; alteram, damnatas esse eo in sensu, qui ad Jansenium

ntum nihil pertineat. Potest enim quicquam esse absurdius, quam tueri id velle, cui refellendo, revincendoque nihil opus sit rationibus, nihil disquisitione etiam mediocri, aut levi, sed sola Pontificie Constitutionis, que per se ipsam rem totam aperte dirimit, lectione. Et quidem cum ejusmodi sint due res istæ, ut multis videri possint ipsæ per se, & sponte sua ruitura, atque adeo spernenda potius & negligenda; nobis tamen, quibus compertum est, eas ignorantibus, infirmisque non paucis esse offendiculo, quibusque pro muneris nostri ratione id præsertim incumbit, ut tollamus omnia scandala a Regno Dei, visum fuit occurrendum esse huic malo, comprimendumque mature hoc virus, quod jam aliquos occupavit. Quod ut fieret accuratius, & pro ea, qua par erat, gravitate, dignitateque, quotquot in hac urbe Regni primaria negotiorum Ecclesiasticorum causa fuimus, Cardinalis, Archiepiscopi, Episcopi collecti in unum censuimus, hoc quidquid est rei committendum esse cura, ac diligentie Illustrissimorum Reverendissimorum Fratrum Nostrorum Archiepiscoporum Turonensis, Ebrodunensis, Rothomagensis, Tolosani, & Episcoporum Eduensis, Montalbanensis, Rhedonensis, Carnotensis, sic tamen, ut quidquid inter se ipsi legissent, observassent, sensissent, referrent ad Nos. His vero ex ipsa Constitutionis lectione, atque insuper ex Opere Janseniano, quod etiam, quantum ad quinque illas propositiones, studiose legerunt, expenderuntque (quamquam sola per se ad id sufficiat Constitutio) manifestum, & perspectum fuit, illas quinque propositiones vere esse Jansenii, & damnatas esse in vero ac proprio verborum sensu, & eo plane, quo a Jansenio traduntur, & explicantur. Atque cum id ipsi ad

Nos;

Nos, scilicet in unum rursus congregatos retulissent, & a Nobis quoque idem cognitum, & exploratum fuisset, declaravimus, & hoc nostro judicio declaramus, rem plane ita se habere, & nullum dubitandi esse locum. Quare & eos, qui quinque illas propositiones tuentur, aut probant, vere esse ex eorum numero, quas Innocentius X. sua illa in Constitutione vocat contradictores, & rebelles, & quos vult a Patriarchis, Archiepiscopis, & Episcopis per censuras, & pœnas contra hæreticos, & eorum fautores in jure expressas, ceteraque juris, & facti remedia opportuna, invocato etiam ad hoc, si opus fuerit, brachii sæcularis auxilio, omnino coerceri, & compesci (404). Jam vero quid ad hæc Jansenii partiarum, & fautores? Dicentne, Summos Pontifices, totque doctissimos Præsules, eximiosque Theologos vel non legisse Jansenii librum, vel illum, si legerint, non intellexisse? Sed hoc esset insolentissimæ superbix, & audaciæ prorsus intolerabilis. Num enim Arnaldus (ut Viri Cl. verbis utar) & Pascalius, num Paulus Irenæus, num de S. Victore, & Abbas Richardus, aliique personati Scriptores, oculorum vigore soli pollebant, negantes in Jansenii scriptis themata damnata contineri, cæteri vero innumeri Catholici, Maximique Pontifices, & Episcopi aut cæci, aut deceptores fuere, qui contra non solum viderunt, sed etiam statuerunt eadem e Jansenianis libris non ad verbum quidem singula, sed spectata Jansenii sententia, atque intentione verborum omnia excerpta fuisse? Ubi talibus cavillis (pergit Cl. Auctor) in Christiana Republica sit

(404) Ex Montensi Collectione historica Bullarum &c. spectantium ad errores hujus sæculi &c. pag.

locus, quid restat amplius, ut pro libito damnationi quemcumque librum vel perniciosissimum, & pestilentissimum eripiamus, in quem Cathedra Petri, aut Sacra Concilia inutilem plane tulerint sententiam? Idem semper effugium recurreret, deceptos nempe juvenes, quum ibi damnabiles errores, ubi non erant, somniaverint, atque interea pessimi, ac venenati libri debacchari pergerent, illamque passim spargere pestem, quam detexit, ac eliminavit Ecclesia (405). Mirandum non est tamen, si Jansenii partiarum tantum audeant. Habent enim hoc heretici proprium, inquit S. Gregorius Papa, ut de inani scientiæ suæ arrogantia insentiar, & recte credentium simplicitatem sæpe derideant (406); atque inter illorum fraudes hæc prima est, ut observat doctissimus Franciscus Simonis, se, suosque solos magni aestimare,..... ceteros contemnere omnes (407).

SCHOLION II.

177. Ajunt Janseniani, quæstionem hanc, num scilicet, quinque propositiones sint in libro Jansenii, eoque sensu, quo tradita ab Jansenio sunt, fidei, adversentur, non juris esse, sed facti; ac propterea, cum Ecclesia, in facti quæstionibus dirimendis non sit infallibilis, negari posse tuta fide, quinque illas propositiones & esse in Jansenii libro, & eo sensu, quo ipsas Jansenius docuit, esse hæreticas; sed plane sufficere, ut Apostolicæ Constitutiones, quibus definitum habemus,

quin-

(405) Auctor *Prolegomen.* in Lescium Crondermum cap. 2. n. 2.

(406) Comment. in cap. 19. *Job* cap. 12.

(407) P. 2. de *Fraudibus Hæreticorum*.

quinque propositiones ex Jansenii libro excerptas esse; & in sensu ab eodem auctore intento damnatas, omni cultu, obsequio, & observantia excipiantur. At nimis turpiter errant, qui ita sentiunt. Hæc enim quæstio non meri facti est, sed facti cum dogmate, sive cum jure conjuncti; ac proinde ex illarum genere, in quibus dirimendis nec falli Ecclesia potest, neque fallere. Ut enim egregie habet doctissimus Melchior Cano: Cum, inquit Cl. Vir, inter catholicos, & hæreticos non de Scriptura, sed de sensu plurima controversia sit; si Ecclesie interpretatio non est certa intelligendi norma; ecquis erit istiusmodi controversia Juxta? Sensum enim suum pro sua virili quisque defendet. Quod si in exploranda Scriptura intelligentia nullus est Ecclesie certus Juxta, audeo dicere, Rempublicam fuisse nullam stultius constitutam; nullum enim desidiolum futurum finem, consensionem fidelium nullam, nullam fidei unitatem: qua sublata, non charitas modo, & pax, sed fides etiam ipsa penitus tollitur, atque ipsum omnino Ecclesie nomen (408). Neque officit, tantum Virum loqui eo loci de interpretanda divina Scriptura. Etenim qua ratione errare nequit Ecclesia in definiendo vero S. Scripturæ sensu, eadem ipsa falli non potest in libris de Religione tractantibus interpretandis. Unde Cl. P. Graveson palam fatetur, Jansenistas, asserentes universam Ecclesiam errare posse in factis doctrinalibus (quale est factum Jansenii) adimere Ecclesie auctoritatem finiendi lites, quæ excitari possunt inter fideles de sensu propositionum, vel librorum. Qui enim (inquit Cl. Auctor) poterit unquam Ecclesia in ordinem redigere obstinatos illos homines, qui percontant, quod etsi œcumenica Synodus declarasset, hære-

(408) Lib. 12. de Locis Theol. cap. 6. ad præcept. 1.

hæreticam esse libri Jansenii doctrinam, nunquam tamen ad consentiendum, sua propria reclamante conscientia, adduci possent? Profecto nulla suppeteret Ecclesiæ via coercendi pervicaces illos homines, sicque vana profus atque irrita redderentur Summorum Pontificum, & totius Ecclesiæ Episcoporum decreta, ac Tribunalia, quæ in dirimendis emergentibus in Ecclesiâ controversiis, & fovendæ tranquillitati Reipublicæ Christianæ instituit Christus Dominus; æternum in Ecclesiâ regnarent lites, contentiones, & jurgia, proculque exularet illa pax, quam suis discipulis Christus Dominus reliquit pretiosam hereditatem: Pacem meam do vobis, pacem meam relinquo vobis (409). Firmissime itaque cum doctissimo Card. de Lauræa tenendum est I. quod dum Ecclesiâ in Concilio, vel Romanus Pontifex extra Concilium damnat aliquam doctrinam cum expressione Auctoris, v. g., doctrinam Sabellii &c. licet totum complexum includat aliquid facti, damnatio illa est obiectum fidei, atque ideo absolute, & sine distinctione facti a jure est recipienda, ut fidei obiectum II. quod dum Ecclesiâ seu in Concilio Generali, seu Romanus Pontifex solus damnat doctrinas cum hac formula: in sensu Arii, in sensu Nestorii, in sensu Eutychetis, vel alterius personæ, esto tota illa complexio constet ex facto, & jure, & ratione unius partis non sit expresse revelata, non propterea definitio illa cessat esse obiectum fidei; ideo ut talis recipienda est ab Ecclesiâ (410). Propterea cum expresse declaraverit Summus Pontifex, quinque Jansenii propositiones & haberi in illius

(409) Class. 2. Epist. ult. pag. 229.

(410) Tom. 3. Comment. in 3. Sent. Scoti Disp. 6. art. 64
n. 236. & 256.

-illius Augustino, & eo sensu damnatas esse, quo Jansenius ipsas docuit, utrumque firmissime credi a nobis debet; & fidem his negare, non modestiæ solum, ac reverentiæ defectus erit, sed etiam in Religione crimen, quidquid dicant Jansenii fautores, est reputandum.

SCHOLION III.

178. At vero prætereundum silentio non est, Jansenianos, negantes, Ecclesiam, Summosque Pontifices certo intelligere, & decernere posse librorum sensum, non solum adversari Jansenio, sed etiam sibi metipsis turpissime contradicere. Adversantur Jansenio. Ille siquidem tum vivens, tum moriens protestatus est, se nolle aliter sentire, quam Ecclesia, cujus infallibili judicio opus suum subjecit, definierit. *Quidquid enim, inquit, de rebus tam multiplicibus, & arduis non juxta meam, sed juxta S. Doctoris (Augustini scilicet) mentem pronunciavi, ex Apostolica Sedis, Ecclesiæque Romanæ matris meæ judicio sententiaque suspendo, ut illud jam nunc teneam, si tenendum; revocem, si revocandum; damnem, & anathematizem, si damnandum, & anathematizandum esse, judicaverit. Nam quemadmodum istius Ecclesiæ, ac Sedis mysteriis infantulus initiatus, & ejus fide cum lacte matris imbutus fui, & crevi, & adolevi, & senui, nec ab ea ad latum unguem, quod sciam, animo, aut factò, aut sermone deflexi, ita porro ad extremum usque spiritum vivere, ac Deo adjuvante mori, divinoque judicio sisti, mihi constitutum est, ut juxta sacratissimam ejus regulam, quæ a temporibus Apostolorum per successionem conti-*

tiæ

*tinuam Romanorum Pontificum per universum Orbem prædicata, & credita est, referam a Dei misericordia, aut justitia bonum, aut malum (411). Ita quoque idem ipse, morti jam proximus, nempe vix media hora ante mortem: Si Romana Sedes aliquid mutari velit (loquitur de suis scriptis, ad explicationem S. Augustini, ut ipse ait, spectantibus) sum obediens filius, & illius Ecclesie, in qua semper vixi usque ad hunc lectum mortis obediens sum (412). Nisi ergo velint illius partarii, ipsum mentitum fuisse, fateantur oportet, Janse-
nium ne levissime dubitasse, quominus Apostolica Se-
des judicare infallibiliter possit de librorum sensu, cer-
toque decernere, quinam sanam, seu catholicam, qui-
nam vero falsam, hæreticamque doctrinam contineant;
ac proinde concedant iidem ipsi necesse est, se ab Jan-
senio recedere, dum ejusmodi auctoritatem Ecclesiæ,
Summisque Pontificibus denegare non verentur. Sed ne-
que sibi metipsis illi constant. Certum est enim primo,
eos, antequam Summus Pontifex Innocentius X. quin-
que Jansenii *propositiones* proscribere, curasse viribus
perwisque omnibus, ut suaderent Pontifici, & Cardi-
nalibus, Jansenii doctrinam eandem esse, quæ S. Au-
gustini, enixeque efflagitasse, ut id Pontifex declararet.
Persuasum ergo tunc ipsis etiam fuit, Ecclesiam in de-
cernendo illarum propositionum sensu falli non posse.
Eccur enim id postulassent, si contra sentirent? Cer-
tum est secundo, nihil eos habere sollemnius, nihilque
inculcare frequentius, quam divina fide credendum,
quid-*

(411) In epilogo, qui legitur ad calcem libri 10. *de Gratia Christi.*

(412) In testamento, quod habetur post synopsis vite, illius Augustino præfixæ.

quidquid de Christi Redemptoris gratia S. Augustinus scripserat; idque ideo, inquit illi, quia Innocentius, Zosimus, Cælestinus, alique Summi Pontifices doctrinam S. Augustini approbarunt, commendaruntque elogiis splendidissimis. Non dubitant ergo, potuisse Ecclesiam infallibili judicio decernere, S. Augustini doctrinam *de Gratia Christi* esse veram, esse catholicam, uno verbo, esse talem, cui nemo sine crimine violatæ fidei reluctari possit; & quidem eo in sensu, quo ipsi explicarunt. Igitur, dum negant iidem ipsi, Ecclesiam posse infallibiliter judicare de sensu librorum Jansenii, ipsamque posse, doctrinam in illis contentam, *ceufalsam*, atque *hereticam* in sensu Jansenii condemnare, sibi metipsis turpissime adversantur. Non minus quippe ad *factum* pertinet, quod doctrina contenta in libris Jansenii, & prout ab eo in illis traditur, sit *falsa*, & *heretica*, quam quod *vera* sit, & *catholica*, quæ in libris S. Augustini, & quidem sumta eo sensu, quo tradita ab ipso est, continetur. Igitur vel concedant oportet Janseniani, Ecclesiam in dirimendis *factis doctrinalibus*, sive *cum jure conjunctis* errare non posse, atque hinc infallibile esse judicium, quo Summi Pontifices Innocentius X., Alexander VII., & Clemens XI. *quinque* Jansenii *propositiones*, prout sunt in illius *Augustino hereticas* esse, pronunciarunt: vel fateantur iidem ipsi necesse est, Ecclesiam in illis dirimendis *factis* errori esse obnoxiam, ac proinde Summos Pontifices Innocentium, Zosimum, & Cælestinum, ceterosque omnes, qui S. Augustini doctrinam probasse dicuntur, in illa commendanda, & approbanda errare potuisse, imo & errasse reipsa, si nempe verum est, quod ipsi ajunt, scilicet Innocentium X., Alexandrum VII.,

&

& Clementem XI. in proscribendis quinque Janse-
nii propositionibus reapse errasse. Invieste propterea Janse-
nii partiarium quemdam ita redarguit Cl. P. Nicolaus
Ghezius: *o volete*, inquit Vir doctissimus, cum allo-
quens, *che e i Papi, e la Chiesa sieno infallibili in*
giudicando del proprio senso dei libri di Agostino, e vi
e' forza riconoscere infallibili i Papi, e la Chiesa in
giudicando del proprio senso della opera di Gianse-
nio. Tant' e': per ultimare una volta questa contro-
versia, o convien rinunciare alla auterita di S. Ago-
stino, o convien abjurare la famosa distinzione del di-
ritto, e del fatto. Poiche chi osa asserire, essersi in-
gannata la Chiesa nel fatto di Giansenio, troppo scon-
ciamente pretende non aver potuto ingannarsi la Chiesa nel
fatto pur di Agostino (413); nisi forte, addam ipse, ille
contendat, cum, qui infallibiliter determinare potest, ubi
fulgeat veritas, æque infallibili judicio definire non posse
ubi falsitas delitescat: quod certe quam absurdum ri-
diculumque sit, non est profecto, cur pluribus ipse
ostendam. Miror tamen, Cl. Contensonium eo, quo
pollebat ingenii acumine, hujusce argumenti vim non
prævidisse. Inter plura siquidem elogia, quibus SS. Au-
gustini, & Thomæ doctrinam justissime ornatam fuisse
demonstrat (414), illud ponit secundo loco, quod ab
Apostolicæ Sedis judicio in illam derivatur, palam nem-
pe aperteque & ipse affirmans, ac veluti principii lo-
co assumens, *Sedis Apostolicæ approbationem esse lapi-*
dem lydium, quo adulterina a pura, & legitima do-

P

etri-

(413) Tom. 1. *de principj della Morale Filosofia* lib.
2. p. 1. Dialog. 5. n. 22.

(414) Tom. 1. *Theol. Mentis, & Cordis* lib. 8.
differt. 6.

etrina discernitur ; tum pluribus adductis Summorum Pontificum testimoniis ostendens , Augustini , Aquinatisque doctrinam a Supremis Ecclesiæ Capitibus non tam approbatam , quam consecratam fuisse (415). Non itaque dubitavit Vir ille doctissimus , quominus Apostolica Sedes , Summique Pontifices doctrinam SS. Augustini , & Thomæ commendaverint , approbaverintque non solum in sensu obvio , & quem præ se ferunt verba , sed etiam in sensu a maximis illis Doctoribus intento , atque hinc quominus de librorum sensu judicare Sedes ipsa possit ; alioquin splendida illa elogia ad rem non facerent. At vero loquens ille paulo antea de sensu , in quo Janseii propositiones ab eadem Apostolica Sede damnatae sunt , non solum negat , mentem fuisse Innocentii X. eas proscribere , *in sensu Janseii* ; verum etiam affirmat , contrariam Alexandri VII. declarationem cum reverentia quidem esse excipiendam , at non ita ut in discernendis Auctorum sensibus Ecclesiam errare non posse , credatur. En illius verba , ne tanto Viro ipse imponere videar. Sermonem itaque habens ille de quinque Janseii propositionibus , sibi que objiciens , *Janseium nunquam aliud in illis intendisse , nec intelligi voluisse , quam doctrinam gratiæ per se efficacis* , respondet , *certissimum esse , gratiæ per se efficacis sensum esse catholicum , & orthodoxum , nec illi Constitutione sua præjudicium ullum inferre velle , vivo vocis oraculo Innocentius declaravit , confirmavit diplomatis suis Alexander VII. , & ipse P. Annatus supra relatus , hujusque causæ præcipuus actor , ac totius negotii testis oculatus , non diffitetur. An illum dumtaxat intenderit Janseius , vel alium , non declaravit* (inquit ille).

Inno-

(415) Ibidem elog. 2. pag. 689. edit. Venetæ 1727.

Innocentius, sed quinque propositiones in suo naturali, quem prae se ferunt sensu, a Galliarum Episcopis sibi oblatas, suoque judicio suppositas, hereticas declaravit. An reipsa unum illum gratiae per se efficacis sensum obtenderit, est quaestio facti, de quo nihil Innocentius, solius juris determinatione contentus. Ipse tamen Alexander declarat, propositiones in ipso Janseonii sensu fuisse damnatas: quae decisio omni, qua par est, reverentia excipienda est; quia prudenter, illum fuisse Janseonii sensum, Pontifex arbitratus est., quem verba ipsa in suo naturali sensu indicant; cum oratio sit mentis interpretes, & interioris animi sensus manifestatio. Quin etsi ex alicujus auctoris contextu, vel collatis prolixi operis sententiis possit alius sensus erui, non tenentur Pontifices, non tenetur Ecclesia illa omnia inquirere; quia solis Sacris Litteris, solis Sanctorum Patrum dictis hanc debet reverentiam, ut obscura, & difficilia eorum verba, inquisitis reconditis eorum sensibus, explicet, piisque interpretamentis exponat; alia vero sententiarum suorum, vel quorumvis auctorum asserta, prout sonant, judicare, & si in naturali, & ultro se ingereute sensu erronea sint, & a veritate aliena, ea sine cunctatione proscribere, sine distinctione damnare potest. Cum ergo ille propositionum quinarum inveniatur regulis fidei adversus, & a Patribus, & Conciliis praedamnatus, potuit, & debuit ab Ecclesiae Capitibus simpliciter censura inuri, & erroribus accenseri; nec tenebantur inquirere, an in operis prolixi decursu solius gratiae per se efficacis sensum auctor intenderit; quia quemcumque sensum alibi praetenderit, satis est, ut damnetur, quod ea simpliciter assermet, quae in connaturali, & aperto sensu inveniuntur a fide aliena. An autem

Ecclesia in exprimendis , discernendisque authoris sensibus possit errare , idem dicendum est , quod de questionibus facti dici solet , nimirum non esse necesse , omne Pontificum , & Conciliorum judicium de quacunque re , etiam ex informatione factorum , & circumstantiarum pendente , sine delectu defendere ; quia hoc non est (ait ille) Ecclesie , & Sedis Apostolica autoritatem fovere , sed labefactare , & hæreticorum ludibrio , & sannis exponere . Neque enim (ita ille rem claudit) adulatione nostra eget Petrus , Petrique successor ; & prima Sedes veris cumulata prærogativis , falsis non indiget (416). Hactenus P. Contensonus . Verum rectene , an perperam , ex dictis satis cuique manifestum esse puto . Unum dumtaxat , ut iuitio monui , scire vellem a tam docto Viro , quid nempe ipse diceret , si quis , auditis elogiis , quibus doctrina SS. Augustini , & Thomæ a Summis Pontificibus , ipso referente , cumulatur , non aliud responderet , nisi quod ipse hoc loco habet , nempe idem de illis dicendum esse , quod de questionibus facti dici solet ; nimirum non esse necesse , omne Pontificum , & Conciliorum judicium &c. Itaque , ut huic rei finem imponam , nihil est , mea quoque sententia , quod tergiversationes , ambages verborum , exceptiones , & restrictiones quæramus in improbandis quinque propositionibus in sensu a Jansenio intento , hoc est , in sensu obvio , quem inferunt quinque propositiones , & quem Ecclesia certo novit exhiberi in verbis , in phrasibus , totoque contextu libri illius , cui titulus : Augustinus Cornelii Jansenii , quidquid sit de interna ipsius Jansenii mente atque intentione . Tam solemnibus decretis nemo jam repugnantem se prodit , qui & disciplina ,
Eccle-

(416) Loco citato *Dissert. 6. §. 5. pag. 685.*

Ecclēstasticæ ordinem , & Ecclesiæ pacem serio amet. Nemo , qui pie sapiat , fidelibus piæ matris oculis extollentiam oculorum suorum opponit , sed suum demittit intellectum , sibi pie persuadens , ne heic quidem a Deo deferi suæ sponsæ oculos in commune filiorum bonum , & quietem intentos (417).

S C H O L I O N IV.

179. Si ille demum est , ut est profecto ; *Jansenius* quinque propositionum sensus , quem illæ exhibent , si ad principium duarum delectationum *relative* invincibilium , tanquam ad suum fontem , referantur ; dubium nemini esse potest , quominus , ut recte habet Cl. P. Affermet (418) , *nonnisi vanum erroris simulacrum , ac phantasma , a mente Jansenii alienum , eos nobis exhibuisse , & etiamnum , bona illorum venia , exhibere , qui alium , utique falsum , & hæreticum earundem sensum nobis tradunt ; in eoque uno & intellectas fuisse à Jansenio , & ab Ecclesia fuisse atro carbone notatas , suadere nituntur. Hi siquidem , velint , nolint , demonstrent , necesse est , vel Jansenium repudiassē principium , quod auro cedroque dignum censuit ; vel eum illarum propositionum sensum , quem ipsæ habent , relative ad illud principium intellectas , non esse hæreticum. Si namque concedatur , quinque propositiones , intellectas hoc sensu , esse hæreticas ; neque Jansenium illud principium , dum eas docuit , re-*

P 3

pu-

(417) Auctor *Prolegomen.* in *Lescium Crondermum* cap. 2. n. 13.

(418) *Tract. de divina Gratia.* P. 3. cap. 1. q. 5. ad *concl.* 5. pag. 621. edit. Parisiis 1715.

putuasse; dandum quoque est, alium erroneum, & falsum earundem sensum purum putumque esse *phantasma*, vanumque erroris simulacrum, ab Jansenii mente prorsus alienum, eamque ob causam excogitatum, ut suadeatur incautis, vel quinque propositiones damnatas non esse ab Ecclesia in sensu ab Jansenio intento, vel Ecclesiam, in hoc sensu eas damnando, errasse.

OBSERVATIO II.

180. Admitti, uti verum, non potest Jansenianum principium duarum indeliberatarum delectationum *pro graduum superioritate invincibilium*, nisi *quinque* itidem ejusdem Jansenii *propositiones*, & quidem eo sensu intellectæ, quo ab illo traditæ sunt, & ab Ecclesia proscriptæ, tamquam veræ admittantur. Ostensum est enim, eas omnes adeo necessario cum illo principio connexas esse, tantaque evidentiâ ex illo deduci, ut eas negare, ipso principio concesso, perinde omnino sit, ac data causa neccessaria, illius negare effectum. *Quando conclusiones*, inquit Cl. Tournely, *nexu plane necessario ex suo principio sequuntur, vel deferendum est principium, vel admittenda conclusiones* & *qui, priori retento, istas negat, similis est illi, qui truncum, & radicem arboris servaret, & ramos inde pululare nollet* (419).

SCHO-

(419) Przłekt. Theol. de Gratia Christi q. 3:

SCHOLION I.

181. Rem ita esse, affirmant, ut præteream alios, duo Viri doctissimi, &c., si qui alii, a Molinæ doctrina alienissimi, scilicet P. Graveson, & P. Berti. Præmissis siquidem Jansenii principio, quod nempe humana voluntas per *delectationes indeliberatas* cœlestis gratiæ, & carnalis cupiditatis, *alternatim rapiatur necessario ad bonum, vel ad malum*, ait Cl. P. Graveson, *ex hoc infesto principio Jansenium, ejusque discipulos has erroneas deducere consecutiones, quæ cum pestilenti illo principio doctrinæ suæ arctissimo vinculo, ac nexu colligatæ coherent. Ajunt enim, inquit ille, Janseniani, utique cum ipso Jansenio, hominem in statu naturæ lapsæ gratiæ per se efficaci destitutum, seu, ut loquuntur Jansenistæ, hominem in statu naturæ lapsæ privatum indeliberata cœlesti delectatione, gradibus cupiditatis superiori, non habere veram, completam, & proximam potentiam bene agendi. Docent, omnes gratias in statu naturæ lapsæ esse per se, & ex natura sua efficaces, & nullas in hoc statu admittunt gratias sufficientes, quibus vere resisti possit. Pertendunt mordicus, præcepta Dei in statu naturæ lapsæ his, quibus deest gratia per se efficax, seu ut intelligunt Jansenistæ, his, quibus deest cœlestis indeliberata delectatio, gradibus terrenæ delectationis concupiscentiæ superior, præcepta Dei esse impossibilia, & tamen illorum transgressionem eis justè imputari. Afferunt insuper, libertatem hominis in statu naturæ lapsæ stare cum necessitate, & ad merendum, & demerendum non requiri libertatem a necessitate, sed sufficere libertatem a coactione. Denique*

P 4 . 1 3 2 2 3 Jansen.

Jansenius, ejusque discipuli ex hoc doctrina sua principio inferunt, Deum non habere sinceram voluntatem salvandi omnes homines in statu natura lapsa, nec eis ullo pacto preparare gratias sufficientes, quibus possint salutem aeternam adipisci; nec Christum Dominum mortuum esse, & sanguinem fudisse pro salute reprobis, sed tantum pro salute aeterna electorum, ac praedestinatorum (420). Tum non multo post idipsum repetens Vir doctissimus; has, inquit, consecutiones, velint, nolint, admittere debent Jansenii discipuli, quia praedicta consecutiones ex doctrina principio, quod post Jansenium statuunt, mordicusque defendunt, nexu plane necessario sequuntur (421); videlicet cum hoc principio necessariam, & individuum connexionem habent quinque Jansenii propositiones jure optimo ab Ecclesia proscripta (422). Et infra: Hoc doctrina Jansenii principium de indeliberata, sive coelesti, sive terrena delectatione, quae relative victrix est, exterminat omnino liberum hominis arbitrium, & invehit inevitabilem necessitatem; subindeque cum illo Jansenii principio necessariam connexionem habent quinque famosae propositiones, quae sicut consecutiones, necessario fluxu ex illo consequuntur (423). Verum enimvero dixisse nequaquam contentus Cl. P. Graveson, ex Janseniano principio duarum delectationum pro graduum superioritate invincibilium necessario oriri quinque damnatas propositiones, demonstrandum alio loco assumit, & re ipsa demonstrat, capitalem hunc Jansenii errorem de

gra-

(420) *Class. L. Epist. I. pag. 9.*

(421) *Ibidem pag. 13.*

(422) *Ibidem.*

(423) *Ibidem pag. 14.*

gratia efficacia delectatione relative, seu per gradus victrice, ac superiore concupiscentia terrena delectatione, fuisse jure optimo ab Ecclesia proscriptum, tamquam virulentum principium, ex quo fluunt quinque damnata Jansenii propositiones (424). Ostendit itaque, *ex hoc Jansenii principio sponte fluere primam Jansenii propositionem, nempe Deum jubere impossibilia* (425). Demonstrat, secundam propositionem, videlicet *interiori gratia nunquam in hoc lapsæ naturæ statu resisti, profluere itidem, & quasi pro re nata erumpere ex isto Janseniana doctrina principio, basi, ac fundamento, eamque cum illo intime esse connexam* (426). Evincit, tertiam propositionem, quod nimirum *sola libertas a coactione ad merendum, & demerendum modo sufficiat, arctissimo vinculo connecti cum doctrina Janseniana principio de delectatione superiori, & relative victrice, imo nullibi, ejus sententia, clarius elucescere hanc connexionem, quam in hac tertia Jansenii damnata propositione; unde connexionem hanc vocat arctissimam* (427). Demonstrat, quartam propositionem *sequi plane ex palmari Janseniana doctrina principio de delectatione superiori, & relative victrice* (428); ac demum quintam de morte Christi pro solis prædestinati ostendit *intimo pariter nexu coherere cum Jansenii systemate duplicis delectationis, cujus quæ inferior est, alteri necessario cedere debet* (429). Tum ita rem clau-

(424) Class. 2. Epist. 6. pag. 123.

(425) Ibidem.

(426) Ibidem pag. 124.

(427) Ibidem pag. 124. & 125.

(428) Ibidem pag. 125.

(429) Ibidem pag. 126.

claudit : *Hactenus*, inquit, *sat liquido*, *ni mea fallat mens*, probavi, *quinque famosas Fansenii propositiones*, *ab Ecclesia confixas*, *sponte*, & *quasi pro re nata effluere ex illo erroneo Fanseniana doctrina principio de indeliberata cœlesti delectatione superiori*, & *relative victrice*, *in qua Fansenius totam vim*, & *efficaciam gratiæ reponit*, *indeque recte sequi*, *systema Fansenii*, *gratiæ efficaciam in hac indeliberata delectatione superiori*, & *relative victrice*, *ac necessitante reponentis*, *fuisse jure ac merito a Catholica Ecclesia reprobatum ac proscriptum* (430). Addit præterea Vir ille Cl., *hæreticum Fanseniana doctrina systema*, *totum quantum est*, *revocari ad unam indeliberatam delectationem superiorem*, & *relative victricem*, *in qua Fansenius gratiam efficacem collocat*. *Hæc enim delectatio superior*, & *per gradus relative victrix* (*sicut*, inquit ipse, *sapius inculcavi*) *est primum*, *ac unicum principium*, *in quod collineat immensum Fansenii volumen*. *Hæc origo est*, & *radix*, *unde*, *veluti a fonte fluvii*, *quinque propositiones necessario*, & *indissolubili nexu inter se connexe dimanant*, *quas ipse Fansenius*, *velut totidem conclusiones*, *a suo principio indivulsas*, *derivavit* (431). Hæc Cl. P. Graveson. Ita vero Cl. P. Berti. Fatetur in primis, constare, *ex principio duarum delectationum invincibilium*, *tamquam ex radice*, *fluere alios fere omnes Fansenii errores*, *ac præsertim quinque ab Innocentio X. damnata propositiones* (432). Alio autem loco, *Fansenianum*, inquit, *duplicis delectationis*

(430) Ibidem pag. 126.

(431) Ibidem.

(432) P. 2. Apolog. Diss. 4. cap. 1. §. 8. n. 14.

nris systema est, utramque delectationem spiritus, & carnis ita invicem pugnare, ut earum conflictus nequeat sopiri, nisi altera alteram superaverit: quæ autem victrix est, habeat voluntatem sibi necessitate invincibili obsequentem, nec alia ratione liberam, nisi quia non cogitur, sed vult, atque trahitur voluptate; quæ vero minor est gradibus, veræ potestatis agendi sit expers. Quare in hoc Janseniano systemate justis, etiam conantibus, & volentibus, si desit illis victrix delectatio, & gratia efficax, impossibile est, divina observare præcepta, & necessum esse a justitia desistere. Nulla est etiam in eo systemate gratia sufficiens, cui voluntas resistat; quoniam si concupiscentia sancta delectatio prævaleat, voluntas necessitate obtemperat gratiæ; si autem prævaleat concupiscentia, caret voluntas ea gratia, cui valeat obtemperare. Quum vero, præponderante sancta delectatione, bonum ex necessitate operemur, & premente robustiori cupiditate, in ipso Jansenii systemate operemur ex necessitate malum, nequit in hoc statu, in quo caro concupiscit adversus spiritum, admitti libertas indifferentiæ, seu potestas agendi, & non agendi his omnibus positis, quæ requiruntur ad opus; ideoque hæc libertas minime necessaria est ad merendum, vel demerendum; ac, videtur esse commentum Semipelagianorum, qui, rejecta delectatione victrici, auxilium indifferens ad omnia bona opera, etiam ad fidei initia admittebant. Quibus demum denegatur victrix, & invincibilis gratia, bene agere, & perseverare non possunt; neque eorum salutem vult Deus, qui illis hanc gratiam denegat, quam ut obtinerent, Christus mortuus pro solis electis, nec oravit,
neq.

nec sanguinem fudit, nec pretium obtulit redemptionis (433). Purum itaque, putumque, ut nonnulli contendunt, Molinistarum figmentum non est, *quinque* famosas Jansenii *propositiones* ex principio duarum delectationum *relative* invincibilium adeo necessario provenire, ut, illo posito, ipsæ negari nullatenus possint.

SCHOLION II.

182. Quod modo dixi de *quinque propositionibus*, de reliquis itidem *confectariis*, quæ ex eodem Janseniano duarum delectationum principio derivavi, velim intelligatur: videlicet ea quoque omnia necessario admitti debere, si principium illud pro vero habitum fuerit, atque concessum. Et illa siquidem eadem prorsus evidentia, qua ipsæ propositiones, ex eo principio, ut cuique facile constabit, qui rem attento animo considerare voluerit, deducuntur.

SCHOLION III.

183. Hæc porro cum ita sint, ambiget nemo, quominus Jansenianum principium duarum delectationum pro *graduum superioritate* invincibilium fuerit *jure ac merito*, quemadmodum ait Cl. P. Graveson, *a Catholica Ecclesia reprobatur ac proscriptum* (434), *altrimenti*, ut egregie observat Emin. Card. Besutius, *la Chiesa avrebbe reciso i rami* (quinque scilicet Jansenii propositiones censorio stimante configendo) *e lasciata in-*

(433) Ibidem cap. 2. §. 5. in fine.

(434) Class. 2. Epist. 6. pag. 126.

Intatta la radice del male contra ogni regola di buon governo (435). Itaque

COROLLARIUM.

184. *Ad penitus declinandam Jansenismi notam, satis non est, ut quinque Jansenii propositiones, tamquam omnino falsæ, proscribantur, sed necessario præterea requiritur, ut etiam Jansenianum principium duarum delectationum relative invincibilium palam aperteque rejiciatur. Hoc siquidem principio admissio, necesse est, ut etiam quinque memoratæ Jansenii propositiones, & quidem eo in sensu, quo & ab ipsomet Jansenio traditæ sunt, & ab Ecclesia proscriptæ, concedantur. Quæties enim aliqua erronea conclusio, inquit Cl. Tournely, per necessariam, & intimam connexionem ex certo principio deducitur, non tantum conclusio, sed & ipsum principium, unde necessario fluit, negari debet, nisi elare demonstretur, male ac distorte conclusionem illam a principio derivari, nec ullam cum eo habere connexionem (436). Oportet igitur, quemadmodum optime monet, recteque concludit Cl. P. Graveson, aut istud infestum Jansenii principium penitus repudietur, aut istæ admittantur consecutiones; alioquin, inquit ille, si quis, retento principio, illas negaret; similis esset illi, qui truncum, & radicem arboris servaret, & ramos inde pullulare nollet, quod sane absurdum, & ridiculum esset (437).*

OBSER-

(435) Apud P. Berti P. 2. *Apolog. Dissert. 4. c. 2. §. 6. n. 2.*

(436) Prælect. Theol. de Gratia Christi q. 9. art. 2. ad object. 7.

(437) Class. 1. Epist. 1. pag. 14.

OBSERVATIO III.

185. *Quinque Jansenii propositiones* oriuntur quidem ex famoso illius principio duarum delectationum *relative* invincibilium; verum non ita, ut ex illo uno ipsæ proveniant. Velint quippe, nolint, eas quoque omnes admittere debent ii, qui contendunt, nullam in hoc lapsæ naturæ statu dari gratiam mere *sufficientem*, sed omnem prorsus ita esse *efficacem*, ut eum semper totum, quem potest, & propter quem nobis datur, effectum obtineat; quique ajunt insuper, omnem anteriorem gratiam adeo necessario determinare voluntatem ad bene operandum, ut licet ipsam non cogat, nempe non efficiat, ut voluntas operetur invita, fieri tamen nullatenus possit, quin voluntas ipsa interiori gratiæ motioni reapse consentiat. Sane, si res penitius inspiciatur, non dubito fore, ut quisque videat, *quinque Jansenii propositiones* eatenus fluere ex illo principio, quatenus ex ipso sequitur, nullam dari gratiam vere *sufficientem*, quæ non sit *efficax*, & omnem *gratiam efficacem* indeclinabilem bene operandi necessitatem inferre voluntati. Verum ne pigeat, in hac re demonstranda aliquantulum immorari.

I.

188. Rejcta itaque *gratia* pure *sufficienti*, & sola *efficaci* admissa, detur necesse est I. *divina mandata* iis *omnibus*, qui illa *transgrediuntur*, esse *observatu impossibilia*. II. *interiori gratiæ* in hoc lapsæ naturæ statu *nunquam resisti*. III. *Christum Dominum* non pro *omnibus*,

bus, sed pro iis tantum, qui prædestinati sunt, mortem subiisse. Quî namque divina mandata transgrediuntur, certum est, carere *gratia efficaci*; cumque hæc sola detur, relinquitur, tunc omnem illis deesse gratiam; atque hinc eos exequi divina mandata tunc nequaquam posse. Similiter si sola detur *gratia efficax*, sicuti nunquam huic resistitur, ita nunquam resisti interiori gratiæ manifestum est. Postremo, cum solis prædestinatis *efficaces gratias* Christus morte sua obtinuerit (hi namque soli salvantur) si nulla alia præter *efficacem* detur gratia, illis dumtaxat gratiam, qua salvari possint, obtinuit. Ergo pro illis tantum mortuus Christus est, suumque sanguinem fudit.

II.

187. Quod si *gratia efficax* necessitatem bene operandi voluntati inferre dicatur, concedere profecto vel inviti debemus I. *ad merendum, & demerendum in hoc lapsæ naturæ statu non requiri libertatem a necessitate, sed sufficere libertatem a coactione.* II. *voluntatem nostram interiori gratiæ haud posse resistere.* Quî namque bene operantur, certum est, admittâ illa *gratiæ efficacis* vi & energia, non agere libere libertate a necessitate, sed tantum a coactione. Igitur, vel eos minime tunc mereri, dicendum est, vel demus oportet, in iis etiam illos mereri, quæ, licet non coacti, necessario tamen operantur; cumque contrariorum eadem sit ratio, etiam ad demerendum solam sufficere libertatem a coactione, concedendum est. Similiter si omnis interior Christi gratia sit *efficax*, & *gratia efficax* tantæ sit virtutis, ut voluntatem ad bene operandum neces-

sa-

fario, non tamen *coacte*, determinet, quis non videt; fore hinc, ut voluntas ipsa haud possit in hoc lapsæ naturæ statu interiori gratiæ resistere? Pugnantia enim sunt, posse voluntatem interiori gratiæ resistere, & voluntatem ipsam necessario indeclinabili necessitate ad bene operandum ab illa determinari. Quinque igitur Jansenii propositiones admittendæ sunt, tamquam veræ, non tantum ab iis, qui cum illo tenent principium duarum delectationum pro *graduum superioritate* invincibilium, verum ab iis etiam, qui, rejecta omni gratia pure *sufficienti*, solam *efficacem* admittunt, eamque etiam tantæ virtutis, ut voluntatem quidem ad bene operandum non cogat, verum adeo necessario ipsam determinet, ut non agere, quod justum est, illa nequaquam possit.

OBSERVATIO IV.

188. Quamvis certo certius sit, quemadmodum demonstravimus, non *moralem*, sed *veram*, *realem*, & *physicam necessitatem* intellexisse Jansenium, cum necessarium esse dixit, ut secundum id operemur, quod amplius nos delectat; videtur tamen ad declinandam (absit verbo invidia) Jansenismi notam nequaquam sufficere, ut famosum illud principium de *moralidumtaxat necessitate* intelligatur, sumta *moralis necessitate* non pro ea, quæ etsi raro, aliquando tamen fallit; sed pro illa, quæ certo & infallibiliter suum semper infert, obtinetque effectum.

Enim vero in primis videtur, *moralem necessitatem* hoc sensu intellectam, non *re*, sed *nomine* tantum a *physica* distingui. Siquidem cum *moralis necessitas*

tas.

tas operandi secundum vividiores delectationem reapi se non differat a *physica difficultate*, quam experitur, quamque superare debet voluntas, ne vividiori delectationi consentiat, *moralis necessitas* operandi secundum vividiores delectationem nequit esse hujusmodi ut nunquam fallat, nisi *physica illa difficultas* tanta quodque sit, quanta potest esse maxima: neque enim ejusmodi esse potest illa *necessitas*, quæ nunquam fallat, nisi illa *difficultas* tanta itidem sit, quæ nec superetur unquam, nec unquam sit superanda, nisi ad summum gradum jam ipsa pervenerit, quod nempe ea proportionem *intensive* illa crescat, qua numerus minuitur casuum in quibus ipsa superatur. *Physica autem difficultas* non operandi, in *physicam operandi necessitatem* degenerat, cum illa evadit tanta, quanta potest esse summa. Sicuti enim *habitus*, quo magis crescit accedit ad *naturam*, adeo nimirum, ut tandem in naturam transeat, seu ut vulgo dicitur, fiat veluti *altera natura*: ita quo major sit *difficultas physica* non operandi, eo magis ad ipsam *physicam necessitatem* accedit, ita nempe ut *summa* non operandi *difficultas* dici verissime possit *physica operandi necessitas*, & vicissim *physica necessitas operandi*, *difficultas* summa non operandi possit rectissime nuncupari. Confirmatur: ideo hujusmodi difficultas nunquam fuit superata, nec deinceps superabitur, quia a cœlesti vel carnali venit delectatione *superiori*. Si hoc negetur, concedendum erit voluntatem ex æquo fore pro arbitrio suo operaturam; quando vel sub æqualibus delectationibus sit, cœlesti nimirum & terrena, quo supposito jam duarum delectationum systema rueret necesse est ut consideranti patet. Jam vero cum homo delectationem illam reddere

Q

in-

inferiorem minime possit, consequens est, ut neque illam difficultatem valeat superare: indeque cum delectatio non *moraliter* gradibus superior sit, sed *physice*, illa quoque impotentia quæ inde oritur, non *moralis*, sed *physica* jure ac merito debet nuncupari. Quis enim a delectatione non *moraliter*, sed *physice* superiori poterit rationabiliter *moralem* non *physicam* operandi necessitatem, vel *moralem*, non *physicam* resistendi impotentiam derivari? Ille unus sane, qui in verborum delectetur collusionem. Ergo *moralis necessitas* operandi, quæ nunquam fallat, a *physica* operandi *necessitate* diversa reapse non est; ac proinde dici non potest, voluntatem nostram ea necessitate obsequi vividiori delectationi, quæ certo & infallibiliter suum semper effectum obtineat, quin, necessario *necessitate physica*, voluntatem ipsam secundum vividiorem delectationem operari, itidem concedatur. Præterea tanta nequit esse illa operandi necessitas quæ nunquam fallat, nisi ex horum alterutro ipsa proveniat; nimirum vel ex eo quia voluntas, dum sub vividiore delectatione est, revera careat *potentia physica* operandi: vel ex eo quia illa potentia ita sit a vividiore delectatione ligata, ut exerceri ab ipsa voluntate non amplius possit. Cur enim voluntas nunquam velit, neque volitura unquam sit vividiori delectationi non obsequi, si expeditam non volendi potentiam habeat? Cuinam voluntatis bono inservit illa non operandi expedita potentia, si nunquam prorsus ad actum reducenda est? Nihil certe frustra fingi in mundo posset, si ejusmodi potentia in voluntate non sit frustranea; illudque famosum *rationis sufficientis* principium omnino corrueret, si expeditam potentiam non obsequendi vividiori delectationi in voluntate

luntate admittamus, quamvis nunquam fuerit, nec unquam futurus sit casus, in quo voluntas ipsa delectationi vividiori reapse non consentiat. Jam vero siue dicatur, voluntatem nostram, dum sub vividiore delectatione est, carere *potentia physica* non operandi; siue ponatur, potentiam hanc voluntatis ita esse a vividiore delectatione ligatam, ut exerceri ab ipsa voluntate nullatenus possit, stat ex æquo, voluntatem ipsam necessario, *necessitate non morali*, sed *physica*, secundum id, quod magis ipsam delectat, operari. Non minus quippe necessario, *necessitate physica*, manet immotum, quod *physica* sese movendi *potentia* destitutum est, quam quod eam habet ita ligatam, ut suum in actum exire ipsa non possit. Ergo necessitas, cui subjecta ponitur voluntas, obsequendi vividiori delectationi, nequit esse tanta, quæ nunquam fallat, nisi non *moralis*, sed *vera*, *realis*, & *physica* ipsa sit.

Rationi porro valida accedit auctoritas. Concedunt enim ipsimet Jansenii fautores, perinde omnino esse ad illius systema propugnandum, siue *physice*, siue *moraliter* necessarium esse ponatur, ut secundum vividiores *indeliberatas* delectationem voluntas nostra operetur, modo ratum fixumque maneat. I. hanc necessitatem oriri ex ipsa delectatione, quatenus suam contrariam superat. II. illam necessitatem esse hujusmodi, quæ nunquam fallat. *Infallibilem dominantis in corde amoris effectum*, quis vetet, inquit Vendrokus, etiam *physicum* appellare? Nec veto, pergit ille, ut etiam *moralem* appelles, dummodo hoc modo nihil effectus infallibilitati deroges (438). Tenet Dionysius Raymondus, in doctrina Jansenii ardentior cupido-

Q2

non-

(438) Dial. in Epist. 18. Montaltii.

nonnisi moraliter determinare voluntatem ad malum (439): Audacissimus quoque Janfenii Defensor D. de Vvitte, hac, inquit, *justitiæ in damnata Adami stirpe impossibilitas, atque ad resistendum peccato languor, & imbecillitas, vera & propria (physica nimirum) justitiæ impossibilitas, aut ad peccandum necessitas dici non potest, nec debet* (440). Vides ergo, ut Cl. Viri de catholica doctrina optime meriti Tournely verbis utar, *quam bene palato janse- nianorum sapiat infallibilitas illa moralis, quæ dele- ctando operatur, quamque parum intersit, utrum phy- sica, vel moralis illa dicatur, modo istud stet inconcus- sum, hujusmodi infallibilitatis effectum oriri ex delecta- tione superiori* (441)?

Demum si æquo, attentoque animo ea confectaria considerare, & sanctuarii lance librare velimus, quæ necessario admittenda sunt, si detur, nonnisi moraliter esse impossibile, hoc est, non esse nisi apprimè diffici- le, ut voluntas nostra secundum vividiores delectationem non operetur, neminem catholicorum spero fore, cui plurimum negotii non facessat. Patebit quippe, hoc admisso principio, eo nos vel invitos cogi, ut dica- mus, multa nobis in Evangelio præcipi, multaque pro- hiberi, quæ licet *physice impossibilia* observatu non sint, plerumque tamen sunt nobis adeo difficilia, ut sine dif- ficultate nunquam superanda neque impleri a nobis va- leant, neque vitari; & ideo Christi jugum, secus pla- ne ac ipse Christus verissime dixit (442), suave neu- tiquam esse, nec onus ejus leve.

Re-

(439) Cap. 5. Paralleli.

(440) P. 1. Augustini Yprensis vindicati cap. 16.

(441) Prælect. de Gratia Christi q. 9. art. 2. ad object. 7.

(442) Matth. cap. 11. v. 30.

Revera illius Systematis propugnatores admittere debent tamquam confectaria, ea omnia quæ hic subijcio.

189. I. Esse moraliter impossibile, ut operemur, quod justum est, nisi tantum delectationis cœlestis in nobis fuerit, quæ carnalem cupiditatem intensive excedat: indeque dandum est

II. Sine gratia efficaci esse *moraliter impossibile*, ut bene agamus. Similiter

III. Vigente tentatione, nos *neccessario morali necessitate*, peccaturos, nisi tantum delectationis cœlestis in nobis tunc fuerit, quæ carnalem cupiditatem, quæ in malum urgemur intensive superet, ac proinde

IV. Esse *moraliter impossibile* sine gratia efficaci, ne, tentatione urgente, in peccatum labamur.

V. Esse *moraliter impossibile* ut is male agat, in quo delectatio cœlestis terrenam superat; & *vicissim* ut is bene operetur, in quo delectatio terrena cœlestem excedit; propterea

VI. Esse *moraliter impossibile*, ut is male agat, qui gratia efficaci donatus est; & *vicissim*, ut is bene operetur, qui illa gratia caret.

VII. Tamdiu *neccessario morali necessitate* nos in bono perseveraturos, quamdiu delectatio cœlestis in nobis prævaluerit terrenæ. At hæc moralis necessitas S. Ambrosio ignota penitus fuit; non enim rotundis verbis dixisset, *virginitatem martyres facere*, si *neccessario* moraliter in virginitate perseverassent, qui virgines fuere.

VIII. Nos tamdiu *neccessario, morali necessitate*, in bono perseveraturos, quamdiu in nobis erit gratia efficax; & *ex adverso* tamdiu obstinatos in malo nos esse futuros, quamdiu illa gratia nobis defuerit. *Moraliter*, enim necessarium est in dato systemate, ut

superiori delectationi obsequamur; sicuti ex adverso est moraliter impossibile, ut delectatione inferiori consentiamus. Ulterius

IX. Quidquid modo agimus, necessario *moralī necessitate* vel bonum esse, vel malum. Necessario enim ex cœlesti, aut ex terrena delectatione nascitur.

X. Voluntatem nostram necessario *moralī necessitate* in omni actu suo peccare, nisi tanta in ea fuerit delectatio cœlestis, quæ terrenam intensive superet. Quippe terrenæ delectationi in omni actu suo voluntas nostra tunc obsequatur, *moraliter* necesse est. Unde sequitur,

XI. Necessario, *moralī necessitate*, voluntatem nostram, si gratia efficaci destituta fuerit in omni actu suo peccare.

XII. Necessario *moraliter* nos, & quod iustum, & quod iniustum est, operari. Necessario enim, *moralī necessitate*, vividiori delectationi secundum hoc systema obsequimur.

XIII. Voluntatem nostram sub gratia efficaci non esse liberam in operando libertate a necessitate moralī; necessario nempe moralī necessitate secundum ipsam semper & infallibiliter operatur.

XIV. Omnem interiorem gratiam Christi vel esse efficacem, vel moraliter insufficientem. Cœlestis enim delectatio, in qua gratia statuitur, vel intensive excedit delectationem terrenam, & tunc est *gratia efficax*; vel ab illa intensive deficit, & tunc est *gratia moraliter insufficientis*; cum nempe sit *moraliter impossibile*, ut bene per illam operemur.

XV. Solam gratiam efficacem esse moraliter sufficientem. Etenim nonnisi per illam *moraliter* possibile est ut bene agamus.

Con-

XVI. Concedamus quoque, necesse est, præcepta Dei iis, qui illa transgrediuntur, esse observatu *moraliter impossibilia*. Qui enim Dei mandata non implent, ea carent delectatione coelesti, quæ gradibus superior sit terrenæ; ac proinde ea gratia destituti sunt sine qua *moraliter impossibile* ipsis est ut divina mandata adimpleant. Quam terribilis sit hæc moralis impossibilitas cum infallibilitate conjuncta, nemo non videt; quam grave reddatur in hoc systemate onus Christi, nemo non sentit.

XVII. Nos interiori illi gratiæ nunquam resistere, cui consentire *moraliter* possibile nobis est. Perspicuum est enim juxta hoc systema ei tantum delectationi nos posse *potentia morali* consentire, quæ gradibus suis contrariam superat. Huic autem nunquam resistimus; alioquin necessarium non esset *moralis necessitate*, quæ nunquam fallit, ut delectationi vividiori obsequamur; ergo interiori gratiæ, cui consentire *moraliter* nobis possibile est, nunquam resistimus. Hujusce propterea systematis propugnatores ostendere debent, quomodo secundam ipsi nequaquam admittant Jansenii damnatam propositionem, cum quolibet resistantia in eorum systemate, non a voluntate humana, sed a relative superiori delectatione sit repetenda.

XVIII. Ad merendum & demerendum in statu naturæ lapsæ non requiri libertatem a *necessitate morali*. Cum enim hoc admissio systemate, necessario *necessitate morali* agamus ipsi, quidquid modo agimus tam boni, quam mali, in nullo, nec meremur modo, nec demeremur, si libertas a *necessitate morali* ad merendum & demerendum foret necessaria,

XIX. Omnem interiorem gratiam Christi vel esse

talem, cui moraliter non possumus obtemperare, vel talem, cui moraliter non possumus resistere. Cœlestis enim delectatio, in qua consistit interior gratia Christi, vel major est carnali cupiditate, vel est ipsa cupiditate minor. Si major: cum necessarium sit, ut illi obsequamur, liquet nos moraliter non posse illi resistere. Si minor: cum sit moraliter impossibile, ut illi consentiamus, manifeste apparet, eidem nos minime posse potentia morali obtemperare; adeoque &c.

XX. Demus postremo necesse est, Christum Dominum, non pro omnibus, sed pro solis prædestinatis mortuum esse, suumque sanguinem fudisse, si pro iis mortuus ille fuisse dicatur, quibus auxilia ad vitam æternam comparandam *moraliter sufficientia* sua passione atque morte obtinuit. Cum enim hoc admissio systemate, sola gratia efficax sit *auxilium moraliter sufficiens*, pro iis tantum Christus Dominus mortuus est quibus gratiam efficacem obtinuit; & ideo cum solis prædestinatis hæc finaliter ab eo conferatur, pro illis tantum mortuum esse Christum, dicamus oportet.

SCHOLIUM.

190. Mutato vocabulo *necessitatis*, & *impossibilitatis physica* in necessitatem & impossibilitatem moralem, eodem modo, iisdemque verbis, quibus *Conseſſaria* Janseniani systematis ostensa sunt, hæc itidem omnia facillime demonstrantur; indeque, cum admissio principio duarum delectationum pro graduum superioritate *moraliter* invincibilium, necessario concedenda sint, dubium esse nequit, quin hoc principium rejici

a Viro Catholico debeat, si vel illa omnia, vel etiam aliqua dumtaxat nequeant tuta fide, salvaque religione defendi.

ANIMADVERSIO,

161. In ferendo de hisce confectariis judicio velim præ oculis semper habeatur, *moralem necessitatem*, quæ voluntas obsequi ponitur vividiori delectationi, esse tantam, quæ nunquam fallat; tantam quoque esse in ipsa voluntate *moralement impossibilitatem* operandi secundum delectationem debiliorem, ut *physica difficultas*, ex qua illa desumitur, nunquam a voluntate ipsa superetur, nec unquam ab illa superanda sit; & tandem præ oculis habeatur velim, ab hac *physica summa difficultate* nonnisi improprie *moralement necessitatem*, & *moralement* ex adverso *impossibilitatem* derivari, indeque jure ac merito hujus systematis propugnatores criminari, utpote qui in verborum collusione delectentur. Ac ne dicant, omnino gratis, hujusmodi ipsis invidiam constari, pro complemento hujusce Animadversionis, & primæ Partis, ostendo brevissime, collusionem verborum revera fore, quando ajunt, voluntatem sola gratia sufficienti adjutam, absque cœlesti relative superiori delectatione, physice posse Dei mandatum implere, quamvis nunquam impleverit, nec impletura sit. Et quoniam actuale mandatorum implementum voluntati sine cœlesti superiori delectatione nolunt concedere, eo quod justus tunc se discerneret ab injusto, contra id quod Apostolus docuit, ac millies repetunt ipsi, *quis te discernit?* liceat sic argumentari. Actû cooperari soli gratiæ sufficienti, & Dei mandatum implere

abf-

absque superiori cœlesti delectatione, vel est se discernere, vel non est se discernere? Si est se discernere; ergo, cum ipsis fatentibus possit homo cooperari, potest & se discernere, vel si non potest se discernere absque cœlesti superiori delectatione, verbis ludunt, quando ajunt, voluntatem absque superiori cœlesti delectatione posse Dei mandatum implere. Si vero hominem actu cooperari gratiæ sufficienti, & absque superiori cœlesti delectatione mandatum Dei implere, non est se discernere; ergo quamvis homo sola gratia sufficienti adjutus Dei mandatum actu impleat, neutiquam se discerneret eo sensu, quo Apostolus docuit non esse possibile. Si hujusmodi arguendi modus neutiquam arridet, non sperni ab erudito Viro debet, sed confutari. Quippe si secus, nunquam sane fiet, ut suadeant, immunes se esse ab omni Jansenismi suspitione, qui *efficaciam* divinæ gratiæ ex superioritate graduum relative ad carnalem cupiditatem derivant. Si quis vero dicat, mysteria hæc esse, quæ nec intelligi ab hominibus possunt, nec explicari: optime quidem dicit; at quoniam operibus contradicit, reponam, melius consilium propterea fore, si nullum de gratia systema fidelibus proponatur, præter id quod ab Ecclesia est definitum. Enimvero *quod neque intelligi neque sentiri potest, temerariam nimis, atque nugatoriam gignit opinionem* (443).

PARS

(443) S. Aug. Epist. 13. alias 218.

PARS SECUNDA.

JANSENII SYSTEMA

DE MEDICINALI GRATIA CHRISTI

Theologice confutatur.

PROPOSITIO I.

Systema Jansenii manifeste adversatur
Sacrae Scripturae.

I.

292



IVINÆ Scripturæ absdubio adversatur primo, hominem necessario *necessitate physica* agere modo quidquid agit, sive boni, sive mali, ita nempe ut non alia in illo sit libertas, nisi a *coactione*: contrarium quippe in ea adeo certum perspicuumque est, ut nonnisi a protervo negari possit. Primo etenim Cainum, qui irato animo ferēbat, sacrificia sua non esse Deo grata, sic Deus ipse interpellat, iratumque demulcet: *quare iratus es? Et cur concidit facies tua? Nonne si bene egeris, recipies; sin autem male, statim in foribus peccatum aderit? Sed sub ea erit appe-*

ti4

titus ejus, & tu dominaberis illius (1). Concupiscentia ergo, qua ad malum sollicitamur, ita sub nostra est potestate, ut, divina gratia adjuti, eam compescere, ac refrænare possimus; atque hinc ita nobis est liberum male, & bene agere, operari, & non operari, ut necessitas nulla sit, quæ nos ad alterutram partem indeclinabiliter determinet. Secundo: convocato universo populo, jubet Josue, ut novo nexu ad alterutrum se ille adstringat, ad cultum scilicet perpetuo servandum vel Dei Patrum suorum, qui ipsum ex Ægypto eduxerat, vel inanum Deorum, qui a Gentilibus colebantur. *Optio vobis datur* (ita ille ad populum). *Eligite hodie, quod placet, cui servire potissimum debeatis: utrum Diis, quibus servierunt patres vestri in Mesopotamia, an Diis Amorrhæorum, in quorum terra habitatis. Ego autem, & domus mea serviemus domino* (2). Jam vero, si ad agendum tam quod justum, quam quod injustum est, adeo necessaria determinatus est homo, ut secus velle non possit, quomodo dicere potuit Josue populum alloquens: *optio vobis datur: eligite hodie quod placet?* Nulla quippe optio est, electio nulla, ubi nulla est libertas, sed mera necessitas. Unde Cl. Pctavius hunc memorans S. Scripturæ locum, nullum, inquit, exprimendo populi consensu non modo violentiæ, sed neque necessitatis indicium (in illo) cernitur. Plena utriusvis (quocunque tandem animo fecerit Josue, de quo modo non agitur) optandi, eligendique potestas ostenditur, ut quasi suspens-

(1) Geneseos cap. 4. n. 6.

(2) Josue cap. 24. v. 15.

pensa, & in medio posita voluntas, alterum, quod vo-
let, e duobus asciscat (3). Tertio: Deus, inquit Je-
sus filius Sirach, Ecclesiastici auctor, ab initio consti-
tuit hominem, & reliquit illum in manu consilii sui.
Adjecit mandata, & praecepta sua. Si volueris man-
data servare, conservabunt te. . . Apposuit tibi ignem,
& aquam: ad quod volueris porrige manum tuam. An-
te hominem vita, & mors; bonum, & malum: quod
placuerit ei, dabitur illi (4). Hæc sane si attento, &
æquo animo considerentur, non dubito fore ut quisque
vel invitatus fateri cogatur cum laudato Cl. Petavio, Au-
thorem illum non potuisse expressioribus, ac magis uti
conceptis vocibus, & sententiis, si inter nos viveret; ac
de lite nostra judicaret, quam isthic fecit, ut liberta-
tis humanæ arbitriique liberi naturam, ac propieta-
tem describeret (5). Si enim in manu consilii sui relictus
est: ergo electio in illius libera, est potestate; sique
ante illum posita sunt ignis, & aqua, bonum, & ma-
lum, vita, & mors, ut eligat quodcumque placuerit:
ergo ita potest utrumque, ut ad neutrum sit ineyitabi-
li necessitate determinatus. Ridiculum quippe est, ho-
minem monere, ut ex duobus oppositis eligat, quod
sibi magis placet, si nonnisi unum placere illi possit,
& unum dumtaxat possit ille eligere. Egregie propte-
rea, ut assolet, S. Augustinus memoratis Ecclesiastici
verbis epiphonema illud subjecit: Ecce apertissime vi-
demus expressum liberum humanæ voluntatis arbitrium
 (6) Respondet Calvinus, Ecclesiasticum loqui de libe-

ro

(3) Lib. 3. *de Opificio sex dierum* cap. 2. n. 7.

(4) Ecclesiastici cap. 15. n. 14. & seqq.

(5) Loco citato n. 3.

(6) Lib. *de Gratia, & libero arbitrio* n. 3. alias cap. 2.

ro arbitrio hominis innocentis, non vero lapsi, cum in manu consilii sui illum relictum fuisse scribit (7). At hæc responsio nihil prorsus ipsum juvat. Loquitur quidem Ecclesiasticus eo loci de homine innocente; verum non eo sensu, ut significare voluerit, ad illum dumtaxat, quæ ibidem tradit, pertinere. Patet ex ipsa causa, serieque sermonis. *Studet ibi sapiens*, inquit Cl. Petavius, *a peccato committendo detertere homines, & si quid mali fecerint, admonet, ut ne causam illius, & invidiam in alium transferant, sed sibi imputent ipsi, utpote quos ad peccandum nullæ res alia, præter ipsorum voluntatem, compulerit. . . . Cum igitur loci illius hæc sententia sit, quid absurdius, quam ad vitandum peccatum incitare homines eo velle, quod primus illorum parens liberam ejus potestatem, antequam peccaret, habuit, si eam peccando tam sibi, quam posteris amisit? Nam si recte ratiocinatio ista procedit, poterat eadem ad hoc uti, ut homines ad omnes corporis, animique molestias, famem, sitim, ægritudinem, ac mortem ipsam denique propulsandam hortaretur; tum ad pristina illa, quibus innocens vallatus erat Adamus, capienda, fruendaque commoda, quod id olim in potestate primus ille parens habuerit. Quod si dementis est argumentari sic, vide an non contumeliosi in Deum sint, qui illius verbo parem, & eandem ratiocinationem, ac sententiam subjiciunt, dum, illis interpretantibus, Ecclesiastici author ad illum liberæ voluntatis usum excitat Adami posteros, quem solus ante peccatum Adamus exercere potuit: illi ipsi quos alloquitur, parentis sui culpa posse desierunt (8). Ratio præ-*

(7) Lib. 1. *Instit.* cap. 15. §. 8. & lib. 2. cap. 5. §. 18.

(8) *Eench. Theriaca Vincentii Lenis* cap. 20. n. 5.

præterea, propterquam Calvinus negat in homine lapso *indifferentiæ*, sive *exercitii* libertatem, vel nulla est, vel ipsum urget, quemadmodum observat doctissimus Bellarminus, ut neque in homine innocente, contra prorsus ac ipse expresse docet (9), illam admittat. Est enim illius ratio, quia libertas *indifferentiæ* in homine nequit cum divina providentia componi. Certum est autem, providentiam Dei ab hominis lapsu non cæpisse. Ergo vel neque ante lapsum liber fuit homo, ne scilicet divina providentia tunc lederetur; vel etiam post lapsum liber ille est, quin labes aliqua divinæ providentiæ propterea inferatur. Itaque, ut alia plurima S. Scripturæ oracula, compendii gratia, præteream, ex hætenus traditis luculentissime patet, Systema Jansenianum in eo primum S. Scripturæ adversari, quod, rejecta libertate a *simplici necessitate*, solam in homine tam circa bonum, quam circa malum libertatem a *coactione* admittat.

ANIMADVERSIO.

193. Silentio prætereundum non est, omnem humanam vitam subverti, frustra leges dari, frustra objurgationes, landes, vituperationes, exhortationes adhiberi, si Jansenianum systema admittatur. Enimvero, dum urget lex, & admonitionibus ac minis ad componendam vitam nostram excitamur, vel cælestis illa delectatio, sub qua voluntas sola gaudet libertate a *coactione*, superat delectationem terrenam, vel ab illa deficit. Si superat: frustranea est lex, frustraneæ admonitiones; nam, cum admissio Jansenii principio *necessarium*

(9) Lib. 4. de Gratia & libero arbitrio cap. 7.

rium physice sit, ut cœlesti superiori delectationi voluntas nostra obsequatur, ipsa tunc ageret quod justum est, quodque injustum devitaret, quamvis nulla tunc esset lex, quæ bonum nobis præciperet, nulla quæ malum prohiberet. Si vero delectatio cœlestis a terrena *intensive* tunc deficit, lex omnis, posito illo principio, esset prorsus injusta. Quis enim non videt, illam tunc præcipere, quod nobis *est physice* impossibile; cum vigente delectatione carnali, fieri juxta Jansenium minime possit, quin illi consentiamus, ac proinde quin, quod injustum est, operemur? Fatendum est, ait S. Hieronymus, *possibilia Deum dedisse mandata, ne ipse auctor injustitiæ sit, si exigat fieri, quod fieri non potest* (10). Admitti ergo nequit systema divinæ gratiæ Jansenianum, quin leges omnes vel rideantur veluti omnino frustraneæ, vel rejiciantur tamquam prorsus injustæ.

COROLLARIUM I.

194. Virtuofam proinde nobis suadenti vitam respondere illud tunc jure possumus, si Jansenium audiamus, quod olim contra fatalistas præclare scripsit Eusebius: *non sunt potestatis hæc meæ, o Doctor, & ideo quid oportet, sollicitum esse, nisi hæc etiam sollicitudo mihi fatis* (idem est, delectatione cœlesti relative victrice) *destinata sit* &c.... *Faciám enim, si fata volunt* (nempe si delectatio cœlestis terrenæ in me prævaluerit delectationi): *imo vero laborandum mihi non est; aderit enim necessario, quod fatatum est* (11). Insuper

(10) Lib. I. contra Pelagianos.

(11) Lib. 6, de præp. Evangél. cap. 6.

COROLLARIUM II.

195. Si Janfenianum admittamus principium duarum delectationum pro graduum superioritate invincibilem, sub quibus voluntas non nisi libertate a *coactione* prædita sit, mutatis verbis Manichæismum profiteamur. Ex Ecclesiastica enim historia satis constat (quidquid inepte contendat Vincentius Lenis a Cl. P. De-champs (12) ad superfluitatem usque abunde confutatus) Manichæismum in eo potissimum fuisse positum, primo ut sint in nobis, seu totidem animæ, duo contraria, & contra se invicem indefinenter pugnantia principia, alterum scilicet bonam, alterum malum. Secundo, ut ex hisce principiis omnes humanæ actiones proveniant, nempe ex principio bono omnes actiones bonæ, & ex principio malo omnes actiones malæ. Tercio, ut homo necessario *necessitate inevitabilitatis* bene vel male operetur, prout unum vel alterum duorum illorum principiorum prævaluerit; videlicet ut homo necessario agat quod justum est, in ipso prævalente principio bono; contra vero ut agat, quod injustum est, in eodem prævalente principio malo. Quænam major Janfenismus inter; & Manichæismus concordia? Janfenius docet, duas in nobis esse contrarias delectationes, *cælestem* scilicet & *terrenam*, ex quibus omnes actiones nostræ proveniant. Docet, omnes nostras actiones bonas ex delectatione cælesti originem suam trahere; contra vero ex delectatione terrena omnes nostras actiones malas. Docet demum, nos necessario *necessitate inevitabilitatis* operaturos, quod justum est, si cælestis

R

de-

(12) Lib. 2. de libero arbitrio disp. 2. cap. 25. & 26.

delectatio, qua ad bonum movemur, prævaluerit terrenæ; operaturos vero quod est injustum, si delectatio terrena, qua in malum flectimur, cœlestem intensive superaverit. Ergo non est cur Janseniani contendant a Manichæis segregari, qui non necessitatem *conditionis*, sed *simplicem* necessitatem intelligunt, cum asserunt, nos non *libere*, sed *necessario* quidquid agimus tam boni, quam mali, operari. Non enim adeo rudes illi erant, & imperiti; ut crederent, voluntatem nostram cogi ad volendum posse.

Neque Jansenianos juvat, quod scripserat Calvinus (13) ut incautis suaderet, a Manichæorum, ceterorumque humanæ libertatis hostium opinione sententiam suam discrepare, videlicet necessitatem male operandi, cui ipse subjectam modo esse asserit humanam voluntatem, ab se deduci ex culpa ipsius hominis; contra vero ab illis ex ipsa hominis natura repeti. Hoc, inquam, Calvinus effugium ne minimum quidem discipulum sui Jansenium juvat. Enimvero non est hic questio, undenam factum fuerit, ut voluntas nostra in operando tam bene, quam male non sit libera a *simplici necessitate*; sed an homo hujusmodi operandi libertate etiam post Adæ lapsum polleat, num vero illam plane amiserit. Affirmativam partem tenent Catholici omnes, eamque docet divina Scriptura, tenuere Ecclesiæ Patres, definierunt Concilia. Effugia propterea hujusmodi ridicula sunt, & ab iis hominibus inventa, qui cum manifestæ veritatis luce sint oppressi, lectores suos ludificari, atque alio avocare omni dolo student.

II.

(13) Lib. 5. contra Pighium.

II.

196. Adversatur secundo S. Scripturæ Jansenianum systema, eo quod, contra prorsus atque in ipso tradatur, illa aperte doceat, nihil, quod observari impossibile sit, nobis a Deo præcipi. Primo siquidem Moyses populum alloquens in persona Domini, *mandatum*, inquit, *hoc, quod ego præcipio hodie; non supra te est* (14), hoc est, non supra vires tuas, divina utique gratia adjutas. Secundo: affirmat Christus, jugum suum suave esse, & onus leve (15). Quis autem non videt, jugum Evangelicæ legis, ejusdemque onus dicendum esse, & reipsa non suave, non leve, sed amarissimum atque gravissimum fore, si mandata legis, quemadmodum dicitur in systemate Janseniano, ne a justis quidem observari semper possunt? Postremo: testatur Apostolus ad Corinthios scribens, a Deo non permitti, ut supra vires tentemur. *Fidelis*, inquit, *Deus est, qui non patietur; vos tentari supra id, quod potestis* (16). Si autem Deus jubet impossibilia, necdum permittit, ut supra vires tentemur, sed tentat ipse supra id, quod possumus. Est igitur contra divinam Scripturam, nobis a Deo præcipi impossibilia.

III.

197. Systema Jansenianum adversatur tertio divinæ Scripturæ, quia in illo ratum habetur, interiori gratiæ

R 2

in

(14) Deuter. cap. 30. v. 11.

(15) Matthæi cap. 11. v. 30.

(16) Epist. 1. cap. 10. v. 3.

in statu naturæ lapsæ nunquam resisti; hæc vero manifeste tradit ex adverso, nos divinæ gratiæ non semper assentiri, sed illam haud raro vacuum reddere. Ait enim primo Deus ipse: *Vocavi & renuistis; extendi manum meam, & non fuit qui aspiceret. Despexistis omne consilium meum, & increpationes meas neglexistis* (17). *Vocavi; & non erat qui audiret* (18). *Locutus sum ad vos mane confurgens, & loquens, & non audistis; & vocavi vos, & non respondistis* (19). Certum est autem, Deum nos vocare, & ad nos loqui, quatenus sua interiori gratia intellectum nostrum illuminat, ut cognoscat, quid faciendum sit, & voluntatem nostram movet, & excitat, ut, quod faciendum novimus, opere compleamus. Ergo, si homo non semper respondet vocanti Deo, ipsam loquentem non semper audit, relinquitur sane, ut non semper consentiat interiori illius gratiæ, sed ei sæpe, resistat. Ait secundo, per os Jobi loquens: *ipsi fuerunt rebelles, lumini* (20), nempe divinæ gratiæ qua illuminabantur, & accendebantur, ut bene agerent. Loquens itidem per Isaiam, *expectavi*, inquit, *ut faceret uvas*, scilicet opera bona per gratiam illi collatam, & *fecit labruscas*, nempe opera mala, resistendo divinæ gratiæ, eique non consentiendo. *Quid debui*, propterea dixit, *ultra facere vineæ meæ, & non feci* (21)? Quibus verbis manifeste significatur, gratiam homini non deesse, qua bene operetur; atque hinc si non agit, quod justum est,

hanc

(17) Proverb. cap. 1. v. 24. & 25.

(18) Isaia cap. 50. v. 2.

(19) Jeremia cap. 7. v. 13.

(20) Job cap. 24. v. 13.

(21) Isaia cap. 5. v. 2. & 4.

hanc unam esse causam, quia gratiæ resistit: cui ap-
prime consonat illud Christi Domini: *Quoties volui*
congregare filios tuos, quemadmodum gallina congre-
gat pullos suos sub alas, & noluisti (22). Accedit po-
stremo & illa S. Stephani increpatio: *Vos semper Spi-*
ritui Sancto resistitis (23). Quis autem non videt, no-
mine Spiritus Sancti divinam gratiam a S. Protomar-
tyre intelligi? *Opus Spiritus Sancti*, inquit Cl. Staple-
tonus, *proprium est intus movere. Sane in solo externo*
ministerio, nisi Spiritus Sanctus cor tangat, Spiritus
Sanctus in ipso audiente nihil operatur: ubi autem ni-
hil operatur, ei nec resistitur, nec obeditur..... Qui sine
ullo motu divino interno Prophetam contemnit, non re-
sistit proprie, & directe Spiritui Sancto, utpote qui
nihil eum movebat, sed personæ quam audit. Itaque,
concludit Vir Eximius, *resistit Spiritui Sancto, qui ejus*
internis motibus resistit (24). Sacræ ergo Scripturæ ad-
versatur, interiori gratiæ in statu naturæ lapsæ nunquam
resisti, quod a Calvino didicit, & in suo Augustino
tradit Jansenius.

IV.

198. Quarto: est omnino contra divinam Scriptu-
ram id quod docetur in systemate Janseniano, ad me-
rendum scilicet, & demerendum in statu naturæ lapsæ
non requiri libertatem a *necessitate*, sed sufficere liber-
tatem a *coactione*. Et primo quidem, hominem non
mereri, nec demereri in iis, quæ necessario agit, sed

R 3

in

(22) Matthæi cap. 23. v. 37.

(23) Actorum cap. 7. v. 51.

(24) Tom. 3. pag. 375.

in statu naturæ lapsæ nunquam resisti; hæc vero manifeste tradit ex adverso, nos divinæ gratiæ non semper assentiri, sed illam haud raro vacuum reddere. Ait enim primo Deus ipse: *Vocavi & renuistis: extendi manum meam, & non fuit qui aspiceret. Despexistis omne consilium meum, & increpationes meas neglexistis* (17). *Vocavi; & non erat qui audiret* (18). *Locutus sum ad vos mane confurgens, & loquens, & non audistis; & vocavi vos, & non respondistis* (19). Certum est autem, Deum nos vocare, & ad nos loqui, quatenus sua interiori gratia intellectum nostrum illuminat, ut cognoscat, quid faciendum sit, & voluntatem nostram movet, & excitat, ut, quod faciendum novimus, opere compleamus. Ergo, si homo non semper respondet vocanti Deo, ipsum loquentem non semper audit, relinquitur sane, ut non semper consentiat interiori illius gratiæ, sed ei saepe resistat. Ait secundo, per os Jobi loquens: *ipsi fuerunt rebelles lumini* (20), nempe divinæ gratiæ quæ illuminabantur, & accendebantur, ut bene agerent. Loquens itidem per Isaiam, *expectavi*, inquit, *ut faceret uvæ*, scilicet opera bona per gratiam illi collatam, & *fecit labruscas*, nempe opera mala, resistendo divinæ gratiæ, eique non consentiendo. *Quid debui*, propterea dixit, *ultra facere vineæ meæ, & non feci* (21)? Quibus verbis manifeste significatur, gratiam homini non deesse, quæ bene operetur; atque hinc si non agit, quod justum est,

hanc

(17) Proverb. cap. 1. v. 24. & 25.

(18) Isaiæ cap. 50. v. 2.

(19) Jeremiæ cap. 7. v. 13.

(20) Job cap. 24. v. 13.

(21) Isaiæ cap. 5. v. 2. & 4.

hanc unam esse causam, quia gratiæ resistit: cui ap-
prime consonat illud Christi Domini: *Quoties volui*
congregare filios tuos, quemadmodum gallina congre-
gat pullos suos sub alas, & noluisti (22). Accedit po-
stremo & illa S. Stephani increpatio: *Vos semper Spi-*
ritui Sancto resistitis (23). Quis autem non videt, no-
mine Spiritus Sancti divinam gratiam a S. Protomar-
tyre intelligi? *Opus Spiritus Sancti*, inquit Cl. Staple-
tonus, *proprium est intus movere. Sane in solo externo*
ministerium, nisi Spiritus Sanctus cor tangat, Spiritus
Sanctus in ipso audiente nihil operatur: ubi autem ni-
hil operatur, ei nec resistitur, nec obeditur..... Qui sine
ullo motu divino interno Prophetam contemnit, non re-
sistit proprie, & directe Spiritui Sancto, utpote qui
nihil eum movebat, sed personæ quam audit. Itaque,
concludit Vir Eximius, *resistit Spiritui Sancto, qui ejus*
internis motibus resistit (24). Sacræ ergo Scripturæ ad-
versatur, interiori gratiæ in statu naturæ lapsæ nunquam
resisti, quod a Calvino didicit, & in suo Augustino
tradit Jansenius.

IV.

198. Quarto: est omnino contra divinam Scriptu-
ram id quod docetur in systemate Janseniano, ad me-
rendum scilicet, & demerendum in statu naturæ lapsæ
non requiri libertatem a necessitate, sed sufficere liber-
tatem a coactione. Et primo quidem, hominem non
merei, nec demereri in iis, quæ necessario agit, sed

R 3

in

(22) Matthæi cap. 23. v. 37.

(23) Actorum cap. 7. v. 51.

(24) Tom. 3. pag. 375.

in iis tantum, quæ libere, patet ex illo Geneseos, quod etiam memoravimus supra : *Nonne si bene egeris, recipies, sin autem male, statim in foribus peccatum aderit? sed sub te erit appetitus ejus, & tu dominaberis illius* (25); tum ex illo Deuteronomii : *Considera, quod hodie proposuerim in conspectu tuo vitam, & bonum, & e contrario mortem, & malum. Ut diligas Dominum Deum tuum, & ambules in viis ejus, & custodias mandata illius..... & vivas, atque multiplicet te, benedicatque tibi..... Si autem aversum fuerit cor tuum, & audire nolueris.... prædico tibi hodie, quod pereas..... Testes invoco hodie cælum, & terram, quod proposuerim vobis vitam, & mortem, benedictionem, & maledictionem. Elige ergo vitam, ut & tu vivas, & semen tuum* (26). Tum demum ex illo Ecclesiastici, quod itidem superiori loco memoratum est : *Deus ab initio constituit hominem, & reliquit illum in manu consilii sui. Adjecit mandata, & præcepta..... Ante hominem vita & mors..... quod placuerit ei, dabitur illi* (27). Patet, inquam, ex hisce Sacrarum Scripturarum oraculis, id esse in libera voluntatis potestate, quod nobis ad meritum, demeritumque imputatur; atque hinc ad merendum, & demerendum haudquaquam sufficere, ut non agamus coacti, & inviti, sed necessario requiri, ut a simplici necessitate, nos ad unum indeclinabiliter determinante, simus prorsus immunes. Neque enim recte dici potest, in nostra potestate esse vitam, & mortem, præmium, & poenam, si illæ operationes, propter
quas

(25) Cap. 4. v. 7.

(26) Cap. 30. v. 15. & seqq.

(27) Cap. 15. v. 14. & seqq.

quas vel intimatur mors, vel vita promittitur, adeo necessario a nobis fiant, ut caveri non possint.

Constat secundo, *beatum* dici in *Ecclesiastico*, non qui operatus est, quod vitare non potuit, vel non egit, quod facere nequivit; sed *qui potuit transgredi, & non est transgressus, facere mala & non fecit* (28). Ergo ex divinis Litteris ea libertate ad merendum, & demerendum opus est, per quam homo ita agit bonum, ut illud non operari potuerit. Id porro tanta evidentia ex memorato Sacra Scriptura loco deducitur, ut jure meritoque scripserit Doctissimus Ven. Bellarminus, neminem mirari debere, quod eum locum Calvinus dissimulaverit. Ejusmodi quippe ille est, ut quemadmodum ait laudatus Vir Cl. *non solum non vera, sed ne verisimilis quidem aliqua responsio hic locum habere possit videatur. Non enim hoc testimonium trahi potest ad statum innocentie, neque ullæ sunt in eo ambages, sed liberum arbitrium asseritur ita verè, proprièque liberum in moralibus, ut dicatur Vir bonus ideo dignus laude, & præmio, quod potuerit transgredi, & non sit transgressus, facere mala, & non fecerit* (29).

Respondet Jansenius, necessitatem male operandi, cui voluntas nostra modo obnoxia est, sicuti etiam impotentiam bene agendi, cui eadem ipsa subjicitur, ideo a peccato, & pœna non excusare quia a culpa provenit, in quam libere incidimus: videlicet, ut ille ait, peccatores, qui Dei mandata transgrediuntur, *esse culpæ reos*, sive illa facere possint, sive excœcatione, & obduratione non possint, quia homo in istam impo-

R 4

ten-

(28) Cap. 31. v. 10.

(29) Lib. 5. de *Gratia & libera arbitrio* cap. 23.

tentiam sua voluntate lapsus est (30). Ita sane respondere Janfenius debuit, utpote a præceptore suo Calvino edoctus, qui ait: *nego, peccatum ideo minus debere imputari, quod necessarium est. Si quis enim disceptare cum Deo velit, & hoc prætextu judicium subterfugere, quoniam aliter non potuerit, habet paratam responsionem, quam alibi attulimus, non ex creatione esse, sed naturæ corruptela, quod homines peccato mancipati, nihil velle possunt, nisi malum. Unde enim ista, quam improbi libenter prætexerent, impotentia, nisi quod Adam ultro se dialoli tyrannidi addixit? Hinc ergo vitiositas, cujus vinculis tenemur constricti, quod primus homo defecit a suo Opifice (31). Unde Theodorus Beza, ut alios præteream ejusdem furfuris Janfenii Magistros, nec enim, inquit, necessitas excusat a scelere, si quis ultro in ejus compedes sese conjecerit. Ista vero necessitas (peccandi), de qua nunc ago, non a natura est, sed a voluntario hominis lapsu (32).*

Quam injuriosa sit Deo hujusmodi responsio nemo non videt, & patet exemplo servi, qui culpa sua manus sibi pedesque fregerit. Si enim Dominus hanc illi culpam sincero animo remittat, imperare deinceps non potest, ut currat, atque huic præcepto non obtemperantem severe castigare. Fractis namque pedibus non currere vel nulla culpa est, vel omnino illa eadem, qua sibi pedes fregit, quamque dominus servo illi ex animo remisit. Propterea dicere non dubitat S. Augustinus, *peccati reum tenere quemquam, quia non fecit,*

(30) Lib. 3. de Gratia Christi cap. 14.

(31) Lib. 2. Instit. cap. 5. n. 1.

(32) In Libello quest. & respons.

erit ; quod facere non potuit , summæ iniquitatis esse , & insanie (33). Verum Augustini sententiam hac super re videbimus propositione secunda. Advertere duntaxat Lectorem hic cupio , nihil penitus juvare Jansenium , si dicat , in iis mereri nos , & demereri , quæ necessario agimus , quia *delectabiliter* , & cum *complacentia* illa operamur. Non juvat , inquam. Delectatio enim illa , sub qua voluntas necessario operatur , vel est *indeliberata* , nempe a consensu voluntatis omnino independens , vel est *deliberata* , ac proinde adeo libera , ut eam non habere , voluntas ipsa , si velit , libere possit. Si primum : tota difficultas adhuc in viridi omnino est , ut patet. Si namque illa delectatio sit necessaria vel non potest nobis ad pœnam , præmiuve imputari ; vel etiam omni prorsus delectatione subblata , actiones omnes nostræ , utut necessariæ , nobis ad pœnam vel præmium imputari iustissime possunt. Sin alterum : plane stat , quod ipsi contendimus , videlicet rationem *meriti* , & *demeriti* ita dependere a libera voluntate , ut in iis , quæ necessario operamur , sit prorsus nulla.

V.

199. In eo demum divinæ Scripturæ adversatur Jansenii systema , quod ponat , Christum Dominum pro iis tantum , qui prædestinati sunt , subiisse mortem , & sanguinem suum fudisse. Hæc habet divina Scriptura : *Unus* (nempe Christus) *pro omnibus mortuus est* (34). *Pro nobis omnibus Deus tradidit illum* (35). *Dedit re-*
dem-

(33) Lib. de Duabus animabus n. 17. alias cap. 12.

(34) Epist. 2. ad Corinth. cap. 5. v. 15.

(35) Epist. ad Romanos cap. 8. v. 32. + . . .

demptionem semetipsum pro omnibus (36). *Salvator est omnium hominum* (37). *Ipse est propitiatio pro peccatis nostris, non pro nostris autem tantum, sed etiam totius mundi* (38). Præterea ita pro omnibus mortuus est Christus, ut hinc inferat Apostolus, omnes prorsus obnoxios esse originali peccato. *Si unus, inquit, pro omnibus mortuus est: ergo omnes mortui sunt. Et pro omnibus mortuus est Christus* (39). Velint ergo nolint, alterutrum fateantur oportet Janseniani Systematis patroni, aut scilicet solos prædestinatos peccasse in Adamo, ejusque peccati labem contraxisse, quod plane hæreticum est; aut non pro solis prædestinatis Christum mortuum esse, suumque sanguinem fudisse.

Id porro ex eo etiam confirmatur, quod habet idem Doctor gentium ad Romanos scribens. Ait enim: *sicut per unius delictum in omnes homines in condemnationem; sic & per unius justitiam in omnes homines in justificationem vitæ* (40). Accedit postremo illud ejusdem Apostoli scribentis itidem ad Romanos: *Si propter cibum frater tuus contristatur, jam non secundum charitatem ambulas. Noli cibo tuo illum perdere, pro quo Christus mortuus est* (41). Hinc enim manifeste sequitur, eos etiam secundum Apostolum perire posse, pro quibus mortuus est Christus; ac propterea non pro solis prædestinatis illum pertulisse mortem, & sanguinem fudisse. Huic autem illud etiam apprime con-

(36) Epist. 1. ad Timotheum cap. 2. v. 6.

(37) Ibidem cap. 4. v. 10.

(38) Epist. 1. S. Joannis cap. 2. v. 2.

(39) Epist. 2. ad Corinthios cap. 5. v. 14. & 15.

(40) Ibidem v. 18.

(41) Cap. 14. v. 15.

sonat, quod habet idem Apostolus ad Corinthios, eos monens, ne esu carnum idolis immolatarum fratres suos offendant: *Et peribit, inquit, infirmus in tua scientia frater, propter quem Christus mortuus est* (42)? Non ergo dubitavit Apostolus perire cum posse, pro quo mortuus est Christus. Neque vero Janse- nium juvat satis trita, & a Calvino mutuata cavillatio, Christum nimirum pro fratre pereunte mortuum esse, pretii quidem sufficientia, non autem animo, & intentione redimendi. Enim vero si fratris illius salvandi animum non habuit Christus, quid mirum si pereat ob scandalum illi a nobis illatum? Cur ipsi Apostolo tanta fuisset de illo cura, ne scandalo alieno periret, quem redimere Christus vere noluisset? Igitur manifeste divinæ Scripturæ opponitur, Christum Dominum pro iis tantum, qui prædestinati sunt, subiisse mortem, & sanguinem fudisse, quod quidem ex Calvino docet Jansenius.

P R O P O S I T I O II.

Systema Janseonii non habet fundamentum in S. Augu- stino.

200. *Probatur.* Duo præcipue sunt, quibus Janse- nianum systema innititur. Primum est, *voluntatem no- stram nihil modo velle, nihilque agere sive boni, sive mali, nisi prævia aliqua indeliberata delectatione ad operandum moveatur.* Alterum, *in duarum inequalium delectationum conflictu voluntatem ipsam illi necessario obsequi, & secundum illam necessario operari, que in-*
len-

(42) Epist. I. cap. 8. v. 11.

tensive alteram superat. Hoc itaque systema fundamentum non habet in S. Augustino, si S. Augustini minimè sint duo illa principia, quibus totum innititur. Illa autem non sunt S. Augustini.

I.

201. Quod enim spectat ad primum, non uno loco docet S. Augustinus, humanam voluntatem non semper operari propter *delectationem*, quæ voluntatem ipsam *indeliberate* afficiat, & ad operandum sollicitet. Docet enim primo *diabolum non solum per cupiditates tentare, sed etiam per terrores insultationum, & dolorum, & ipsius mortis* (43). Docet secundo, *nihil sic revocare hominem a peccato, quemadmodum imminentis mortis cogitationem* (44). Docet tertio, *etiam illa peccata jussè imputari, quæ non delectationis illecebra committuntur, sed causa devitandæ molestiæ, alicujus, aut doloris, aut mortis* (45). Distinguens postremo *timorem a cupiditate*, omnia, inquit, *peccata duæ res faciunt in homine, cupiditas, & timor. Cogitate, discutite, interrogate corda vestra, perscrutamini conscientias, videte, utrum possint esse peccata, nisi aut cupiendo, aut timendo. Proponitur præmium, ut pecces, id est, quod te delectat, facis propter quod cupis. Sed forte non induceris donis, tereris minis, facis propter quod times. Corruptere te vult aliquis, ut dicas v. g. falsum testimonium.....*

Si

(43) Lib. de Catechiz. rudibus n. 55. alias cap. ultim.

(44) Lib. 2. de Genesi contra Manichæos n. 42. alias cap. 28.

(45) Lib. 2. de Pecc. meritis n. 15. alias cap. 10.

Si cupiditas non valuit, forte timor valebit; ut pecces. Itaque ad omne recte factum amor; & timor ducit. Ad omne peccatum amor, & timor ducit. Ut facias bene amas, & times Deum; ut autem facias male, amas mundum, & times mundum (46). Si ergo non solus amor, profecto neque id tantum, quod nos delectat, illud est secundum S. Augustinum, quod ad operandum movet voluntatem. Ex *indeliberata* quippe *delectatione* non timor, sed amor nascitur. Quod enim delectat, bonum est; & quod est bonum, *timorem* non excitat, sed *amorem*, unde & ipse Jansenius docet (47), ex delectatione dilectionem, & ex dilectione operationem *naturali ordine* consequi. Itaque S. Augustini sententia non est, nihil prorsus sive boni, sive mali voluntatem nostram agere modo posse, nisi præviam aliqua *indeliberata delectatione* ad operandum sollicitetur & moveatur.

S C H O L I O N I.

202. Non dubito fore, ut Jansenius fateatur, S. Augustino persuasum nequaquam fuisse, humanam voluntatem sine præviam *delectatione* nihil prorsus velle, nihilque operari posse, si certo constiterit, neque, S. Prosperi sententia, solum amorem illud esse pondus, quo anima ad operandum flectitur. Scribit enim, S. Prosperum fuisse *acerrimum, & accuratissimum doctrinæ cælestis ejus* (scilicet Augustini) *defensorem, nec ab ejus tramite, quantum ad gratiam, & liberum arbitrium* !

(46) Enarr. in Psalm. 79. n. 13.

(47) Lib. 4. de Gratia Christi cap. 7.

(48) Lib. 6. ejusdem cap. 13.

arium attinet, vel latum unguem discessisse (48). Jam vero solo amore secundum S. Prosperum non moveri voluntatem ad operandum, hoc præclaro illius testimonio ostenditur. *Trahit, inquit, ad Deum contemplatio elementorum, omniumque, quæ in eis sunt, ordinatissima pulchritudo. Invisibilia enim ejus a creatura mundi per ea, quæ facta sunt, intellecta conspiciuntur. Trahunt rerum gestarum relatores; animum audientis inflammant narrantes laudes Domini, & virtutes ejus, & mirabilia ejus, quæ fecit. Trahit timor: principium enim sapientiæ timor Domini. Trahit lætitia: quoniam lætatus sum in his, quæ dicta sunt mihi, in domum Domini ibimus. Trahit desiderium: quoniam concupiscit, & deficit anima mea in atria Domini. Trahunt delectationes: quam dulcia enim faucibus meis eloquia tua super mel & favum ori meo. Et quis perspicere, aut enarrare possit, per quos affectus visitatio Dei animum ducat humanum, ut quæ fugiebat, sequatur, quæ oderat, diligat; quæ fastidiebat, esuriant, ac subito commutatione mirabili, quæ clausa ei fuerant, fiant aperta; quæ onerosa, sint levia; quæ amara, sint dulcia; quæ obscura, sint lucida? Hæc autem omnia operatur unus atque idem spiritus, dividens singulis, prout vult* (49).

SCHOLION II.

203. Quæ autem ex S. Augustino affert Jansenius, ut illius auctoritate evincat, humanam voluntatem nihil modo velle, nihilque operari posse sine prævia aliqua

(48) Lib. 8. *ejusdem* cap. 13.

(49) Lib. *contra Collatorem* n. 18. *alios* cap. 7.

qua *delectatione*, facile dissolventur, si considerabimus, S. Augustinum in illis omnibus locis loqui non de quacunque hominis operatione, sed de iis tantum, quæ ex amore proveniunt. Concedo enim, voluntatem nostram nihil amare posse, nisi illud ipsa delectet; atque hinc nihil eam velle, nihilque agere, amore ductam, nisi *delectatione* aliqua moveatur. Verissimum est ergo, quod habet S. Augustinus, videlicet *nolle homines facere, quod justum est, sive quia latet, an justum sit, sive quia non delectat*; tantoque nos vehementius velle, quanto certius, quam bonum sit, novimus, eoque *delectamur ardentius* (50). Verissimum, neminem animo amplecti aliquid, quod eum non delectat (51). Verissimum tandem, *delectationem esse quasi pondus anime* (52). Hæc, inquam, omnia, & si qua sint alia hisce non dissimilia, fateor esse verissima, si de amore, ut intelligi debent, intelligantur. Cum enim, ipso met docente S. Augustino, *non ametur, nisi quod delectat* (53), idcirco nolunt homines facere per amorem, quod justum est, sive quia latet, sive quia non delectat; tantoque vehementius diligimus aliquid, quanto delectamur ardentius; nemo quoque amplectitur aliquid amore, quod eum non delectat; nec voluntas, nisi occurrat, quod delectet, moveri ad amandum aliquo modo potest; nosque demum non agimus per amorem, quod agendum esse cognoscimus, quia non delectat. Eodem autem modo illa etiam explicantur, quæ habet idem S. Doctor loquens de causa peccati,

nem-

(50) Lib. 2. de Peccatorum meritis n. 26. alias cap. 17.

(51) Lib. 1. ad Simplicianum q. 1. n. 21.

(52) Lib. de Musica n. 29, alias cap. 11.

(53) Serm. 159. de Verb. Apostoli n. 3. alias 17. cap. 3.

nempe cum ait, *rationem nostram deduci ad consensum nem peccati non posse, nisi cum delectatio mota fuerit* (54): nominem fore, qui peccaret, *si nihil delectaretur illicitum* (55), & similia. Dicendum quippe est, non de omnibus, sed de iis tantum peccatis illud tunc loqui, quæ ex pravo amore nascuntur.

II.

204. Ad alterum vero Janseniani systematis principium quod spectat, videlicet *in duarum inæqualium delectationum conflictu, voluntatem nostram illi necessario obsequi, & secundum illam necessario operari, quæ alteram intensius superat*, rem certissimam puto, demonstratum iri, hoc principium non esse S. Augustini, si ostensum fuerit, illud ejusdem S. Doctoris testimonium, quo ad id probandum Jansenius ipse utitur, & in quo maximam facit vim, semperque suam collocat, omnino contra Augustini mentem ab eo accipiatur. Ita autem res se habet. Est enim testimonium illud S. Augustini: *Quod amplius nos delectat, secundum id operemur, necesse est* (56): quod vult Jansenius, intelligatur de delectatione indeliberata; sed omnino, ut dixi, contra mentem S. Augustini. Contendo enim, S. Augustinum sumere delectationem eo loci pro delectatione aut amore, ita nimirum ut, cum dixit: *Quod amplius nos delectat, secundum id operemur, necesse est*, non aliud significare voluerit, nisi nos secundum id

(54) Lib. 2. de Genesi contra Manichæos n. 20., alias cap. 14.

(55) Lib. 22. contra Faustum cap. 28.

(56) Comment. in Epist. ad Galatas n. 49.

id necessario operari, quod vehementer diligimus. Hanc porro fuisse Augustini mentem, non vero illam, quam sibi fingit Janfenius, multiplex mihi ratio est. Moveor primo ex eo, quod postquam dixerit S. Doctor, *necesse esse ut secundum id operemur, quod amplius nos delectat*; de dilectione rem totam concludat. Ait quippe: *manifestum est certe, secundum id nos vivere, quod sectati fuerimus; sectabimur autem, quod dilexerimus.* Itaque si ex aduerso existant duo, præceptum Justitiæ & consuetudo carnalis, ut utrumque diligitur id sectabimur, quod amplius dilexerimus. Si tantumdem utrumque diligitur, nihil horum sectabimur, sed aut timore inviti trahemur in alterutram partem, aut si utrumque æqualiter etiam timemus, in periculo sine dubio remanebimus, fluctu dilectionis & timoris alternante quassati. (57). Itaque, ut sibi cohæreat S. Doctor, quæque antecedunt iis, quæ sequuntur, plane consentiant, dicamus oportet, *operari secundum id, quod amplius delectat*, perinde fuisse S. Augustino, ac *operari secundum id, quod amplius diligitur*. Neque huic officit exemplum speciosæ fœminæ, quod S. Augustinus assumit, ut verum esse ostendat, *secundum id nos necessario operari quod amplius delectat*. Siquidem neque *delectationem* fornicationis, neque *delectationem* castitatis sumit S. Doctor pro motione voluntatis indeliberata, sed pro actu amoris deliberato, unde illius exempli sensus est: si amor, quo diligitur pulchritudo castitatis, major fuerit, quam amor fornicationis, ad quem nos excitat forma speciosæ fœminæ, secundum illam, nempe caste vivimus, & secundum illam operamur.

S

SCHO-

(57) Loco citato n. 54.

S C H O L I O N.

205. Ut huic difficultati, quam bene vidit, occurrat Janfenius, vult *delectationem* ita confequi ex *delectatione*, eique ita commensurari ut neceffarium eiffe dicat, id quod magis delectat, magis quoque a nobis diligatur. Quia enim, inquit, *quod amplius nos delectat, etiam amplius velimus, ac diligamus, neceffe eft... quod autem magis volumus, ac diligimus, fecundum id operemur, neceffe eft, propterea, quemadmodum hic dicit, S. Auguftinus, neceffe effe, ut fecundum id operemur, quod amplius nos delectat, ita paucis interjectis in eodem loco adjicit, neceffe effe, ut id operemur, atque ſectemur, quod amplius dilexerimus, quia videlicet naturali ordine, ex delectatione dilectio, & ex dilectione operatio confequitur* (§8). Verum infirma nimis eft hæc Janfenii refponſio. Enimvero ex eodem Auguftino apertiffime conſtat, non ſemper ab homine diligere, quod magis ipſum delectat: *Non faciebam*, ait S. Doctor, *quod & incomparabili affectu magis placebat, & mox ut vellem, poſſem*; perinde ac ſi diceret, ſe utique a Deo vehementer motum fuiſſe ac excitatum per *incomparabilem* indeliberatum affectum, quo ipſi magis conſtantia placebat, ac nihilominus ſe gratis reſtitiffe, & carnali ceſſiſſe voluptati aperte fatetur. Nihil clarius ex Auguftino deſumi poteſt, quo intelligamus, non neceſſario ex *delectatione dilectionem* confequi: indeque de deliberata delectatione, non vero de indeliberata Auguſtinum loqui, quando ait *quod amplius nos delectat ſecundum id operemur*.

(§8) Lib. 4. de Gratia Chriſti cap. 7.

necesse est ; quippe si secus , de seipso fateri minime potuisset S. Doctor , non fecisse nimirum quod incomparabili affectu magis placebat. Similiter ille nos monere nequaquam posset , ut iustitiæ *delectatio* vincat *delectationes* etiam licitas ; ut delectationi etiam licitæ præponamus iustitiam ; ut præ omnibus *delectationibus* iustitiam diligamus ; utque demum *delectationi* carnis *delectationem* mentis præponamus. Docuerat enim , ut occurrat , quod delectet atque invitet animum , non esse in hominis potestate (59). Dixerat , neminem esse vituperatione suppliciove dignum , qui aut id velit , quod iustitia velle non prohibet , aut id non faciat quod facere non potest (60). Ac demum vel ipse , ut olim creditum est , vel Evodius , ut nunc eruditiores putant , stultum esse , pronunciaverat , præcepta dare ei cui liberum non est , quod præcipitur , facere (61). Propterea integram in nobis supponens libertatem , ad pugnam nos continuo suadet , dicens : *Restat cum carne conflictus ; inest , titillat delectatio illicitæ concupiscentiæ ; pugna , resiste , noli consentire , & impletur hic* : post concupiscentias tuas non eas (62). Non dubito autem , Jansenium minime dicturum , S. Augustinum tunc loqui de *delectatione deliberata* , nampe illum non semper fecisse , quod ardentius diligebat. Ita namque si sentiret Jansenius , fateri vel invitus cogeretur falsum esse , quod nuper docuit , nos scilicet , secundum id necessario operari , quod magis diligimus. Præterea , quod incomparabili affectu S. Augustinus ma-

S 2

gis

- (59) Lib. 1. ad Simplicianum n. 22.
- (60) Lib. de Duabus animabus n. 15. alias cap. 11.
- (61) Lib. de Fide contra Manich. cap. 10.
- (62) Serm. 6. de Verbis Apostoli cap. 9.

gis diligebat, vel ipsum etiam magis *indeliberate* delectabatur, vel non. Si etiam *indeliberate* ipsum magis delectabatur: ergo, cum secundum illud, ut ipse testatur, non operaretur, minime sensit S. Augustinus secundum id nos necessario operari, quod amplius nos *indeliberate* delectat. Si non: ergo errat Jansenius, dum ait ex delectatione dilectionem, & ex dilectione operationem, eo naturæ ordine consequi, ut *sit necesse, id quod amplius nos delectat, etiam amplius velimus, ac diligamus*. Dabit ergo Jansenius, ne sibi metipsum adeo manifeste contradicat, de *indeliberata* delectatione loqui Augustinum, dum non semper id ab se factum fuisse scripsit, *quod incomparabili affectu amplius ipsi placebat*. Et ideo dabit etiam de *delectatione indeliberata* eundem ipsum ex adverso minime loqui dum ait: *quod amplius nos delectat, secundum id operemur, necesse est*. Repugnat enim, ut vir tantus, qualis fuit S. Augustinus, dicat uno loco, se in iis circumstantiis nequaquam id fecisse, quod alio loco ait, necesse esse, in illis circumstantiis ut fiat.

ANIMADVERSIO.

206. Si certum est, uti plane certum esse puto, S. Augustinum loqui de *indeliberata delectatione*, dum nos admonet, ut *delectationi* etiam licitæ præponamus justitiam, ut præ omnibus delectationibus justitiam ipsam diligamus, utque demum delectatio carnis, mentis delectationi cedat, nemini dubium esse potest quin hæc intelligenda sint de *delectatione*, cujuscunque gradus illa fuerit. Dato namque, necessarium esse, ut contendit Jansenius, voluntas vividiore *indeliberata* de-

le-

delectationi obsequatur, necessario sequitur nullam esse *delectationem indeliberatam*, cui consentire, vel ab ea dissentire, sit in libera potestate voluntatis: si enim *delectatio* carnis intensive superet *delectationem* mentis, manifestum est, posito Janseii principio, mentis *delectationem* non posse *delectationi* carnis a voluntate præponi, cum necesse sit, ut huic obsequatur. Si deficiat, perspicuum est etiam, non *libere*, sed *necessario* voluntatem nostram debere *delectationem* mentis præferre *delectationi* carnali. Si vero fuerint æquales: neutram, ipso etiam teste Janzenio, voluntas sequi potest, sed vel peccabit, vel in medio suspensa, ac prorsus hærens remanebit (63).

III.

207. *Tertio*: Docet S. Augustinus, fuisse in libera sanctorum hominum potestate cohibere illicitam *delectationem*, eique resistere. Inquit enim: *Sicut ratio vera docet, meliorem esse naturam* (sanctorum scilicet angelorum, ut, paucis interjectis, ipse explicat) *quam prorsus nihil delectat illicitum*, ita ratio vera nihilominus docet, etiam illam (næpe sanctorum hominum, ut ille itidem manifeste declarat) *bonam esse, quæ habet in potestate illicitam delectationem, si exstiterit, ita cohibere, ut non solum de ceteris licitis recteque factis, verum etiam de ipsius prævæ delectationis cohibitione letetur* (64). Ergo secundum S. Augustinum nulla est illicita, carnalis nimirum cupiditatis, *indeliberata delectatio*, quam humana voluntas, utique di-

S 3

vi-

(63) Lib. 4. de Gratia Christi cap. 10.

(64) Lib. 11. de Genesi ad litteram n. 9. alias cap. 35.

vina gratia adjuncta, cohibere non possit; ac proinde nulla, cui necesse sit voluntas ipsa consentiat. Igitur de *indeliberata delectatione* ille non loquitur, cum necessarium dixit, secundum id, quod amplius nos delectat, operemur. Nulla quippe illicita *delectatio* tunc ita fuisset in sanctorum hominum potestate, ut de illius cohibitione latari jure meritoque valerent. Non certe illa, quæ major fuerit *delectatione* gratiæ; cum nedum ipsam non cohibuissent, si exstitallet, sed necessario ei fuissent obsequuti. Non illa, quæ fuerit minor gratiæ *delectatione*; quippe, cum illi obsequi non potuissent, de illius cohibitione, utpote non libera, sed necessaria, nonnisi immerito latarentur. Non illa demum, quæ *delectationi* gratiæ fuerit æqualis; cum, quemadmodum Jansenius docet (65), tunc vel peccassent, vel eorum voluntas in medio veluti suspensa remansisset.

S C H O L I O N.

208. Duo sunt, quæ respondere possunt Janseniani, ut hunc nodum solvant. Primum est, S. Augustinum tunc loqui de homine in statu innocentiae. Secundum, ipsum loqui de hominibus, non dum erant in *via*, sed quatenus in *termino* existunt. Sed utrumque plane contra Jansenium. Primum quidem; quia ipse aperte docet, in statu innocentiae nullam fuisse illicitam *delectationem*, qua homo ad malum moveretur. Ait enim, *S. Augustinum contra Pelagianos tradere, peccatum primi hominis sine delectatione precedente perpetratum esse; cum scilicet delectatio prima secuta sit perversam voluntatem, non voluntas delectationem; & ideo non*

- po-

(65) Lib. 4. de Gratia Christi cap. 10.

potuisse primum peccatum ex precedente delectatione, si-
ve superbiæ, siue gula proficisci (66). Alterum vero
quia ut ille itidem docet, nulla in cœlo est terrena
delectatio, contra quam, ut ipsam vincant, debeant
animæ sanctæ decertare. *Hæc causa est*, inquit Janse-
nius, *cur jam absorpta omni carnali delectatione, ac*
dominante sola suavitæ spiritus, ardentissime volun-
tas Deum in cœlo diligat, atque ita immobiliter dili-
gat, ut peccare non possit; quia, ut idem Augustinus
loquitur, solus eam delectat Deus, imo nihil aliud de-
lectare potest (67).

I V.

209. *Quarto*: Eruditorum omnium sententia est,
S. Augustinum suum in *Epistolam ad Galatas*, ex quo
famosum illud dictum desumptum est, Commentarium scri-
psisse, antequam esset Episcopus, ac proinde dum Se-
mipelagianorum errore de initio fidei, bonæque vo-
luntatis adhuc teneretur. Perspicua autem res est, ve-
rum esse non posse, ut nostrum sit proprium, nobisque
ex nobis sit, Evangelio consentire, quemadmodum
S. Augustinus, ut ipsemet de seipso aperte fatetur (68),
tunc putabat, si necessarium esse ponatur, voluntatem
nostram secundum id operari, quod amplius ipsam in-
deliberate delectat. Cum enim, si nulla sit in homine
cœlestis delectatio gratiæ, per quam Evangelio credat,
quærat, & pulset, sola carnalis cupiditatis delectatio,
qua in malum flectitur, tunc in illo dominetur, sicuti

S 4

ne-

(66) Ibidem cap. 9.

(67) Ibidem.

(68) Lib. de prædestin. SS. n. 7. alias cap. 3.

neceſſe eſt, poſito Janſeniano principio, ut huic delectationi voluntas obſequatur, ita eſt impoſſibile, ut illa tunc in Deum credat, & Evangelio conſentiat. Igitur dicamus oportet, S. Auguſtinum vel *indeliberatam delectationem* in mente non habuiſſe, cum *neceſſarium eſſe* ſcripſit, *ſecundum id operemur, quod amplius nos delectat*; vel minime advertiſſe, ſententiam hanc ſuam cum ea, quam de fidei, bonæque voluntatis initio tunc ipſe tenebat, componi non poſſe. Hoc alterum de tanto Viro dicendum non eſt, neminemque Janſeniorum futurum puto, qui de illo ita ſentire non vereatur. Ergo dicendum eſt primum, de *deliberata* ſcilicet *delectatione* principium illud ſuum intellexiſſe.

S C H O L I O N.

210. S. Auguſtinum *Maſſilienſium errorem ante Epiſcopatum tenuiſſe*, & ipſe fatetur Janſenius (69), addens propterea, *ex illis D. Auguſtini operibus, quæ ante Epiſcopatum condidit, non parum lucis poſſe peti, ut ad accuratam Semipelagianæ opinionis intelligentiam perducamur* (70). Verum tamen eſt, Semipelagianorum errorem, Janſenii iudicio, ut vidimus, non in eo eſſe poſitum, quod negarent interioris gratiæ neceſſitatem ad initium fidei; ſed in eo, quod vellent, conſentire, & diſſentire gratiæ a libero voluntatis arbitrio dependere. At vero etſi detur, hunc fuiſſe errorem Semipelagianorum, ipſumque S. Auguſtinum ita ſenſiſſe, adhuc ſtat, dici ab illo minime potuiſſe, ſi ſibi metipſi conſtare vellet, voluntatem noſtram ſecundum id neceſ-

(69) Lib. 7. de *hæreſi Pelagiana* cap. 4.

(70) *Ibidem*.

cessario operari, quod magis ipsam *indeliberate* delectat. Delectatio enim interioris gratiæ, quam requiri dicebat ad initium fidei, sed subjectam nutui voluntatis, vel *major* est delectatione terrena, qua voluntas secundum Jansenium indefinenter in malum flectitur, vel *minor*, vel *aqualis*. Si *major*: non *libere*, sed *necessario* debet voluntas in Deum credere, ejusque Evangelio assentiri. Si *minor*: impossibile est, ut voluntas in Deum credat, cum sit necesse, terrenæ delectationi, qua a iustitia removetur, illa tunc assentiatur. Si *aqualis*: alternante, ut Jansenius ipse ait (71) delectationum fluctu, vel *peccabitur* positive non credendo Evangelio, vel *in medio voluntas remanebit*, positive scilicet non credendo Evangelio, neque illud aperte rejiciendo. Itaque sive Mafsilienſium, adeoque ipsiusmet etiam S. Augustini, cum in *Epistolam ad Galatas* scripserat, in eo positus error fuerit, quod noluerint, requiri interiorem gratiam ad initium fidei, ut sentiunt Catholici, sive in eo, quod voluerint, ut falso putat Jansenius, consentite, & dissentire gratiæ pendere a nutu libero voluntatis; adhuc stat, stabitque in ævum, S. Augustinum non sibi constare, cum *necessarium esse* dixit, *secundum id operemur, quod amplius delectat*, si mens illius fuerit, ut de *indeliberata delectatione* dictum hoc suum intelligatur.

V.

211. *Quinto*: Docet S. Augustinus, a sola voluntate petendam esse rationem, quamobrem alter duorum hominum, qui æqualiter animo affecti sint, eadem-

(71) Lib. 4. de *Gratia Christi* cap. 10.

demque carnali *indeliberata* delectatione ad malum sollicitati, in peccatum cadat, alter in bono perseveret. Si aliqui duo, inquit ille, *aqualiter affecti animo*, & corpore videant unius corporis pulchritudinem, qua visa, unus eorum ad illicitum perfruendum moveatur, alter in voluntate pudica stabilis perseveret, quid putamus esse causa, ut in illo fiat, in illo non fiat voluntas mala? Quae illam res fecit, in quo facta est? Neque enim pulchritudo illa corporis; nam eam non fecit in ambobus; quandoquidem ambo non dispariliter occurrit ad spectibus. An caro intuentis in causa est? cur non & illius? An vero animus? cur non utriusque? Ambos enim & animo, & corpore aqualiter affectos fuisse praediximus. An dicendum est, alterum eorum occulta maligni spiritus suggestionem tentatum, quasi non eidem suggestioni, & qualicumque suasioni propria voluntate consenserit? Hanc igitur consensionem, hanc malam, quam male suadenti adhibuit voluntatem, qua in ea res fecerit, querimus. Nam ut hoc quoque impedimentum ab ista questione tollatur, si eadem tentatione ambo tententur, & unus ei cedat, atque consentiat, alter idem qui fuerat, perseveret, quid aliud apparet, nisi unum voluisse, alterum noluisse a castitate deficere? Unde, nisi propria voluntate, ubi eadem fuerat in utroque corporis, & animi affectio? Amborum oculis pariter visa est eadem pulchritudo; ambobus pariter institit occulta tentatio; propriam igitur in uno eorum voluntatem malam, quae res fecerit, scire volentibus, si bene intueantur, nihil occurrit (72). Falsum est igitur, hæc si vera sint, voluntatem nostram necessario, veluti ex lege mechanica, obsequi validiori indeliberatae delectationi, terrene, vel caelesti, & secundum

(72) Lib. 12. de Civitate Dei cap. 6.

dum illam operari. Huic quippe legi si voluntas nostra in operando subjiceretur ; profectio vel uterque , vel neuter duorum illorum hominum , quos S. Augustinus assumit , in malum cadere , vel in bono perseverare , contra prorsus ac ipse docet , certissime posset. Carnalis enim cupiditatis delectatio , qua S. Doctor eos ponit æque a demone sollicitari , vel *major* est cœlesti delectatione gratiæ , qua eorum voluntas itidem ex æquo , ut illè statuit , affecta est , vel est illi *æqualis* , vel *minor*. Si *major* : nemo non videt necessario futurum , ut ambo illi homines peccent. Uterque enim validiori delectationi obsequatur , necesse est. Si *æqualis* : perspicuum est fore , ut vel peccet uterque , vel uterque suspensus hæreat. Si *minor* : inficiabitur nemo , utrumque , quod justum est , necessario operaturum. Itaque vel male sibi consuluit S. Augustinus , dum in illa sua hypothese possibile censuit , ut alter duorum illorum hominum perseveret in bono , alter non perseveret , sed in peccatum ruat , idque culpa propriæ voluntatis ; vel fallitur , quisquis cum Janzenio sibi persuadet , S. Augustinum loqui de *indeliberata delectatione* , dum dixit , *necessarium esse , secundum id operemur , quod amplius delectat*. Primum certe nemo cordatus dicet. Ergo &c.

S C H O L I O N.

212. Respondet Jansenius , S. Augustinum in laudato duorum hominum exemplo non loqui de *lapsæ naturæ statu* , sed de *statu innocentie hominum* , & angelorum , in quibus prima voluntas mala , & bona voluntatis permansio non ex adjutorii , sed ex voluntatis diversitate nascebatur (73). Sed quam absurda

(73) Lib. 2. de Gratia Christi cap. 33.

da sit hæc responsio , & ab Augustini mente aliena; vel levi adhibita consideratione videtur perspicuum. *Primo* etenim in statu innocentie non duo , sed unus tantum homo fuit , qui *unius corporis* (scilicet fœminæ) *pulchritudinem* videre potuerit. *Secundo* : loquitur S. Doctor de statu , in quo visione fœminæ pulchritudinis potest homo ad illicitam voluntatem excitari. Hunc autem non fuisse statum innocentie , *perspicuum argumentum est* , ipsomet docente Jansenio , *quod cum oculis corpus eorum nudum quotidie subjiceretur , nullo inquieto stimulo , vel ardore sive in animo , sive in corpore concitati sint* (74). Quomodo ergo , si de statu innocentie loqueretur , dicere poterat S. Augustinus : *qua visa* (fœminæ pulchritudine) *unus eorum ad illicite perfrendum moveatur , alter in voluntate pudica stabilis perseveret* ? *Tertio* : loquitur Augustinus de statu , in quo homo carnali concupiscentie obnoxius est. Ait enim : *an caro intuentis in causa est* , quamobrem alter peccet ? Nullam autem in statu innocentie fuisse carnalem cupiditatem , qua homo ad malum excitaretur , non inficiabitur nec ipse Jansenius ; quippe qui aperte docet , *peccatum primi hominis sine delectatione præcedente perpetratum esse* ; idcirco quia *delectatio prima secuta sit perversam voluntatem , non voluntas delectationem* (75). Denuum de eo statu loquitur S. Augustinus , in quo per internam demonis suggestionem homo tentaretur. *An* , inquit , *dicendum est , alterum eorum occulta maligni spiritus suggestionem fuisse tentatum* ? Hunc autem tentandi modum non habuisse locum in statu innocentie , testatur idem S.

(74) Lib. de Gratia primi hominis cap. 3;

(75) Lib. 4. de Gratia Christi cap. 9.

S. Doctor, neque Janfenius ipfe diffitetur. Ille quippe docet, *non effe permiffum* diabolo tentare fœminam, *nifi per serpentem*; nec virum, *nifi per fœminam* (76). Hic vero temptationem eam primam appellat *extrinsecus fola verbo pulfantem temptationem* (77). Adeo abfurda eft igitur illa refponfio, ut ne ipfe quidem Janfenius adoptare eam poffit, quin non folum S. Auguftino, verum & fibimetipfi apertiffime contradicat.

VI.

213. *Sexto*: Memorata S. Auguftini verba de ea *delectatione* intelligenda funt, quæ neceffitatem infert operandi, quin libertas arbitrii vel minimum lædatur. Etenim, fi fecus, dicendum foret, S. Auguftinum eo loci sentire contra veritatem catholicæ fidei, & fecum ipfe pugnare, dum fexcentis aliis in locis, ut patebit, *arbitrii libertatem* contra Manichæos adftruit, invicteque defendit. Conftat autem, cum *neceffitate* operandi fecundum id, quod magis delectat, non stare *libertatem arbitrii*, fed eam lædi, penitusque convelli, fi de *indeliberata delectatione* dictum illud intelligatur. Contra vero *libertatem* ipsam cum *neceffitate* componi, fi intelligatur de *delectatione deliberata*, utpote quæ *confequentem* dumtaxat *neceffitatem* infert. Ergo de *delectatione deliberata*, non autem de *delectatione indeliberata*, quemadmodum Janfenius falfo contendit, dictum illud S. Auguftini eft a nobis intelligendum.

VII.

(76) Lib. II. *super Genefim* n. 34. *alias cap. 27*

(77) Lib. de *Gratia primi hominis* cap. 21.

VII.

214. Certum postremo est, laudatum S. Augustini testimonium de *deliberata delectatione* posse intelligi. Delectare quippe dicitur, non solum quod *indeliberate* nobis suave se prodit, verum etiam quod nobis *libere* placet, & *deliberate* diligitur. Velle igitur nequeunt Janseniani, ut potius de *indeliberata*, quam de *deliberata delectatione* testimonium illud intelligatur, nisi rationem afferant, cur de una potius, quam de alia *delectatione* illud sit intelligendum. Neque enim sufficit, *ipso dixisse*, ut ab omnibus admittatur tamquam verum, ipsi quod dicunt. Adhuc autem desideratur ratio, qua illi evincant, laudatum S. Augustini testimonium non de *deliberata*, licet possit, sed de *indeliberata delectatione* intelligi oportere. Ergo non adeo necessario de *delectatione indeliberata* intelligendum illud est, ut de *deliberata* intelligi jure non possit. Jam vero si hoc, merito dici nequit, Jansenii systema habere fundamentum in S. Augustino. Qua enim fronte id dici potest, si plane incerta res sit, S. Augustini esse principium, cui illud potissimum innititur, imo si validæ conjecturæ non desunt, quibus oppositum suadeatur? Stat igitur, Jansenii systema non habere fundamentum in S. Augustino.

S C H O L I O N.

215. Oleum operamque perdit, quisquis alia querit S. Augustini testimonia, ut evincat de *indeliberata delectatione* illum loqui, cum *necessarium esse* dixit,

secundum id operemur, quod amplius nos delectat. Cum enim Jansenius ipse, qui decies & amplius universa Opera Augustini attentione acri, adnotatione diligentis libros vero contra Pelagianos facile trigesses a capite ad calcem evoluisse dicitur (78), fateatur (79), ut alio etiam loco monuimus, laudatum S. Augustini testimonium esse clarissimum, & praeclarissimum, ex illo plenissime capi Augustini mentem, ex eoque demum manifestissima & resolutissima ejusdem auctoritate definiri, quod, tamquam ab eo existimatum, & traditum, hac super re ipse Jansenius docet, sperandum sane non est, id ex aliis S. Augustini testimoniis evidentius posse demonstrari. Quod quidem animadvertere sedulo, in quoque debent, qui duarum delectationum systema tuerentur; si enim S. Doctor de indeliberata delectatione in illo testimonio nequaquam est intelligendus, non est cur Augustinianorum sibi nomen adoptent.

PROPOSITIO III.

Janseonii systema nequit esse systema S. Augustini.
*Probat*ur: Plura traduntur in systemate Janseoniano, quibus S. Augustinus manifeste adversatur.

I.

216. In illo siquidem docetur primo, humanam voluntatem neque circa bonum, neque circa malum liberam esse libertate *indifferentiae*, seu *exercitii*, sed tan-

(78) In synopsi illius vitæ, quæ ejus Operi Rothomagi edito anno 1652. præfixa est.

(79) Lib. 4. de Gratia Christi cap. 6.

tantum libertate, quam vocant *a coactione*. Contra vero S. Augustini aperta sententia est, voluntatem nostram immunem esse in operando ab omni vinculo non tantum *coactionis*, verum etiam *inevitabilis necessitatis*. Datum est enim, inquit, *animæ liberum arbitrium*, quod qui nugatoriis ratiocinationibus labefactare conantur, usque adeo cæci sunt, ut ne ista ipsa quidem vana, atque sacrilega, propria voluntate se dicere intelligant (80). Et alio loco: *voluntas nostra nec voluntas esset, nisi esset in nostra potestate*. Porro quia est in nostra potestate, libera est nobis. Non enim est nobis liberum, quod in potestate non habemus, aut potest non esse, quod habemus (81). Exterminandum quoque esse ait de hominum numero, quisquis existimat, monendum non esse hominem, ut, inferioribus, seu terrenis neglectis, aeterna vellet adipisci, atque ut male nollet vivere, vellet autem bene. (82). Sentit ergo S. Augustinus, posse hominem & bene, & male operari, si velit; ac proinde ad neutram partem ita esse necessario determinatum, ut contrarium velle non possit. Etenim, ut scribit Evodius, quem eo loci alloquitur S. Doctor, *quis non clamet, stultum esse, præcepta dare ei, cui liberum non est, quod præcipitur facere*, (83). Dissens quoque contra Felicem Manichæum, veritas dicit, inquit S. Doctor, *omnia ista, quæ videmus, & quæ non videmus, quæ naturaliter subsistunt, a Deo facta esse: in quibus rationalem creaturam etiam ipsam factam, sive in An-*

(80) Lib. de quantitate animæ n. 80. alias cap. 36.

(81) Lib. 3. de libero arbitrio n. 8. alias cap. 3.

(82) Lib. 3. de libero arbitrio n. 3. alias cap. 1.

(83) Lib. de Fide contra Manichæos, S. Augustino olim adjudicato, cap. 10.

gelis ; sive in hominibus , accepisse liberum arbitrium : quo libero arbitrio si Deo servire vellet secundum voluntatem ac legem Dei , haberet apud eum æternam felicitatem ; si autem legi ejus subdi noluiſſet , sed potestate sua usa contra ejus feciſſet imperium , secundum ejus justitiam pœnæ debitæ subjaceret. . . . Ecce autem liberum arbitrium , atque inde peccare quemque , si velit , non peccare , si nolit , non solum in divinis Scripturis , quas non intelligitis , sed etiam in verbis ipsius Manichæi vestri probō Audi ergo de libero arbitrio primo ipsum Dominum , ubi duas arbores commemorat , quarum mentionem ipse fecisti ; audi dicentem ; aut facite arborem bonam , & fructum ejus bonum , aut facite arborem malam , & fructum ejus malum . Cum ergo dicit : aut hoc facite , aut illud facite , potestatem indicat , non naturam . Nemo enim , nisi Deus , facere arborem potest ; sed habet unusquisque in voluntate , aut eligere , quæ bona sunt , & esse arbor bona ; aut eligere , quæ mala sunt , & esse arbor mala ; non quia mala ipsa , quæ eliguntur , aliquam habeant in seipsis substantiam ; sed quia Deus omnia , quæ condidit , gradibus suis condidit , generibusque distinxit , cœlestia , atque terrena , immortalia , atque mortalia , & omnia bona in suo genere condidit : animam habentem liberum arbitrium sub se ipso , & super cetera collocavit , ut sic serviret superiori , dominaretur inferiori ; si autem offenderet superiorem , pœnam ex inferiore sentiret . Hoc ergo Dominus dicens : aut facite hoc , aut facite illud , ostendit esse in potestate , quid facerent Audi ergo jam quemadmodum Manichæus ipse tam perversus , tam superbus confessus sit , esse liberum arbitrium . In thesauro vestro , cui tale nomen ad decipiendos homines indi-

T. distis ,

distis, certe sic loquitur, quod & tu ipse cognoscis. Hi vero, qui negligentia sua a labe prædictorum spirituum purgari se minime permiserint, mandatisque divinis ex integro parum obtemperaverint, legemque sibi a suo liberatore datam plenius servare noluerint, neque, ut docebat, sese gubernaverint &c. Vides, in his verbis confirmatum esse etiam a nesciente, quid loqueretur, liberum arbitrium. Qui enim servare legem non vult, in potestate ejus est, si velit. Non enim dixit: non potuerint, sed noluerint. Hoc certe quod nolunt, servare legem, non a gente tenebrarum coguntur; si enim coguntur, non nolunt, sed non possunt; si autem nolunt, non utique coguntur, ut non faciant, sed voluntate sua nolunt. Hoc ergo quod in eorum voluntate est, ut nolint, peccatum est certe sine aliqua necessitate gentis tenebrarum (84). Non est autem, cur aliquis opponat, ut validissimi argumenti vim declinet, S. Augustinum hoc loco argumentari ad hominem, ut dicitur, nempe ex datis ab Adversario. Etenim Manichæi non admittebant liberum arbitrium, sed negabant, ut Augustinus ipse testatur (85). Præterea vel persuasum erat S. Augustino, dari in homine liberum arbitrium, nempe in libera illius esse potestate agere & bene, & male, vel non. Si id persuasum habebat S. Doctor, jam vicinus; nec enim aliud hoc loco ostendere, nobis in animo est, nisi liberum arbitrium ab S. Augustino fuisse admissum. Si non: eccur S. Doctor nitiatur, ex ipsa etiam divina Scriptura liberum arbitrium, quod non admittebat, demonstrare? Nam, si quod ille
affert

(84) Lib. 2. de Actis cum Felice Manichæo cap. 3., 4. & 5.

(85) Lib. de Hæresibus n. 46.

affert de arbore bona, & mala Evangelicum testimonium evincit, dari in homine arbitrii libertatem, hanc negare non debuit, ne peccaret contra cognitam veritatem. Si vero non evincit: illo uti, utpote Vir ingenuus, non debuerat, ne Adversarios suos fallere diceretur. Non me latet, quod respondet Calvinus, nempe S. Augustinum tunc loqui de arbitrio hominis non lapsi, sed innocentis. Verum, ut egregie arguit doctissimus Bellarminus, *hæc jam est intolerabilis impudentia; cum Augustinus dicat, esse liberum arbitrium, & unumquemque (non solum igitur Adamum) inde peccare, si velit, non peccare, si nolit; & id probet ex testimonio Evangelii, quod non ad Adamum, sed ad Filios a Domino dictum erat; & denique, cum Augustinus adversus Manichæos disputet, non de Adami peccato, sed de nostris, quæ illi negantes, liberum arbitrium excusare, & in principem quandam tenebrarum referre solebant* (86). Ceterum quod scripserat S. Doctor, contra Manichæos rem agens, repetit confirmatque disserens contra Pelagianos. Etenim, quid illud, inquit, quod tam multis locis omnia mandata sua custodiri & fieri jubet Deus, quomodo jubet, si non est liberum arbitrium? Quid beatus ille, de quo Psalmista dicit, quod in lege Domini fuit voluntas ejus, nonne satis indicat, voluntate sua hominem in lege Dei consistere? Deinde tam multa mandata, quæ ipsam quodammodo nominatim conveniunt voluntatem, sicut est: noli vinci a malo. & innumerabilia talia in veteribus libris divinarum eloquiorum, quid ostendunt, nisi liberum arbitrium voluntatis humanæ? In libris etiam novis Evangelicis, & Apostolicis, quid aliud ostendi-

T 2

tur,

(86) Lib. 5. de Libero arbitrio cap. 27.

tur, ubi dicitur: Nolite vobis condere thesauros in terra. . . . Nolite diligere Mundum, & cetera hujusmodi, nempe ubi dicitur: Noli hoc, & noli illud, & ubi ad aliquid faciendum, vel non faciendum in divinis monitis opus voluntatis exigitur, satis liberum demonstratur arbitrium. Nemo ergo Deum causetur in corde suo, sed sibi imputet quisque, cum peccat (87). Cæntiat itaque oportet, quisquis hæc considerans, dicere cum Jansenio minime vereatur, non aliam ab S. Augustino admissam in nobis esse libertatem, nisi a coactione, omnemque omnino voluntatem quantumcunque ad unum determinatam, nulla tali necessitate, qua dicitur, necesse esse, ut velit, desinere esse liberam (88); ac proinde libero humanæ voluntatis arbitrio sola necessitatem coactionis esse contrariam (89).

S C H O L I O N I.

217. Hisce tamen, ceterisque omnibus; quæ pro libertate a necessitate simplici afferri possunt ex S. Augustino, testimoniis, respondens Jansenius, ait, enormiter illos omnes aberrare, qui ex ipsis probant ad libertatem arbitrii requiri indifferentiam, & abesse debere necessitatem; cum scilicet (pergit ille) non tantum ex usu vocis necessitas, quem apud Augustinum, & veteres Scriptores habet, sed ex ipsa contextus evidentia, perspicuum sit, eum de necessitate coactionis loqui (90);

(87) Lib. de Gratia & libero arbitrio num. 4. alias
cap. 2.

(88) Lib. 6. de Gratia Christi cap. 6.

(89) Lib. 7. ejusdem cap. 3.

(90) Lib. 6. de Gratia Christi cap. 6.

ipsumque perpetuo constanterque sentire, *omnem omnino voluntatem quantumcunque ad unum determinatam, nulla tali necessitate, qua dicitur, necesse esse, ut velit, desinere esse liberam, quia non desinit esse voluntas* (91). Verum enimvero tantum abest, eos errare, qui putant contenduntque, non tantum *necessitatem coactionis*, sed etiam *necessitatem simplicem* secundum S. Augustinum repugnare *libertati*; ut ipse potius Jansenius turpissime, contra sentiendo, ab Augustini mente deflexerit. In primis namque, certum ac prorsus perspicuum puto, S. Augustinum eam in humana voluntate admisisse & propugnasse libertatem, quam Manichæi eidem denegabant. Patet ex libris omnibus, quos ille contra Manichæos scripserat. Manichæi autem non negabant in homine libertatem *a coactione*, sed tantum, quæ dicitur *a simplici necessitate*. Ut enim egregie, ac verissimè contra Calvinum scripsit doctissimus Tapperus, *hanc voluntatis libertatem, quæ coactionem excludit, & externum motum, quo violenter trahitur voluntas, nec Manichæi, nec Valla, nec alii heretici negaverunt. Noverunt enim, inseparabilem esse a voluntate. Non enim docebat Manichæus, quod voluntas violenter externo motu invita trahitur ad bonum, vel malum; sed quod homo ex parte, quam a malo habeat principio, sponte sua, & voluntate ferebatur in malum; parte vero alia, quæ a Deo est, in bonum; sed necessario, ita ut secundum illam bonum eligere non possit, nec malum secundum istam* (92). Ergo non solam libertatem *a coactione*, sed etiam libertatem *a necessitate simplici*, S. Augustinus in voluntate

T 3

ad-

(91) Ibidem.

(92) Artic. 7.

admisit, & propugnavit. *Secundo* : certissime constat, S. Augustinum in notione *liberi arbitrii*, re, & nomine cum Pelagianis consensisse. Juliano siquidem objicienti, *Cælestianum*, & *Pelagianum* vocari a catholicis, *si quis aut liberum in hominibus arbitrium, aut Deum esse nascentium conditorem dixerit* (93), respondet S. Augustinus, non ita esse, ut ille loquebatur. *Multum falleris*, inquit, *vel fallere meditaris : non liberum negamus arbitrium. liberum in hominibus esse arbitrium, & Deum esse nascentium conditorem, utrique dicimus : non hinc estis Cælestiani, & Pelagiani : liberum autem esse quemquam ad agendum bonum sine adjutorio Dei, & non erui parvulos a potestate tenebrarum, & sic transferri in regnum Dei, hoc vos dicitis : hinc estis Cælestiani, & Pelagiani* (94). Eadem ergo fuit S. Augustino, quæ Pelagianis *liberi arbitrii* notio. Etenim, ut egregie observat Cl. P. De-champs, *si in voce tantum conveniunt, re autem ipsa, & subjecta verbo notione dissident, fallitur ipse S. Augustinus, cum ait, utrisque commune esse liberi arbitrii dogma; siquidem solum nomen commune est, nec dicere debuit : liberum in hominibus esse arbitrium, utrique dicimus; sed potius : liberi arbitrii nomen utrique retinemus* (95). Jam vero certum est, Pelagianos in libertate a necessitate simplici liberum arbitrium posuisse, sive pro comperto habuisse, hominem hac libertate in operando pollere. Patet, ut præteream alios,

(93) Lib. 2. *de Nuptiis, & concupiscentia* n. 7. *alias* ex cap. 3.

(94) Loco citato n. 8.

(95) Lib. 3. *de Hæresi Janseniana* Disp. 2. cap. 17. n. 3.

ex ipso Janfenio. Ait enim, eos in hoc libertatem arbitrii essentialiter collocasse unanimiter, quod homo habeat, ut ipsi loqui subinde solent, ut suoq; jure, in suaque potestate, utramlibet partem sequi (95). Ergo liberum arbitrium, etiam S. Augustini judicio, in libertate a simplici necessitate consistit. Postremo (idque mihi, nisi vehementer fallar, plane decretorium argumentum est) eam libertatem inesse homini, sentit S. Augustinus, quam difficillimum est cum efficacia divinæ gratiæ conciliare. Patet ex ipsomet S. Doctore. *Ista questio*, inquit, *ubi de libero arbitrio voluntatis, & de Dei gratia disputatur, ita est ad discernendum difficilis, ut quando defenditur liberum arbitrium, negari Dei gratia videatur; quando autem asseritur Dei gratia, liberum arbitrium putetur auferri* (97). Et alibi: *Ipsa etiam ratio, quæ de iis rebus a talibus, quales sumus, iniri potest, quælibet nostrum quærentem vehementer angustat, ne sic defendamus gratiam, ut liberum arbitrium auferre videamur; rursus ne liberum sic asseramus arbitrium, ut superba impietate, ingrati Dei gratiæ judicemur* (98). Ad Valentinum quoque scribens, quætionem hanc vocat difficillimam, & paucis intelligibilem (99). Jam vero sicuti difficillimum intellectu est, quomodo in voluntate efficaciter operetur gratia, quin illa desinat esse libera libertate a simplici necessitate; ita ex adverso illud est intellectu facillimum, si non alia tunc in voluntate salvanda sit libertas, nisi quæ coactionem, vim, atque violentiam excludit. Quis enim, inquit Cl. P. Dechamps, non intelligit,

T 4

(97) Lib. de Gratia Christi n. 52. alias cap. 47.

(98) Lib. 2. de peccat. meritis n. 28. alias cap. 18.

(99) Epist. 214. & 215. alias 46. & 47.

git, gratiam Dei posse esse victricem, & effectum suum certo consequi, quamvis eam voluntati coactionem non imprimat, quam impossibile fatentur omnes, quamque nec ipsis brutorum appetitionibus inferri posse, Philosophi pariter ac Theologi pronuntiant? Quis vel hac tempestate, in qua levissimæ difficultates excutuntur, operose, & litigantium Theologorum argumentis in abditißima plerumque mysteria abeunt, disputandum ea de re laboriosius putavit? Tam certum est istud, tamque perspicuum, ut vel ipsi Philosophiæ tirores in hac libertate cum Dei gratia componenda ne levissimam quidem difficultatis umbram suspicentur; & persuadebunt Adversarii, S. Augustinum, Doctorum omnium aquilam, ac veluti ingeniorum apicem, in hac difficultate caligasse, eamque difficillimam, a paucis intelligibilem, & quemlibet nostrum vehementer angustantem appellasse, quam nec Theologi vocant in questionem, quamque nullo negotio dissolvunt, qui primis Philosophiæ elementis initiantur (100). Ergo de necessitate coactionis non loquitur S. Augustinus, cum de ea necessitate disserit, quæ, ejus judicio, constantique sententia, humani arbitrii lædit libertatem; sed eam necessitatem tunc perpetuo intelligit, qua voluntas ita ad unum determinatur, ut, licet non invita, neque reluctans, sed delectabiliter, & cum complacentia illud faciat, contrarium tamen velle non possit. Hinc

COROLLARIUM.

218. Plane ad evidentiam constare dicendum est, S. Augustinum loqui de deliberata delectatione, cum

(100) Lib. 3. de heresi Janseniana disp. 3. cap. 3. n. 3.

necessarium esse dixit, secundum id operemur, quod amplius nos delectat. Si namque delectationem indeliberatam eo loci intelligeret, ea in voluntate non staret libertas, quam sexcentis in locis ipse deinde asserit, aperteque propugnat.

S C H O L I O N II.

219. Nihil negotii facessere nobis debet, Julianum Pelagianum objecisse S. Augustino, *ad quem modum liberetur voluntas, ut bonum semper velle cogatur* (101)? Neque enim inferre inde licet, persuasum fuisse Pelagianis, ideo lædi humanam libertatem per gratiam, quia hæc voluntatem ad bonum volendum cogat; & ex adverso S. Augustinum totum in eo fuisse, ut contra illos ostenderet, ideo gratiam non officere libertati, quia voluntas a gratia non cogatur. Id ergo ne cui negotium facessat, observetur velim, *coactionem* sumi a Pelagianis non pro *vi*, seu *violentia*, quæ inferatur voluntati, sed pro *simplici necessitate*, qua voluntas ita ad unum determinatur, ut contrarium velle non possit, quamvis quod hoc modo necessario vult, non velit invita. Patet ex ipso Jansenio. Fatetur enim, quod & pluribus probat, *simplicem necessitatem* vocari *coactionem* a Juliano. Non enim, inquit, tam intelligit (Julianus) *coactionem proprie dictam, quæ fit renitente voluntate, quam illam ad unam partem additionem, sive captivitatem, qua liberum arbitrium nonnisi bonum, vel nonnisi malum velle posse diceretur, sive voluntate sua reniteretur, sive non.* (102). Et infra ait,

J4-

(101) Lib. 1. operis imperfecti n. 101.

(102) Lib. 2. de hæresi Pelagiana cap. 1.

Julianum interpretem sui factum, *coactionem*, *necessitatemque* conjunxisse, cum dixit, *esse possibilitatem illam* (agendi scilicet tam bene, quam male, in qua consistit libertas voluntatis) *expertem* *cogentis necessitatis*, utpote quæ in suo iure habet, *utram suggestionem partem sequatur* (103). Neque secus, faterur, ipsum etiam Pelagium sensisse. Is enim, inquit, *omnia confundens & naturam, & violentiam, & astringentem, & necessitatem, & immutabilitatem actionis bonæ, satis superque docet, hoc se vocare coactionem, quæ ad unam sive boni, sive mali partem affigit, ita ut ad contrarium, ut ipse latius diducit, transire non possit* (104). Nihil ergo Jansenium juvat, *coactionis* vocabulum a Pelagianis, atque adeo & a S. Augustino, dum contra illos rem agit, usurpari; cum scilicet certum sit, ipsomet Jansenio id confirmante, eos non vim, non violentiam, sed simplicem necessitatem, *coactionis* nomine, intellexisse. Quod si penitius res huiusmodi inspicatur, non dubito, omnes facile concelluros, ex relatis Jansenii verbis satis validum argumentum contra illum posse deduci. Sic enim arguitur: Faterur Jansenius; Julianum Pelagianum, nomine *coactionis*, quæ humani arbitrii libertatem evertit, *non tam coactionem proprie dictam, quæ sit, renitente voluntate, quam illam ad unam partem additionem, qua liberum arbitrium nonnisi bonum, vel nonnisi malum velle potest, nempe simplicem necessitatem*, intellexisse. Igitur secundum Jansenium ad libertatem arbitrii duo requirebant Pelagiani, immunitatem scilicet a *coactione* proprie dicta, & immunitatem a *simplici necessitate*; & hinc est,

Ju-

(103) Lib. 2. de hæresi Pelagiana cap. 1.

(104) Ibidem.

Julianum, ut ille scripsit, *coactionem*, *necessitatemque* in voluntate conjunxisse. Ergo ad componendam arbitrii libertatem cum gratia, satis haudquaquam esse poterat, ut contra Pelagianos ostenderet Augustinus, voluntatem a divina gratia non cogi; sed insuper demonstrare ille debuerat, voluntatem ipsam non ita a gratia determinari, ut contrarium velle nequiret. Perspectum autem S. Augustino id non fuisse, neminem profecto dicturum spero. Ergo falsum est, sententiam fuisse Pelagianorum, libertatem voluntatis lædi, penitusque tolli, posita gratia, quia illa ad bonum cogeretur; & S. Augustinum non aliter liberum arbitrium contra Pelagianos propugnasse, nisi demonstrando, humanam voluntatem a gratia non cogi. Itaque

COROLLARIUM.

220. Audiendus non est Jansenius, dum ait, *ex omnibus Pelagianorum objectionibus de liberi arbitrii subversione per Dei gratiam conquerentibus, & Augustini responsionibus nihil evidentius esse posse, quam Pelagianos non aliter putasse, libertatem voluntatis violari, nisi quia Deus per gratiam totum solus faceret, adeoque hominem invitum & reluctanter ad bonum cogeret; nec aliter Augustinum liberum arbitrium defendere, & concordiam utriusque tradere, nisi quia non sola in homine operatur, sed etiam voluntas ex nolente & repugnante fit volens, & volendo cum gratia aliquid facit* (105). Nihil enim, ut satis constat ex hæcenus traditis, magis falsum est, quam Pelagianos non aliter putasse, libertatem voluntatis violari per gratiam, nisi quia

(105) Lib. 8. de Gratia Christi cap. 5.

quia hominem invitum & reluctantem illa ad bonum cogeret. Nihil magis absurdum, quam S. Augustinum in demonstranda re notissima, neque a Pelagianis in dubium versa (nempe humanam voluntatem divina gratia non cogi) operam studiumque suum collocare voluisse.

SCHOLION III.

221. Pauca quoque de famoso illo S. Augustini testimonio dicenda sunt, quo adeo manifeste constare putat Jansenius, solam necessitatem *coactionis* ejusdem S. Doctoris judicio, officere humani arbitrii libertati, ut nulla, inquit ipse, *tergiversatione eludi posse videatur* (106). Quærens itaque laudatus S. Doctor, an voluntatibus hominum aliqua dominetur necessitas, ait, si necessitas nostra illa dicenda est, quæ non est in nostra potestate, sed etiamsi nolimus, efficit quod potest, sicut est necessitas mortis, manifestum esse, voluntates nostras, quibus recte, vel perperam vivitur, sub tali necessitate non esse. Contra vero, si illa definitur necessitas, secundum quam dicimus necesse esse, ut ita fit aliquid, vel ita fiat, nescio, inquit, cur eam timeamus (107). Contendit ergo Jansenius, necessitatem primam, quam hic distinguit S. Augustinus, esse *coactionis*, alteram esse eam ipsam, quæ vulgo *necessitas simplex* nuncupatur, nempe qua voluntas ita determinatur ad unum, ut contrarium velle non possit. Infert propterea, docere S. Augustinum *clarissimis verbis*, necessitatem illam primam, scilicet *coactionis*, repugna-

(106) Lib. 6. de Gratia Christi cap. 6.

(107) Lib. 5. de Civitate Dei cap. 10.

pugnare libertati, istam vero minime, adeo nimirum, ut prima submotâ, nullam aliam timeat libertati voluntatis, quantumvis dicatur esse necessarium, ut velimus (108). Verum enimvero quantum ab Augustini mente alienus hoc loco sit Jansenius, hac una, ut alias omittam, ratione ostenditur. Certum est, necessitatem, sub qua S. Augustinus negat esse voluntates nostras, *quibus recte, vel perperam vivitur*, esse illam, quam voluntati imponi dicebat Tullius, admittit in Deo præscientia futurorum. Ipsomet siquidem fatente Jansenio, in libro 5. *de Civitate Dei*, ex quo illud testimonium sumtum est, *adversus cujusvis fati, aut præscientiæ necessitatem arbitrii, & voluntatis libertatem ex professo asserit, ac tuetur* Augustinus (109). Certum est autem, necessitatem, quam, admittit futurorum præscientia, Cicero formidabat, non fuisse *necessitatem coactionis*. Omissio namque, nimis indignum esse tanto Viro, qualis erat Tullius, vel levissime suspicari, Deum præscire non posse, qui futuri sint actus voluntatis, quin ad illos eliciendos ipsam non determinet tantum, sed etiam cogat, quis non videt, Tullium habere pro comperto non potuisse, voluntatem nostram necessario, *necessitate simplici*, agere motus suos, quin deinde negando in Deo horum motuum præscientiam, sibi aperitissime adversaretur? Nonne enim admittit, *qui fidetrum cursus, & motus numeris persequuntur*, ea prædicere, *quæ naturæ necessitas perfectura est* (110)? Nonne fatetur, Apollinem futura posse dicere ea, quorum

(108) Loco citato.

(109) Lib. 6. *de Gratia Christi* cap. 6.(110) Lib. 2. *de Divinatione* cap. 6.

rum causas natura ita continet , ut ea fieri , necesse sit (111)? Qua ergo fronte, hæc si vera sint, negare ille in Deo potuit præscientiam futurorum actuum voluntatis, ne liberum arbitrium negare cogeretur, si jam persuasum illi fuisset, quod docet Jansenius, videlicet *omnem omnino voluntatem quantumcunque ad unum determinatam, nulla tali necessitate, qua dicitur necesse esse, ut velit, desinere esse liberam, quia non desinit esse voluntas* (112)? Dicendum itaque, non *coactionis*, sed *simplicem* eam esse *necessitatem*, quam sequuturam in voluntate formidabat Cicero ex præscientia futurorum; & ideo ratum illi fixumque fuisse, liberum voluntatis arbitrium cum illa necessitate, adeoque cum divina præscientia, si daretur, componi non posse, ac proinde S. Augustinum loqui de *necessitate simplici*, non vero de *necessitate coactionis*, dum ait, voluntates nostras, quibus recte, vel perperam vivitur, sub tali necessitate non esse, *quæ, etiamsi nolimus, efficit quod potest*; loqui vero de *necessitate consequente*, dum, necessitatem illam minime a nobis timentam esse, ait, *secundum quam dicimus necesse esse, ut ita sit aliquid, vel ita fiat, quemadmodum nempe fuit a Deo prævisum.*

II.

222. Traditur *secundo* in systemate Janseniano, quædam a Deo præcipi, quæ non solum infidelibus, obduratis, & excæcatis, verum etiam fidelibus, & justis sunt quandoque observatu impossibilia, quatenus ea gratia non semper illis tribuitur, sine qua impossibile est,

(111) Lib. *de fato* cap. 14.

(112) Lib. 6. *de Gratia Christi* cap. 6.

est, mandata ipsa impleantur. Contrarium autem docet S. Augustinus. Inquit enim: *Deus impossibilia non jubet, sed jubendo admonet, & facere, quod possis, & petere, quod non possis* (113). Et infra: *eo ipso, inquit, quo firmissime creditur, Deum justum & bonum impossibilia non potuisse præcipere, hinc admonemur, & in facilibus quid agamus, & in difficilibus quid petamus* (114). Pluribus quoque præmissis Sacræ Scripturæ testimoniis, certissime nobis constare ait, *nec Deum aliquid impossibile homini præcepisse, nec Deo ad opitulandum & adjuvandum, quo fiat, quod jubet, impossibile aliquid esse; ac per hoc posse hominem, si velit, esse sine peccato, adjutus a Deo* (115). Unde alio loco; *nemo, inquit, Deum causetur in corde suo, sed sibi imputet quisque, cum peccat* (116). Neque enim imperaret hoc Deus, ut faceremus, si impossibile judicaret, ut hoc ab hominibus fieret (117). Constans præterea S. Augustini sententia est, neminem a Deo deserti, nisi ipse primò ab homine deseratur. *Medicus homo, inquit S. Doctor, cum sanaverit hominem, jam de cetero sustentandum elementis, & alimentis corporalibus, ut eadem sanitas apto subsidio convalescat atque persistat, Deo dimittit..... Ipse autem Deus, cum per mediatorem Dei, & hominum hominem Jesum Christum, spiritualiter sanat agrum, vel vivificat mortuum, id est, justificat impium; & cum ad perfectam vitam justitiamque perduxerit, non deserit, si non deseratur, ut*

(113) Lib. de natura & gratia n. 50. alias cap. 43.

(114) Ibidem n. 83, alias cap. 69.

(115) Lib. 2. de peccat. meritis n. 7. alias cap. 6.

(116) Lib. de Gratia & libero arbitrio n. 4. alias cap. 2.

(117) Enarrat. in Psalm. 56. n. 1.

pie semper justeque vivatur. Sicut enim oculus corporis etiam plenissime sanus, nisi candore lucis adjutus non potest cernere; sic & homo etiam perfectissime justificatus, nisi aeterna luce justitiæ divinitus adjuvetur, recte non potest vivere. Sanat ergo Deus, non solum ut deleat, quod peccavimus, sed ut præstet etiam ne peccemus (118). Contra autem res fieret, adeoque pugnantia traderet Augustinus, si sentiret, quod docet Jansenius, etiam fidelibus scilicet, & justis impossibilia interdum esse aliqua divina præcepta, quatenus Deus eam gratiam illis quandoque subtrahit, vel denegat, sine qua impleri illa non possunt. Homo enim non desinit esse justus, nisi quia non exequitur, quod jubet Deus, nec prius est, illum carere gratia, quam iussa violare. Ergo nequit esse Augustini doctrina, Deum etiam fidelibus, & justis impossibilia quandoque præcipere, quatenus non semper ea illis adest gratia, per quam, quæ Deus ipsis jubet, implere possint. Equidem scio, Jansenium respondere, S. Augustinum loqui hoc loco non de gratia actuali, sed de gratia habituali, seu sanctificante, velle nempe Augustinum, quod Deus neminem deserit, ab eo discedendo, ipsa scilicet subtractione justitiæ, nisi homo prius Deum per inobedientiam deserat (119). At neque ignoro, Jansenium ita sentire non posse, quin sibi metipso nequaquam consentiat. Certum est enim, S. Augustinum toto libro de natura & gratia, ex quo illud ejusdem testimonium desumptum est, agere contra Pelagium, ut ex illius inscriptione cuique sit manifestum. Certum est autem, ipsomet faciente Jansenio, nullam de gratia habituali, sed tantum de

(118) Lib. de natura & gratia n. 29. alias cap. 26.

(119) Lib. 3. de Gratia Christi cap. 19.

De *actuali* Augustino fuisse, cum Pelagio, disceptationem. Ait enim: *Hoc gratiæ divinæ adjutorium, quo in singulis actibus nos adjuvandos Augustinus confitetur, & a Pelagio, si vult esse christianus, confitendum tradit, tamquam gratiam, de qua tota erat Ecclesiæ cum isto heretico disceptatio, tam est perspicuum, esse actuale, & jugiter suppeditandum a Deo, ut mirum sit, a quoquam in dubium potuisse revocari* (120). Velle igitur nequit Jansenius, ut loco laudato loquatur S. Augustinus de *gratia habituali*, quin sibi contradicat. Constat præterea, S. Augustinum loqui de gratia, qua homo nisi adjuvetur, recte non potest vivere, & per quam præstat Deus, ne peccemus. Hanc autem non *habitua-*lem esse, sed *actua-*lem, nemo non videt. Ergo perperam ad *gratiam habitua-*lem confugit Jansenius, ut vim argumenti, quo invictissime premitur, ipse declinet.

S C H O L I O N.

223: Ut iis fiat satis, quæ ad impiam suam doctrinam, S. Augustini auctoritate, confirmandam ex illo affert obtruditque Jansenius (121), duo considerare oportet.

ANIMADVERSIO I.

224. Primum est, doctrinam fuisse Pelagianorum, omnia divina mandata per solas naturæ vires impleri a nobis posse. Putabant Pelagiani, inquit S. Augustinus, *ad divina mandata servanda, & implenda,*

V

nul-

(120) Lib. 2. *ejusdem* cap. 16.

(121) Lib. 3. de *Gratia Christi* cap. 13.

nullo divino adiutorio nos egere (122), sive; ut non peccemus, impleamusque iustitiam, posse sufficere naturam humanam, quæ condita est cum libero arbitrio (123). Erat autem potissima illorum ratio, quia Deus impossibilia non jubet. Etenim, ut scribit laudatus S. Doctor, magnum aliquid Pelagiani se scire putant, quando dicunt: Non juberet Deus, quod sciret, non posse ab homine fieri (124); quasi nempe verum id esse non posset, si quæ ille jubet, solius naturæ viribus homo implere nequiret. Cum itaque ait S. Augustinus, Deum jubere aliqua, quæ non possumus, loquitur de potentia implendi divina mandata, viribus solius naturæ. Fatetur quippe, aperteque dat Pelagianis, nemini ignotum esse, Deum non præcepturum, quod sciret, non posse ab homine fieri; at simul addit, illum ideo jubere aliqua, quæ non possumus, ut noverimus, quid ab illo petere debeamus (125); eosque idcirco a nobis repellendos esse docet, qui dicunt, accepto semel liberæ voluntatis arbitrio, nec orare nos debere, ut Deus nos adjuvet, ne peccemus (126). Verum ne pigeat Seraphicum Doctorem tantisper audire. Quærens etenim, pro quanto verbum illud habeat veritatem, quod nulus peccat in eo, quod non potest facere, vel vitare: Respondet dicendum, quod posse quid facere, vel vitare, dupliciter aliquis potest; quia per seipsum sine aliquo alieno suffragio potest illud, sicut aliquis potest

607

(122) Epist. 178. alias 94. n. 1.

(123) Lib. de Gestis Pelagii n. 61., alias cap. 35.

(124) Lib. de Gratia & libero arbitrio n. 32. alias cap. 16.

(125) Ibidem.

(126) Lib. 2. de Peccatorum meritis n. 6. alias cap. 5.

comedere, quando est sanus, & habet cibum. Alio modo dicitur aliquis aliquid posse, non solum quia potest illud per se, & in se, sed quia potest cum alio, quod sibi præsto est. Et hoc modo accipiendo posse, omne quod Deus præcipit, in nostra potestate est; quia ipse, qui præcipit, præsto est præbere gratiam adjuvantem, per quam possumus proficere. Alio modo accipiendo posse, non omne, quod præcipit, est in nostra potestate; non tamen ex hoc excusatur aliquis, sicut si præciperet dominus servo, quod daret sibi ad bibendum, & ipse non haberet aquam, si posset eam acquirere, non excusaretur; sic & in proposito intelligendum est. Primo modo accipiendo posse, sive aliquis possit in se, sive per divinum auxilium, intelligit Augustinus, & hoc insinuat ejus verbum: numquid quis peccat in eo, quod nullo modo evitare potest? Et sic intellexit etiam Hieronymus, cum dixit, illum esse anathema, qui dicit, Deum præcipisse impossibile. Pelagius autem accepit primo modo, & ideo erravit, & plus attribuit libero arbitrio, quam possit (127). Hinc & Beda: Qui dicit, inquit, Dominum non impossibile aliquid præcipisse, quia justus est, verum profecto dicit, si ad ejus respiciat auxilium, cui catholica vox supplicat: Deduc me in semitam mandatorum tuorum. Si vero viribus animi sui fidit, refellit eum veridica ejusdem Conditoris sententia, qua dicit: Sine me nihil potestis facere (128).

(127) Super dist. 28. Lib. 2. Sententiarum dub. 3.

(128) Lib. 1. in Cantica cap. 6. prope finem.

ANIMADVERSIO II.

225. Alterum, quod hac in re observandum putato, est, divina præcepta dupliciter nobis esse aut dici posse possibilia, nimirum *proxime*, sive *immediate*, & *remote*, seu *mediate*. Dicuntur *proxime*, sive *immediate* nobis possibilia, cum nobis ea adest gratia, quæ requiritur, ut illa a nobis impleantur. Dicuntur vero possibilia tantum *remote*, seu *mediate*, cum eam quidem non habemus gratiam, quæ ad illa implenda requiritur; sed eam tamen habemus, qua orare possumus, & illam a Deo impetrare. Tametsi ergo secundum S. Augustinum divina præcepta non semper nobis *proxime*, sive *immediate* observatu possibilia sint, semper tamen, cum instant, sunt nobis *remote*, seu *mediate* observatu possibilia. Tunc enim si nobis non adsit gratia, qua *immediate* possimus, ea tamen nobis præsto est qua *mediate* valemus. Præceptum, inquit S. Doctor, id nobiscum agit, ut quod jam est in potestate faciamus; si autem nondum est in potestate, oremus, nobis potestatem dari, ut quod præceptum est impleamus (129). Scribens quoque ad Monachos Adrumetinos, intelligant, inquit, si filii Dei sunt, Spiritu Dei se agant, ut quod agendum est agant. . . . quando autem non agunt, . . . orent ut quod nondum habent, accipiant (130). Et alio loco ad eosdem: præcepto admonitum est liberum arbitrium, ut quæreretur Dei donum: quod quidem sine suo fructu prorsus admoneretur, nisi prius acciperet aliquid dilectionis (nempe gratiæ) ut addi sibi quæ-

re-

(129) Lib. 2. contra Maximinum cap. 14. n. 9.

(130) Lib. de Corrept. & gratia n. 4. alias cap. 24.

reret, unde, quod jubebatur, impleteret (131). Dicebat propterea, Deum impossibilia non jubere, sed jubendo admonere, & facere quod possis, & petere quod non possis (132). Et alibi eo ipso, quo firmissimè creditur, Deum justum, & bonum impossibilia non potuisse præcipere, hinc nos admoneri, & in facilibus quid agamus, & in difficilibus quid petamus (133). Ex quibus duo infert P. Dechamps, profecto non omittenda: Primum est, inquit ille, insulsa, ridicula, inepta fore hæc omnia testimonia, si valeat Jansenii opinio contententis, eos, qui Dei mandatum violant, non modo per præsentis vires illud implere non posse, sed nec per easdem orare, sicut oportet, ut divinam opem impetrent. Nam illa S. Augustini testimonia, respectu ejusmodi hominum, hunc sensum efficerent: Deus impossibilia non jubet, sed jubendo admonet, ut faciant impossibilia, admonet enim, ut vel faciant, quod jubet, vel orent, sicut oportet ad vires impetrandas. Primum ex Jansenii sententia est impossibile iis omnibus, qui divinis mandatis non obtemperant; quia secundum præsentis vires non possunt facere quod Deus jubet. Secundum quoque ex ejusdem pariter opinione est illis pariter impossibile; quia per easdem vires non possunt orare, sicut oportet: igitur Deus admonet, ut faciant quod est impossibile. Quis autem non videt, perinde absurdum esse, qui ait, Deum admonere, ut faciamus impossibilia, ac qui docet, Deum jubere impossibilia? Altera observatio quæ manifeste ostendit, ex

V 3

San-

(131) Lib. de Gratia, & liber. arbitr. num. 37. alias cap. 18.

(132) Lib. de Natura & gratia n. 50. alias cap. 43.

(133) Lib. de Natura, & gratia n. 83. alias cap. 69.

Sancti Augustini mente neminem precepto teneri, qui completam & proximam vel ejus exequendi, vel divina opis implorande potestatem non habeat, inde sumitur, quod S. Doctor ait, Deum, cum aliquid imperat, eos, qui facere illud possunt, admonere, ut faciant; alios vero omnes admonere, ut petant. Cur non dicit, istos, perinde ac priores, admoneri ut faciant? Quia nimirum non putat, admonitionem circa illud proprie versari, quod quis non potest; atque adeo existimat, eos tantum admoneri, ut faciant, qui possunt facere, imo qui id facile possunt: Hinc admonemur, inquit, & in facilibus quid agamus &c. Igitur censet, eos omnes, qui admonentur, ut petant, posse petere, imo & facile posse; alias enim, quemadmodum non ait, eos admoneri, ut faciant, quia faciendi potestatem non habent; ita neque diceret, eos admoneri, ut petant, quia petendi potestatem non haberent (134).

III.

226. Tertio docetur in Janseniano systemate, in statu lapsæ egrotæque naturæ humanam voluntatem interiori gratiæ nunquam resistere. Secus vero sensit S. Augustinus. En illius verba: *Cum voluntatem humanam gratia adjuvante divina sine peccato in hac vita possit homo esse, cur non sit, possem facillime ac veracissime respondere, quia homines nolunt. Sed si ex me quaeritur, quare nolunt, imus in longum. Verumtamen etiam hoc sine præjudicio diligentioris inquisitionis breviter dicam. Nolunt homines facere, quod justum est, sive quia latet, an justum sit, sive quia non delectat....*

Ut

(134) Lib. 3. de heresi Janseniana disp. 6. cap. 1. n. 4.

Ut autem innotescat, quod latebat, & suave fiat, quod non delectabat, gratie Dei est, quæ hominum adjuvat voluntates, quæ ut non adjuventur, in ipsâ itidem causa est, non in Deo (135). Quis autem non videt, in hominibus esse non posse causam, cur a divina gratia non adjuventur, nisi quia illius impulsui resistunt? Hinc alibi idem S. Doctor cum ubique, inquit, sit præsens (Deus) qui multis modis per creaturam, sibi Domino servientem, aversum vocet, doceat credentem, consoletur sperantem, diligentem exhortetur, conantem adjuvet, exaudiat deprecantem, non tibi deputatur ad culpam, quod invitus ignoras, sed quod negligis querere, quod ignoras; neque illud, quod vulnerata membra non colligis, sed quod volentem sanare (utique per gratiam) contemnis (illi scilicet resistentem). Ista tua propria peccata sunt (136). Scribens quoque ad Simplicianum, multi, inquit, sunt vocati, pauci vero electi, utique ii, qui vocantem non contempserunt, sed credendo secuti sunt. . . . Noluit ergo Esau, & non cucurrit; sed & si voluisset, & cucurrisset, Dei adjutorio pervenisset, qui ei etiam velle, & currere vocando præstaret, nisi vocatione contempta, reprobus fieret (137). Alibi quoque idem S. Doctor ita scribit: Ad illam cœnam, quam Dominus dicit in Evangelio preparatam, nec omnes, qui vocati sunt, venire voluerunt, neque illi, qui venerunt, venire possent, nisi vocarentur. Itaque nec illi debent sibi tribuere, qui venerunt; nec illi, qui noluerunt venire, debent alieri

V 4

tri-

(135) Lib. 2. de Peccatorum meritis num. 26. alias cap. 17.

(136) Lib. 3. de libero arbitrio n. 53. alias cap. 19.

(137) Lib. 1. q. 2. n. 10.

tribuere, sed tantum sibi; quoniam ut venirent, vocati erant in libera voluntate. Vocatio ergo ante meritum voluntatem operatur. Propterea & si quisquam sibi tribuit, quod venit vocatus, non sibi potest tribuere, quod vocatus est. Qui autem vocatus non venit, sicut non habuit meritum præmii, ut vocaretur, sic inchoat meritum supplicii, cum vocatus venire neglexerit (138). Itaque an clarius loqui potuerit S. Augustinus ad nos monendos, humanam voluntatem non semper consentire divinæ gratiæ, sed illi plerumque resistere, plane non video.

S C H O L I O N.

227. Quæ ex S. Augustino affert Jansenius, ut evincat, non aliam in statu naturæ lapsæ admissam ab illo fuisse interiorem gratiam, nisi quæ invictissime facit, ut voluntas velit, facile diluuntur. In illis quippe omnibus locis loquitur S. Doctor non de omni interiori gratia Christi, sed de efficaci, quam nemo catholicorum negat esse hujusmodi, ut humana voluntas illi nunquam resistat. De hac itaque loquitur ille, cum ait: *Subventum est infirmitati voluntatis humanae, ut divina gratia, indeclinabiliter, & insuperabiliter ageretur..... Fortissimo dimisit atque permisit facere, quod vellet; infirmis servavit, ut, ipso donante, invictissime, quod bonum est, vellent, & hac deserere, invictissime nollent* (139). Hanc ipse intelligit cum dicit: *Hac gratia, quæ occulte humanis cordibus divina largitate tribuitur, a nullo duro corde respuitur. Ideo quippe*

(138) Lib. 83, qq. quæst. 68. n. 5.

(139) Lib. de correptione & gratia n. 38. alias cap. 124

pe tribuitur, ut cordis duritia primitus auferatur. Quando ergo Pater intus auditur, & docet, ut veniatur ad Filium, auferit cor lapideum, & dat cor carneum, sicut Propheta predicante promisit (140). De hac quoque gratia sermo illius est, cum ait: Quando Deus docet, non per legis litteram, sed per spiritus gratiam; ita docet, ut quod quisque didicerit, non tantum cognoscendo videat, sed etiam volendo appetat, agendoque perficiat..... Si enim solum posse nostrum hac gratia iuvaretur, ita diceret Dominus: Omnis, qui audivit a Patre, & didicit, potest venire ad me. Non autem ita dixit; sed: Omnis, qui audivit, inquit, a Patre, & didicit, venit ad me..... Omnis, qui didicit a Patre, non solum potest venire, sed venit (141). Loquitur demum de hac gratia, dum ad Vitalem Carthaginensem scribens, ait: Quomodo Deus expectat voluntates hominum, ut praeveniant eum, quibus det gratiam; cum gratias ei non immerito agamus de iis, quibus non ei credentibus, & ejus doctrinam voluntate impia persequentibus, misericordiam prae rogavit, eosque ad seipsum omnipotentissima facilitate convertit, ac volentes ex nolentibus fecit (142)? Hæc igitur, ceteraque id genus S. Augustini testimonia, nullatenus favent Jansenio. Non enim evincunt, quod ipse docet, omnem scilicet gratiam Christi, secundum Augustinum, esse efficacem; sed tantum, efficacem Christi gratiam ab Augustino fuisse admittam: quod, ut dixi, nullus Catholicorum inficiatur, quamvis in explicanda ratione, qua, illæsa

(140) Lib. de prædestin. Sanctorum num. 13. alias cap. 8.

(141) Lib. de Gratia Christi n. 15. alias cap. 14.

(142) Epist. 217, n. 24. alias 107. cap. 6.

arbitrii libertate , *indeclinabiliter* , *insuperabiliter* , & *invictissime* illa operetur , non omnes convenient.

ANIMADVERSI O.

228. Velit tamen, nolitive Jansenius, fateatur necesse est, non omnem Christi gratiam, quam ipse quoque admittit, hisce Augustini testimoniis comprehendi. Ita namque argumentum conficio : Gratia , quam in citatis locis memorat S. Augustinus , ejus est naturæ, tantæque efficacæ , ut humana voluntas *invictissime* per illam velit , quod justum est , illudque deferere, *invictissime* nolit ; ut a nulla voluntate , quantumvis dura , non respuatur ; ut auferat cor lapideum, & det cor carneum ; ut demum per eam convertatur homo , atque ad Christum veniat. Ipsomet autem docente Jansenio , ut visum est , non omnis medicinalis gratia Christi est hujusmodi. Datur quippe , illius judicio , gratia Christi , quæ non *velle perfectum* , sed solam *velleitatem* in nobis excitat ; quæ non ita movet voluntatem , ut per eam *efficaciter* velit , quod volendum est ; quæque demum est ita *inefficax* , ut operatio sequi ex illa non possit , nisi ejus inefficacia per aliam suppleatur. Ergo , nisi placeat Jansenio , sibi metipsi apertissime adversari , fateatur oportet , non omnem gratiam Christi esse talem , qualem S. Augustinus in laudatis locis describit. Qua ergo fronte relata S. Augustini testimonia usurpare potuit Jansenius , ut, tanti Doctoris auctoritate , suaderet , omnem Christi gratiam esse efficacem?

IV.

229. *Quarto* : Janseniani systematis dogma est, ad merendum, & demerendum minime nunc requiri, ut actio sit libera libertate *a necessitate*, sed sufficere, ut libera ipsa sit libertate *a coactione*. At vero quantum ab hac sententia abhorruerit S. Augustinus, mirandum profecto, Jansenium id non vidisse. Præmissa namque definitione peccati, quod nempe sit *voluntas retinendi, vel consequendi, quod justitia vetat, & unde liberum est abstinere*, ait S. Doctor, *etiamne hi libri obscuri mihi scrutandi erant, unde discerem, neminem vituperatione, suppliciove dignum, qui aut id velit, quod justitia velle non prohibet, aut id non faciat, quod facere non potest? Nonne ista cantant & in montibus pastores, & in theatris poete, & indocti in circulis, & docti in bibliothecis, & magistri in scholis, & antistites in sacris locis, & in orbe terrarum genus humanum? Quod si nemo vituperatione, vel damnatione dignus est, aut non contra vetitum justitiæ faciens, aut quod non potest non faciens, omne autem peccatum vel vituperandum est, vel damnandum, quis dubitet, tunc esse peccatum, cum & velle injustum est, & liberum nolle (143)? Et infra: dicere animas & esse malas, & nihil peccare, plenum est dementia: dicere autem peccare sine voluntate, magnum deliramentum est; & peccati reum tenere quemquam, quia non fecit, quod facere non potuit, summa iniquitatis est, & insanie. Quamobrem illæ animæ quidquid faciunt, si natura, non voluntate faciunt, id est, si libero & ad faciendum,*

(143) Lib. de duabus animabus n. 15. alias cap. 11,

Et ad non faciendum motu animi *carent* ; *si* denique his abstinendi ab opere suo potestas nulla *conceditur*, *peccatum earum tenere non possumus* (144). Dubium non est autem, quin hic loquatur S. Augustinus de libertate *a simplici necessitate*. Agit enim, ut patet, contra Manichæos, qui ne somniabant quidem, malas animas peccare coactas, & invitas. Certum est etiam, ipsum loqui de hominibus, non qui essent in statu innocentiae, sed qui sunt post lapsam in Adamo, corruptamque naturam. Hos enim, non illos considerant pastores, poëtae, docti, indocti, magistri, antistites, omnesque demum homines, dum *neminem vituperatione, suppliciove dignum* esse dicunt, qui *id non faciat, quod non potest*. Ergo sentit S. Augustinus, non sufficere ad demeritum, adeoque neque ad meritum, ut immunes simus *a coactione*, sed ratum illi fixumque est, ad faciendum opus poëna, præmiove dignum *necessario* requiri, ut liberi quoque simus *a simplici necessitate*. Hinc Evodius alloquens S. Doctor, *nunc Deus cum peccantem punit, quid, inquit, videtur tibi aliud dicere, nisi*, cur non ad eam rem usus es libera voluntate, ad quam tibi eam dedi, *hoc est*, ad recte faciendum? Deinde illud *bonum*, quo commendatur ipsa justitia in damnandis peccatis, *recteque factis* honorandis, *quomodo esset, si homo careret libero voluntatis arbitrio?* Non enim aut peccatum esset, aut recte factum, *quod non fieret voluntate*. Ac per hoc *et poëna injusta esset, et præmium, si homo voluntatem non haberet liberam*, hoc est, si necessario tam bene, quam male operaretur (145). Et infra in persona ipsius

Evo-

(144) Lib. de duabus animabus n. 17. alias cap. 12.

(145) Lib. 2. de libero arbitrio n. 3. alias cap. 1.

Evodii ita loquitur :: *motus*, quo huc atque illuc voluntas convertitur, nisi esset voluntarius, atque in nostra positus potestate, neque laudandus, cum ad superiora, neque culpandus homo esset, cum ad inferiora detorquet quasi quemdam cardinem voluntatis; neque omnino monendus esset, ut, istis neglectis, aeterna vellet adipisci, atque ut male nollet vivere, vellet autem bene. Hoc autem monendum non esse hominem, quisquis existimat, de hominum numero exterminandus est (146). Hinc etiam Evodius, vel, ut olim credebatur, Augustinus ipse, peccatum, inquit, sit ab anima rationali, cui liberum voluntatis arbitrium est; & pœna infligitur iustitia Dei, quæ nihil facit injuste. Adversus hæc solita cœcitate Manichæi latrant, & cum convincuntur, naturam non esse malam, sed in potestate esse hominis facere bene, aut male, dicunt, non esse animam liberam voluntatem, & non vident cœcitatem suam. Quis enim non clamet, stultum esse, præcepta dare ei, cui liberum non est, quod præcipitur, facere; & iniquum esse, cum damnare, cui non fuit potestas, iussa complere (147)? Persuasum demum habet S. Doctor, motum, quo voluntas ab incommutabili bono deflectit, si natura, vel necessitate existit, culpabilem esse nullo pacto posse (148); neminemque futurum esse, ait, qui non agnoscat, totoque corde, utpote verissimum, non suscipiat præclarum illud dictum S. Hieronymi: *Liberi arbitrii nos condidit Deus, nec ad virtutem, nec ad vitia necessitate trahimur; alioquin ubi necessitas, nec*

com

(146) Lib. 3. ejusdem n. 3. alias cap. 1.

(147) Lib. de fide contra Manichæos, S. Augustino olim adscripto, cap. 9. & 10.

(148) Lib. 3. de libero arbitrio n. 1. alias cap. 1.

corona est (149). Nihil est igitur ab Augustini mente magis alienum, magisque contrarium illius doctrinæ, quam ad merendum, & demerendum in hoc naturæ statu non requiri in homine libertatem a necessitate, sed sufficere libertatem a coactione.

S C H O L I O N.

230. Neque necessarium pro coacto, neque liberum pro eo, quod tantum a coactione immune est, in hisce, quæ retulimus, locis, sumi a S. Augustino, ex iis, quæ tradita sunt, satis constare puto. Quamobrem alio se vertant Janseniani, necesse est, ut hujus argumenti, quo invictè præmuntur, vim declinent,

V.

231. Docetur quinto in systemate Janseniano, medicinalem Christi gratiam ejus esse naturæ, ut humana voluntas vel non possit illi obtemperare, si velit, vel illi, si velit, non possit resistere. Veruntamen secus sentit S. Augustinus. Primo etenim docet, consentire gratiæ, vel ab ea dissentire in libera esse voluntatis potestate. *Adtendat*, inquit S. Doctor, & videat, non ideo tantum istam voluntatem divino muneri tribuendam, quia ex libero arbitrio est, quod nobis naturaliter concreatum est; verum etiam quod visorum suasionibus agit Deus, ut velimus, & ut credamus; si-
vo extrinsecus per Evangelicas exhortationes, ubi & mandata aliquid agunt, si ad hoc admonent hominem infirmitatis suæ, ut ad gratiam justificantem credendo
con-

(149) Lib. de natura, & gratia n. 78. alias cap. 65.

confugiat; siue intrinsecus, ubi nemo habet in potestate, quid ei veniat in mentem, sed consentire, vel dissentire propriæ voluntatis est. His ergo modis quando Deus agit cum anima rationali, ut ei credat (neque enim credere potest quodlibet libero arbitrio, si nulla sit suasio, vel vocatio, cui credat) profecto & ipsum velle credere Deus operatur in homine, & in omnibus misericordia ejus prævenit nos. Consentire autem vocationi Dei, vel ab ea dissentire, sicut dixi, propriæ voluntatis est (150). Esse autem propriæ voluntatis consentire gratiæ, & ab ea dissentire, perinde est, ac voluntatem ipsam posse, si velit, gratiæ obtemperare, & si velit, posse illi resistere. Ergo secundum S. Augustinum ea divinæ gratiæ natura non est, ut voluntas vel non possit illi obtemperare, si velit, vel non possit, si velit, illi resistere. Scio equidem, Jansenium respondere, hoc, & similibus locis non aliud ab S. Augustino significari, quam quod velle, & nolle, consentire, ac dissentire, credere, & non credere, sint officia voluntatis, & libertatis, seu quod idem est, inquit ipse; creaturam rationalem non posse velle, aut nolle, consentire, aut dissentire, credere, aut incredulam esse, nisi libero voluntatis arbitrio (151). Verum contra est. Vel enim, cum ait, consentire, & dissentire, esse officia voluntatis, non aliud significare vult Jansenius, nisi consentire, & dissentire ita pertinere ad voluntatem, quemadmodum affirmare, & negare pertinet ad intellectum; vel intelligit, quod ipsi volumus, consentire scilicet, & dissentire esse in potestate libera voluntatis. Non certe hoc alterum, ut patet. Ergo primum.

(150) Lib. de Spiritu, & litera n. 60. alias cap. 34.

(151) Lib. 2. de Gratia Christi cap. 34.

num. Sed indigna prorsus res est, vel suspicari, S. Augustinum ita intellexisse. Ut enim egregie ait Cl. P. Dechamps, *quid absurdius dici, aut fingi potest, quam S. Augustinum inculcare toties, & probare pluribus, propriæ esse voluntatis consentire, vel dissentire si his verbis id unum pugnat, consentire, & dissentire esse officia voluntatis? An timendum S. Doctori fuit, ne quis arbitraretur, consentire, & dissentire non voluntatis, sed intellectus, aut phantasiæ munus esse? Quis unquam negavit, velle officium esse voluntatis, sicut intelligere est officium mentis? Quid ergo S. Augustinus tot verbis id unum contendere, quod nemo inficiatur (152)?* Observetur præterea velim cum eodem Viro doctissimo, S. Augustinum, postquam dixit, *neminem habere in potestate, quid ei veniat in mentem*, continuo subjicere, *sed consentire, vel dissentire propriæ esse voluntatis*. Sequitur enim hinc, consentire, & dissentire nedum esse actus voluntatis secundum S. Augustinum, sed ita esse in illius potestate, ut, si velit, & consentire ipsa possit, & dissentire. Cum enim ait S. Augustinus, inquit memoratus Vir Cl. *propriæ esse voluntatis consentire, vel dissentire, aliquid voluntati tribuit respectu consensu, & dissensu, quod illi non convenit respectu volitionis illius indeliberatæ, quæ gratia præveniens est. At voluntati convenit respectu volitionis illius indeliberatæ, ut voluntatis, non alterius facultatis officium sit, eam producere. Igitur, cum S. Augustinus ait, propriæ esse voluntatis consentire, vel dissentire, non id tantum voluntati tribuit, ut illius, non alterius facultatis, officium sit, consensum, & dis-*
sen-

(152) Lib. 3. de Hæresi Janseniana Disp. 3. cap. 1.

n. 2.

sensum producere (153); sed præterea ut actus uterque in illius ex æquo libera sit potestate. Fatetur porro Janseñius, *consentire, & dissentire esse officia libertatis, & creaturam rationalem consentire, aut dissentire libero voluntatis arbitrio*. Verum, ut ex dictis constat, libertatem sumit pro immunitate a coactione, neque aliud est illi *liberum arbitrium*, nisi voluntas, quatenus non coacta, neque invita, sed cum complacentia operatur. Docet secundo S. Augustinus, gratiæ, utique medicinali, cui resistit, posse hominem consentire, & vicissim illi, cui consentit, posse resistere. Ait quippe: *Nemo, nisi Deus, facere arbores potest, sed habet unusquisque in voluntate, aut eligere, quæ bona sunt, & esse arbor bona, aut eligere, quæ mala sunt, & esse arbor mala..... Hoc ergo Dominus dicens, aut facite hoc, aut facite illud, ostendit esse in potestate, quid facerent* (154). Propterea indignum non esse ait, ut *Deus dicat, venite in ignem æternum, eis, qui ejus misericordiam per liberum arbitrium respuerunt; & dicat, venite benedicti Patris mei, percipite regnum eis, qui per liberum arbitrium fidem ejus susceperunt, peccata sua confessi sunt &c.* (155). Nemo autem non videt, cum ait S. Doctor, *per liberum arbitrium divinam misericordiam respui, vel suscipi fidem*, non aliud significare, nisi eos, qui divinæ gratiæ consensere, potuissent illi resistere, & vicissim divinæ gratiæ consentire potuissent, qui illi restiterunt. Hinc ad Simplicianum scribens, *multi, inquit, sunt vocati, pauci vero electi, utique ii, qui vocantem non*

X

con-

(153) Loco citato.

(154) Lib. 2. de *Actis cum Felice Manichæo* cap. 4.

(155) Ibidem cap. 8.

contempserunt (resistendo scilicet gratiæ ; qua vocati fuerant) *sed credendo* (nempe gratiæ consentiendo, cui poterant resistere) *secuti sunt* (156). Unde addit. *Noluit Esau, & non cucurrit, sed si voluisset, & cucurrisset, Dei adjutorio pervenisset* (157). Demum, ut innumera propemodum alia, profecto non dissimilia, S. Augustini testimonia præteream, quærens S. Doctor, cur duorum hominum, qui *æqualiter*, ut ipse ait, *corpore, & animo affecti*, eademque idcirco gratia donati, *vident unius corporis pulchritudinem*, alter *ad illicite perfuendum moveatur*, alter *in voluntate pudica stabilis perseveret*, non aliam hujusce discriminis causam assignat, nisi eorum voluntatem. *Quid enim aliud, inquit, apparet, nisi unum voluisse, alterum noluisse a castitate deficere* (158)? Hujus ergo gratiæ ea secundum S. Augustinum natura est, ut & consentire illi possit voluntas, si velit, & si velit, possit illi resistere. Neque enim, si secus, dicere jure ac merito posset S. Doctor, alterum duorum illorum hominum permansisse in castitate, quia voluit, alterum, quia perseverare noluit, ab ea defecisse. Certum est autem, ut alibi vidimus, S. Augustinum loqui eo loci de hominibus in statu naturæ lapsæ. Ergo persuasum ille habuit, talem non esse medicinalem gratiam Christi, ut voluntas nostra vel non possit illi obtemperare, si velit, vel non possit, si velit illi resistere.

SCHO-

(156) Lib. 1. q. 2. n. 10.

(157) Ibidem.

(158) Lib. 12. de Civitate Dei cap. 6.

S C H O L I O N.

232. Celeberrima illa distinctio, ab Augustino tradita (159) duplicis adjutorii, nempe *quo aliquid fit, & sine quo non fit aliquid*, tantum abest, ut faveat Janzenio quemadmodum sibi ipse blanditur (160), quin potius illi manifeste officiat. Docet enim nomine auxilii *sine quo non*, tale adjutorium a S. Augustino intelligi, *sine quo voluntas velle non possit, sic tamen ut velle, & nolle, uti, vel non uti, in ejus libero arbitrio relinquatur* (161): nempe tale adjutorium, cui voluntas & obtemperare possit, si velit, & si velit, possit resistere. Si ergo certo constiterit, adjutorium *sine quo non* in statu lapsæ corruptæque naturæ ab Augustino fuisse admissum, eo profecto redigitur Janenius, ut vel invitus fateatur, in hoc itidem statu talem gratiam admissam fuisse a S. Augustino, cui humana voluntas & obtemperare possit, si velit, & si velit, possit resistere. Certo autem constat, in hoc lapsæ naturæ statu admissum fuisse a S. Augustino auxilium *sine quo non*. De hoc enim loquens, hæc habet: *tunc* (scilicet in statu innocentiae, dederat Deus) *homini bonam voluntatem. dederat adjutorium sine quo in ea non posset permanere, si vellet, ut autem vellet, in ejus libero reliquit arbitrio. nunc autem quibus deest tale adjutorium jam poena peccati est. Quibus autem datur* (datur ergo), *secundum gratiam*
X 2 da-

(159) Lib. de Corrupt. & gratia n. 34. alias cap. 12.

(160) Lib. 2. de Gratia Christi cap. 4.

(161) Ibidem.

datur, non secundum meritum (162). Ergo etiam in statu naturæ lapsæ ea secundum Augustinum datur gratia, cui humana voluntas obtemperare potest, si vult; & cui, si vult, potest illa resistere. Igitur vel hanc gratiam non intellexit S. Augustinus nomine auxilii *sine quo non*, ut contendit Jansenius, vel illam quoque is ipse admittat necesse est, nisi velit Sancto Augustino manifestissime adversari.

ANIMADVERSIO.

233. Sumpto secundum S. Augustinum auxilio *sine quo non* pro tali gratia, cui in libera sit potestate voluntatis obtemperare, & resistere, dubium nemini esse potest, quominus turpissime erraverit Jansenius, dum scripsit: *Semipelagianos in eo fuisse hæreticos, quod eam gratiam admiserint, cui posset humana voluntas resistere, vel obtemperare.* Si enim Semipelagiani ob hanc causam fuerint hæretici, etiam S. Augustinum errasse contra fidem dicendum a Jansenio est, cum illam scilicet gratiam in hoc naturæ statu, ut est modo visum, ipse quoque admiserit.

VI.

234. Traditur demum in systemate Janseniano; Christum Dominum mortuum esse pro solis prædestinatis, proque illis dumtaxat sanguinem suum fudisse. Contra autem sensit S. Augustinus. Docet enim primo, fore ut Christus non unam tantum Mundi partem judicet, quia non una tantum suo sanguine ab illo

empta

(162) Lib. de *Corrept. & gratia* n. 32. alias cap. 11.

empta est. *Judicabit*, inquit, *orbem terrarum in equitate*, non partem, quia non partem emit (163). Ergo secundum S. Augustinum non pro solis prædestinatis mortuus est Christus, suumque sanguinem fudit. Unam quippe dumtaxat Mundi partem, ut patet, Christus Dominus sua passione & morte tunc cmisisset. Docet secundo, Christum fudisse sanguinem suum etiam pro Juda. *Proiecit* (Judas) ait ille, *pretium argenti*, quo ab illo Dominus venditus erat; nec agnovit pretium, quo ipse a Domino redemptus erat (164). Docet tertio, orasse Christum ad Patrem etiam pro crucifixoribus suis. *De cruce*, inquit S. Doctor, *cum diceret Christus: scio, fidem illorum querebat, pro quibus dixerat: Pater ignosce illis, quia nesciunt, quid faciunt. Sed illi quid propinaverunt sitiienti? Acetum. Acetum etiam vinum vetus dicitur. Merito de vetere homine propinaverunt, quia novi, esse noluerunt* (165). Reprobi ergo sunt, pro quibus secundum S. Augustinum tunc oravit. Hinc alibi etiam idem S. Doctor, *sic*, inquit, *dilige inimicos tuos, ut fratres optes. Sic enim dilexit ille, qui in cruce pendens ait: Pater ignosce illis, quia nesciunt, quid faciunt. Neque enim dixit: Pater, vivant isti multo tempore: me quidem occidunt, sed ipsi vivant. Sed quid ait? Ignosce illis, quia nesciunt, quid faciunt. Mortem sempiternam ab eis expellebat prece misericordissima, & potentia præstantissima. Multi ex eis crediderunt, & dimissus est eis fusus sanguis Christi* (166). Si multi itaque ex illis crediderunt

X 3

ergo

(163) Enar. in Psalm. 95. n. 15.

(164) Enar. 2. in Psalm. 68. n. 11.

(165) Enar. 1. in eundem n. 14.

(166) Tract. 1. in Epist. Joannis n. 2.

ergo non omnes, pro quorum aeterna salute Christus oravit Patrem, praedestinati fuerunt; adeoque &c. Docet postremo S. Augustinus, pro iis omnibus mortuum esse Christum, qui originale peccatum, Adæ culpa, contraxerunt. *Ex hoc, ait, probavit (Apostolus) omnes mortuos esse, quia pro omnibus mortuus est unus. Impingo, inculco, infercio recusanti: accipe, salubre est, nolo moriaris. Unus pro omnibus mortuus est: ergo omnes mortui sunt. Vide (Juliane; hunc enim ille alloquitur) quia consequens esse voluit, ut intelligantur omnes mortui, si pro omnibus mortuus est (167). Vellit ergo nolit Jansenius, alterutrum concedat oportet, aut scilicet solos praedestinos obnoxios esse originali peccato, aut non pro solis praedestinati secundum S. Augustinum mortuum esse Christum.*

S C H O L I O N.

235. Plura ex S. Augustino colligit, obtruditque Jansenius, ut suadeat, Christum Dominum pro solis praedestinati ex illius sententia mortem subijisse. Facile tamen illis omnibus fit fatis, id unum si consideretur, quod communiter docent Theologi, videlicet Christum Dominum mortuum esse pro omnibus *sufficienter*, sed pro solis praedestinati *efficaciter*. Hac enim posita distinctione, nihil prorsus facessere potest negotii, quod S. Augustinus dixerit, *neminem perire eorum, pro quibus Christus mortuus est (168), & Christum non pro Mundo, hoc est, non pro reprobis, sed pro his quos ei*

(167) Lib. 6. contra Julianum n. 8. alias cap. 4.

(168) Epist. 169. n. 4. alias epist. 102.

ei Pater dedit, scilicet pro prædestinatis, *rogasse* (169). Sensus est enim; neminem perire ex his, pro quibus Christus *efficaciter* mortuus est, proque illis Christum *efficaciter* orasse, quos jam noverat a Patre prædestinatos.

VII.

236. Hæc cum ita sint, luculentissime, mea quidem sententia, demonstratum manet, systema Jansenianum esse non posse systema S. Augustini; cum scilicet plane repugnet, ut Vir tantus pignantia tradiderit. Id porro hac etiam brevi, sed satis valida ratione confirmatur. *Illud systema* nequit esse S. Augustini, in quo efficacia divinæ gratiæ cum libero arbitrio facillime conciliatur. Id quippe, ut visum est alibi, captu difficillimum, imo captum nostrum plane superans Augustinus ipse appellat (170). In systemate autem Janseniano contra res se habet. Nihil enim facilius captum est, quam voluntatem nostram ideo sub gratia, quantumvis efficaci, esse liberam, quia ab illa non cogitur, nihilque sub ea agit reluctans, & invita. Ergo Jansenii systema nequit esse systema S. Augustini.

X 4

PRO-

(169) Tra&. 107. in Joannem n. 1.

(170) Lib. de Gratia Christi n. 52. alias cap. 47.

PROPOSITIO IV.

Fansenii systema de Medicinali Gratia Christi tantum abest ab Augustini doctrina, ut imo Lutheri, Calvini, aliorumque damnatorum hominum placitis plane consentiat.

256. Qui plenariam hujusce propositionis demonstrationem cupit, is Cl. Patrem Dechamps adire potest, & lib. 1. disp. 1. de *Fansenii furtis* rem hanc adeo absolutam perspiciet, ut nihil desiderari superfit, quo concludi manifeste queat, Jansenium revera fuisse hæreticorum purum, putumque plagiarium. Verum, ne in hoc nos penitus deficiamus, eo quod a Cl. Viro per extensum actum jam sit, bicolonne hic scriptum subjiciemus, in quo aliquæ dumtaxat describentur sententiæ, quarum comparatione, nostræ propositionis veritas ad oculos patefiet. Primo quidem eas afferemus, ex quibus apparebit luculentissime, quomodo cum hæreticis Jansenio quoque solemne fuerit Scholasticos spernere, de plena Augustini intelligentia se impudenter jactare, ac demum perbelle in præcipuis tradendis erroribus, ac errorum fontibus, convenire; ut tandem inferre quilibet possit, non ab Augustino, sed a Lutheri, Calvini, aliisque damnatis hominibus suam Jansenium doctrinam hausisse, & novis dumtaxat artibus, revera suis, dissimulasse. Operi manum illico admoveamus.

Fansenius.

Calvinus.

Lib. Proæm. cap. 3: Lib. 1. Institutionis cap.
Quid aliud obsecro sen- 16. n. 8. Hinc tanta Phi-
ten- 107

Jansenius.

tentias illas peperit, quæ divinam gratiam imperioso nutui humanæ libertatis aptavit, nisi Philosophia.....? Semper Philosophia, quemadmodum mater hæreticorum fuit, ita rerum divinarum arcanis definiendis, mater errorum est.

Ibidem cap. 6. Quibus definiendis (*loquitur de Scholasticorum controversiis*) non raro, magis Aristotelis commentatio, quam Spiritus Sancti revelatio præsidet.

Ibidem cap. 10. Itaque venerabilem stylum ejus (*Augustini*) arripui, nullisque tædiis aut laboribus territus, volutioni, & lectioni assiduæ univerforum

Calvinus.

losophis objecta caligo; quod in ruina ædificium, & in dissipatione aptas juncturas, quærebant.... Qui vero (*loquitur de Papis*) Christi se discipulos esse professi, in homine perditio, & in spirituale exitium demerso, liberum arbitrium adhuc quærun, inter Philosophorum placita, & cœlestem doctrinam partiendo, plane desipiunt, ut nec cœlum, nec terram attingant.

In antidoto Decreti Sorbonici *Sorbonicos deridens*; Probatur sic, quia Magistri nostri sic determinaverunt per Aristotelem, & omnes Philosophos, qui rationem in homine Dominam constituunt, loco Spiritus Sancti.

Idem lib. 3. de lib. arb. *adversus Pighium*. Nunc vero hoc quoque a me fortassis requirent aliqui, ut quod gloriatus sum de Augustino, illum prorsus nostrum

Fansenius.

rum librorum ejus , iterum iterumque sæpius repetitæ , per viginti duorum annorum spatium immerfus fui , hoc unicum spectans , ut..... genuinam doctrinam ejus , quantum luminis mihi Deus daret , radicitus intelligerem.

Calvinus.

strum esse , nunc plenius , & pluribus testimoniis confirmem. Qua in re præstanda non tam difficultate , quam prolixitate impediatur..... Nos nihil quam Augustinum sequimur..... etiam si crepet Pighius , nobis extorquere hoc non potest , quin Augustinus sit noster.

Idem lib. *de ætern. Dei prædest.* Augustinus ipse adeo totus noster est , ut si mihi confessio scribenda sit , ex ejus scriptis contextam proferre abunde mihi sufficiat

Lutherus.

Lib. 2. *de statu nat. laps.* cap. 2. Ignorantia etiam , quæ necessitatis est , non voluntatis , hoc est invincibilis , non caret peccato , ut dogma fidei ab antiquis traditum.

Ibidem cap. 3. Ecce inexcusabilem dicit (*Augusti-*

In cap. 12. Genesis tom. 6. Falsa est illa celebris Scholasticorum sententia de ignorantia invincibili excusante..... tanta cœcitas est in Papæ Scholis , & Ecclesiis..... Quisquis invincibilem hanc ignorantiam excusationem mereri statuit,

Jansenius.

Justinus) omnem esse peccatorem, justamque damnationem ejus, sive peccaverit, quia scire quid lex jubeat noluit, sive quia scire non potuit.

Lutherus.

tuit, evertit Scripturam Sacram, & tollit è medio Christum justitiæ solem, revelatum ideo ut hanc ignorantiam tolleret.

Calvinus.

Ibidem cap. 22. Aliud vero argumentum gravissimum contra statum puræ naturæ ex ignorantia illa invincibili juris naturalis, ex qua docet Augustinus infinita ab hominibus etiam subinde sanctis peccata perpetrari.... De qua ignorantia videnda sunt quæ supra..... videlicet, quod fidei catholicæ sit, juxta Augustinum, peccata inde pullulantia vera esse peccata, & pœnis homines obnoxios constituere.

Lib. 4. *de statu naturæ lapsæ* cap. 22. In illis locis, ubi Augustinus adversus Manichæos disputando dicit, neminem peccare in eo, quod caveri nullo

In cap. 12. Luca. Quasi vero ad repellendum Dei judicium sufficiat ignorantiae clypeus.

Lib. 2. Instit. cap. 2. n. 25. Quare ut supra reprehensus est Plato, quod omnia peccata ignorantiae imputarit; ita & eorum est repudianda opinio, qui consultam malitiam, & pravitatem in omnibus peccatis intercedere tradunt. Nimium experimur quoties labamur cum bona nostra intentione &c.

Lib. 3. de lib. arbit. Negat Augustinus, peccare in eo quempiam, quod caveri nullo modo possit. Inspiciat locum, qui vult, an non de peccati initio

Jansenius.

nullo modo potest..... semper de origine mali loquitur, unde omnia mala in creaturam rationalem profluxerunt.

Lib. 3. de Gratia Christi cap. 14. Peccatores Dei mandata prætereuntes, sunt culpæ rei, sive illa facere possint, sive non possint.

Ibidem cap. 17. Potest Deus idipsum homini post peccatum æterna sua lege jubere, quod ante peccatum jusserrat, quamvis ei jam propria culpa factum sit impossibile..... ut sciat homo quid sibi faciendum sit, neque peccatis suis prætexat ignorantiam, dicendo se nescivisse quid a se peteret Deus..... *O homo in præceptione cognosce quid debeas agere: in correptione cognosce tuo te vitio non habere.*

Ibi-

Calvinus:

tio loquitur, quo scilicet convincat, non aliunde hanc, qua hodie præmimur, necessitatem, quam ex voluntario hominis lapsu provenisse.

Lib. 2. Instit. cap. 5. n. 1. Si quis disceptare cum Deo velit, & hoc prætextu judicium subterfugere, quoniam aliter non potuit, habet paratam responsionem, non ex creatione esse, sed naturæ corruptione.

Ibidem n. 4. Instant, frustra exhortationes suscipi, supervacaneum esse admonitionum usum, ridiculas esse objurgationes, nisi sit penes peccatorem parere. Similia olim cum objectarentur Augustino, libellum de correctione, & gratia scribere coactus est; ubi etsi copiose illa diluit, ad hanc tamen summam adversarios revocat: *O homo in præceptione cognosce quid debeas agere; in correptione*

ne

Jansenius.

Ibidem cap. 5. Cum Deus non præbet homini, ut animus legis impletionem delectetur..... nemo opponat, orari saltem posse, ut ista delectatio, quæ sufficiat implendæ legi divinitus tribuatur; dico enim, non solum Judæis, sed & Christianis, non solum carnalibus, sed & spiritualibus gratiam talem sufficientem ad faciendum, quod jubetur, frequenter subtrahi, atque ita subtrahi, ut nec præ tali gratia adeptenda, deprecandi similis sufficiens gratia habeatur

Ibidem cap. 13. Ex quo fit, ut illum Apostoli locum, quo dicit, *fidelem esse Deum, qui non patietur vos tentari supra id, quod potestis, sed faciet cum tentatione proventum, ut possitis sustinere*, nullo modo tam indiscrete intel-

Calvinus.

ne cognosce, tuo te vitio non habere.

Ibidem cap. 7. num. 5. Quod autem impossibile legis observationem diximus, id est paucis verbis explicandum simul, & confirmandum. Solet enim vulgo absurdissima sententia videri, ut Hieronymus non dubitarit anathema illi denunciare. Quid visum sit Hieronymo nihil moror; nos quid verum sit inquiramus..... ejusmodi argutia vexabant Augustinum Pelagiani, injuriam fieri Deo, si plus jubeat, quam per ejus gratiam præstare queant fideles.

Ibidem cap. 2. n. 6. Hoc si recipitur, extra controversiam erit, non suppetere ad bona opera liberum arbitrium homini, nisi gratia adjuvetur, & gratia quidem speciali, qua electi soli per regenerationem donantur. Nam

Phre-

Jansenius.

telligat, ut hoc in omnibus omnino fidelibus observetur. Noverat enim, hoc non exiguum esse divinæ gratiæ beneficium, quod propterea quia gratia est, non promiscue cuilibet etiam credentium tribuat. Hæc igitur omnia plenissime, planissimeque demonstrant, nihil esse in S. Augustini doctrina certius ac fundatius, quam esse quædam præcepta, quæ hominibus non tantum infidelibus, excæcatis, obduratis, sed fidelibus quoque & justis, volentibus, conantibus secundum præsentem quas habent vires, sunt impossibilia, deesse quoque gratiam, qua fiant possibilia.

*Lib. 2. de Gratia Christi
cap. 4. Alterum adjutorii*
ge-

Calvinus.

Phreneticos nihil moror, qui gratiam pariter & promiscue expositam esse garriunt.

Ibidem cap. 3. num. 10.
Qua gratia non quoslibet promiscue dignatur Dominus, quemadmodum vulgo jactatur illud, ni fallor, Occamicum, eam nemini denegari facienti quod in se est.

Ibidem cap. 5. n. 6. Qui pro ingenti piaculo ducunt, si dicatur, legis observationem esse impossibilem, validissimo scilicet argumento insistant, frustra alias datam esse legem. Perinde enim loquuntur ac si nusquam Paulus de lege loquutus esset. Quid enim quæso, ista sibi volunt, legem propter transgressiones positam esse, legem peccatum efficere, subingressam esse, ut abundaret delictum.

Idem lib. 5. de Libero arbitrio tertia edit. Genevensis

Jansenius.

genus est *quo*, simul ac datum fuerit, fit effectus, & si non datur nunquam fiet. Nempe quia tantæ necessitatis est, ut sine illo non possit effectus fieri; tantæque efficacæ ut hoc ipso quo datur, continuo fiat.

Ibidem cap. 25. Hæc itaque est ratio & radix, cur nulla omnino medicinalis Christi gratia effectui suo careat, sed omnis efficiat, ut voluntas velit, & operetur. *Hæc gratia, quæ occulte humanis cordibus tribuitur, a nullo duro corde respuitur.* Quod est perinde ac si apertissime diceret (*Augustinus*):
nun-

Lutherus.

sis pag. 203. & 204. Aliud est, inquit (*Augustinus*), adjutorium *sine quo* aliquid non fit; & aliud est adjutorium *quo* aliquid fit. Primo itaque datum est homini adjutorium perseverantiæ, non quo fieret ut perseveraret; sed sine quo per liberum arbitrium perseverare non posset. . . . Augustinus non tantum posse nobis dari, sed etiam velle, testatur. . . . si quis oblatam gratiam respuit, ubi *Ala*, sicuti Augustinus vocat, indeclinabilis, & insuperabilis gratiæ actio?

Idem lib. 3. Instit. cap. 24. n. 1. *Hæc gratia, quæ occulte humanis cordibus tribuitur, a nullo duro corde respuitur. . . .* Quid est, omnis qui audivit a Patre, & didicit, venit ad me; nisi, nullus est qui audiat, & discat a Patre, & non veniat ad me? Si enim omnis, qui audivit a Patre, & didi-

cit,

Jansenius.

nunquam illa caret effectu suo, ideo quippe tribuitur, ut duritia cordis, seu voluntatis ablata, qua sola impeditur operatio, non careat effectu suo. Unde statim adjicit: *quando ergo Pater auditur, & docet, ut veniatur ad filium, aufert cor lapideum*, hoc est voluntatem duram, & inflexibilem.

Ibidem lib. 3. cap. 1. Dum igitur facit gratia Christi, ut omnis, qui audit, ac didicit, veniat, profecto satis ostenditur & possibilitatis profectus, & voluntatis affectus, & actionis effectus.

Lib. 2. de Gratia Christi cap. 23. Laudem boni operis, bonæque voluntatis partiri cum Deo, impium esse ex eo patet, quod post lapsum hominis tota laus bonæ voluntatis, atque operis in solam gratiam refundenda sit. . . . Quid est Deus operatur vel

Calvinus.

cit, venit; profecto omnis qui non venit, non audit a Patre, nec didicit.

Ibidem lib. 2. cap. 3: n. 11. Neque secus accipi sententia Christi potest: omnis, qui audit a Patre meo, venit ad me, quam ut efficacem a se ipsa Dei gratiam doceat, quemadmodum Augustinus contendit.

Lib. 3. Instit. cap. 24: n. 7. Quod si aperte impium est, inter Dei gratiam, & voluntatem hominis bonum opus partiri; non dubitemus nostris voluntatibus nihil relinquere.

Lib. 2. cap. 3. n. 7. Ideo non recte a Chrysostomo scriptum est, nec gratiam sine

Jansenius.

velle? nisi Deus operatur ipsam nostræ voluntatis determinationem. Non ergo ex homine homini est ista suæ voluntatis determinatio, sed ex Deo, gratia sua hominem determinante.

Ibidem cap. 24. Quapropter Dei gratiam Augustinus ita victricem statuit supra voluntatis arbitrium, ut non raro dicat, hominem operanti Deo per gratiam non posse resistere.

Lib. 4. de Statu nat. laps. cap. 24. Peccandi vero necessitas, quam Augustinus tradit, sublataque libertas benefaciendi, non repugnat arbitrii libertati sed in eo tota hallucinatio sita est, quod cum audimus liberum voluntatis arbitrium, solemus imaginari indifferentiam quamdam voluntatis ad bonum, & malum, quam semper hominibus adesse mor-

Calvinus.

sine voluntate, nec voluntatem sine gratia quisquam posse operari; quasi vero non ipsam quoque voluntatem operetur gratia.

Ibidem n. 10. Non enim docet Apostolus, offerre nobis bonæ voluntatis gratiam, si acceptemus, sed ipsum velle in nobis efficere; quod non est aliud, nisi Dominum suo spiritu cor nostrum dirigere, flectere, moderari, & in eo tamquam in possessione sua regnare.

Ibidem. Movet (*gratia*) voluntatem non qualiter multis sæculis traditum est, & creditum, ut nostræ postea sit electionis motioni aut obtemperare, aut refragari, sed illam efficaciter afficiendo. Illud ergo toties a Chrysostomo repetitum repudiari necesse est: *quem trahit volentem trahit*: quo insinuat, Dominum porrecta tantum, manu expecta-

Y

cta-

Jansenius.

mordicus assererat Julianus, inficiabatur Augustinus, & ipsa veritas Catholicos inficiari cogit. Hæc imbecillitas imaginandi in Catholicis, & sentiendi in Pelagianis ex Philosophorum Gentilium institutione nata est.

Lib. 6. de Gratia Christi cap. 6. Duplex autem in doctrina ejus necessitas reperitur, una quæ operatur effectum suum, et si nolis, seu quantuncunque renitaris: altera qua simpliciter necesse est aliquid fieri sine renisus voluntatis. Prima repugnat voluntati, atque funditus perimit, non autem illa necessitas, quæ est simul voluntaria.

Ibidem cap. 18. Vides ergo, nihil omnino ad actum liberum requiri, nisi ut actus sit voluntatis cum ratione deliberata agen-

Calvinus.

etare, an suo auxilio juvari nobis adlubescat. Talem fuisse hominis adhuc stantis conditionem concedimus, ut potuerit ad alterutram partem (*per indifferentiam*) inclinare.

Ibidem cap. 1. n. 10. Medium, quod Sophistæ imaginantur, cui obsequi, vel repellere liberum sit, aperte excludi videmus.

Ibidem cap. 3. num. 5. Quod voluntarium, etiam liberum, ut nec necessitas, cum voluntaria sit, excusare valeat voluntatem, nec voluntas, cum sit illecta (*certe per delectationem*), excludere possit necessitatem. Est enim hæc necessitas quodammodo voluntaria. Postea dicit (*Bernardus*), nos premi jugo, non alio tamen quam voluntariæ cujusdam servitutis: ideo pro servitute esse miserabiles, pro voluntate inexcusabiles, quia voluntas cum

Jansenius.

agentis, spontaneus, non coactus.

Ibidem cap. 24. Sexto, opus esse laude, vel vituperio dignum, meritorium, vel demeritorium ex hoc quod est voluntarium, spontaneum non coactum, tametsi sit determinatum ad unum

Ibidem lib. 7. cap. 1. Haecenus declaravimus generalem libertatis rationem, a qua dictum est liberum arbitrium commune bonis ac malis, in eo sitam esse, quod immune sit a necessitate coactionis, ut Sanctus Bernardus, Magister sententiarum, & ceteri loquuti sunt; vel a necessitate, quae non est in nostra potestate, sed etiam si nolumus efficit id, quod potest, ut S. Augustinus, quamvis idem diceret, loqui maluit.

Ibidem cap. 3. non poterit amplius de ejus (Augustini) mente dubitari, qua

Calvinus.

cum libera esset, servam se peccati fecit.

Ibidem cap. 4. num. 1. Distinctio inter coactionem, & necessitatem posita fuit, unde liqueret, eum, dum necessario peccat, nihilo tamen minus voluntarie peccare.

Lib. 2. Instit. cap. 3. n. 5. Haec igitur distinctionis summa observetur, hominem, ut vitiatus est ex lapsu, volentem quidem peccare, non invitum, nec coactum; affectione animi propensissima, non violenta coactione, propriae libidinis motu, non extranea coactione.

Ibidem n. 14. Quod autem alibi dicit (Augustinus), non tolli gratia volun-

Y 2 lun-

Jansenius.

qua eum sentire, & constanter docere diximus, libertati arbitrii solam necessitatem coactionis, seu quæ, etsi nolumus, efficit id quod potest, esse contrariam, omnemque actum voluntarium, seu spontaneum, hoc ipso esse liberum. Hoc enim ipsum (*delectatio sive cælestis sive terrena*), quod voluntatem sponte velle, seu consentire facit, hoc eam, ut vidimus, etiam liberam facit.

Ibidem lib. 6. cap. 34.

Sed sicut ex istiusmodi Scripturæ testimoniis perperam concluderetur, ergo Deus libero arbitrio caret, ergo Angeli, ergo beati homines, ergo Demones libertatis expertes sunt, ergo ipse, Christus Dominus..... ergo neque recte concluditur, actum rationalis voluntatis

Calvinus.

luntatem, sed ex male mutari in bonam, & cum bona fuerit, adjuvari; significat tantum, hominem non ita trahi, ut sine motu cordis, quasi extraneo impulsu feratur, sed intus sic affici, ut ex corde obsequatur. Docet quod per eandem gratiam, impresso delectationis impetu, ad perpetuitatem conformetur, quod illa gubernante, nunquam excidat, deferente, protinus corrumpat.

Ibidem n. 9. Si liberam Dei voluntatem non impedit, quod necesse est illam agere; si diabolus nonnisi male agere potest, voluntate tamen peccat; quis hominem ideo minus voluntarie peccare dicet, quod sit peccandi necessitati obnoxius..... Hinc certe agnoscunt lectores, nihil me novum afferre, quod olim ex piorum hominum consensu prodidit

Au-

Jansenius.

tis solius coactionis exper-
tem, non esse liberum.

1.

-

-

-

-

-

-

-

Ibidem cap. 38. Vete-
res non obstante immuta-
bili necessitate ; omnem
omnino rationalem , vo-
luntatem , hoc est volun-
tatis motum , & liberam,
& electivam sui objecti
posuerunt , sola exclusa
violentia , coactionisque
necessitatē. Fiden-
ter dico ; quicumque do-
ctrinam istam a nobis tra-
ditam , erroris in simulare
ausus fuerit , non Angu-
stinum , non Bernardum,
sed Philosophiam Aristote-
lis , ducem , ac patronam
habiturus est.

*Lib.**Calvinus.*

Augustinus , & mille fere
annis postea in Claustris
Monachorum retentum fuit.
Lombardus autem , quum
necessitatem a coactione
distinguere nesciret , per-
nicioso errori materiam
dedit.

*Lutherus.**Lib. de Servo arbitrio.*

Sequitur nos necessario ope-
rari : necessario vero di-
co , non *coacte* : hoc est,
homo cum vacat spiritui
Dei , non quidem violen-
tia , velut captus obtorto
collo , nolens facit ma-
lum ; sed sponte , & liben-
ti animo facit.

Y 3

Mar-

Faſenius.

Lib. 8. de Gratia Chriſti
cap. 21. Objicietur fortas-
 ſis adverſus iſtam gratiæ,
 & liberi arbitrii concor-
 diam, eam a ſententia
 Calvini non diſſerre.
 Reſponderetur, non omnia,
 quæ hæretici docent, ſunt
 hæretica. Hæc ſunt,
 quæ Eccleſia in Calvino,
 quantum ad hanc mate-
 riam gratiæ, & liberi ar-
 bitrii improbavit. Primum
 eſt, quod Calvinus negat,
 eſſe in homine boni, &
 mali electionem.
 Quintum denique eſt; quod
 fronte reſecta tandem do-
 cet, non eſſe in homine
 liberum arbitrium, ipſum-
 que nomen inane, & ex-
 terminandum eſſe.

Ibidem lib. 6. cap. 5.
 Itaque libera eſt voluntas,
 hoc eſt volitio, ratione ſui,
 quia eſt eſſentialiter libe-
 ra. Implicat enim contra-
 dictionem, ut voluntas
 non ſit libera, ſicut impli-
 cat, ut volendo, non ve-
 li-

Martinus Bucerus.

*Lib. de Concordia doctri-
 na.* Pacem futuram eſſe
 non dubito, Catholicos
 inter, & Lutheranos, ſi
 ſola *coactio* libertati re-
 pugnat. Quod enim Ca-
 tholici dicunt, hominem
 eſſe liberi arbitrii, intel-
 ligi debet de arbitrio li-
 bero a *coactione*, non a
 neceſſitate. Quod vero di-
 cunt Lutherani, hominem
 non eſſe liberi arbitrii, ac-
 cipiendum eſt de libero ar-
 bitrio a *neceſſitate* non a
coactione.

Calvinus.

*Lib. 2. de Libero arbitrio
 adverſus Pighium.* Si co-
 actioni opponitur libertas,
 liberum eſſe arbitrium, &
 fateor, & aſſevero, ac
 pro hæretico habeo quiſ-
 quis ſecus ſentiat. Si hoc;
 inquam, ſenſu *liberum*
 vo-

Jansenius.

velimus, aut non faciamus quod volumus: hoc est, ut voluntas non sit voluntas... Ecce a radicibus ostensum, impossibile esse, ut volitio non sit in nostra potestate, vel non sit libera.

Lib. 3. de Gratia Christi cap. 20. Prima igitur expositio est, ut dicatur, omnes homines velle salvos fieri, accommodata scilicet distributione, omnes qui videlicet salvantur. Secunda expositio est, quam etiam præformasse videtur Augustinus, in verbis Apostolicis intelligendam esse distributionem, non pro *singulis generum*, hoc est pro omnibus omnino singularibus hominibus, sed pro *generibus singulorum*; hoc est pro omni genere hominum; pro Judæis, & Gentibus &c. quia ex omni genere hominum aliqui præ-

Calvinus.

voceatur, quia non cogatur, aut violenter trahatur externo motu, sed sponte agatur sua, nil moror.

Lib. 2. Instit. cap. 2. n. 7. Liberi ergo arbitrii hoc modo dicitur homo, non quia liberam habeat boni æque ac mali electionem, sed quia male *voluntate* agit, non *coactione*.

Ibidem cap. 3. n. 5. Ideo simpliciter velle, hominis; male velle, corruptæ naturæ; bene velle, gratiæ. Porro quod libertate abdicatam voluntatem dico, necessitate in malum vel trahi, vel duci, mirum est sicuti videatur aspera locutio, quæ nec absonum habet quippiam, nec a Sanctorum usu aliena est. Offendit autem eos, qui inter *necessitatem*, &

Fansenius.

destinati sunt, ac salvi sunt.

Ibidem cap. ultimo in fine. Hinc etiam fluxit, quod nunquam locum illum Apostolicum *Deus vult omnes homines salvos fieri* ad omnes omnino homines extendi passus fuerit (*Augustinus*).... illa extensio tam vaga modernorum Scriptorum, non alio ex capite, quam ex ista generali voluntate Dei erga salutem omnium, & ex illa sufficientis gratiæ, omnibus conferendæ, præparatione fluxit: quorum utrumque Augustinus, Prosper, Fulgentius, & antiqua Ecclesia, veluti machinam a Semipelagianis introductam repudiavit.

Ibidem ad initium. Sed aliud argumentum pro gratia sufficienti omnium proferri solet, quia Christus est Redemptor omnium, juxta illud primæ ad Timotheum secundo capite:

qui

Calvinus.

coactionem distinguere nesciunt.

Lib. 3. de Æterna Dei prædest. versus finem. Sensus Pauli cuivis non contentioso satis facilis est, ac dilucidus.... Quis non videt, ordinum hic fieri mentionem potius, quam singulorum hominum? neque vero ratione caret trita illa distinctio, non singulos generum, sed genera singulorum notari.... Nunc jactet Pighius, Deum velle omnes salvos fieri.... agitated olim a Pelagianis fuit locus iste: clare patet, quam secure Augustinus hanc objectionem contempserit.

Lib. de Occulta Dei provid. non procul a fine. Quod citate soletis ex Paulo, Deum omnes velle salvos fieri, quam nihil errori vestro suffragetur, alibi planum fecisse mihi videor,

Jansenius.

qui dedit semetipsum redemptionem pro omnibus. . . . Respondetur & hoc argumentum, sicut omnia præcedentia, jam olim ad nauseam usque a Pelagianis, præsertimque a Massiliensibus inculcatum fuit, ut mirum sit, Recentiores tanto studio trita hæreticorum arna colligere, & obsoleta recudere. . . hinc genuinius, veriusque respondemus, Christum, dici, se dedisse redemptionem pro omnibus, hoc est pro universa sua Ecclesia toto orbe dispersa, & consequenter pro omnibus hominum generibus, regibus, privatis, nobilibus, ignobilibus &c. Itemque pro omnibus, hoc est pro hominibus omnium nationum, linguarum, & gentium.

Ibidem versus suam.

Quisquis ergo perit, non ille, ex Augustini mente, Christi sanguine redemptus est

Calvinus.

deor. Nam certo certius est, Paulum illic non de singulis hominibus agere, sed intelligere ordines, & genera vocationum

Andreas Vvilletus insignis Calvini breviator

In Synopsi Papismi, lib. de Lap. hominis. Apostolus, ut testatur Augustinus, per omnes homines, omne hominum genus intelligit, ut superiores, inferiores, reges, principes, subditos, ut clare ex præcedentibus liquet. Eodem sensu dicitur & Christus dedisse semet redemptionis pretium pro omnibus, id est pro omnium hominum genere.

Ibidem de reparat. generis humani. Si Deus omnes homines salvos fieri vellet, cur non omnes salventur? nam ejus voluntati quis resistit? Neque hic vetustiorum Pelagianorum valet effu-

Fansenius.

est. Quæ sane cum in Augustini doctrina, perspicua certaue sint, nullo modo principiis ejus consentaneum est, ut Christus Dominus, vel pro infidelium in infidelitate morientium, vel pro justorum non perseverantium æterna salute, mortuus esse, sanguinem fudisse, semetipsum redemptionem dedisse, patrem orasse sentiatur. Scivit enim quo quisque jam ab æterno prædestinatus erat; scivit hoc decretum neque ullius preteriti oblatione mutandum esse, nec seipsum velle mutare.

Ibidem cap. 20. Sic explicuerunt eum hostes gratiæ Pelagiani, & Semipelagiani. Fons enim erroris istius Pelagius, in Commentario Epistolæ istius ad Timotheum explicat, Deum velle omnes salvos fieri, & ad agnitionem veritatis venire, si tamen ipsi vocan-

ti

Andreas Voillettus.

effugium, Dei voluntatem non impleri, scilicet quia homo adversatur: ita enim Deo homines potentiores constituerentur.

Theodorus Beza.

Lib. de atern. Dei prædest. Primum affers eum Pauli locum, in quo dicitur, velle Deum, ut omnes salvi fiant. Verum hæc fuit Pelagianorum objectio; ne tibi primum in mentem venisse putes.

Idem in Apol. Collo. mompelgartenfis. Paratus sum non solum ad publicam revocationem, sed etiam ad durissimam pœnam, si quis ex veteri Scriptore demonstraverit, quemquam damnari posse; pro quo Christus satisfecerit; sive eum pro infidelibus mortuum esse.

Calvinus.

Lib. 3. Institut. cap. 24. n.

Jansenius.

ti Deo consentire voluerint. Hoc est primum expositionis istius non leve præjudicium, quod omnibus de gratia errantibus placeat. . . . Secundum ejus præjudicium est, quod omnes antiqui, & genuini defensores gratiæ, illam expositionem tamquam dissonantem a veritate reprobaverunt. Inter quos primus est Sanctus Augustinus, qui nunquam illam, nisi quando Semipelagiano errore fallebatur, admittere voluit.

Lib. 10. de Gratia Christi cap. 2. Ex principiis Augustini quisquis jam facile videt: primo non posse statui, quod Recentiores plerumque solent, voluntatem quamdam generalem, qua Deus velit omnes homines, in damnatione primi peccati positos, salvos fieri: ex qua voluntate non solum generalia redemptionis re-

Calvinus.

n. 16. Adducitur Pauli locus, ubi tradit, Deum velle omnes salvos fieri. Respondeo primum ex contextu palam fieri, quomodo velit. Utrumque enim copulat Paulus. quod velit salvos fieri, & ad agnitionem veritatis venire. Si hoc æterno Dei consilio fixum esse volunt, ut salutis doctrinam percipiant, quomodo factum est, ut privaverit Deus Evangelii luce multos populos, & nunquam pura doctrinæ, & pietatis cognitio ad eos pervenerit, alii vix obscura quædam rudimenta gustaverint? Hinc jam elicere promptum erit quorsum tendat Paulus. Præceperat Timotheo solemnes in Ecclesia preces pro regibus, & principibus concipere, quum autem absurdum nonnihil videretur orationes ad Deum fundi pro genere hominum (quæ non tantum a Christi cor-

po-

Jansenius.

media, sed etiam sufficientia adiutoria omnibus etiam reprobis præparaverit. Sicuti enim talia sufficientia non dantur omnibus, imo nulla omnino post lapsum sunt, ita nec voluntas illa generalis, ex qua promanare dicuntur Videt quarto, hoc ipso quoque reliquos, qui sic ab illo numero liberandorum seclusi sunt, & negative reprobati, etiam positive reprobatos dici posse. Non enim sic præteriti sunt a Deo, ut quodammodo manserit voluntasejus, de ipsorum salute, vel perditione, suspensa: sed sic, ut fuerit voluntas fixa eos relinquendi in isto statu, ex quo ceteros liberare statuebat; ille autem citra dubium perditionis, ac damnationis est status.

Ibidem cap. 3. Manifestissimum est, nullam agnoscere Augustinum reprobatio-

Calvinus.

pore alieni omnes erant, sed ad regnum ejus opprimendum totis viribus enitebantur) subjicit, acceptum id esse Deo, qui velit omnes homines salvos fieri. Quo nihil aliud profecto significat, quam nulli hominum ordini viam ad salutem præclusisse.

Ibidem cap. 23. num. 1. Multi quidem, ac si invidiam a Deo repellere velent, electionem ita fatentur, ut negent quemquam reprobari; sed inscite nimis, ac pueriliter, quando ipsa electio, nisi reprobationi opposita non stare. Dicitur segregare Deus quos adoptat in salutem; fortuito alias adipisci, vel sua industria acquirere, quod sola electio paucis confert, plusquam insulse dicitur. Quos ergo Deus, præterit, reprobatur: neque alia de causa, nisi quod ab hæreditate, quam filiis suis præ-

Jansenius.

tionis causam, nisi massæ perditæ meritum, seu peccatum originale, quo tota massa periit: & hoc esse causam, non tantum negativæ reprobationis, seu non prædestinationis, sed etiam positivæ.

Ibidem cap. 4. Quod si vero comparative de reprobationis causa disquirendum est; cur ex duobus, quorum uterque originali culpa maculatus est, hic non, iste reprobat a Deo: rei illius nulla omnino causa ex parte hominis a nobis dari potest, sed pendet a puro beneplacito Dei.

Ibidem cap. 5. In hoc autem postremo loco (*Augustini*) palam vides, ipsam quoque derelictionem, seu desertionem, qua Deus non miseretur, nec gratiam tribuit, qua peccata caveantur, esse effectum reprobantis Dei. Nam ideo talibus misericordiam, & gratiam

Calvinus.

prædestinat, illos vult excludere.

Ibidem cap. 23. n. 10. Querunt qui fiat, ut ex duobus, quos nullum meritum discriminat, alterum prætereat in electione sua, alterum assumat Deus. Ego vicissim rogo, putentne in eo, qui assumitur esse aliquid, quod Dei animus ad ipsum inclinet? Si nihil fatebuntur (quod necesse est), sequetur Deum non hominem intueri, sed a sua bonitate rationem petere, cum illi benefaciat. Quod igitur hominem unum eligit Deus, altero rejecto, id non provenit ab hominis respectu, sed a sola ejus misericordia, cui liberum esse debet proferre se, & exerere ubi, & quoties placet.

Ibidem cap. 22. n. 11. Si non possumus rationem assignare, cur suos misericordia dignetur, nisi quoniam

Fansenius.

gratiam in tempore negat, quia æquitate occultissima abjecit eos, ne perveniant ad regnum suum.

Ibidem lib. 9. cap. 6. Hæc est igitur ratio cur Augustinus simulatque peritior factus, electionem gratiæ, seu gratuitam, sub ratione electionis, etiam in æqualibus locum habere posse didicisset, plurimis in locis explicat, id eatenus esse verum, quia Deus per suam gratuitam electionem, illam ipsam distantiam facit, atque ita eligit, atque diligit, non aliquid aliud quod in hominibus eligendis invenit, sed id quod in illis ipsemet facit.

Ibidem lib. 3. cap. ultimo circa medium. Et alio in loco docet (*Augustinus*) pro illis tantum esse passum Dominum, quos passione sua oves fecit. Quam doctrinam Sanctus Augustinus ex sacris literis

facit

ris

Calvinus.

niam ita illi placet; neque etiam in aliis reprobandis aliud habebimus, quam ejus voluntatem. Quum enim dicitur Deus vel indurare, vel misericordia proficui quem voluerit, eo admonentur homines nihil causæ querere extra ejus voluntatem.

Ibidem n. 10. Si electio, teste Paulo, fidei mater est, in eorum caput retorqueo argumentum, ideo non esse generalem fidem, quia specialis est electio.

Ibid. Ideo Christus alibi dicit, oves sequi pastorem, quia noverunt vocem ejus, alienum vero non sequi, quoniam non agnoscunt vocem alienorum. Unde autem ista discretio, nisi quia divinitus perforata sunt illis aures, nemo enim se ovem facit, sed formatur cœlesti gratia.

Ibid. lib. 2. cap. 2. n. 4. Habet Chrysostomus alicubi: quoniam bona, & mala in

-213

in

Jansenius.

ris videtur didicisse, quæ frequentissime inculcant, Christum pro fidelibus suis, ovibus suis, populo suo salvando, mortem subiisse.

Calvinus.

in nostra Deus potestate posuit, electionis liberum donavit arbitrium, & invitos non retinet, sed volentes amplectitur. Item: sæpe qui malus est, si voluerit, in bonum mutatur: & qui bonus, per ignaviam excidit, & fit malus, quia liberi arbitrii esse naturam nostram fecit Dominus; nec imponit necessitatem, sed congruis remediis oppositis, totum jacere in ægotantis sententia sinit. . . . Dixerat autem prius, ut non totum sit divini auxilii, simul nos aliquid afferre oportet. . . . vides certis sententiis homini plusquam par erat ad virtutis studium illos esse largitos. . . . Certe quas retulimus sententias, esse falsissimas, post constabit. Porro tamen Græci præ aliis, atque inter eos singulariter Chrysostomus, in extollenda humanæ voluntati

Ibidem cap. 20. Quod pro ista Recentiorum interpretatione (*nimirum Deum omnes velle salvos fieri, quantum in se est, aut si etiam ipsi velint*) multi veteres proferuntur, non multum ei conciliat authoritatis. Quid enim juvat, quod istum sensum Chrysostomus, Oecumenius, Theophylactus, alique Græci secuti esse dicantur, cum Chrysostomus, quem sequi solent, ante subortas de divina gratia difficultates, commentarios suos exaraverit; nec
alli

Jansenius.

ulli imperfectius de gratia quam Græci locuti sunt, nec ulla difficultas de gratia magis lubrica sit, quam ista, in cujus intelligentia & ipse Augustinus, usque ad Episcopatum halucinatus est?

Calvinus.

tatis facultate modum excellerunt; veteres tamen omnes, excepto Augustino, sic in hac re aut variant, aut vacillant, aut perplexe loquuntur, ut certi fere nihil ex eorum scriptis referre liceat.

PATRUM GRÆCORUM BREVIS VINDICIA.

257. Non valeo sane hic calamum cohibere, quin Sancti Augustini plura afferam testimonia, quibus calumnia adversus Græcos Patres, & præcipue magnum S. Joannem Chrysostomum ultimo loco a Calvino, & Jansenio prolata, dissipetur, ac manifestum omnibus fiat hujusmodi iniquos viros nonnisi temere, atque impudentissime discipulorum Augustini nomen sibi vindicasse. Quod quidem eo vel maxime præstandum est, quod nostris quoque temporibus nequaquam desint, qui Magno Ecclesiæ Patri Chrysostomo, ea qua possunt ratione, insultare neutiquam erubescunt. Consultatur enim vero Index Operibus S. Doctoris appositus in editione ultima Parisiensis anni 1718. Pluribus in locis, ubi de Gratia agitur, Lectores monet indicis author, caute Chrysostomum legendum fore, signanter, distinctisque characteribus subdens: *Lege caute*. Hæc magna eruditio in antiquioribus, quas vidi, editionibus, sane desideratur: hæ tamen abundant, ubi illa deficit, in indicandis S. Scripturæ textibus, quibus S. Pater

usus

usus est, non omittentes præcipue illam S. Pauli sententiam primæ ad Timotheum cap. 2. *Qui vult omnes homines salvos fieri, & ad agnitionem veritatis venire*, quæ revera, ut a Chrysostomo intelligitur, Calvini, & Jansenii nondum natis ertoribus maxime adversatur. Nemo equidem non videt, notam illam in bono etiam sensu accipi a nobis posse: verum quare in alterius Patris editione eandem nequaquam placuit apponere? Fortassis quia nullus in eo pallus occurrat, qui pravo in sensu queat intelligi? Non sane. Is dumtaxat, qui in hujus nostri sæculi vicissitudinibus peregrinus omnino sit, ignorare poterit, cur aliis libentissime, atque etiam meo judicio prudenter parcens Indicis Author, voluerit severa nimis cum Magno Chrysostomo diligentia abundare. Cominoda sunt hæc, quæ Ecclesiæ a systematibus, a partium studiis, a Scholasticis contentionebus veniunt nimis acerbis. Ut igitur ora obstruantur loquentium mandacium, videamus quid de Græcis Patribus, quid de Chrysostomo præsertim, S. Augustinus, nulli systemati, sed Ecclesiæ dogmatibus additus, pronunciaverit.

Lib. 1. contra Julianum Pelagianum n. 14. ait: Non est ergo cur provocet ad Orientis Antistites, quia & ipsi Christiani sunt, & utriusque partis terrarum fides ista una est, quia & fides ista Christiana est.

N. 15. Sed non tibi deerit magni nominis, & fama celeberrima illustris Episcopus etiam de partibus Orientis, cujus eloquia ingentis merito gratiæ, etiam in linguam latinam translata usquequaque claruere. Sedeat ergo cum istis Patribus etiam S. Gregorius (*Nazianzenus*), & cum eis tuæ criminationis inanem patiarur invidiam; dum tamen cum eis contra novitiam

pestem vestrā , medicinalem proferat & ipse sententiam.

N. 16. An tibi parva in uno Gregorio Episcoporum Orientalium videtur autoritas ? Est quidem tanta persona , ut neque ille hoc , nisi ex fide Christiana omnibus notissima , diceret ; nec illi eum tam clarum haberent atque venerandum , nisi hæc ab illo dicta ex regula notissimæ veritatis. Sed si vis addimus huic & S. Basilium ; imo , velis nolis , addendus est..... Ideo non ait S. Basilius , ipsam voluntatem hominis , sive substantiam , vel naturam , malum a se posse separare ; sed *ab ea facile posse separari* ; sic verba sua librans , ut & Manichæos , contra quos agebat , refelleret , & contra divinam gratiam , humanam superbiam non extolleret.

N. 19. Sed die non sufficere. Habemus alios Orientales Episcopos quatuordecim..... quos uno loco simul inventos in istum confessum introducere valeamus.

N. 20. Tu interim habes in conspectu , non solum Occidentis , verum etiam Orientis Episcopos. Nam qui nobis deesse videbantur , plures Orientis invenimus ; omnes uno eodemque modo credunt.

N. 21. Sed quid musites novi. Dic jam , dic , audiamus. In extremo tui operis , de quo nunc agimus , idest in quarti libri parte novissima : *Sanctus Joannes* , inquis , *Constantinopolitanus negat esse in parvulis originale peccatum. In ea quippe homilia , quam de baptizatis habuit : Benedictus* , inquis , *Deus , qui facit mirabilia solus ; qui fecit universa , & convertit universa &c.*

N. 22. Itane ista verba S. Joannis Episcopi audes tamquam a contrario tot taliumque sententiis colle-

legarum ejus oponere, eumque ab eorum concordissimâ societate sejungere, & eis adversarium constituere? Absit, absit hoc malum de tanto viro credere, aut dicere. Absit inquam, ut Constantinopolitanus Joanes de baptismo parvulorum, eorumque a paterno Chirographo liberatione per Christum tot ac tantis Coepiscopis suis, maximeque Romano Innocentio, Cartaginensi Cypriano, Cappadoci Basilio, Nazianzeno Gregorio, Gallo Hilario, Mediolanensi resistat Ambrosio. Alia sunt, in quibus inter se aliquando etiam doctissimi, atque optimi regulæ Catholicæ defensores, salva fidei compage, non consonant, & alius alio de una re melius dicit, & verius. Hoc autem de quo nunc agimus, ad ipsa fidei pertinet fundamenta.

N. 23. Vis audire quid etiam ipse de hac re apertissime dixerit? Ecce etiam ipsum numero illi adjungo Sanctorum. Ecce inter meos TESTES, vel inter nostros constituo JUDICES, quem putasti patronum tuum. Ecce & ipsum dicturus es Manichæum. Ingredere Sancte Joannes, ingredi, & confide cum Fratribus tuis, a quibus te nulla ratio, & nulla tentatio separavit. Opus est & tua, & maxime tua sententia, quoniam in tuis litteris iste juvenis invenisse se putat, unde tot tantorumque Coepiscoporum tuorum se arbitratur percellere, & evacuare sententias. Quod si vere tale aliquid invenisset, & quod ipse sentit, te sentire clauisset, nunquam te unum (pace tua dixerim) tot & talibus præferre in ea causa possemus, de qua nunquam fides Christiana, & Ecclesia Catholica variavit. Sed absit, ut tu aliud scires, & in ea tam præcipuus emineres..... Sed ut conferamus ei verum beneficium, falsum ejus non curemus opprobrium.

N. 30. Convinceris, undique : luce clariora sunt testimonia tanta Sanctorum. In quorum Conventum te introduxerim conspice. Hic est Mediolanensis Ambrosius..... Hic est Constantinopolitanus Joannes, quem tu in numero eruditorum, ac Sanctorum excellentissimum in hac ipsa tua, cui respondeo, disputatione posuisti. Hic est Basilius..... Hic sunt & ceteri, quorum te movere debeat tanta consensus. Non est ista, sicut stilo maledico scribis, *conspiratio perditorum*. In Ecclesia Catholica doctrinae sanæ studiis claruerunt; spiritualibus armis muniti, & accincti strenua contra hæreticos bella gesserunt.

N. 31. Non tibi, sicut calumniaris, *solum populi murmur opponimus.....* Sed ecce, quo te introduxit Conventus Sanctorum istorum non est multitudo popularis: non solum filii, sed & Patres Ecclesiae sunt. Ex illo numero sunt, de quibus prædictum est: *Pro patribus tuis nati sunt tibi filii; constitues eos principes super omnem terram*. Ex qua filii generati sunt, ut hæc discerent; ejus patres facti sunt, ut docerent.

Ibidem lib. 2. n. 37. Isti Episcopi sunt, docti, graves, sancti, veritatis acerrimi defensores adversus garrulas vanitates, in quorum ratione, eruditione, libertate, quæ tria bono judici tribuisti, non potes invenire quod spernas. Si Episcopalis Synodus ex toto Orbe congregaretur, mirum si tales possent illic facile sedere. Quia nec isti uno tempore fuerunt: sed fideles, & multis excellentiores paucos dispensatores suos Deus per diversas ætates temporum, locorumque distantias, sicut ei placet, atque expedire judicat, ipse dispensat. Hos itaque de aliis, atque aliis temporibus, atque regionibus, ab Oriente, & Occidente congregatos vides....

des..... Quanto tibi essent isti iudices optabiliores, si teneres catholicam fidem, tanto tibi sunt terribiliores, quia oppugnas catholicam fidem, quam in lacte suxerunt, quam in cibo sumpserunt, cujus lac, & cibum parvis magnisque ministraverunt, quam contra inimicos, etiam Vos NONDUM NATOS, unde nunc revelamini, apertissime, ac fortissime defenderunt. Talibus post Apostolos Sancta Ecclesia plantatoribus, rigatoribus, ædicatoribus, pastoribus, nutritoribus crevit.

Ibidem lib. 3. n. 2. Sed obsecro te, quomodo (*dicti Patres*) causam vestram, qui damnaverunt, ante cœperunt odisse, quam nosse? Qui eam proculdubio, quia noverant, oderant. Noverant enim vos dicere, nihil mali parvulos habere nascendo, quod purgari debeat renascendo. Noverant vos dicere, gratiam Dei secundum merita nostra dari; ut jam gratia non esset gratia, quia non gratis daretur, sed secundum debitum redderetur..... Hæc in vobis noverant, & rectissime oderant.

ANIMADVERSI O.

258. Postquam brevissimum Calvinianæ, & Jansenianæ doctrinæ specimen exhibuimus, ex quo mira, quoad præcipuos errores, ac errorum fontes in re nostra, consensio relucet, hic animadvertere nequaquam pigeat, utriusque damnatæ doctrinæ Sectatores eandem viam tenuisse, ut se a Prædestinarianorum hæresi purgarent. Calviniani quidem, cum opinionem suam ab hujusmodi errore secernere minime possent, audaci consilio statuerunt, fidem historicorum, circa Prædestinarianorum existentiam, rejiciendam fore, quamvis ab

Au-

Augustini ætate ad seculum usque millesimum sexcentissimum hæresis Prædestinatio ab Orthodoxis fuerit impugnata. Primus qui hæresim hanc inter fabellas recensuit, quidam fuit Jacobus Usserius, Hibernorum Calvinistarum antesignanus. Is etenim, duplici libro Dublinii edito, quorum alter prodiit anno 1631. cui titulus est: *Goreschalci, & Prædestinatio controversia ab eo mota historia*, alter vero anno 1639. inscriptus: *Britannicarum Ecclesiarum antiquitates*, acriter Catholicis Scriptoribus insultat, quod Prædestinatio opinionem, tamquam hæresim proscribant, contendens, non alios fuisse Prædestinarios, quam qui Augustini doctrinam adversus Semipelagianos propugnarunt. Jansenius similiter optime noscens, doctrinam prædestinationis ab se traditam, a damnata Calvinii doctrina minime secerni, eadem via, ab invidia, quam ex illa Prædestinatio hæresi sibi constari cernebat, liberare se studuit, Scriptores nimirum, qui illius hæresis meminerant, tamquam Augustinianæ doctrinæ calumniatores mordaci stylo traducens. Quam immerito, id Jansenius cum Calvinistis præstiterit, quotque falsitatibus caput ultimum Libri octavi de hæresi Pelagiana, scateat, videre est apud Cl. P. Dechanips (171) & Cl. P. Allermet (172), qui Prædestinatio hæresis existentiam, ejusque damnationem, adeo probant manifeste, ut nihil sane reliquum sit desiderare. Ceterum mirabuntur non pauci, voluisse Jansenium frustra penitus in hoc laborare. Quamvis etenim demus, prædestinatio-

(171) *De hæresi Janseniana* lib. 1. disp. 7. cap. 6. & 7. & lib. 2. disp. 7. cap. 4. & 5.

(172) *Part. 2. tract. de Gratia* quest. 2. & 3. a pag. 270. usque ad 353. edit. Parisiens.

tionis doctrinam a se traditam, neutiquam in Prædestinato, & Goteschalco fuisse damnatam; quid ipsi utilitatis? Neminem latet, in Calvino atro carbone fuisse ab Ecclesia notatam. Nisi dicamus, voluisse Jansenium sub Prædestinationorum nomine Calvinī doctrinam tueri, quam adoptaverat.

CONCLUSIO

259. Meo videri, ea, quæ hucusque retulimus, satis superque ostendunt, Jansenii systema de medicinali gratia Christi tantum abesse ab Augustini doctrina, ut imo Lutheri, Calvinī, aliorumque damnatorum hominum placitis plane consentiat. Cum etenim hi Catholica doctrinæ subverfores illud ipsum, quoad præcipua dogmata, aperte doceant, quod, admissio Janseniano systemate, dandum a nobis necessario est; manifestum relinquitur, & Jansenianum systema illis plane favere, indeque a viro Catholico, sine crimine violatæ fidei, propugnari nullatenus posse. Non enim tuta fide, salvaque religione, defendi potest systema, cujus fundamentalibus admisis principis, damnata dogmata necessum est approbare.

F I N I S.

IN-

I N D E X

RERUM NOTABILIVM

QUÆ IN PRIMA, ET SECUNDA PARTE
continentur, in quo numerus marginalis
citatur.

A

Adjutorium sine quo non negatur a *Fansenio* in statu
nature lapsæ: inde error juris & facti respectu
Masiliensium. n. 155. Idem adjutorium explicatur a
Fansenio contra mentem *S. Augustini*. n. 232.

Adamo, & *Anzelis* concessa fuit gratia, secundum *Fansenium* sine qua non, qua uti poterant, & non uti:
eam vero negat homini lapsò dari. n. 156. *S. Augustinus*
& contra. n. 229.

Agens dicitur necessario agere tripliciter. n. 2.

Antecedens necessitas operandi alia contrarietatis, seu
specificationis: alia contradictionis, sive exercitii: alia
simplex: alia coactionis. n. 7. 8. 9.

Amor, & timor ad omne recte factum ducit, & ad omne
peccatum, secundum *S. Augustinum*. n. 201. 202. 203.

Animo equaliter affecti duo homines, cur unus cadat vi-
dens alicujus corporis pulchritudinem, alter vero in
pudica voluntate perseveret, sola voluntas assigna-
tur ab *Augustino*. n. 211. 212.

S. Ambrosius docens, virginitatem martyres facere, è
medio tollit delectationem cœlestem, relativè superio-
rem

- rem ; & moralem necessitatem perseverandi in virginitate , quam admittunt Augustiniani. n. 189.
- Immerito nihilominus tamquam Jansenista traducuntur : etenim eorum systema nondum fuit ab Ecclesia reprobaturum. n. 162.
- Arbitrii definitio a Scholasticis tradita , vocatur a Jansenio ignota Augustino , discipulis , & posteris a multa secula. n. 109.
- Arnaldus , Pascalius , Irenaeus , alique negare ausi sunt , propositiones quinque damnatas , in Augustino Jansenii contineri. n. 176.
- S. Augustinus nunquam docuit , libertatem a coactione sufficere ad merendum , & demerendum. n. 229.
- Neque intelligendus est de delectatione indeliberata , quando ait : quod amplius nos delectat &c. 205. 206. 207.
- Auxilia sufficientia omnibus dari negat expresse Jansenius cum Calvino. pag. 333. 348.

B

- Beatorum , Angelorum , Damonum , libertate utitur Jansenius , Calvini exemplo , ut libertatem hominis cum necessitate conciliet. pag. 340.
- Beza , Deum velle omnes salvos fieri , Pelagianorum objectionem vocat ; idemque docet Jansenius. pag. 346.
- Bilancis instar , secundum Jansenium , se habet humana voluntas , quae tamquam majori ponderi , superiori cedit delectationi. n. 52. 53.
- Bonum est necessario , vel malum , quidquid modo agimus , secundum Jansenium. n. 94. usque 99.

C

- Calvinus eandem libertatem a coactione admisit, quam tradidit Fansenius.* pag. 342.
- Christum non esse mortuum pro omnibus, manifeste sequitur ex Fanseniano duarum delectationum principio.* n. 164.
- Hunc errorem revera in suo Augustino docuit Fansenius.* n. 165.
- Expresse id opponitur divina Scriptura.* n. 199.
- Ut falsum sit Fansenianum dogma, non est necesse, ut Christum dicamus mortuum pro quolibet reprobo.* n. 166.
- Ad declinandum hunc errorem, non sufficit si dicatur, etiam reprobis merito passionis Christi eam a Deo gratiam conferri, quam Fansenius, ejusque partiarum parvam appellant.* n. 168. 174.
- Confectaria viginti necessario admittenda in systemate Augustiniano.* n. 189.
- Rationibus iisdem probantur, quibus probantur confectaria systematis Fanseniani, mutato vocabulo necessitatis, & impossibilitatis physicae, in necessitatem, & impossibilitatem moralem.* n. 190.
- Contradictio Fansenianorum in distinctione juris, & facti.* n. 178.

D

- Delectatio sive cælestis, sive terrena, secundum Fansenium, est indeliberata; & ab alterutra moti semper necessario operamur.* n. 44. usque 49.
- Absque illa nihil possumus.* n. 42.
- Contrarium docet S. Augustinus.* n. 201. 209.
- Delectationi intensius superiori, necessario, secundum Fan-*

- Fansenium assentimur : si aequales sint , voluntas nihil operatur.* n. 50. usque 54.
Expresse adversatur hoc S. Augustino. n. 204.
Delectatio , secundum Fansenium , non est victrix absolute , sed relative : eadem esse potest victrix , & victa. n. 55. 56. 57.
Delectatio cœlestis relative superior terrena , adeo necessaria est in systemate Fanseniano ad bene agendum , ut sine ipsa physice impossibile sit bene operari. n. 78. usque 83.
Absque illa necessario peccamus , urgente tentatione. n. 84. 85. 86.
Cum illa impossibile physice est , ut male operemur. n. 87. usque 93.
Adversatur hisce principiis S. Augustinus. n. 204.
Deum precipere impossibilia docet Fansenius. n. 129. 130. 131.
Similiter , Deum nolle omnes salvos fieri. n. 172. 173.
Textum Apostoli iisdem verbis explicat ac Calvinus. n. pag. 344. 345. 346.

E

- Ecclesiæ iudicio standum est , etiam in rebus facti , quidquid dixerit. Contensonius.* n. 178.
Iure ac merito quinque propositiones damnavit in sensu Fansenii. n. 179. 180. 181.
Electiōis , & reprobationis , quam tradit , doctrinam , a Calvino didicit. Fansenius. pag. 349. 350.
Quos Deus non eligit , positive secundum Fansenium , hoc ipso reprobatur , & reprobationis causam , cum Calvino , ab uno peccato originali desumit. pag. 348. 349.
Aequalium , & inaequalium delectationum conficius ,
 Aa 2 quæ

quæ ut pondera in bilance, se habent respectu voluntatis.

n. 50. usque 54.

F

Fatalistis aperte favet Fansenius.

n. 52. 194.

Facilia admonemur a Deo, ut agamus: in difficilibus vero quid petamus, docet Augustinus.

n. 228.

Fraus Fansenii, & Fansenistarum detegitur a Tournely, & Gravesonio, quando difficultatibus pressi, videntur admittere veram potentiam.

n. 120.

Frustra leges dantur, frustra objurgationes, laudes, exhortationes adhibentur, si Fansenii systema admittatur.

n. 193.

G

Gratia alia actualis, alia habitualis.

n. 28.

Gratia actualis, penes potentiam, quam confert, sufficiens dicitur; penes actum qui elicitur, efficax, & inefficax.

Ibidem.

Gratia catholice sufficiens explicatur.

n. 29.

Alia sufficiens physice, alia moraliter; alia proxime, alia remote.

n. 30. 31.

Gratia efficax, & inefficax quid sit.

n. 35. usque 41.

Secundum Fansenium, gratia Christi actualis, in indeliberata cœlesti delectatione est sita.

n. 67. 68.

Efficacem gratiam ponit Fansenius in delectatione cœlesti relative superiori.

n. 69. 70. 71.

Non est intrinsecus diversa ab inefficaci.

n. 74. 75.

Gratia parva Fanseniana ad quid valeat.

n. 138.

Gratia qualibet potest dici efficax.

n. 143. 144.

Gratiam negare, cui humana voluntas possit resistere, non tantum hæresim sapit, ut docet P. Serry, sed est hæreticum.

n. 163.

Ad-

*Admissa sola gratia efficaci in statu naturæ lapsæ, omnes
 Jansenii propositiones sunt admittenda.* n. 185. 186. 187.
*Græci Patres vindicantur a calumniis Jansenii, & Calvinii,
 auctoritate S. Augustini.* n. 257.

I

*Jansenius nullam gratiam admittit in homine lapsa, cui
 voluntas possit resistere si velit, vel si velit possit obtem-
 perare.* n. 156. 157.

*Fateatur Ecclesiam improbasse in Calvino, quod negaverit
 liberum arbitrium. Calvinus tamen liberum arbitrium
 admisit eodem modo, quo Jansenius.* pag. 342.

*Jansenius sibi met contradicit, quando videtur admittere li-
 berum arbitrium.* n. 110.

Non vero quando admittit gratiam inefficacem. n. 141.

Lux est cœlestis delectatio gradibus inferior terrena. n. 72.

*Janseniani magnam vocant gratiam efficacem, parvam
 vero vocant, inefficacem.* n. 77.

Jansenianæ hæreseos radicem notat P. Serry. n. 152.

*Ignorantia invincibilis, secundum Jansenium, non excusat
 a peccato.* pag. 330. 331.

Hunc errorem didicit a Calvino, & Luthero. Ibidem.

Impossibile tripliciter dicitur, ut agens operetur. n. 1.

Impossibilia non præcipit Deus. n. 196.

*Impotentia implendi Dei præcepta, secundum Jansenium, tanta est, ut neque ad orationem patcat recur-
 sus.* n. 134. 135.

Indifferentia agendi duplex accurate distinguenda. n. 14.

Eam expressè negat Jansenius, cum Calvino. pag. 337.

*Infalibilitas actus, sub delectatione superiori Jansenistis
 mul-*

multum sapit, ac parum curant, sive physica, sive moralis dicatur necessitas. n. 188.
Insufficiens gratia physice, & moraliter, quid sit. n. 32. 33. 34.

L

Libertas alia a necessitate, alia a coactione; alia contrarietatis, alia contradictionis. n. 10. 11.
Libertas Philosophica, & electionis. n. 13.
Libertas a coactione clare explicatur. n. 15. 16. usque 25.
Sola libertas a coactione a Fansenio admittitur. n. 102.
 103. 104. 105. 112. 114. 151. 152.
Eam didicit a Calvino, Lutero, & Bucero. pag. 341. 342.
Oppositum docet Divina Scriptura. n. 292.
Lutherus falsam vocat Scholasticorum sententiam de ignorantia invincibili excusante. pag. 330.

M

Malum necessario operamur, secundum Fansenium, delectatione cœlesti relative superiori destituti. n. 84. 85. 86.
*A malo necessario declinamus sub delectatione victri-
 ci.* n. 87. usque 93.
Molinianis nihil penitus est cum Semipelagianis. n. 162.
*Manicheïsmum profitetur, qui Fansenianum principium
 duarum delectationum, & solam libertatem a coactione
 admittit.* n. 195.
*Moralis necessitas bene operandi, & moralis impossibilitas
 ab Augustinianis admissa, non ita facile distinguitur a
 necessitate, & impossibilitate physica.* n. 188.
 189. 190. 191.
*Verum nondum reprobaturum est ab Ecclesia eorum syste-
 ma*

- ma; non nisi injuria Jansenistæ idcirco vocatur. n. 262.
 Mortuum esse Christum pro omnibus, pretii sufficientia,
 non autem animo redimendi, fuit cavillatio Calvinii,
 quam adoptavit Jansenius. n. 199.

N

- Necessitas operandi metaphysica, physica, & moralis.* n. 2.
Alia antecedens, alia consequens. n. 3.
Antecedens, alia simplex, alia coactionis. n. 8. 9.
Utramque S. Anselmus explicat. n. 4.
Necessitas antecedens dicitur absoluta, & consequentis; consequens dicitur hypothetica, & consequentie. n. 5. 6.
Necessitas obsequendi vividiori delectationi, secundum Jansenium, est antecedens. n. 58. 59.
Est vera, realis, & physica. n. 60. usque 66. & 113.
Necessitas peccandi in individuo, debet admitti in systemate Janseniano. n. 100.
Eandem necessitatem docent Jansenius, & Calvinus. n. 198.
Necessitas moralis non videtur sufficiens ad declinandam suspicionem Jansenismi. 188. 189. 190. 191.
Nota Jansenismi ut declinetur, quid non sufficiat, & quid necesse sit. n. 184.

O

- Observationes quatuor in systema Jansenii, quibus errores, consequentia, ac censura exponuntur.* n. 175.
Subversivum juris, & facti impugnatur. n. 177.
 Ora-

Orationis quoque gratia aliquando deficit, secundum Fan-
senium. n. 134. 135.

P

- Principia fundamentalia Fansenii.* n. 42. 43. 50.
Principium duarum delectationum Fansenii, non potest
admitti, quin quinque admittantur damnata propo-
sitiones. n. 80. usque 184.
Potentiam respicit delectatio victrix Fansenii. n. 111.
Potentia absoluta & relativa attente distinguenda, ne a
Fansenianis decipiamur. n. 118. 119. 132. 133.
Posse a Deo gratiam recipere, qua precepta impleamus,
non est posse ea implere. n. 136. 137.
Potentia physica implendi Dei mandata, atque cœlesti su-
priori delectatione, non satis constat. n. 191.
Propositiones quinque Fansenii revera continentur in ipsius
Augustino. Prima n. 129.
Adversatur Divina Scriptura. n. 196.
Pontificum censura adversus Fansenii propositiones, &
Fansenianorum cavillationes. n. 176.
Philosophia mater errorum, & hæreticorum nimis temere
vocatur a Fansenio. pag. 329.

Q

- Quarta Fansenii propositio in ipsius Augustino contine-*
tur. n. 155. 156.
Rite ab Ecclesia proscripta. n. 161. 162.
Eam tradit etiam P. Serry. Ibidem.
Quinta propositio pariter continetur in Augustino Fan-
senii. n. 165.
Ad-

- Adversatur Divina Scriptura. n. 199.
 Quatuor tantum modis, secundum Fansenium, nobis possibilia observatu sunt Dei precepta. n. 131.
 Questio juris, & facti dogmatici ad Ecclesiam pertinet. n. 161. 162.
 Fanseniani oppositum docent. n. 177.
 Verum in hoc sibi metipsis contradicunt. n. 178.

R

- Relativa sola victrix delectatio, secundum Fansenium, reddit nobis precepta Dei observatu possibilia. n. 130.
 Resistere gratiae supponit relativam potentiam assentiendi, & cooperandi. n. 145.
 Gratiae, cui moraliter possibile est consentire, docent Augustiniani, nunquam resisti. n. 189.
 Adversatur hoc S. Augustino. n. 226. 227.

S

- Sensus quinque propositionum Fansenii. n. 128. 139. 142. 149. 153. 164.
 Secunda Fansenii propositio continetur in ipsius Augustino. n. 140.
 Adversatur Divina Scriptura. n. 197.
 Systema Fansenianum, seu principium duarum delectationum pro graduum superioritate invincibilium jure ac merito ab Ecclesia proscriptum, quidquid multis dicat quidam fabulator, cui bone quidem est, quod latet anonimus; ceterum periculum esset, ne ex fabulatore fabula fieret. n. 185.

in

In ipso systemate omnis interior gratia Christi, vel efficax est, vel ita inefficax, ut ad bene operandum non sufficiat. n. 115. 116. 121. 122. 123.

Semipelagianorum error secundum Fansenium. n. 155.

Scholastici insimulantur a Calvino, & Fansenio, tamquam gratia subversores, pro stabilienda arbitrii libertate. pag. 329.

Sufficiens gratia juxta Ecclesiae doctrinam. n. 120.

Sufficientia gratia relativa, & absoluta, accurate distinguenda. n. 117.

T

Tertia Fansenii propositio continetur in ipsius Augustino. n. 150. 151. 152.

Adversatur Sacra Scriptura. n. 198.

Testimonium illud S. Augustini: quod amplius nos delectat &c. omnino contra mentem S. Doctoris explicatur a Fansenio de delectatione indeliberata. n. 204.

Thomisticam etiam, non solum Molinianam, gratiam sufficientem, negat Fansenius. n. 124. 125. 126.

V

Velle Deum omnes salvos fieri explicatur a Fansenio non pro singulis generum, sed pro generibus singulorum, sic edoctus a Calvino. pag. 343. 344.

Victrix gratia semper efficax, non e contra. n. 147. 148.

Violentia sola opponitur libertati, secundum Fansenium. n. 104.

Voluntarium, & spontaneum minime distinguuntur. n. 26.

Vo-

37^e
Voluntas sub delectatione superiori, secundum Fansenium;
non est libera libertate exercitii, seu a simplici ne-
cessitate.

n. 107. 108.

Voluntas non semper operatur propter delectationem.
n. 201. 202.

182

... ..
... ..
... ..
... ..

AD 1 1461917





